

ማዢንቲ ማፃኣፔ ዓይያ ካር

ማዢንቲ ማፃኣፕ ሳዖንታ ጫሪንጮንታኮ ማዢንቲ ዛላ፡ ዓሲ ዜርሢኮ ሙኪሢ ዛላ፡ ጎሜና ዋኣዮ ናንጊኮ ዓይያና ያኦሲ ዓሲ ዜርሢኒና ዋላ ዓኣ ካኣሚያ ዛሎ ኬኤዛኔ፤ ማዢንቲ ማፃኣፕ ላምዖ ጴጌፕ ጴጌፕ ቤሲ ፓቂንታኔ።

1. ዓይሢ 1—11 ሄላንዳኣና፡- ሳዖና ጫሪንጮናኮ ማዢንቲና ዓሲ ዜርሢኮ ቤርታኣ ሃይሶዋ ኬኤዛኔ፤ ዓዳኣሚና ሂዋኣኖናኮ፡ ቃኣዔኤሌና ዓኣቤኤሌናኮ፡ ኖሃና ባይሲንቶ ዋኣዖናኮ፤ ዴያጉዲ ሃሣ ባብሎኔ ጌይንታ ቤዛ ማዢንቲ ጴጌፕ ሹጮ ኬኤሎናኮ ሃይሳ ጴዳሢ ዩኖ ቤዘይዳኬ።

2. ዓይሢ 12ፕ ዴንዲ 50 ሄላንዳኣና፡- ዩና ቤዛ ዒሰራዔኤሌ ዓሰኮ ቤርታኣ ዓዳንሢ ሃይሶ ኬኤዛኔ፤ ዔያቶ ባኣካፕ ቤርታዲ ያኦሲ ጉሙርቂያና ያኦሲሞ ዓኣ ዓይሢንቲያና ዔርቲያ ማዔሢ ዓብራሃሜኬ፤ ዩካፕ ዒዛኮ ናኣዚ ዪሳኣቂንታ ናኣዚ ናዖ ማዔሢ ያይቆኦቤንታ ታጶ ላምዖ ያይቆኦቤ ናኣቶ ሃይሳ ሄሊ ኬኤዚንቲኔ፤ ዩንሢያ ታጶ ላምዖ ያይቆኦቤ ናኣቶንሢ፡ ታጶ ላምዖ ዒሰራዔኤሌ ያጶኮ ቤርታሳዘንሢኬ፤ ዩንሢ ታጶ ላምዖ ዒሰራዔኤሌ ናኣቶ ባኣኮይዲፕ ዲማና ዮሴፔ ዛሎ፤ ዩያጉዲ ሃሣ ያይቆኦቤ ዛላና ዒዛኮ ናኣታ ማኣር ዓሰና ዋላ ጊብፃ ዓጮ ዔኪ ሙኬ ባኮ ዛሎ ኮሺ ኬኤዛኔ።

ሃና ማፃኣፕ ዴሬ ሃይሴ ዛላ ባኣዚ ኬኤዛያ ማዔቲያ ቢያፕ ዑሣ ኬኤዛሢ ያኦሲ ማዳ ማዳ ዛሎኬ፤ ያኦሲ ሳዖና ጫሪንጮና ማዢ ሃይሶ ኬኤዚሢ ዓርቂያ ያኦሲ ዴርሞ ማሊያ ሃሹዋኣሢ ዔርዛያ ማዔ ሃጊ ማዓንዳ ዋዘ ፔጋሲሢኒ ኩንሢኔ፤ ማፃኣፔሎኮ ካራፕ ዴንዲ ጋፕ ሄላንዳኣና ዓኣ ፑኤፕ ሃይሶ ዓዴ፡ ዳቢንታ ዓሰ ዑይይዳ ጎሪንታሢና ዋጋሢ፡ ዴር ዔኪ ዓኣዳሢና ማኣዳሢ፤ ሃሣ ዔያታ ናንጋ ናንጎ ሃይሶ ዔያቶኮ ጊኢጊሻሢ ፔ ቶኣኪና ያኦሲኬ። ሃይ ሚርጌ ዋዴኮ ቤርታ ዓኣ ማፃኣፕ ያኣፒንቲሢ ዴርኮ ያኦሲ ጉሙርቂያ ኬኤዛኒና ዩያ ጉሙርቂያና ናንጊና ባይቂዋያ ማዒ ናንጋንዳጉዲ ማሃኒኬ።

ማፃኣፔላ ዲማ ዲማ ዓርቂ ባኮ

ሳዖና ጫሪንጮና ሃሣ ዓሲኮዋ ማዢንቲ (1:1—2:25)

ጎሜና ሜቶናኮ ዓይያ (3:1-24)

ዓዳኣሚይዲፕ ዴንዲ ኖሃ ሄላንዳኣና ዓኣ ሃይሶ (4:1-5:32)

- ኖሃና ባይሲንቶ ዋኦ ዛሎ ሃይሶ (6:1-10:32)
- ባብሎኔ ሹጮ ከኤሎ ዛሎ (11:1-9)
- ኖሃ ናኣዚ ሴኤሜይዳፓ ዴንዲ ዓብራሃሜ ሄላንዳኣና ዓኣ ሃይሶ (11:10-32)
- ቤርታኣ ዓዶንሢ ዓብራሃሜንታ ዪሳኣቄንታ ያይቆኦቤንታ ዛሎ (12:1—35:29)
- ያይቆኦቤ ናኣዚ ዔኤሳዎ ዜርዎ ሾይንቶ (36:1-43)
- ዮሴፔና ዒዛኮ ጌርሲንሢና ዛሎ (37:1—45:28)
- ዒሰራዔኤሌ ዓሶኮ ጌብፄ ዓጮይዳ ናንጊዶ (46:1—50:26)

ሳዓኮ ማዢናጥ ጎይሢ

- 1 ቤርታዲ ያኦሲ ጫሪንቸና ሳዓና ዔኤቢ ባኣያይዳፓ ማዢኔ።
- 2 ዬኖ ዎዶና ሳዎኮ ሃማኬ ጌዒ ዔርታ ባኣዚ ባኣያ፤ ሃሢ ፔቲታዎ ዒዚይዳ ዓኣ ባኣዚያ ባኣያኮ። ሚርጌና ዔቲ ማዔ ዴኤፖ ዒጊቻ ዎኣዎ ዑያይዳ ሻኔ ዲሚ ዓኣኔ፤ ያኦሲኮዎ ዓያና ዎኣዎ ዑያይዳ ሴካ ሃንጋ ጋዒ።
- 3 ዬካፓ ያኦሲ «ፖዒ ፖዎንጎ» ጌዒ ዓይሣዛ ፖዔ።
- 4 ያኦሲ ፖዒ ዛጋዎ ዒ ማዢ ባኮና ዎዛዴኔ፤ ዬካፓ ያኦሲ ፖዒ ዲሚፓ ዲሚሲ።
- 5 ፖዎ «ሮኦሪ» ጌዒ፣ ሃሢ ዲሞዎ «ዎንቴ» ጌዔ። ሳዓ ዓሚ ካሬኔ፤ ዬና ፔታሳ ቤርታሲ ከሌ ማዔ።
- 6 ዬካፓ ያኦሲ «ዎኣዎ ዎኣያይዳፓ ፓቂ ቃዛያ ሳዎኮ ዑያይዳ ሌካ ዴጌ ቤሲ ማዎንጎ» ጌዒ ዓይሣዛ ማዔ።
- 7 ያኦሲ ዬያይዲ ሌካ ዴጌ ዎኣዎኮ ሳዛ ጉሪ ቤሲ ማዢኔ፤ ዬካፓ ያኦሲ «ዬና ጉሮ ቤዘኮ ዴማ ዓኣ ዎኣዎና ዑፃ ዓኣሢና ፓቂንቶንጎ» ጌዔ።
- 8 ያኦሲ ዬኖ ሳዎኮ ዑፃ ዴጌ ጌዔ ጉሮ ቤዘ «ጫሪንቸ» ጌዔ። ሳዓ ዓሚ ካሬኔ፤ ላሞዓሳ ከሌ ማዔ።
- 9 ዬካፓ ያኦሲ ፃኣዲ ዓጪ ፔጋዲ ጴዳንዳጉዲ ጫሪንጮኮ ዴማ ዓኣ ዎኣዎ «ፔቲ ቤሰካ ዴዎም» ጌዔ። ዒዚ ጌዔሢጉዴያ ማዔ።
- 10 ያኦሲ ፃኣዲ ዓጮ «ሳዓ» ጌዒ፣ ሃሢ ፔቲ ቤዘ ዴዒ ዓኣ ዎኣዎ «ዴኤፒ ባዚ» ጌዔ። ያኦሲ ዬያ ዛጋዎ ማዢ ባኮና ዎዛዴኔ።
- 11 ዬካፓ ያኦሲ «ሳዓ ቲኮ ሚሢንታ ሃኣኮ ዜርሢ ጉቤ፤ ሃሢ ዓኣፒ ዓኣፓ ሚሢ ዲማ ዲማ ባቃሊሶንጎ» ጌዒ ዓይሣዛ፣ ዒዚ ጌዔሢጎይያ ማዔ።

1:3 2ቆሮ. 4:6። 1:8 2ጳዲ. 3:5።

12 ዬያ ጎይፆና ሳባ ቢያ ባኮ ባቃልሴም፣ ፆኦሲ ዬያ ዛጋፆ ማዢና ባኮና ዋዛጴኔ።

13 ሳባ ባመጥ ካሬኔ፤ ሃይሣሳ ከሌ ማዔኔ።

14 ዬካፓ ፆኦሲ «ሮኦሮ ዋንታፓ ዲማሳኒ ዲማ ዲማ ፖሲ ጨሪንጮይዳ ማፆንጎ፤ ዲማ ዲማ ከሎንታ፣ ሌፆንታ ሌፆይዳ ባኦ ዲማ ዲማ ዋዳኦ ሳርቃ ዋድ ዲማሲ ዔርዛ ማላታ ማፆንጎ፤

15 ሳፆም ፖሳኒ ጨሪንጮ ማሲ ፖፆንጎ» ጌሲ ዓይሣዛ ማዔኔ።

16 ዬያይዲ ፆኦሲ ላምፆ ጴኤፒ ፖሲ ዔኤቢ ባኦያይዳፓ ማዢና፤ ፑኡፒ ፖሲ ፖሳ ባቢ ሮኦሪ ፖሳንዳጉዲ፣ ሃሣ ገንሣ ጳካ ፖሲ ፖሳ ባገኒ ዋንታ ፖሳንዳጉዲ ማሃፆ ዬያጉዲ ሃሣ ዠኦጎዋ ማዢና፤

17 ዬንሣ ፖፆንሣ ጨሪንጮ ዴባንዳጉዲ ጌሣኔ፤ ዬያ ሲ ማጴሣ ሳፆም ፖሲ ፖሳንዳጉዲ፣

18 ሮኦሪና ጴሚናይዳ ፖሳንዳጉዲና ዲሚ ፖሲዳፓ ዲማሳንዳጉዴያከ። ፆኦሲ ዬያ ዛጋፆ ማዢና ባኮና ዋዛጴኔ።

19 ሳባ ባመጥ ካሬኔ፤ ፆይዳሳ ከሌ ማዔኔ።

20 ዬካፓ ፆኦሲ «ዋኦሣዳ ዲማ ዲማ ሸምፖና ባኦ ማዢናጥ ዲቢ ባኦያ ማፆንጎ፤ ካፒያ ሳፆኮ ዑፃ ጨሪንጮይዳ ባራናጎጎ» ጌዔኔ።

21 ዬያይዲ ፆኦሲ ፑኡፒ ፑኡፒ ባዚ ቦፆንታ ማሌ ዋኦያይዳ ናንጋፆና ባገፆ ዲማ ዲማ ማዢናጥ፤ ሃሣ ዲማ ዲማ ካፖዋ ዔኤቢ ባኦያይዳፓ ማዢና። ፆኦሲ ዬያ ዛጋፆ ማዢና ባኮና ዋዛጴኔ።

22 ፆኦሲ ዔያቶ «ሸይ ሚርጉዋቱ፤ ዜርፃ ዒንሣኒ ባዘ ዋኦያ ከሞንጎ፤ ካፓኦ ሳፆይዳ ሚርጎንጎ» ጌሲ ባንጃኔ።

23 ሳባ ባመጥ ካሬኔ፤ ዶንጋሳ ከሌ ማዔኔ።

24 ዬካፓ ፆኦሲ፡- «ሳባ ዲማ ዲማ ማዔ ሸምፓ ባኦ ማዢናጥ ጌይፆ ዲማ ዲማ ቆሎንታ፣ ጳካንታ ጴኤፒንታ ማዔ ካይዚ ቦፆ ማዢናጥ፤ ዴዲሶንጎ» ጌሲ ዓይሣዛ ማዔኔ።

25 ፆኦሲ ዬያይዲ ሸምፓ ባኦ ማዢናጥ ቢያ ማዢና፤ ዒዚ ዬያ ዛጋፆ ማዢና ባኮና ዋዛጴኔ።

26 ዬካፓ ፆኦሲ፡- «ባሲ ኑኡኒ ኑ ማሎና፣ ኑና ማላያ ዔኤቢ ባኦያይዳፓ ማዢና፤ ዬንሣ ዒሶንሣኒ ባዘይዳ ናንጋ ሞላሣ ዑፃ፣ ጨሪንጮ ካፖ ዑፃ፣ ቆሎንታ ካኖ ቦፆ ጳካንታ ጴኤፒንታ ዑፃ፤ ሃሣ ዬያጉዲ ሳፆ ቢያይዳ ቢታንቶ ባኦያ ማፆንጎ» ጌዔኔ።

27 ፆኦሲ ዬያይዲ ባሲ ማዢና፤

ፔ ማሎና ፔና ማላያ፣
ባቲንቄና ላኦሊና ማሂ ማዢና።

28 ያኦሲያ ዓሲ «ሸይ ሚርጉዋቱ፣ ፃጳ ዒንሢኮ ሳዖ ኩሞንጎ፤ ሳዓኣ ዒንሢሢ ቢታንቶኮ ደማ ማፃንጎ፤ ባዘይዳ ናንጋ ሞላሢ ዑፃ፣ ጫሪንጫ ባራና ካፖና ሳዖይዳ ዓገፂ ሃንታ ሼምፖና ዓኣ ባኮ ቢያ ዑፃ ዒንሢኮ ቢታንቶ ዓኣያ ማፃንጎ» ጌዒ ዓንጃ።

29 ያኦሲ ዔያቶም ኬኤዘዖ፡- «ሙኡዚ ዒንሢሞ ማዓንዳጉዲ ሳዖይዳ ጴዳ ሃኣኮንታ ዓኣፒ ዓኣፓ ሚሢንታ ታኣኒ ዒንሢሞ ዒንጌ።

30 ሃሣ ዩያጉዲ ቆሎንታ ካዮ ቦዖንታም፣ ጫሪንጫ ባራና ካፖንታ ሳዖይዳ ዓገፃ ሼምፓ ዓኣ ማዢንቶንታ ዑኡሲ ዔካ ሼምፔና ዓኣ ማዢንቲም ቢያ ሙኡዚ ማዓንዳጉዲ ዓኣዔ ማኣቲና ዒላሺና ታኣኒ ዒንጌ።» ጌዔ፤ ዩይያ ዒዚ ጌዔ ጎይፃ ማዔ።

31 ያኦሲ ማዢ ባኮ ቢያ ዘጋዖ፣ ዑሣ ዓኣጴ ዋዛጴ። ሳዓ ዓሚ ካሬ፤ ላሃሳ ኬሊ ማዔ።

2

1 ጫሪንጫና ሳዖና፤ ሃሣ ዔያቶይዳ ዓኣ ባኮኮ ቢያ ማዢንቲፃ ያዒዲ ጋፔ።

2 ያኦሲ ላሃሳ ኬሎና ማዶ ቢያ ጋፒሲ ለንካሳ ኬሎ ማዶ ሃሼ።

3 ያኦሲ ማዢፃ ማዶ ቢያ ሃሼ ኬላ ዒማና ማዔሢር ለንካሳ ኬሎ ዓንጂ ዲማሴ።

4 ዩያር ጫሪንጫና ሳዖና ዔኤቢ ባኣያይዳፓ ማዢንቲ ዋዶና ማዢንቶ ሃይሳ ያዲኬ።

ያኦሲ ዓቲንቄና ላኣለና ማዢሢ

ናንገና ናንጋ ጎዳ ማዔ ያኦሲ ጫሪንጫና ሳዖና ማዢ ዋዶና፡-

5 ሳዖይዳ ዒርዚ ዋርቄሲባኣያ ማዔም፤ ሃሣ ሳዖዋ ጎሽካ ዓሲ ባኣሢር ሳዖይዳ ፔቲታዖ ባቃሊ ዓኣ ባኣዚ ባኣሴ፤

6 ያዒ ማዔቶዋ ሳዖይዳፓ ቱር ዓለቃ ዋኣሢ ፃኣጴ ሳዖ ቢያ ዑሻ።

7 ዩካፓ ናንገና ናንጋ ጎዳ ማዔ ያኦሲ ሳዖ ዓጮይዳፓ ዔኪ ዓሲ ዓጪና ማዢ፤ ሲኢዶና ናንገ ዒንጋ ዑኡሲ ዑኡዜ፤ ዓሲያ ሼምፖና ናንጋ ማዢንቲ ማዔ።

8 ናንገና ናንጋ ጎዳ ማዔ ያኦሲ ዓቦኮ ኬዞ ዛሎና ዔዴ፤ ጌይንታ ኮሺ ቤሲ፣ ዲማ ዲማ ባቃላ ሚሢ ዓኣ ቤሲ ማሂ ኮሼ፤ ዒዚ ማዢ ዓሢያ ዒኣካ ጌሣ።

9 ዩዮ ቤዜሎይዳ ዘጋዛ ዋዛሳያና ዓሲም ሙኡዚ ማዓንዳ ዲማ ዲማ ሚሢ ባቃላንዳጉዲ ማሄ፤ ገንሣ ዩያ ዲማ ዲማ ባቃላ

1:28 ማዢ. ማፃ 5:1-2። 2:2 ዔ.ብ. 4:4፤ 10። 2:3 ኬሲ. ማፃ 20:11። 2:7 1ቆር. 15:45።

ሚያኮ ባአኮይዳ ናንጊ ዒንጋ ሚሢ ዓኣኔ፤ ዬያጉዴያ ሃሃ ኮዢ ፑርታይዳፓ ዲማሳንዳጉዲ ማሃ፣ ዔራቶ ዒንጋ ሜሌ ሚሢያ ዒኢካ ዓኣኔ።

10 ዬኖ ዲማ ዲማ ሚፃ ባቃሌ ቤዜሎ ዑሻ ዴኔፒ ዓልቃ ዋርዚ ዔዴኔ ጌይንታ ቤዛፓ ዋታኔ፤ ዬይ ዋራሢ ዔዴኔይዳፓ ኬሰካፃ ያይዶ ማዒ ፓቂንታኔ።

11 ቤርታሳ ዋራሢ ፒሾኔ ጌይንታኔ፤ ዬይያ ዋርቁ ጴዳያ፣ ሃዋላ ጌይንታ ዓጮ ቢያ ሺሪ ዴንዳኔ፤

12 ዬኖ ዓጮ ዋርቃ ጌኤሺኬ፤ ሃሃ ዒዞ ዓጮይዳ ሜሌ ቤሰካ ጴዲዋ ሳውቃ ሚሢ ማኣሢንታ ሚርጌ ሚዛጲ ማዔ ዲማ ዲማ ባኣዚ ማይሊ ኮሺም ማዓ ሹቲያ ዒኢካ ዓኣኔ።

13 ለምዓሳ ዋራሢ ጊዮኔ ጌይንታኔ፤ ዬይያ ዒቶጲያ ዓጮኮ ዙሎና ሺሪ ዓኣዳኔ።

14 ሃይሃሳ ዋራሢ ፃግርሴ ጌይንታኔ፤ ዬይያ ዓሰኦ ጌይንታ ዓጮኮ ዓባ ኬሰካ ዛሎና ዓኣዳኔ፤ ያይዳሳ ዋራሢያ ዔፒራዲሴ ጌይንታያኬ።

15 ዬካፓ ናንጊና ናንጋ ጎዳ ማዔ ያኦሲ ዓሲ ዔዴኔይዳ ጌሣኔ፤ ዬያ ዒዚ ማዴሢ ዓሲ ዬኖ ዲማ ዲማ ሚፃ ባቃሌ ቤዜሎ ጎሽኪ ሚያዋ ሚዛጲሲ ካፓንዳጉዲኬ።

16 ናንጊና ናንጋ ጎዳ ማዔ ያኦሲ፡- «ዲማ ዲማ ሚፃ ባቃሌ ቤዘይዳ ዓኣ ሚያኮ ዓኣፖ ኔኤኒ ሙዒኒ ዳንዳዓኔ፤

17 ጋዓንቲ ኮዢ ፑርታፓ ዲማሳንዳጉዲ ማሃ ዔራቶ ዒንጋ ሚፃሎ ዓኣፖይዳፓ ሙዒፖ፤ ዓይጎር ጌዔቶ ዬኖ ሚፃሎ ዓኣፖይዳፓ ኔኤኒ ሙዔ ዋድና ሃይቃንዳሢ ኔና ዔሬ» ጌዒ ዓሢም ኬኤዜኔ።

18 ሄሊሳፃ ናንጊና ናንጋ ጎዳ ማዔ ያኦሲ፡- «ዓሢ ፔኤር ናንጋሢ ኮሺቱዋሴ፤ ዬያር ዒዛና ጊኢጋያ፣ ሃሃ ዒዞ ማኣዳንዳያ ላጌ ታኣኒ ማዢንዳኔ» ጌዔኔ።

19 ናንጊና ናንጋ ጎዳ ማዔ ያኦሲ ሳፃ ዓጮይዳፓ ዔኪ ካዮ ቦፃንታ፣ ቆሎንታ፣ ካፖንታ ቢያ ማዢኔ፤ ዋዚ ጋዓ ሱንሢ ዒዚ ዔያቶም ጌሣንዳቲያ ዛጋኒ ዓሢ ኮራ ዔኪ ዬዔኔ፤ ዓሢ ቶኦካ ቶኦካ ሺምፖና ዓኣ ማዢንቶም ጌሣ ሱንፃ ፔቴ ፔቴሢም ዔኤሊንቶያ ማዔኔ።

20 ዬያይዲ ዓሢ ቆሎንታ ካፖንታ ቦፃንታም ቢያ ሱንሢ ጌሣኔ። ዓሢም ጋዓንቲ ዒማና ጊኢጋያና ላጌ ማዒ ዒዞ ማኣዳያ ሃጊ ጴዲባኣሴ።

21 ናንጊና ናንጋ ጎዳ ማዕ ያኦሲ ዓሢ * ሃሃይቁጉዲ ጊንዒሽኔ፤
ዩካፓ ዒዚ ጊንዒ ዓኣንቴ ጎኦሶ ባራንፃፓ ፔቴ ሜጌሢ ዔኪ ቤዞ
ዓሽኪና ኩንሢ ፓፂሴኔ፤

22 ናንጊና ናንጋ ጎዳ ማዕ ያኦሲ ዓሢኮ ጎኦባፓ ዔኪ ባራንፃ
ሜጌጌሎ ላኣሊ ማሃ ማዘ፣ ዓሢ ኮራ ዔኪ ሙኬኔ።

23 ዓሢ ዓሚ፡-
«ሃይሾ ጋፒንፃይዳ ታኣኒ ታና ማላያ ዴንቄኔ፤
ዒዞ ታኣኮ ሜጌፃፓ ጴዳ ሜጌሢኬ፤
ታኣኮ ዓሽኮይዳፓ ጴዳ ዓሽኪኬ፤

ዓቲንቄፓ ጴዳያ ዒዞ ማዕሢሮ ላኣሊ † ጌይንቶንጎ» ጌዔኔ።

24 ዓቲንቄ ዓደና ዒንደና ሃሺ ማቾና ዎላ ማዓሢ ዩያሮኬ፤
ላምፃንሢያ ፔቴ ማዓኔ።

25 ዓሢና ማቾና ዔያቶኮ ዑፃ ካሎታንቴ ዎሊ ሴልቄ ዒጊጨዎሴ።

3

ዓሲኮ ዓይሢንቲሢ ዒፃሢ

1 ናንጊና ናንጋ ጎዳ ማዕ ያኦሲ ማዘ፤ ቦፃ ቢያይዳፓ ሾኦሽ
ሚርጌ ጨንጫ፤ ሃሢ ጌሻፃታሢሮ፡- «ዱማ ዱማ ሚፃ ባቃሊ ዓኣ
ቤዜሎይዳ ዓኣ ሚፃኮ ዓኣፓ ዒንሢ ሙዑዎጉዲ ያኦሲ ዒንሢ ጎኔ
ላኣጊያ?» ጌዒ ላኣሌሎ ፃኦጨኔ።

2 ላኣሌላ ማሃ፡- «ዱማ ዱማ ባቃሌ ሚፃ ዓኣ ቤዘይዳ ዓኣ ሚፃ
ዓኣፓይዳፓ ኑ ሙዓኒ ዳንዳዓኔ፤

3 ጋዓንቴ ያኦሲ ለዱማ ዱማ ባቃሌ ሚፃኮ ባኣኮይዳ ዓኣ
ሚፃሢ ዓኣፓ ሙዒፖቴ፤ ኩጮናኣ ካኣሚፖቴ፤ ዩያ ዒንሢ ማዳቶ
ሃይቃንዳኔ» ሂዚ ጌዒ ኑም ላቴኔ» ጌዔኔ።

4 ሾኦከሃሢ፡- «ፔቴታፃ ዒንሢ ሃይቃዓኬ፤

5 ያኦሲ ዩያ ዒንሢ ዓይሢሢ ዩያ ሚፃኮ ዓኣፓ ዒንሢ ሙዔ ዎደና
ያኦሲጉዲ ዒንሢ ማዓንዳሢና ኩዙ ፑርቶይዳፓ ዱማሲ ዒንሢ
ዔራንዳሢ ቤርታዲ ዔራሢሮኬ» ዒዞም ጌዔኔ።

6 ላኣሌላ ሚፃሢ ኩሽ፤ ዓኣፓ ሙዒኒያ ናሻያና ዔራ ማሃኒ
ዳንዳዓፃ ማዓሢ ዛጋፃ ዓኣፓይዳፓ ዔኪ ሙዒ ዒዞና ዎላ ዓኣ
ዓኒማኣ ዒንጌኔ፤ ዒዚያ ሙዔኔ።

* 2:21 ዓሢ ጌይፃ ዔብረ ዓሶ ሙኡቾና «ዳዳኣሜ» ጌይሢኬ። † 2:23 ላኣሊዔብረ
ዓሶ ሙኡቾና «ዒሽ» ጌይሢ ዓቲንቄ ጌይሢ ማዓዛ፤ «ዒሻ» ጌይፃ ላኣሊኬ። 2:24
ማቲ. 19:5፤ ማር. 10:7-8፤ 1ቆሮ. 6:16፤ ዓፕ. 5:31። 3:1 ዮሃ. ፆፔዳ 12:9፤
20:2።

7 ዩክፓ ለምድንህ ለዘመና ጸቂሥህ ሌላቶ ደንቁህ፤ ካሎ ዓይነት ማዕረህ ሌላ፤ ይኖር ለሌሌ ጌይነታ ሚህኒህ ሲላኩ ዋላ ካንህ ሲካዎ ገልጻማ ማሂ ዓይነቶ ካሉሞ ዓላቹ።

8 ይኖር ከሎ ዋንቶና ናንገና ናንገ ጎዳ ማዕ ያኑሲ ደማ ደማ ሚፃ ባቃሊ ዓላ ለዘይዳ ሃንታንቴ ዑኩዘ ዋይዘህ፤ ዓህና ማቸና ናንገና ናንገ ጎዳ ማዕ ያኑሲ ዓይነቶ ደንቁዋጉዲ ጌዒ ሚፃ ባላካ ዓላሺንቴ።

9 ገዓንቴ ናንገና ናንገ ጎዳ ማዕ ያኑሲ ዓህ ዓኤላዎ፡- «ኔኔኒ ዋካ ዓላይ?» ጌዒ ያኔጩ።

10 ዓህ፡- «ደማ ደማ ሚፃ ባቃሊ ዓላ ለዘይዳ ኔኔከ ዑኩዘ ታ ዋይዘዎ፤ ካሎ ታኣኒ ማዕረህ ኔና ታ ዓገጪ ዓላሺንቴ» ጌዒ።

11 ያኑሲያ ዓህ ኮራ፡- «ኔኔኒ ካሎ ማዕረህ ያ ኔኔም ከኔዘይ? ታ ኔና «ሙዒፖ» ጌዒ ሚፃ ዓላፖ ዓከ ኔኔኒ ሙዒያ?» ጌዒ ያኔጩ።

12 ዓህ፡- «ሃና፤ ታኣና ዋላ ናንገንዳጉዲ ኔ ዓገጌ ላኣሌላ ሚፃ ዓላፖ ዓከ ታኣም ዓዛ ዓገገዛ ታ ሙዒኔ» ጌዒ።

13 ናንገና ናንገ ጎዳ ማዕ ያኑሲ ላኣሌሎ፡- «ዓይጎር ኔኔኒ ይያይዳይ?» ጌዒ ያኔጩ።

ላኣሌላ ማሃዎ፡- «ሾኦሽ ታና ጌሻዛ ታ ሙዒኔ» ጌዒ።

ያኑሲኮ ዋጊያ

14 ዩክፓ ናንገና ናንገ ጎዳ ማዕ ያኑሲ ሾኦከህሚሞ ሂዚ ጌዒ፡-

«ይያ ኔኔኒ ማዕረህ ቆልሞና ቦዎ ቢያይዳፓ ደማዲ ገዳንቁንቴያ ማዕ፤

ሃናኣፓ ዓርቃዎ ዳዲና፤ ሳዓና ጎቹንቴ ሃንቴ፤

ቢያ ዋዳ ዓጪ ሙዒ ናንጌ፤

15 ኔኔና ላኣሌሎና ዋሊኮ ሞርኬ ታኣኒ ማሃንዳ፤

ዓዛ ዘርዖና ኔ ዘርዖና ቢያ ዋዳ፤ ኮሜ ዓሲ ማዒ ናንገንዳ፤

ላኣሌሎ ዘርዖ ኔኔኮ ቶኦኮ ዳኣፃንዳ፤

ኔኔኒ ዓዛ ዘርዖኮ ዲንገርዢ ዳዓንዳ።»

16 ላኣሌሎ ማኣ፡-

«ኔኔኒ ጎጳዳ ዋድና ሜታህ ታ ኔኔኮ

ኔ ሾዓ ዋድናኣ ቆፂ ሜታሲያ ታ ሚርገሻንዳ፤

ገዓንቴ ኔ ዓኒ ኔ ሱኩካዳንዳ፤

ሃሃ ኔ ዓኒማ ኔኔኒ ዓይህንታያ ማዓንዳ።» ጌዒ።

17 ዓህማኣ ሂዚ ጌዒ፡-

«ኔ ማቾ ጌኤዞ ኔኤኒ ዋይዚ ኔና ታ <ሙዒፖ> ጌዔ ሚያ ዓአፖ ኔ ዔኪ ሙዔሚሮ
 ኔ ማዴ ፑርቶ ማዴ ዛሎና ሳዔላ ጋዳንቁንቲያ ማፃም፤
 ሳዓ ኔኤም ኮይሳ ሙኡዚ ዒንጋንዳጉዲ
 ኔ ናንጎ ዋዶ ቢያይዳ ሚርጌ ኔኤኒ ላቢንቲ ማዴ።
 18 ሳዓ ኔኤም ዓንገሢና ጋውዲና ባቃልሶም፤
 ኔኤኒያ ሳያይዳፓ ባቃሌ ባኮ ሙዔ።
 19 ኔኤኒ ዓጪታሢሮ
 ኔ ከሰከ ዓጮ ባንሢ ማዒ ኔ ጌላንዳያ ሄላንዳኣና
 ሙኡዚ ዳንቃኒ ሚርጌ ጮጋቲ ኔኤኒ ማዳንዳኔ።»
 20 ዓሢያ ዒዛኮ ማቻ ሹምፓ ዓኣ፣ ዓሲ ማዢንቲኮ ቢያ ዒንዶ
 ማዔሢሮ «ሂዋኣኖ» ጋዓ ሱንሢ ዒዛም ጌሢኔ።
 21 ናንገና ናንጋ ጎዳ ማዔ ያኦሲ ዓዳኣሜና ማቻናም ዒልዒ ዓፒላ
 ማሂ ኮሺ ማይሴኔ።

ዓዳኣሜና ማቻ ሂዋኣኖናኮ ጌኔቲ ጌይንታ ኮዮ ቤዛፓ ከዘ

22 ዩካፓ ናንገና ናንጋ ጎዳ ማዔ ያኦሲ ከኤዛያ፡- «ዓካሪ
 ዓሲ ኮዮ ፑርቶይዳፓ ዲማሲ ዔርዛ ዔራቶ ዔራሢሮ ኮጊዳፓ
 ፔቲሢጉዲ ማዔኔ፤ ሃይፓ ሴካ ፔ ኩጮና ሹምፖ ዒንጋ ሚያይዳፓ
 ዔኪ ሙዒ ናንገና ናንጉዋጉዲ ዒዛ ታ ላኣጌኔ» ጌዔኔ።
 23 ዬያሮ ናንገና ናንጋ ጎዳ ማዔ ያኦሲ ዔይኔ ጌይንታ ዲማ ዲማ
 ሚያ ባቃሊ ዓኣ ቤዛፓ ዓሢ ማዢንቲ ሳዖ ጎሽኪ ናንጋንዳጉዲ ዒዛ
 ከሴኔ።
 24 ያኦሲ ዓሲ ዔይኔይዳፓ ከሴሢኮ ጊንፃ ዬኖ ቤዜሎኮ ዓባ
 ከሰካ ዛሎና ዴኤፒ ዒጊቻ፣ ዒዛኮ ኪኢታንቻና ቢያ ዛሎ ሺሪ ሺሪ
 ታሚጉዲ ዔዔኤታ ጩንቻ ዓፓሮና ጌሢኔ፤ ዬያ ዒ ማዴሢ ያኦኒያ
 ናንጎ ሚያሢ ባንሢ ዑኩዋጉዲ ጌዒከ።

4

ዓዳኣሜኮ ናኣቶ ቃኣዔኤሌና ዓኣቤኤሌና

1 ዩካፓ ዓሢ ዒዛኮ ማቻ፣ ሂዋኣኖና ላሂም ዒዛ ጎዳዳዖ ዓቲንቁ
 ናይ ሹዔኔ፤ ዒዛ፡- «ናንገና ናንጋ ጎዳ ታና ማኣዳዛ ዓቲንቁ ናይ ታ
 ዳንቁኔ» ጋዓዖ ሱንያ ዒዛኮ «ቃኣዔኤሌ» * ጌዒ ጌሢኔ።

3:18 ዔ.ብ. 6:8። 3:22 ዮሃ. ያፒዳ 22:14። * 4:1 ቃኣዔኤሌ ጊንሣ ሃሣ
 «ቃኣዔኔ» ጌይያ፡- ዔ.ብሬ ዓሶ ሙኡቸና «ዳንቁሢ» ጌይሢከ።

2 ለሚህሃሃ ቃኣዔኤሌኮ ጌኤዚ ዓኣቤኤሌ ሾዔኔ፤ ዓኣቤኤሌ ዒማና ማራይ ሄንቃያ ማዓዛ፣ ቃኣዔኤሌ ጋዓንቴ ጎሺ ጎሽካያኩ።

3 ሚርጌ ከሌኮ ገንፃፓ ቃኣዔኤሌ ጎሽኩ ሃኣኮይዳፓ ዔከ ናንገና ናንጋ ጎዳም ዒንጎ ዒንገሢሢ ሺኢሺኔ።

4 ዓኣቤኤሌያ ማራቶ ባኣካፓ ቤርታ ሾይንቴ ፔቴ ማራናይ ዔከ ሙኪ ሹካዖ ማሎና ኮዡ ኮዡ ዓሸኮ ቢያ ናንገና ናንጋ ጎዳም ታሚና ሚቹ ዒንጎ ዒንገሢሢ ማህ ሺኢሸዛ ናንገና ናንጋ ጎዳ ዓኣቤኤሌንታ ዒዚ ዒንጌ ዒንገጆዋ ዛጊ ዋዛዳ።

5 ቃኣዔኤሌንታ ዒዚ ዒንጌ ዒንገጆዋ ዛጊ ናንገና ናንጋ ጎዳ ዋዛዳ ባኣሢሮ ቃኣዔኤሌ ዓኣፖ ካሮ ቱከ ሚርጌና ዳጋዳ።

6 ዒማና ናንገና ናንጋ ጎዳ ቃኣዔኤሌ ኮራ ሂዚ ጌዔኔ፡- «ኔኤኒ ዳጋዳ ዓኣፖ ካሮ ቱከሢ ዓይጎሮዳይ?

7 ኮሺ ኔ ማዴያታቴ ዓኣፖ ካራ ኔኤኮ ጌኤሺ ማዓንዳንቴ ሃሢ ኔ ማዴ ባካ ፑርታ ማዔሢሮ ጎማ ኔና ካሮይዳ ካቲ፣ ፔ ዴማ ኔና ማሃኒ ኮዓኔ፤ ጋዓንቴ ኔኤኒ ዬያ ባሻንዳያ ኮይሳኔ።»

8 ዬካፓ ቃኣዔኤሌ ፔኤኮ ጌኤዚ ዓኣቤኤሌ፡- «ሃኒ ዬዔ፣ ኑ ዋላ ቦኣሎ ዓኣዳም» ጌዒ ቦኣሎ ዔከ ዴንዲ ዒኢካ ዓኣፖ ጌኔ ማሊሢና ፔ ጌኤዚ ዓኣቤኤሌ ዋዳ።

9 ናንገና ናንጋ ጎዳ ቃኣዔኤሌ ኮራ፡- «ኔ ጌኤዚ ዓኣቤኤሌ ዓንካዳይ?» ጌዒ ዖኣጫዛ፣ ቃኣዔኤሌ ዖኣሲም፡- «ዒዚ ዓንካ ዓኣቴያ ታ ዒዛ ዔሩዋሴ፤ ታኣኒ ታ ጌኤዚ ሄንቃያዳ?» ጌዒ ማሃኔ።

10 ናንገና ናንጋ ጎዳሢ ቃኣዔኤሌም ሂዚ ጌዔኔ፡- «ሃይ ኔ ማዴ ባካ ዓይጌንዴዳይ! ላኣሊንቴ፣ ኔ ጌኤዚኮ ሱጉፃ ሳዓፓ ታ ባንሢ ኔጊዳ ፑርታና ዋጊሳኒ ዒላታሢሮ፣

11 ኔኤኒ ጋዳንቁንቴያ ማዔ፤ ኔ ጌኤዚ ኔኤኒ ዋዳኣና ሱጉሢ ሀሽካኒ ሻማታ ቦዖጉዲ ማዔ ሳዔሎይዳ ኔኤኒ ዲቃቴ ሃንታያ ማዔ።

12 ሳዖ ኔኤኒ ጎሽኩ ዋዶና ሃኣካ ኔኤም ካፃፓ፤ ሳዖይዳ ዳከንቴ ቤሲባኣ ዓሲ ማዔ።»

13 ቃኣዔኤሌ ናንገና ናንጋ ጎዳ ኮራ፡- «ሃይ ታ ጎሞሮ ዓገንቴ ጋዳማ ታኣኒ ከዳኒ ዳንዳዓሢኮ ሀሃኩ፤

14 ዓካሪ ኔኤኒ ታና ሳዓፓ ዳውሴሢሮ ኔ ቤርታፓ ታኣኒ ዓኣሺንቴ ሳዖይዳ ዳከንቴያና ሜታዳያና ማዓንዳኔ፤ ዖኣኒያ ታና ዴንቄ ዓሲ ዋዳንዳኔ» ጌዔኔ።

4:8 ማቴ. 23:35፤ ሉቃ. 11:51፤ 1ዮሃ. 3:12፤ 4:10፤ ዔ.ብ. 12:24።

15 ናንጊና ናንጋ ጎዳሢ ጋዓንቴ፡- «የኦሪያ ኔና ካኣማዓኩ፤ ጋዓንቴ ዓሲ ኔና ወደቶ ኔና ሄሌ ጋዳሞይዳፓ ለንካይ ጳንጩ ማዓ ባሽ ጋዳማ ዬያ ሄለንዳኔ» ጌዔ። ዬያሮ ናንጊና ናንጋ ጎዳ ቃኣዔኤሌ የኦሪያ ደንቁቴ ወደቀጉዲ ዔርዛ ዲማ ማላታ ዒዛም ጌሢ።

16 ዬካፓ ቃኣዔኤሌ ጎዳ ቤርታፓ ሃኪ ዴንዳዎ፣ ዔዴኔኮ ዓባ ኬሰካ ዛላ ሴካ ሃንጋ ጌዒ ሜታዲ ሃንቲሢ ቤሲ † ጎዳ ዓጫ ናንጌ።

ቃኣዔኤሌ ዜርዖ

17 ቃኣዔኤሌ ፔ ማቸና ለሃዛ፣ ዒዛ ጎዳዳዎ ዓቲንቁ ናይ ሾዔ፤ ሱንዖ ሞ ዒዛኮ ዔያታ «ሄኖኬ» ጌዒ ጌሢ፤ ቃኣዔኤሌ ዬኖ ወደና ካታማ ማዢናጥ ማዢ ጋፒሴሢኮ ጊንፃ ካታሜሎኮ ሱንዖ «ሄኖኬ» ጌይ ጌሢ።

18 ሄኖኬ ዒራዴ ሾዔ፤ ዒራዴ ሜሁያዔኤሌ፣ ሜሁያዔኤሌ ሜቱሻዔኤሌ ሜቱሻዔኤሌያ ለሜኬ ሾዔ፤

19 ለሜኬ ዓዳና ዲላና ጌይንታ ለምዖ ለኣሊ ዔካዛ፣

20 ዓዳ ጎዳ ለኣሌላ ያቤሌ ጎዳ ናይ ሾዔ፤ ያቤሌ ጎዳሢ ቆልሞ ሄንቁ ሄንቁ ቦኣላ ዓፒላና ማዢ ማኣሪዳ ናንጋ ዓሶኮ ዓደኬ።

21 ዒዛኮ ጌኤዚ ዩባሌ ጎዳሢ ጎዳሢ ሹሉንጎና ዋርቃ ዓሶኮ ዓደኬ።

22 ዲላ ጎዳ ለኣሌላ «ቱባልቃይኔ» ጎዳ ዓቲንቁ ናይ ሾዔ፤ ዒዚያ ዲማ ዲማ ዓንጊ ዲዓያኬ፤ ቱባልቃይኔኮ ናዒማ ጌይንታ ጌራ ዓኣ።

23 ለሜኬ ፔኤኮ ማቸንሢ ዓዳና ዲላና ዔኤላዎ፡-

«ለሜኬ ለኣላ ሂንዳ ዋይዙዋቴ፤ ፔቴ ዴጌ ታና ጳርቁሢሮ ታ ዒዛ ወደኔ፤

24 ቃኣዔኤሌ ወደሢ ለንካይ ጳንጩ ጋዳማ ሄለንዳኔ ጌይንቱቶ ታና ወደያም ለንካይታሚ ለንካይ ጳንጩ ጋዳማ ዒዛ ሄለንዳኔ» ጌዔ።

ሴኤቴና ሄኖሴ ጎዳሢና

25 ዓዳኣሜኮ ማቸ ሃሢ ለሚ ጎዳዳዎ ዓቲንቁ ናይ ሾዔ፤ ዒዛኣ፡- «ቃኣዔኤሌ ወደ፣ ዓኣቤኤሌ ቤዛ የኦሪያ ታኣም ዓቲንቁ ናይ ዒንጌ፤ ጋዓዎ ዒዛኮ ሱንዖ «ሴኤቴ»፤ ጌዒ ጌሢ።

26 ሴኤቴያ «ሄኖሴ»፤ ጌይንታ ዓቲንቁ ናይ ሾዔ፤ ዬኖ ወደናኬ ዓሳ ናንጊና ናንጋ ጎዳ ካሽኪሢ ዓርቁሢ።

† 4:16 ሜታዲ ሃንቲሢ ቤሲ ጋዓዛ፡- ዔብሬ ዓሶ ሙኡቸና፡- «ኖኦ» ጌይንታ።
4:24 ማቲ. 18:22። ‡ 4:25 ሴኤቴ ጌይ፡- ዔብሬ ዓሶ ሙኡቸና «ዒንጌ» ጌይሢ።
§ 4:26 ሄኖሴ ጌይ፡- ዔብሬ ዓሶ ሙኡቸና «ዓሲ» ጌይሢ።

5

ዓዳኣሚ ዜርዖ

1 ዓዳኣሚ ዜርዖኩ ሱንፃ ሃይፓ ዴማ ፓይዲንታሢ ጉዴያኸኔ፤ ዖኦሲ ዓሲ ማኸፍ ዎዶና ፔ ማሎና ማኸፍኔ፤

2 ዓቲንቁና ላኣሊና ማሂ ማዣዖ ዓንጃኔ፤ «ዓሲ» ጌዒያ ሱንሢ ዒያቶም ጌህኔ።

3 ዓዳኣሚኩ ሌዓ ጭታና ሃይሢታሚና ሌዒ ማዒ ዎዶና ዒዛ ማላያ ዓቲቁ ናይ ሾዓዖ፣ ሱንፃ «ሴኤቴ» ጌዒ ጌህኔ።

4 ዩካፓ ዓዳኣሚ ሳሊ ጭታ ሌዒ ናንጋዖ ሃሣ ዓቲንቁና ዉዲሮ ናይና ሾዒኔ፤

5 ሌዓ ዒዛኩ ዎሊ ዑፃ ታዘጳ ጭታና ሃይሢታሚ ሌዒ ማዓዛ ሃይቄኔ።

6 ሴኤቴ ጭታና ዶንጎ ሌዒና ማዓዛ ሄኖሴ ጎዖሢ ሾዒኔ፤

7 ዩካፓ ሴኤቴ ሳሊ ጭታና ላንካይ ሌዒና ናንጊ ሜሌ ዓቲንቁና ዉዲሮ ናይና ሾዒኔ፤

8 ዎሊ ዑፃ ዒዛኩ ሌዓ ታዘጳ ጭታና ታጳ ላምዖ ሌዒና ማዓዛ ሃይቄኔ።

9 ሴኤቴ ናኣዚ ሄኖሴኩ ሌዓ ታዘጳታሚ ማዓዛ ቃይናኔ ጎዖሢ ሾዓዖ፣

10 ዩካፓ ሳሊ ጭታና ታጳ ዶንጎ ሌዒና ናንጊ ሜሌ ዓቲንቁና ዉዲሮ ናይና ሾዒኔ፤

11 ዎሊ ዑፃ ዒዛኩ ሌዓ ታዘጳ ጭታና ዶንጎ ሌዒና ማዓዛ ሃይቄኔ።

12 ሄኖሴ ናኣዚ ቃይናኔኩ ሌዓ ላንካይታሚ ማዓዛ ሜላሊዒኤሌ ጎዖሢ ሾዒኔ፤

13 ዩካፓ ሳሊ ጭታና ዖይዲታሚ ሌዒ ናንጊ ሜሌ ዓቲንቁና ዉዲሮ ናይና ሾዒ፣

14 ዎሊ ዑፃ ሌዓ ዒዛኩ ታዘጳ ጭታና ታጳ ሌዒና ማዓዛ ሃይቄኔ።

15 ቃይናኔ ናኣዚ ሜላሊዒኤሌኩ ሌዓ ላሂታሚ ዶንጎ ማዓዛ ያሬዴ ጎዖሢ ሾዒኔ፤

16 ዩካፓ ሳሊ ጭታና ሃይሢታሚ ሌዒ ናንጊ ሜሌ ዓቲንቁና ዉዲሮ ናይና ሾዒኔ፤

17 ሌዓ ዒዛኩ ዎሊ ዑፃ ሳሊ ጭታና ታዘጳታሚ ዶንጎ ማዓዛ ሃይቄኔ።

18 ያሬዴኩ ሌዓ ጭታና ላሂታሚ ላምዖ ማዓዛ ሄኖሴ ጎዖሢ ሾዒኔ፤

19 ዩካፓ ሳሊ ዌኤታ ሌዔ ናንጊ ሜሌ ዓቲንቄና ወዲሮ ናይና ሾዔኔ፤

20 ሌዓ ዒዛኮ ዋሊ ዑፃ ታዘጳ ዌኤታና ላሂታሚ ላምፆ ማዓዛ ሃይቄኔ።

21 ሄኖኬኮ ሌዓ ላሂታሚ ደንጎ ማዓዛ ማቶሳላ ጎፆሢ ሾዔኔ፤

22 ዩካፓ ሄኖኬ ያኦሲና ጊኢጊ ሃንቲሢና ሃይሦ ዌኤታ ሌዔ ናንጊ ሜሌ ዓቲንቄና ወዲሮ ናይና ሾዔኔ፤

23 ሄኖኬኮ ሌዓ ሃይሦ ዌኤታና ላሂታሚ ደንጎ ማዓንዳፆ ሄላንዳኣና ናንጊኔ፤

24 ዩያጉዴ ሌዔ ዒዚ ናንጊሢ ያኦሲና ጊኢጊ ሃንቲሢናኬ፤ ዩካፓ ያኦሲ ዒዛ ዔኬሢሢር ሃይቄዋፆ ጉሪ ዒ ባባይቄኔ።

25 ሄኖኬ ናኣዚ ማኣቶሳላኮ ሌዓ ዌኤታና ሳሊታሚ ላንካይ ማዓዛ ላሜኬ ጎፆሢ ሾዔኔ፤

26 ዩካፓ ላንካይ ዌኤታና ሳሊታሚ ላምፆ ሌዔ ናንጊ ሜሌ ዓቲንቄና ወዲሮ ናይና ሾዔኔ፤

27 ሌዓ ዒዛኮ ዋሊ ዑፃ ታዘጳ ዌኤታና ላሂታሚ ታዘጳ ማዓዛ ዒ ሃይቄኔ።

28 ላሜኬኮ ሌዓ ዌኤታና ሳሊታሚ ላምፆ ማዓዛ ዓቲንቄ ናይ ሾዔኔ፤

29 «ዩይ ናዓሢ ናንጊና ናንጋ ጎዳ ጋዳንቄ ሳዔሎይዳ ፑኡፖ፣ ደዶ ማዳፓ ኑና ሃውሺሳንዳኔ» ጋዓፆ፣ ሱንፆ ዒዛኮ «ኖሄ»* ጌዒ ጌሣኔ።

30 ዩካፓ ላሜኬ ደንጎ ዌኤታና ታዘጲታሚ ደንጎ ሌዔ ናንጊ፣ ሜሌ ዓቲንቄና ወዲሮ ናይና ሾዔኔ፤

31 ሌዓ ዒዛኮ ዋሊ ዑፃ ላንካይ ዌኤታና ላንካይታሚ ላንካይ ማዓዛ ሃይቄኔ።

32 ኖሄኮ ሌዓ ደንጎ ዌኤታ ማዔሰካፓ ሃይሦ ዓቲንቄ ናይ ሾዔኔ፤ ዔያቶኮ ሱንፆ ሴኤሜ፣ ካኣሜ፣ ያኣፔቴ ጌይንታያኬ።

6

ዓሲኮ ዋቢፆ

1 ዓሲኮ ዜርፃ ሳፆይዳ ሚርጊ ሚርጊ ዓኣፎ ዋዶና ሚርጌ ወዲሮ ናይ ሾይንቲኔ፤

5:24 ዔ.ብ. 11:5፤ ዪ.ሀ. 14። * 5:29 ኖሄ ጌይፆ፡- ዔ.ብሬ ዓሶ ሙኡቺና «ሃውሺሢ» ጌይሢኬ። 6:1 ዒ.ዮ. 1:6፤ 2:1።

2 ዬኖ ዋድና ያኦሲ ዓቲንቆ ናኣቶ * ማዔዘንሢ ዬያቶ ዉዲር ናኣቶኮ ሚዛጵሞ ዛጋያ ዔያቶም ማዓንዲያ ዶኦሪ ላኣሊ ዔኬኔ።

3 ናንጊና ናንጋ ጎዳሢ፡- «ዓሲም ሸምፖ ዒንጋ ታኣኮ ዓያና ዓሲና ዋላ ናንጊና ማይ ናንጊንዲዋሴ፤ ዓይጎር ጌዔቶ ዓሲ ሃይቃያ ማዔሢር ሃካፓ ሴካ ፃኤታና ላማታሚ ለዔናፓ ዑሣ ዓኣጳ ናንጋዓኬ» ጌዔኔ።

4 ዬኖ ዋድና ዔርቲ ዓሶ ዉዲር ናኣቶና ዬንሢ ያኦሲ ዓቲንቆ ናኣቶ ማዔዘንሢፓ ዋልቁና ጳኤፒ ሚርጌ ዓሲ ሸይንቴኔ፤ ዔያታ ሚናኣ ዋድና ዒጊቻያ ማዔ፡ ዔርቲ ዋልቁ ዓሲኬ።

5 ጉቤ ዋድና ሳይይዳ ዓኣ ዓሳ ቢያ ዓይሢንቴዋያና ማሊፃኣ ፑርቲሞ ሌሊ ማዔሢ ናንጊና ናንጋ ጎዳ ዛጋያ፡

6 ዓሲ ማዢ ሳይይዳ ናንጋንዲጉዲ ማሢያና «ዓይጎር ታ ማዢይ» ጌዒ ሚርጌና ያዩኔ።

7 ዬያፓ ዔቄያና ያኦሲ፡- « <ዓሲ ታኣኒ ዓይጋ ማዢይ» ጌዒ ዒና ታኣኮ ያዩኔ፤ ዬያር ዬያ ታ ማዢ ዓሶንታ ቦያ ዳኮንታ ጳኤፖንታ፡ ቆሎንታ፤ ሃሣ ካፖሞ ዓይሱሞ ሳይይዳፓ ታ ባይዘንዳኔ» ጌዔኔ።

8 ጋዓንቴ ዒማና ፔቴ ኖሄ ጌይንታ ናንጊና ናንጋ ጎዳ ዋዛሳ ናንጊ ናንጋ ዓሲ ዓኣኔ።

ኖሄ ሃይሶ

9 ኖሄኮ ሃይሳ ያዲኬ፤ ኖሄ ፔ ናንጎ ሌዖ ቢያይዳ ፒዜ ማዔያና ያኦሲና ጊኢጊ ሃንታ ኮሺ ዓሲኬ፤

10 ኖሄ፡- ሴኤሜ፡ ካኣሜና ያኣፔቴ ጌይንታ ሃይሣ ዓቲንቁ ናይ ሸዔኔ።

11 ዬኖ ዋድና ሳይይዳ ዓኣ ዓሳ ቢያ ያኦሲ ቤርታ ፑርታ ዋቦ ማዔሢር ጌኔ ማዶ ዓጮ ቢያይዳ ማዲንታኔ።

12 ያኦሲ ሳይ ቢያ ዛጋዛ ፑርቲያ ማዔሢና ዒኢካ ናንጋ ዓሳ ቢያ ዋቦታሢ ጳንቁኔ።

13 ዬያር ያኦሲ ኖሄም፡- «ዓሲኮ ዜርያ ሳይይዳፓ ቢያ ታኣኒ ባይዘኒ ማሌኔ፤ ዓይጎር ጌዔቶ ሳዓ ዓሶኮ ጌኖ ማዶና ኩሜሢር ዓሲ ጋዓ ባኣዚ ሳይይዳፓ ታኣኒ ባይዘንዳኔ፤

14 ኔኤም ጋዓንቴ ቃራ ሚሢዳፓ ዋኣሢ ካኣሚሌ ማዢ፤ ጋራ ሚርጌ ቆልዓና ዓኣያ ማሢ ማዢጋፓ ጋርና ዙሎና ሺዲና ሺዴ።

* 6:2 ያኦሲ ዓቲንቆ ናኣቶ ጋዓዛ፡- ዔብሬ ዓሶ ሙኤጮ ማፃኣፖይዳ ማሊያ ዛንዛ ያኦሲ ከኢታንቸ፤ ጊንሣ ሃሣ ዬኖ ዋድና ዓኣ ካኣቶ ናኣቶ ማዓኒ ዳንዳዓያኬ። 6:4 ፓይ. ማፃ 13:33። 6:5 ማቲ. 24:37፤ ሉቃ. 17:26፤ 1ጴ፪. 3:20። 6:9 2ጴ፪. 2:5።

15 ያደሱማ ሃይህ ጻኤታ ዋዳ፣ ጋሮ ዳልጉማ ደንጊታሚ ዋዳ፣ ቱሮ ዔጳ ሃይህታሚ ዋዳ ማዔያ ኮሼ፤

16 ዋኦ ያካሚሎኮ ቶኦካ ማኦሪ ማዢ፤ ኮጮና ሳኮና ካኦማ ካሮኮ ፔቱ ዋዳ ኩሙዋ ቤሲ ሃሼ፤ ዋኦ ያካሚሎኮ ዋሊ ዑፃ ዑፃ ሃይህ ኩባ ዓኣያ ማሂ ማዢያ ካሮ ጎኦቦ ዛሎና ማሂ ማዢ፤

17 ሳጋይዳፓ ሽምፓ ዓኣ ባኣዚ ባይዛኒ ባይሲንታ ዋኣሂ ታ ኬሳዛ፣ ሳጋይዳ ሽምፓ ዓኣ ማዢንታ ቢያ ኩዳንዳ።

18 ኔና ታ ባይዚንዲዋያ ማዔሂ ታኣኒ ኔኤም ጫኦቃንዳ፤ ኔኤና ኔ ማቸና ኔ ናኣቶና ዔያቶኮ ላኣሎና ዋኦ ያካሚሎ ጋሮ ጌሉዋቱ።

19 «ኔኤና ዋላ ናንጊ ዓታንዳጉዲ ሽምፓ ዓኣ ማዢንቶኮ ዜርፃፓ ዜርፃፓ ላምፆ ላምፆ ዓዴና ዒንዴና ዔኪ ዔኪ ዋኦ ያካሚሎ ጋሮ ጌልዜ፤

20 ባይሲንታፓ ዓታንዳጉዲ ዲማ ዲማ ካፖ ዜርፃፓ፣ ቆልሞይዳፓ፣ ካዮ ቦፆ ዳኮንታ ጴኤፖንታይዳፓ ላምፆ ላምፆ ማዔ ኔ ኮራ ሙኮንጎ።

21 ዩካፓ ኔናንታ ዩንሂ ማዢንቶም ቢያ ጊዳንዳ ዲማ ዲማ ሙኣዚ ዋኦ ያካሚሎ ጋራ ቡኩሴ» ጌዒ ኬኤዜ።

22 ኖሄያ ጾኦሲ ዒዛ ዓይሄሂ ቢያ ማዴ።

7

ባይሲንቶ ዋኦ

1 ናንጊና ናንጋ ጎዳ ኖሄም ጋዓፆ፡- «ሃኖ ዋዶ ሸይንቶ ባኣካ ኮሺ ዓሲ ኔና ሌሊ ማዔሂሮ ኔኤኒ ኔ ማኣሮ ዓሶና ዋኦ ያካሚሎ ጋሮ ጌሌ።

2 ጾኦሲም ዒንጊንታኒና ሙዒንታኒ ዳንዳዓ ቆልሞና ቦፆናይዳፓ ቢያ ላንካይ ላንካይ ዓዴና ዒንዴና ኔኤና ዋላ ዋኦ ያካሚሎይዳ ጌልዜ፤ ጾኦሲም ዒንጊንታኑዋያና ሙዒንቱዋ ቆልሞይዳፓ ቢያ ፔቱ ፔቱ ዓዴና ዒንዴና ሌሊ ጌልዜ።

3 ፔቱ ፔቱ ካፖ ዜርፃፓ ላንካይ ላንካይ ዓዴና ዒንዴና ጌልዜ፤ ዩያ ኔ ማዳንዳሂ ፔቱ ፔቱ ቆልሞንታ ካዮ ቦፆንታ ካፖንታ ሳዛና ናንጋንዳጉዲና ሳጋይዳ ዜርሂ ዓታንዳጉዲኤ።

4 ታኣኒ ማዢ ሽምፓ ዓኣ ማዢንቶ ቢያ ሳጋ ቢያይዳፓ ባይዛኒ ላንካይ ኬሊኮ ጊንፃፓ ጋይዲታሚ ኬሊ ሮኦሪና ዋንቱና ቢያ ጋፑዋ ዒርዚ ታ ዋርቁሳንዳ፤» ጌዔ።

5 ኖሄያ ናንጊና ናንጋ ጎዳ ዒዛ ዓይሄ ባኮ ቢያ ማዴ።

6 ባይሲንቶ ዋኦ ሳዓ ማዔ ዋዶና ኖሄኮ ሌዓ ላሆ ጻኤታኤ።

6:22 ዔ.ብ. 11:7።

7 ኖሄ፡ ማቻ፡ ናኣቶንታ ዔያቶኮ ላኣላኣ ባይሲንቶ ዋኣይይዳፓ ባታኒ ዋኣይ ካኣሚሎይዳ ጌሌኔ።

8 ሙኡዚም ማዓያና ማዑዋ ፔቴ ፔቴ ቆሎንታ ካዮ ቦዖንታ፤ ሃሃ ካፖንታይዳፓ፡

9 ለምዖ ዓዴና ዒንዴና ማዒ ማዒ ኖሄ ኮራ ሙኡኬ፤ ዖኦሲ ዓይሄ ጎይዖና ዋኣይ ካኣሚሎይዳ ኖሄ ጌልዛዛ፡

10 ለንካይ ኬሊኮ ገንፃፓ ባይሲንቶ ዋኣይ ሙኡኬ።

11 ኖሄኮ ለዓ ላሆ ዪኤታ ማዒ ዋደና ለምዓሳ ዓገናኮ ታጸ ላንካሳ ኬሎ ሳዖኮ ዴማ ዓኣ ፑኡፖ ዋኣይኮ ዓልቃ ካራ ቢያ ዔርቱዋንቴ ደርዓዛ፡ ጫሪንጮይዳ ዓኣ ዋኣይኮ ካራ ቢያ ቡሊንቴ።

12 ዒራ ዖይዲታሚ ርኦሪና ዖይዲታሚ ዋንቴና ሃሹዋዖ ሳዖይዳ ዋርቄ።

13 ዒራ ዋርቄዖ ዓርቄ ኬሎ ኖሄ፡ ማቻ፤ ዔያቶኮ ናኣታ ሴኤሜ፡ ካኣሜ፡ ያኣፔቴያ ዔያቶኮ ሃይሃ ላኣሎንሢና ዋላ ዋኣይ ካኣሚሎይዳ ጌሌኔ።

14 ቆልዋይዳፓ፡ ካዮ ቦዖ ዳኮንታ ዴኤፖንታይዳፓ፤ ሃሃ ጫሪንጫ ባራና ካፖናይዳፓ ፔቴ ፔቴ ፔኤኮ ዜርዖጉዴያ ዔያቶና ዋላ ዋኣይ ካኣሚላ ጌሌኔ።

15 ያዒዲ ፔቴ ፔቴ ሸምፓ ዓኣ ማዢናጥ ለምዖ ለምዖ ማዒ ኖሄና ዋላ ዋኣይ ካኣሚላ ጌሌኔ፤

16 ማዢናጥ ቢያ ዓዴና ዒንዴና ማዒ ዋኣይ ካኣሚላ ጌሌሢ ዖኦዛሢ ዓይሄ ጎይዖ ጉዴያናኬ፤ ዬካፓ ናንገና ናንጋ ጎዳ ኖሄኮ ዙሎና ዋኣይ ካኣሚሎኮ ካሮ ዋዴ።

17 ባይሲንቶ ዋኣይ ዖይዲታሚ ኬሊ ሄላንዳኣና ኩሚ ኩሚ ዓኣዴኔ፤ ዋኣይ ቃሲንቴ ቃሲንቴ ዓኣዴሢሮ ዋኣይ ካኣሚሎ ሳዖይዳፓ ዑፃ ዴግ ዴገዴ።

18 ዋኣይኮ ሳዖይዳፓ ዴጉማ ቃሲንቴ ዋደና ዋኣይ ካኣሚላ ዋኣይ ዑፃ ሴካ ሃንጋ ጌዒ ሃንቲሢ ዓርቄ።

19 ዋኣይ ጫሪንጮኮ ዴማ ዓኣ ፑኡፖ ዴኮ ባይዛንዳያ ሄላንዳኣና ዴጌ።

20 ዋኣይ ዴኮኮ ዑሣ ዓኣዲ ታጸ ዶንጎ ዋዳ ዴገ ጌዔ።

21 ካፓ፡ ቆልማ፡ ካዮ ቦዖ ዳኮንታ ዴኤፖንታ ዓሶንታ ቢያ ዓቱዋዖ ሃይቃዛ ሳዓ ዓኣ ሸምፓ ዓኣ ማዢናጥ ቢያ ባይቄ።

22 ሳዖ ዑፃ ናንጋ ሸምፓ ዓኣ ባኣዚ ቢያ ጋፔ።

23 ናንገና ናንጋ ጎዳ ሳዖ ዑፃ ሸምፓ ዓኣ ማዢናጥ ቢያ፡ ዓሶንታ ቆልዋንታ ካፖንታ ካዮ ቦዖ ዳኮንታ ዴኤፖንታ ዓይሱዋዖ ቢያ

ባይዛዛ ሃይባገ ዓቴዛንሢ ኖሄና ዒዛና ዎላ ዎኦፆ ካኣሚሎ ጋራ ዓኣ ባሱንሢ ሌሊኩ።

24 ባይሱንቶ ዎኦፆ ጭታና ደንጊታሚ ኩሊ ሄላንዳኣና ሚጩዎዎ ዴዔኔ።

8

ባይሱንቶ ዎኦፆ ነገጥኦ

1 ጆኦሲ ኖሄና ዒዛና ዎላ ዎኦፆ ካኣሚሎ ጋራ ዓኣ ካዮ ቦዎንታ ቆልሞንታም ቢያ ማላዎ ሳዎይዳ ዠባሬ ዠባርሺሳዛ ዎኦፆ ኩዲሢ ዓርቄኔ።

2 ሳዎኩ ዴማገ ቱር ዎኦፆ ዓልቃ ካርና ጫሪንጫ ዓኣ ዎኦፆኣ ኩዳ ካራ ዎዲንቴኔ፤ ጫሪንጫገ ዎርቃ ዒራኣ ዔቄኔ።

3 ዎኦፆ ዳካ ዳካ ሳዓገ ኩዲሢ ዓርቃዎ ጭታና ደንጊታሚ ኩሊ ሄላንዳኣና ሚጩ ሚጩ ዳኩኔ።

4 ባይሱንቶ ዎኦፆ ኩሚዎ ዓርቄሢዳገ ላንካሳ ዓጊኖኩ ታጳ ላንካሳ ኩሎ ዎኦፆ ካኣሚላ ዓራራቴ ጌይንታ ዲኩኩ ፔቴያ ቶኦካ ሄሊ ዔቄኔ።

5 ዎኦፆ ታጳሳ ዓጊኖኩ ዓይዎይዳ ታሢ ታሢ ኩዳዛ ዲኩኩ ቶኦካ ጴጴኔ።

6 ዎይዲታሚ ኩሊኩ ጊንፃገ ኖሄ ዎኦፆ ካኣሚሎኩ ፑልቶ ካራገ ፔቴማ ቡላዎ።

7 ቁራኩ ኩሲ ዳካዛ ቁራካሢያ ዎኦፆ ሚጫንዲያ ሄላንዳኣና ሴካ ሃንጋ ጌዒ ጌዒ ባራኒ ሌሊ ባራኔኔ።

8 ዩካገ ኖሄ ሃሃ ዎኦፆ ዓኣ ቤዛገ ኩዴቶ ዔራኒ ደኦሌ ዳኩኔ።

9 ጋዓንቴ ዎኦፆ ሃጊ ሳዎ ባይዚ ዓኣሢር ደኦሌላ ዴዎንደ ቤሲ ዴንቃኒ ዳንደዒባኣሢር ኖሄ ባንሢ ማዒ ሙካዛ ኖሄ ኩጮ ዎኦፆ ካኣሚላገ ኩሲ ደኦሌሎ ፔ ባንሢ ዓርቄ ዔኩኔ።

10 ላንካይ ኩሊ ዴዔሰካገ ደኦሌሎ ጊንሢ ማሃ ዳኩኔ።

11 ደኦሌላ ዓባ ጌላኣና ዓኣዔ ሪሚቲኩ ዒላሺ ዳንጋ ዔኩ ኖሄ ባንሢ ሙኩሢር ኖሄያ ዎኦፆ ዓኣ ቤዛገ ኩዴሢ ዔራኔ።

12 ሃሃ ላንካይ ኩሊኩ ጊንፃገ ኖሄ ደኦሌሎ ኩሲ ዳካዛ ዩማገ ደኦሌላ ማዒ ሙኩባኣሴ።

13 ኖሄኩ ላሆ ጭታና ፔቴ ሌዔና ማዓዛ ቤርታሳ ዓጊኖኩ ቤርታሳ ኩሎና ዎኦፆ ሳዓገ ሚጩኔ፤ ኖሄያ ዎኦፆ ካኣሚሎኩ ዑዎ ቡላዎ ኩይሎ ቢያ ዛጊ ዎኦፆ ሚጩ ሳዓ ፃኣዲሢ ዴንቄኔ።

14 ዎኦፆ ሚጩ ዓርቄሰካገ ላምዓሳ ዓጊኖኩ ላምታሚ ላንካሳ ኩሎና ሳዓ ጋጥሢ ፃኣዲ ሚሌኔ።

15 ጾኦሲ ኖሃም:-

16 «ኔኤና ኔ ማቸና ኔ ናኣቶና ዔያቶኮ ላኣሎና ዎላ ዎኣፆ ካኣሚላፓ ኬሰኬ፤

17 ዳልጊ ሚርጊ ሳፆ ቢያ ዔያታ ኩማንዳጉዲ ኔኤና ዎላ ዓኣ ሸምፓ ዓኣ ማዢንቶ ቢያ ካፖንታ ቆልሞንታ ሃንጎ ሃሃ ካዮ ቦፆ ደኮንታ ዴኤፖንታ ቢያ ዔኪ ኬሰኬ» ጌዔ።

18 ዩካፓ ኖሃና ማቸና ዒዛኮ ናኣቶንታ ናኣዚ ማቸንሢንታ ዎላ፡

19 ሃሃ ቆልሞንታ ካፖንታ ካዮ ቦፆ ደኮንታ ዴኤፖንታ ቢያ ፔኤኮ ፔኤኮ ዜርፃ ዎሊ ጊንፆ ማዒ ዎኣፆ ካኣሚላፓ ኬሰኬ።

ኖሃ ጾኦሲም ዒንጎ ባኮ ሸኢሸሢ

20 ኖሃ ናንጊና ናንጋ ጎዳም ዒንጎ ባኮ ዒንጊ ካኣሸካኒ ሹቸና ቤዛ ኮሻፆ፡ ሙኡዚም ማዓ ቆልሞና ካፖናይዳፓ ፔቴ ፔቴ ዔኪ ናንጊና ናንጋ ጎዳም ዒንጎ ዒንጊሢ ማዓንዳጉዲ ቢያሢ ዒዚ ኮሸ ቤዛይዳ ሚቸ ዒንጌ።

21 ዩካፓ ሚቸ ዒንጎና ባኮኮ ሳዎ ናንጊና ናንጋ ጎዳሢ ዎዛሴሢሮ ናንጊና ናንጋ ጎዳ ፔ ማሊፆና ሂዚ ጌዔ።- «ዓሲ ፑርቲሳ ዳቢንቶሮ ቢያ ሃይካፓ ሴካ ታኣኒ ሳፆ ጋዳንቃዓኬ፤ ዓይጎሮ ጌዔቶ ዓሲ ሃጊናይ ዓኣላ ዓኣፆ ፑርቲሞ ማዶ ኮዓያ ማዔሢሮ ሃሢ ታኣኒ ማዴሢጉዲ ሸምፓ ዓኣ ማዢንቶ ቢያ ሃይፓ ሴካ ታ ባይዛዓኬ።»

22 ናንጊና ናንጋ ጎዳ ሃሃ ቃሳፆ:-

«ሳዓ ዓኣ ጎይሢ ዓኣንቲ ጎሺ ጎሸኪሢ፡ ሃኣኮ ቡኩሲሢ፡ ጨኢሺ፡ ጾይዲሢ፡ ጾጎሢንታ ባርጊንታ፡ ሮኦሪንታ ዎንቲንታ ቢያ ዎዴ ዓኣያ ማዒ ናንጋንዳ።» ጌዔ።

9

ጾኦሲ ኖሃና ዎላ ጫኣቄ ጫኣቄም

1 ጾኦሲ ኖሃና ናኣቶና ዓንጅፆ:- «ሚርጉዎቴ፤ ዳልጉዎቴ፤ ሳፆ ዎሙዎቴ፤

2 ቆልሞንታ ካፖንታ ካዮ ቦፆ ደኮንታ ዴኤፖንታ፤ ሃሃ ዎኣፆ ናንጋ ሞላሢ ቢያ ዒንሢሢ ዒጊጨሢና ናንጎንጎ፤ ቢያሢያ ዒንሢሢ ቢታንቶ ዴማ ዎርቆንጎ።

3 ሃያኮ ቤርታ ዲማ ዲማ ቱኮ ሚፆ ሙኡዚ ማሂ ታ ዒንሢሢም ዒንጌሢጉዲ ሃሃ ሃያ ሸምፓ ዓኣ ማዢንቶ ቢያ ሙኡዚ ዒንሢሢም ማዓንዳጉዲ ታ ዒንጌ።

9:1 ማዢ. ማፃ 1:28።

4 ኃዓንቴ ሱጉዖ ላኣሉዋዎ ዓሸኮ ሙዒፖፕቴ፤ ዓይጎር ጌዔቶ ሽምፓሢ ሱጉዖይዳ ዓኣያ ማዔሢሮኬ * ጌዔኔ።

5 ዓሲ ዋደሢ ሃይቃንዳጉዲ ዋጊንጎንዳኔ፤ ካይዚ ቦዎ ማዔቴያ ቆልሞታዎ ዓሲ ዋደቶ ዬያኣ ታ ሃይቃንዳጉዲ ማሃንዳኔ።

6 «ዓሲ ማዢናጥሢ ያኦሲ ማሎናታሢሮ ዓሲ ዋደ ዓሲ ቢያ ዓሲ ኩሽካ ሃይቃንዳኔ።

7 ዒንሢ ሚርጉዋፕቴ፤ ዳልጉዋፕቴ፤ ዒንሢኮ ዜርፃ ሳዎ ኩሞንጎ» ጌዔኔ።

8 ዬካፓ ያኦሲ ኖሄና ዒዛኮ ናኣቶናሞ ሂዚ ጌዔኔ፡-

9-10 «ዓካሪ ዒንሢና ዒንሢኮ ዜርፃና ሽምፓ ዓኣ ማዢናጎ ቢያ ጌይፃ ካፓ፣ ቆልማ፣ ካዮ ቦዓ፤ ዬያጉዲ ኔኤና ዋላ ዋኣዎ ካኣሚላፓ ኬሰኬ ማዢናጎንጎ ሃሣ ሳዖይዳ ሃጊ ሸይንጎንዳ ዜርፃማኣ ቢያሞ ታ ጫኣቃንዳኔ፤

11 ዬያ ታ ጫኣቁ ጫኣቁሞ ዛሎና ሃካፓ ሴካ ሽምፓ ዓኣ ማዢናጎ ቢያ ባይሲንጎ ዋኣሢና ፔቴታዎ ኩዳዓኬ፤ ሳዓ ሃሣ ላሚሣ ባይሲንጎ ዋኣሢና ባይቃዓኬ።

12 ዒንሢንጎ ሽምፓ ዓኣ ማዢናጎ ቢያሢንጎ ዋላ ታኣኒ ጫኣቃ፣ ሃያ ናንጊና ናንጎ ጫኣቁሞኮ ማላታ ማዓንዳጉዲ፣

13 ታኣኮ ዡኡላሢ ጫሪንጮ ሻኣሮይዳ ታኣኒ ዔቁሳንዳኔ፤ ዬይ ዡኡላሢ ታኣኒ ሳዖ ባይዛዓ ጌዒ ጫኣቁ ጫኣቁሞኮ ማላታ ማዒ ናንጎንዳኔ።

14 ሻኣሮና ጫሪንጮ ታ ካንቃኣና፣ ሃሣ ዡኡላሢ ሻኣሮይዳ ዔቁ ጴዳ ዋደና ቢያ፣

15 ዓካሪ ሃይካፓ ሴካ ባይሲንጎ ዋኣሢ፣ ሽምፓ ዓኣ ማዢናጎ ቢያ ባይዛዓኬ» ታኣኒ ጌዒ ዒንሢና ሜሌ ሽምፓ ዓኣ ማዢናጎና ዋላ ጌሌ ጫኣቁሞ ታ ጳቂሣንዳኔ።

16 ዡኡላሢ ሻኣሮይዳ ዔቁ ጴዳ ዋደና ቢያ ታኣና ሳዖይዳ ሽምፓ ዓኣ ማዢናጎና ባኣካ ዓኣ ናንጊና ናንጎ ጫኣቁሞ ታ ጳቂሣንዳኔ።

17 ዬይ ዡኡላሢ ሽምፓ ዓኣ ማዢናጎና ዋላ ታኣኒ ጫኣቁ ጫኣቁሞ ዔርዛ ማላታኬ።»

ኖሄና ዒዛኮ ናኣቶና

* 9:4 ሽምፓሢ ሱጉዖይዳ ዓኣሢሮኬ ጌይንቴሢ፡- ዔብሬ ዓሳ ሽምፔ ሱጉሢዳ ዓኣኔ ጌዒ ጉሙርቃሢሮኬ። 9:4 ሊዊ. ዓኬ 7:26-27፤ 17:1-16፤ 19:26፤ ላሚ. ዋማ 12:16፤ 23፤ 15:23። 9:6 ማዢ. ማፃ 1:26፤ ኬሲ. ማፃ 20:13። 9:7 ማዢ. ማፃ 1:28።

18 ዋኦፆ ካኣሚሎይዳፓ ኬሰኬ ኖሄኮ ናኣታ ሴኤሜ፣ ካኣሜ፣ ያኣፔቴ ጎዖዞንሢ ማዓዛ፣ ካኣሜ ጊንፃፓ ካኣናኔ ጎዖ ናይ ሾዔኔ፤

19 ሃኖ ሄላንዳኣና ሳዖ ቢያይዳ ዓኣ ዓሳ ቢያ ሾይንቴሢ ዬንሢ ሃይሠ ኖሄኮ ናኣቶንሢዳፓኩ።

20 ኖሄ ጎሺ ጎሽካያ ማዓዖ ዎይኔ ጌይንታ ባልገ ካፃ ሚሢ ቤርታዲ ቱኪሢ ዓርቄኔ፤

21 ኖሄ ፔቴ ኬሊ ዒ ቱኬ ዎይኖ ዓኣፖ ጨኡጲ ኮሾና ዑሺ ዑሽኪ ማሢንታዖ ዓፒላ ዑፃ ባኣያ፣ ካሎ ፔ ማኣርይዳ ላሄኔ።

22 ካኣናኔኮ ዓይ፣ ካኣሜ ዒዛኮ ዓይ ያኣጳ ካሎ ላሄሢ ዛጌ ዎዶና ካር ኬሰካዖ ላምዖ ፔኤኮ ጌርሲንሢም ኬኤዜኔ።

23 ዬካፓ ጌርሲንሢ ሴኤሚንታ ያኣፔቴንታ ጋኣቤ ዓፒላ ፔኤኮ ጌኤታ ዓርቄ ዓዶኮ ካሎም ዛጋዓ ጌዒ ዓይ ላሂ ዓኣ ኬኤዖ፣ ጊንሢና ሃንቲ ጌሊ ዓዶኮ ካሎም ዓኣቱኔ፤

24 ኖሄኮ ማሢዖ ዓኣዲዛ ዒዚ ዔቃዖ ናኣቶይዳፓ ዳኮ ጌኤዛሢ ማዲ ባኮ ዔሪጋፓ፣

25 ሂዚ ጌዔኔ፡-
«ካኣናኔ ጋዳንቁንቴያ ማዖንጎ!

ጌርሲንሢም ዓይሌ ማዒ ማዲያ ማዖንጎ፤

26 ሴኤሜኮ ናንጊና ናንጋ ጎዳ ማዔ ያኦዛሢ ጋላቲንቴያ ማዖም፣
ካኣናኔያ ሴኤሜም ዓይሌ ማዒ ማዲያ ማዖንጎ፤

27 ያኦሲ ያኣፔቴኮ ዓጮ ዳልገሾንጎ፣
ያኣፔቴ ዜርፃ ሴኤሜ ዜርፃና ዎላ ናንጎንጎ፤
ካኣናኔ ያኣፔቴኮ ዓይሌ ማዒ ማዲያ ማዖንጎ።»

28 ባይሲንቶ ዎኣዖኮ ጊንፃፓ ኖሄ ሃይሠ ጃኤታና ዶንጊታሚ ለዔና ናንጋዖ፣

29 ዒዛኮ ለዓ ዎሊ ዑዖይዳ ታዞጳ ጃኤታና ዶንጊታሚ ማዓዛ ሃይቄኔ።

10

ኖሄ ናኣቶ ዜርፃ (1ዖኦሲ. ዓሃኬ 1:5-23)

1 ኖሄ ናኣቶ ሴኤሜና ካኣሜና ያኣፔቴና ዜርፃ ሃይማፓ ደማ ፓይዲንታዞንሢ ማዓዛ፣ ዬንሢ ሃይሠንሢ ባይሲንቶ ዎኣዖኮ ጊንፃፓ ናይ ሾዔኔ፤

ያኣፔቴ ዜርፃ

2 ያኣፔቴ ናኣታ፡- ጎሜሬ፣ ማጎጌ፣ ማዲያ፣ ያዎኔ፣ ቱባሌ፣ ሜሼኬና፣ ቲራሴ ጌይንታዞንሢኩ።

3 ያኣፕፔ ናኣዚ ሳሜሬ ናኣታ ሃሃ ዓሸከናዜ፥ ሪፓቲና ቶጋርማ ጎዎዞንሂኬ።

4 ያዎኔ ናኣታ፡- ዔኤሊሻ፥ ቲርሴሴ *፥ ኪቲሚና † ሮዳኒሜ ‡ ጎዎዞንሂኬ።

5 ዩንሂ ጉቤ ባዞ ዓጮና ዋኣፆ ሳዛ ዓኣ ሳዖናይዳ ናንጋ ያኣፕፔ ዜርፆኮ ሚና ማዢንቶ ማዖንሂኬ፤ ዔያታኣ ፔኤኮ ዓጮና ቶኦኮ ቶኦኮና ፓቂንቲ ናንጋ ዴሬኬ፤ ፔቴ ፔቴ ቶኦካ ጌሰታያ ዔያቶኮ ማዔ ሃንጎ ዓሶ ዳንጋፓ ዱማዲ ጌሰቲንታ ሙኡቺ ዓኣያኬ።

ካኣሜ ዜርፆ

6 ካኣሜ ናኣታ፡- ኩሹ፥ ሚጻራይሜ §፥ ፑዲንታ * ካኣናኔንታኬ።

7 ኩሹ ናኣታ ሃሃ ሳኣባ፥ ሃዊላ፥ ሳቢታ፥ ራዒማና ሳቢቲካ ጎዎዞንሂ ማዓዛ ራማ ናኣታ ሳኣባና ዴዳኔናኬ።

8 ኩሹ ሃሃ ቤርታዲ ዓጮይዳ ፑኡፖ ዖሎና ዔርቲሂ፥ ናሞሩዴ ሾዔኔ።

9 ናሞሩዴ ፑኡፕ ኬሞ ዓሲ ማዒ ዖኦሲ ቤርታ ዔርቲሂሮ ዓሳ «ኔና ናሞሩዴ፡- ፑኡፕ ኬማያ ማሆንጎ» ጋዓሂ ዩያሮኬ።

10 ቤርታዲ ናሞሩዴ ካኣቲማ ሴናፖሬ ጌይንታ ዓጮይዳ ዓኣ ሃይሃ ካታሞንሂ ጌይፆ፡- ባብሎኔ፥ ዔሬኬኔና ዓካዲኔ ጌይንታ ካታሞ ዓርቃያኬ።

11 ዩካፓ ዒዚ ዓሶኦሬ ጌይንታ ቤዞ ዓኣዳዖ ኔኔዌ፥ ራቦቲንታ ካላሂ ጌይንታ ካታሞ ማዢኔ፤

12 ዩያጉዲ ሃሃ ኔኔዌና ካላሂ ጌይንታ ካታሞንሂ ሳዛ ሬሴኔ ጌይንታ ኮሺ ዴኤፖ ካታሞንሂ ዒ ማዢኔ።

13 ሚጻራይሜ ጌይንታሂ ካኣሜ ናኣዚ ዜርፆ፡- ሉዴ፥ ዓናሜ፥ ሌሃቤ፥ ናፕቲሂ፥

14 ፔቲሮሴ፥ ፒሊሰጻኤሜ ጌይንታ ዜርፆ ኬሰኬ ካፕቶሬና ካሰሉሂ ጌይንታ ዴሮንታኬ።

15 ካኣናኔ ናኣቶኮ ቶይዳሂ ጸዶኔ፥ ሄሌሂ ሄቲ ጌይንታያኬ፤

16 ሃንጎ ካኣናኔ ዜርፆ ዔቡሳ ዓሶ፥ ዓሜራ ዓሶ፥ ጌርጌሳ ዓሶ፥

17 ሂዋዋ ዓሶ፥ ዓርቄ ዓሶ፥ ሴና ዓሶ፥

18 ዓርቃዳ ዓሶ፥ ፆሚራ ዓሶ፥ ሃማቲ ዓሶ ጎዎዞንሂኬ፤ ሃሃ ጊንፃፓ ኔጌዖ ዱማዴ ካኣናኔ ዓሶ ዜርፆ ዱማ ዱማ ቤዞይዳ ላኣሊንቲኔ።

* 10:4 ቲርሴሴ ጌይፆ፡- «ዒሰፕኔ» ጌይሂኬ። † 10:4 ኪቲሚ ጌይፆ፡- «ቆጵሮሴ» ጌይሂኬ። ‡ 10:4 ሮዳኒሜ ጌይፆ፡- «ሮዴ» ጌይሂኬ። § 10:6 ሚጻራይሜ ጌይፆ፡- «ጊብኔ» ጌይሂኬ። * 10:6 ፑዲ ጌይፆ፡- «ሊቢያ» ጌይሂኬ።

19 ዬያሮ ካእናኔ ዓሶ ዓጮኮ ዛጳ ሲደና ጎፆ ዓጮፓ ዓርቃፆ ድኦሎ ዛሎና ጌሬሬ ዓጮ ኮይሊና ዴንዲ ጋኦዛ ዓጮ ሄላንዳኦና ዓባ ኬሰካ ዛሎና ዴንዲ ሶዶሜ፥ ጋሞራ፥ ዓዳኦማና ባላሻዔ ኮይሊና ዴንዲ ፃቦዬ ጌይንታ ዓጮ ሄላያ ማዔኔ።

20 ዬንሢ ሲያ ካኦሜ ዜርዖንሢ ማዓዛ ዲማ ዲማ ቶኦኪና ዓጪና ፓቂንቲ ናንጋፆ ፔቴ ፔቴ ቶኦኮኮ ሃንጎዋቶይዳፓ ዲማዲ ጌሰቲንታ ሙኡቺ ዓኣያኬ።

ሴኦሜ ዜርዖ

21 ያኣፔቴኮ ዒሾ ሴኦሜ ጎፆሢ ዔቦሬ ጌይንታ ዜርዖኮ ማዢንቶ ማዓሢኬ።

22 ሴኦሜኮ ናኣታ፡- ዔላኦሜ፥ ዓሶኦሬ፥ ዓርፓክሳዴ፥ ሉዴና ዓራሜ ጎፆዞንሢኬ።

23 ዓራሜ ናኣታ፡- ዑፃ፥ ሁሉ፥ ጌቴራና ሜሸኬናናኬ፤

24 ዓርፓክሳዴ ጎፆሢ ሹላሂኔ ሹዔኔ፤ ሹላሂኔያ ዔቦሬ ሹዔኔ።

25 ዔቦሬ ጎፆሢያ ላምፆ ናይ ሹዔኔ፤ ፔቴሢ ሹይንቲ ዋዶና ዴራ ዋሊዳፓ ፓቂንቲሢሮ ዒዛኮ ሱንፃ ፔሌጌ † ጌይንቲኔ፤ ሃንጎሢ ሱንፃ ሃሢ ዮቅፃኔ ጌይንቲኔ።

26 ዮቅፃኔ ናኣታ፡- ዓልሞዳዴ፥ ሹልፒሃፃርማዊቴ፥ ዬራሃ፥

27 ሃዶራሜ፥ ዑዛሌ፥ ዲቂላ፥

28 ዖባሌ፥ ዓቢማዔኤሌ፥ ሳኣባ፥

29 ዖፔሬ፥ ሃዊላና ዮባቤ ጌይንታዞንሢ ማዓዛ ዬያታ ሲያ ዮቅፃኔ ዜርዖኬ።

30 ዔያታ ናንጌ ቤዛ ዓባ ኬሰካ ዛሎና ዓኣ ጌሜራዳ ዓጮ ሜሻ ጌይንታ ቤዛፓ ሴፔራይዴ ጌይንታ ቤዞ ሄላንዳኦናኬ።

31 ዔያታ ሲያ ሴኦሜ ዜርዖንሢ ማዓዛ፥ ዔያታ ዲማ ዲማ ቶኦኪና ዓጪናይዳ ፓቂንቲ ናንጋያኬ፤ ፔቴ ፔቴ ቶኦኮኮ ሃንጎዋቶይዳፓ ዲማዲ ጌሰቲንታ ሙኡቺ ዓኣያኬ።

32 ዬንሢ ሲያ ፔኤኮ ዜርዖና ዜርዖና ፓቂንቲ ዴሮ ኖሄ ዜርዖንሢኬ፤ ማዓዛ ባይሲንቶ ዋኣዖኮ ጌንፃፓ ዓጮ ዴራ ሲያ ሙኬሢ ዬንሢ ኖሄ ናኣቶንሢዳፓኬ።

11

ባብሎኔ ካታሞይዳ ዓጮ ዲንቂ ማዢና ዴጌ ቤዞ

1 ቤርታዲ ሳፆይዳ ዓኣ ዴሮኮ ጌሰቶ ሙኡጫ ፔቴ ሌሊኬ፤

† 10:25 ፔሌጌ ጌይፃ፡- ዔቦሬ ዓሶ ሙኡቺና «ፓቂንቲሢ» ጌይሢኬ።

2 ዓባ ኬሰካ ባንዖ ዓሳ * ዓኣዴ ዎደና ባብሎኔ ዓጮይዳ ፔቴ ቦኣሊ ዴንቃዖ ዒኢካ ዴዔኔ።

3 ዩይ ዓሳ ዎሊ ኮራ፡- «ዔዛታ! ሃኒ ሙኩዎቴ፤ ኮጩ ዴገሲ ማዠንደ ዓጪ ዲንቁ ደዳንዳጉዲ ታሚና ሚቺ ኑ ኪላሶም» ጋዓዖ ማዠንደ ባኮዎ ገኢገሺ ዎላ ዓይሣንዳ ሺዲ ጉዴ ባኣዚያኣ ዴንቁኔ።

4 ዩካፓ ዔያታ፡- «ሃኒ ዩዑዎቴ፤ ፔቴ ካታማ ኑኡኒ ማዠም፤ ሃሣ ቶኦካ ጫሪንጮ ሄላንዳ ዴገ ቤሲ ዲንቁንቴ ዓጮና ኑኡኒ ማዠም፤ ዩያይዲ ሳዖ ቢያይዳ ኑኡኒ ላኣለንቴ ዴንዱዎዖ ፔቴይዳ ዴዎም፤ ሃሣ ሱንሣያ ኑ ዔኮም» ገዔኔ።

5 ዩካፓ ናንገና ናንጋ ጎዳ ዓሳ ማዘፍ ካታሞንታ ዴገ ቤዞዎ ዛጋኒ ኬዴኔ፤

6 ዒዚ ሃዚ ገዔኔ፡- «ሃይሾ ሃይ ዴራ ፔቴ ፃጲኬ፤ ገሰቶ ዳንጋኣ ዔያቶኮ ፔቴኬ፤ ሃያ ባኮ ዔያታ ማዴያፓዓቴም ሃካፓ ሴካ ዔያታ ማሌ ባኣዚ ቢያ ማዳኒ ዔያቶ ባሹዎያኬ፤

7 ዩያሮ ሃኒ ዩዑዎቴ፤ ኑኡኒ ኬዲ ዔያታ ዎሊና ቡኩዎጉዲ ሙኡጮ ዔቶኮ ኑ ሲኢሮም።»

8 ዩካፓ ናንገና ናንጋ ጎዳ ዓጮ ቢያይዳ ዔያቶ ዜርቁሣሮ ካታሚሎ ማዠኖ ዓሳ ሃሺኔ፤

9 ካታሚሎኮዎ ሱንፃ «ባብሎኔ»† ገይንቴኔ፤ ዓይጎሮ ገዔቴ ዒኢካ ያኦሲ ዴሮኮ ሙኡጮ ሲኢሪሣሮና ዔያቶዎ ዓጮ ቢያይዳ ላኣሌሣሮኬ።

ሴኤሚይዳፓ ዴንዲ ዓብራሃሚ ሄላንዳኣና
(1ዎኦሲ. ዓሃኬ 1:24-27)

10 ሴኤሚ ዜርፃ ሃይፓ ዴማ ፓይዲንታዞንሣኬ፤ ሴኤሚ ባይሲንቶ ዎኣዎኮ ገንፃ ላምዖ ሌዔ ዴዓዖ ሌዓ ዒዛኮ ጃኤታ ማዔንቴ ዓርፓክሳዴ ገይንታ ናይ ሾዔኔ፤

11 ዓርፓክሳዴ ሾዔሰካፓ ገንፃ ሴኤሚ ደንጎ ጃኤታ ሌዔ ናንጋዖ ሚሌ ዓቲንቁና ዉዲሮ ናይና ሾዔኔ።

12 ዓርፓክሳዴያ ሃይሣታሚ ደንጎ ሌዔ ኩማዛ፤ ሹላሂ ጎዖ ናይ ሾዔኔ፤

13 ዩካፓ ዖይደ ጃኤታና ሃይሣ ሌዔና ናንገ ሚሌ ዓቲንቁና ዉዲሮ ናይና ሾዔኔ።

14 ሹላሂ ሃይሣታሚ ሌዔ ማዓዛ ዔቦሬ ሾዔኔ፤

* 11:2 ዓባ ኬሰካ ባንዖ ጋዓዛ፡- ዒሰራዔኤሌ ዓጫፓ ዓባ ኬሰካ ዛሎና ገይሣኬ።
† 11:9 ባብሎኔ ገይዖ፡- ዔብሬ ዓሶ ሙኡቺና ዑኡዛ ዎይዘንታ ዎደና «ሲኢሪሣ» ገይሣ ማላያኬ።

15 ዩካፓ ያይዶ ያኔታና ሃይሆ ሌዔና ናንጊ ሜሌ ዓቲንቄና ዉዱሮ ናይና ሾዔኔ።

16 ዔቦሪ ሃይሆታሚ ያይዶ ሌዔ ማዓዛ ፔሌጌ ሾዔኔ፤

17 ዩካፓ ያይዶ ያኔታና ሃይሆታሚ ሌዔና ናንጊ ሜሌ ዓቲንቄና ዉዱሮ ናይና ሾዔኔ።

18 ፔሌጌ ሃይሆታሚ ሌዔ ማዓዛ ሬዑ ሾዔኔ፤

19 ዩካፓ ላምዖ ያኔታና ታዘጳ ሌዔና ናንጊ ሜሌ ዓቲንቄና ዉዱሮ ናይና ሾዔኔ።

20 ሬዑ ሃይሆታሚ ላምዖ ሌዔ ማዓዛ ሴሩጌ ሾዔኔ፤

21 ዩካፓ ላምዖ ያኔታና ላንካይ ሌዔና ናንጊ ሜሌ ዓቲንቄና ዉዱሮ ናይና ሾዔኔ።

22 ሴሩጌ ሃይሆታሚ ሌዔ ማዓዛ ናኮሬ ሾዔኔ፤

23 ዩካፓ ላምዖ ያኔታ ሌዔ ናንጊ ሜሌ ዓቲንቄና ዉዱሮ ናይና ሾዔኔ።

24 ናኮሬ ላማታሚ ታዘጳ ሌዔ ማዓዛ ታኦራ ሾዔኔ፤

25 ዩካፓ ያኔታና ታጳ ታዘጳ ሌዔና ናንጊ ሜሌ ዓቲንቄና ዉዱሮ ናይና ሾዔኔ።

26 ታኦራ ላንካይታሚ ሌዔ ማዔሰካፓ ጊንፃ ዓብራሜና ናኮሬና ሃራኔና ሾዔኔ።

ታራ ዜርዖ

27 ዓብራሜና ናኮሬና ሃራኔናኮ ዓዶ፣ ታኦራኮ ዜርዖ ሃይፓ ዴማ ፓይዲንታዘንሂኬ፤ ሃራኔ ሎኦዳ ሾዔኔ፤

28 ሃራኔ ዒዛኮ ዓዴ ታኦራ ሸምፖና ዓኣንቲ ዒ ሾይንቲ ካታሞ ዑኡሬይዳ ሃይቄኔ፤ ዑኡሬ ጌይንታ ካታማ ካላዳ ዓሶ ዓጫኬ።

29 ዓብራሜ ሶኦራ ጎዖ ላኣሌሎ ዔካዛ፣ ናኮሬ ሚልካ ጋዓዛ ዔኬኔ፤ ዒዛ ሂሰካኔ ጎዖሂ ሾዔ ሃራኔ ናዎኬ።

30 ሶኦራ ዘኩታሂሮ ናይ ሾዒባኣሴ።

31 ታኦራ ፔኤኮ ናኣዚ ዓብራሜንታ ሃራኔ ሾዔ ዒዛኮ ናኣዚ ናዖ ሎኦዳንታ ዓብራሜ ማቾ ሶኦራኣ ዔኪ ባብሎኔይዳ ዓኣ ዓካታሞ ዑኡሬ ሃሺ ካኣናኔ ዓጮ ዓኣዳኒ ዔቄኔ፤ ዒዚ ዴንዲ ካኣራኔ ጎዖ ዓጪ ጌሊ ዒኢካ ዴዔኔ።

32 ታኦራ ላምዖ ያኔታና ደንጎ ሌዔና ማዓዛ ካኣራኔይዳ ሃይቄኔ።

12

ዓብራሜኮ ዔኤሊንቲዖ

1 ናንጊና ናንጋ ጎዳ ዓብራሜም፡- «ኔ ዓጮ ሃሺ፣ ኔኤኮ ዒጊኖና ዓዶ ማኣሮ ዓሶይዳፓኣ ዲማዲ ታ ኔና ደቀ ዓጮ ዓኣዴ፤

2 ዜርዖ ታ ኔኤኮ ሚርጊሻንዳኔ፤ ዳልጊ ዳሬያ ማዓንዳኔ፤ ታ ኔና ዓንጃንዳኔ፤

ሱንዖ ታ ኔኤኮ ዔርቴያ ማሃንዳኔ፤ ሜሌ ዓሶማኣ ዓንጃ ኔ ማዓንዳኔ።

3 ኔና ዓንጃሢ ታ ዓንጃንዳኔ፤

ኔኤም ጋዳንቃዞንሢም ታ ጋዳንቃንዳኔ፤

ኔ ዛሎና ዴራ ቢያ ዓንጃንታንዳኔ» ጌዔኔ።

4 ዓብራሜም ናንጊና ናንጋ ጎዳ ከኤዜሢጉዲ ካኣራኔ ዓጫፓ ዓኣዳኒ ዒ ከሰካኣና ለዓ ዒዛኮ ላንካይታሚ ደንጎከ፤ ዒዛና ዎላ ጌኤዚ ናኣዚ ሎኦጃያ ዓኣዴኔ።

5 ዓብራሜ ፔኤኮ ማቾ ሶኦራንታ ጌኤዚ ናኣዚ ሎኦጃንታ ካኣራኔይዳ ዓኣዖ ቆሌ ቆልሞንታ ዒዛም ማዳ ዓሶዎ ቢያ ዔኪ ዓኣዴኔ።

ዔያታ ካኣናኔ ዓጮ ሄላዖ፡

6 ሰኤሜይዳ ዓኣ ጌኤኮ ቤዜሎ፣ ሞኦሬ ጌይንታ ካኣኸም ዲማዴ ሚፃሢ ዓኣ ቤዜሎ ሄላንዳኣና ዓኣዴኔ፤ ዬኖ ዎዶና ካኣናኔ ዓሳ ዬኖ ዓጫ ናንጋኔ።

7 ናንጊና ናንጋ ጎዳ ዓብራሜም ፔጋዲ ጴዲ፡- «ኔኤኮ ዜርዖም ታ ዒንጋንዳ ዓጩላ ሃኖኬ» ጌዔኔ፤ ዬካፓ ዓብራሜ ዒዛም ፔጋዲ ጴዴ ናንጊና ናንጋ ጎዳሢም ዒንጎ ባኣዚ ዒንጊ ካኣሸኮንዶ ቤሲ ሹቲና ኮሺኔ።

8 ሄላሳዖ ቤኤቴኤሌ ጌይንታ ዓጮኮ ዓባ ከሰካ ዛሎና ዓኣ ጌሜራዳ ዓጮ ከሰካዖ ቤኤቴኤሌ ዓባ ጌላ ዛላ፣ ዓዪ ጎዖዞ ዓባ ከሰካ ዛላ ማሂ ዓፒላና ማኸ ማኣሮ ፔኤኮ ደቃዖ፣ ዒኢካ ዖኦሲም ዒንጊ ካኣሸኮ ቤዞ ሹጮና ኮሺ ናንጊና ናንጋ ጎዳኮ ሱንዖዎ ዔኤሊ ዘጊ ካሸከኔ፤

9 ቤዛፓ ሜሌ ቤሲ ዒዚ ሃንቲ ሃንቲ ኔኔቤ * ጌይንታ ቤዞ ሙከኔ።

ዓብራሜ ጊብፃ ዓጮይዳ

10 ካኣናኔ ዓጮይዳ ናይዚ ጌላዖ ናያ ዶዲ ዶዲ ዓኣዴሢሮ ዓብራሜ ዬያ ናኖ ዎዶ ዓኣሣኒ ዒዚ ናንጋ ዓጮኮ ሃከ ደኦሎ ዛሎና ዓኣ ጊብፃ ዓጮ ዓኣዴኔ።

12:1 ዳኪ. ማዶ 7:2-3፤ ዔብ. 11:8። 12:3 ጋላ. 3:8። 12:7 ዳኪ. ማዶ 7:5፤ ጋላ. 3:16። * 12:9 ኔኔቤ ጌይፃ ካኣናኔ ዓጮኮ ደኦሎ ዛሎከ።

11 ዓብራሚ ጊብፄ ዓጮ ጌላኒ ዑካዖ ማቾ ሶኦራ ኮራ፡- «ኔኔኒ ሚርጌና ሚዛጲ ማዕሚ ታ ዔራሢሮ፤

12 ጊብፄ ዓሳ ኔና ዛጌ ዎዶና <ሃና ዒዛኮ ማቾኬ> ጌዒ ታና ዎዲ ኔና ሃሻንዳኔ።

13 ዬያሮ <ታ ዒዛኮ ጌሮኬ> ኔ ዔያቶም ጌዔቶ ኔጋይቲ ጌይ ታና ዔያታ ዎዲዎዖ ሃሺ ኮሺ ዓኣፒና ታና ዔያታ ዛጋንዳኔ» ጌዔኔ።

14 ጊብፄ ዓጮ ዔያታ ጌሌ ዎዶና ጎኔና ጊብፄ ዓሳ ዓብራሚኮ ማቾ ሚርጌ ሚዛጲታሢ ዛጌኔ።

15 ሃሣ ፔቲ ፔቲ ካኣቲኮ ዑኬ ማዒ ማዳ ዓሳኣ ዒዛኮ ሚዛጲም ካኣቲም ኬኤዜሢሢሮ ካኣቲ ማኣሪ ዒዛ ዔኤሊንቲ ዓኣዳኔ።

16 ዒዛ ጋይቲ ጌይ ካኣቲ ዓብራሚ ናሽካዖ፡- ማራይ፣ ዎኣሪ፣ ባይ፣ ሃራ፣ ጋኣላ፣ ዒዛም ማዳ ማዳንዳ ዓቲንቄንታ ላኣሊንታ ዒንጌኔ።

17 ጋዓንቲ ዓብራሚኮ ማቾ ሶኣራ ካኣቲ ዔካኒ ማሊ ዔኤሊሲ ፔ ማኣሪ ዔከ ዓኣዳሢሮ ናንጊና ናንጋ ጎዳ ካኣቲንታ ዒዛኮ ዑኬ ማዒ ማዳ ዓሳ ቢያሢዳ ፑርታ ሜታሳ ዶርዖ ዓጌኔ።

18 ዬዛፓ ካኣቲ ዓብራሚ ዔኤሊሳዖ ሂዚ ጌዒ ዒዛ ዖኦጮኔ፡- «ሃይ ኔ ታኣም ማዳ ባካ ዓይጎዳይ? ሶኦራ ኔኤኮ ማቾ ማዕሚ ኔ ታኣም ዓይጎሮ ኬኤዚባኣይ?

19 ታኣኮ ጌሮኬ» ኔ ጌዒ ታ ዒዛ ዔካኒ ዔኤሊሳንዳፕዲ ዓይጎሮ ማሄይ? ሃኣዛጌ፣ ኔኤኮ ማቾ! ዔከ ኬሰኬ!» ጌዔኔ።

20 ዬያ ጌይ ካኣቲ ዓይሢ ጎይዖና ካኣቲኮ ዑኬ ማዒ ማዳ ቢታንታ ዓኣ ዓሳ ዓብራሚንታ ማቾንታ ዒዛኮ ዓኣ ቆሎ ቢያሢና ዎላ ዓጫፓ ኬሴኔ።

13

ዓብራሚና ጌኤዚ ናኣዚ ሎኦፃናኮ ዲማዲዖ

1 ዓብራሚ ማቾንታ ዒዛኮ ዓኣ ቆሎዎ ቢያ ዔከ ጊብፄ ዓጫፓ ኔጌቤ ዓጮ ዓኣዳኣና ሎኦፃ ዒዛና ዎላ ዓኣዳኔ።

2 ዓብራሚ ሚርጌ ቆልሞ፣ ሚርጌ ሚኢሹና ዎርቄና ዓኣ ዖርጎቺ ዓሲኬ።

3 ኔጌቤይዳፓ ዔቃዖ ቤዛፓ ሜሌ ቤሲ ሃንቲ ሃንቲ ቤኤቲኤሌ ጎዖ ቤዘ ዓኣዲ ቤኤቲኤሌና ዓዪ ጎዖ ዓጮናኮ ባኣካ ዓኣ ቤዘ ሄሌኔ፤ ዬና ቤዜላ ሃያኮ ቤርታ ዒዚ ዳዔ ቤሲ።

12:13 ማክ. ማፃ 20:2፤ 26:7።

4 ገንሣ ሃሣ ናንገና ናንጋ ጎዳሞ ዒንጎ ባኣዚ ዒንገ ካኣሽኮ ቤዞ ሹጮና ኮሹ ቤሲ ማዔሢሮ ዒኣካ ዓብራሜ ናንገና ናንጋ ጎዳኮ ሱንፆ ዔኤሊ ካሽኬኔ።

5 ዓብራሜና ዋላ ዓኣዳ ጌኤዚ ናኣዚ ሎኦጻፆ ፔ ዛሎና ሚርጌ ማራይ፣ ዋኣሪና ባይና፣ ሃሣ ሚርጌ ማኣሪ ዓሲንታ ዒዛኮ ማዳ ዓሲያኣ ዓኣያኬ።

6-7 ዬኖ ዋዶና ዬኖ ዓጮይዳ ናንጋ ዓሳ ካኣናኔ ዓሶና ፔርዜ ዓሶናኬ፤ ሃሣ ዓብራሜና ሎኦጻናኮ ሚርጌ ቆልሞ ዓኣያታሢሮ ዋላ ዔያታ ናንጋጊ ዳንዳዒባኣሴ፤ ዓይጎሮ ጌዔቶ ቆልማ ዋሊ ዑፃ ሄንቃ ቤሲ ባኣሢሮኬ፤ ዬያሮ ዓብራሜና ሎኦጻናኮ ቆልሞ ሄንቃ ዓሶ ባኣካ ዑራ ማዢኅተኔ።

8 ዬካፓ ዓብራሜ ሎኦጻ ኮራ፡- «ኵኡጊ ዋሊ ማኣሪ ዓሲ ማዔሢሮ ታኣና ኔኤና፤ ሃሣ ኵኡኮ ቆልሞ ሄንቃ ዓሶ ባኣኮይዳኣ ማፆሞ ዑራ ዔቃጊ ኮይሱዋሴ፤

9 ዬያሮ ኵኡጊ ፓቂንቲ ዳማ ዳማ ናንጌቶ ኮሺኬ፤ ዓጮኮ ኔ ናሽኬ ዛሎ ዓኣዳዛ ታኣጊያ ዓቲ ዛሎ ዓኣዳንዳኔ» ጌዔኔ።

10 ዬማፓ ሎኦጻ ዮርዳኖሴ ዋሮ ዓጮ ዓኣ ዶኦጮ ዓጮ ዴንዲ ዘዓሬ ጎዎዞ ሄላንዳኣና ዛጋፆ ናንገና ናንጋ ጎዳ ኮሹ ቤዞና ጊብፄ ዓጮይዳ ዋኣፃ ኩሚ ዓኣ ቤዞ ጉይያ ማዔሢ ዴንቄኔ፤ ዬያ ዒ ዛገሢ ናንገና ናንጋ ጎዳ ሶዶሜና ጋሞራ ጌይንታ ካታሞንሢ ባይዙዋንቴ ቤርታኬ።

11 ዬያሮ ሎኦጻ ዮርዳኖሴ ዋሮ ዓጮ ዓኣ ዶኦጮ ዓጮ ፔኤም ዔካፆ ዓባ ኬሰካ ዛሎ ዓኣዳኔ፤ ያኣዒ ማዔሢሮ ላምዓሢ ዬያይዲ ዲማዳኔ፤

12 ዓብራሜ ቤዛ፣ ካኣናኔይዳ ዓታዛ ሎኦጻ ጋዓንቴ ዒ ዓኣዳ ቤዛ ዓኣ ካታሞንሢኮ ባኣካ ሶዶሜኮ ዑኬ ዓፒሎና ማዢ ማኣሮ ፔኤኮ ደቂ ዴዔኔ፤

13 ዬኖ ዋዶና ሶዶሜ ዓሳ ሚርጌ ፑርታ፤ ሃሣ ናንገና ናንጋ ጎዳ ዲጋሳያ፣ ጎሜ ማዳ ዓሲኬ።

ዓብራሜኮ ኬብሮኦኔ ዓኣዲፆ

14 ሎኦጻ ዳማዲ ዓኣዳሰካፓ ናንገና ናንጋ ጎዳ ዓብራሜም፡- «ኔ ዓኣ ቤዛ ዓኣፆ ዓጮ ጉቤ ሺሪ ዛጌ፤

15 ሃያ ኔኤጊ ዛጋ ዓጮ ቢያ ኔኤና ኔ ዜርፆናም ታ ዒንጋንዳኔ፣ ናንገና ዒንሢሮ ማዓንዳኔ፤

16 ኔኤኮ ዜርዖ ሳዖይዳ ታ ማኣሻላጉዲ ሚርገሻንዳኔ፤ ሳዖ ማኣሻላ ፓይዲንታኒ ዳንዳዒንቱዋአሢጉዲ ኔኤኮ ዜርዖ ያዲ ፓይዲንቱዋያ ማፃንዳኔ።

17 ዓካሪ ሃሢ ዓኣዲጋፓ ሳዖ ጉቤ ዛጌ፤ ዓይጎር ጌዔቶ ዬያ ቢያ ታ ኔኤም ዒንጋንዳኔ» ጌዔኔ።

18 ዬያሮ ዓብራሚ ዓፒሎና ማዦና ማኣር ፔኤኮ ቱገ ኬብሮኦኔይዳ ሚሚሬ ጌይንታ ቤዛ ካኣሽኮ ፑኡፖ ሻኣባ ዓኣ ቤዘይዳ ናንጋኒ ዓኣዲዖ ዒኣኣ ናንገና ናንጋ ጎዳም ዒንጎ ባኮ ዒንገ ካኣሽኮ ቤዘ ሹቹና ኮሼኔ።

14

ዓብራሚ ሎኣፃ ዲዒንቶይዳፓ ማሄሢ

1 ዬኖ ዋዶና ባብሎኔ ካኣቲ ዓምራፔሌ፥ ዔላሳኣሬ ካኣቲ ዓሪዮኬ፥ ዔላኣሚ ካኣቲ ኬዶራላዖሚሬ፥ ጎይሚ ካኣቲ ቲዲዓሌኬ፤ ዬንሢ ዖይዶ ካኣቶንሢ።

2 ሜሌ ደንጎ ካኣቶ ዖላኒ ዓኣዳኔ፤ ዔያታ ዖላኒ ዓኣዳ ደንጎ ካኣቶንሢያ ሴዶሚ ዓጮ ካኣቲ ቤራዔ፥ ጋምራ ካኣቲ ቢርሻዔ፥ ዓዳማ ካኣቲ ሺንዓቤ፥ ፃቦዬሚ ካኣቲ ሺምቤሬ ጎዖሢንታ ሱንፃ ዘዓሬ ጌይንታ ቤላዔ ዓጮሎኮ ካኣታሢንታኬ።

3 ዬንሢ ደንጎ ካኣቶንሢ ፔቲ ማዒ ሶኦጌ ባዚ ጌዒ ዔኤሊንታ ሲዲሚ ደኣጮይዳ ዖሎሮ ቡኬኔ።

4 ዬንሢ ደንጎ ካኣቶንሢ ታጰ ላምዖ ሌዔ ኬዶራላዖሚሬ ጎዖ ዓጮ ካኣቲ ዴማ ባሺንቲ ናንጋዖ ታጰ ሃይሣሳ ሌዖና ጋዓንቲ ዬያ ካኣቲ ዑፃ ዒዲ ዳጋዲ ዔቄኔ።

5 ታጰ ዖይዳሳ ሌዖና ኬዶራላዖሚሬና ዒዛና ዋላ ፔቲ ማዒ ዖላ ካኣቶሢ ዔያቶኮ ዖላ ዓሶና ዋላ ሙካዖ ሬፓ ዓሶ ዓሽቲሮትቃራናይሚ ጌይንታ ቤዛ፥ ዙዛ ዓሶ ሃማ ጌይንታ ቤዛ፥ ዔማ ዓሶ ቤሺዌቂርያቲማ ጌይንታ ቤዛ።

6 ሆሬ ዓሶዋ ጌሚራዳ ዓጮሎ ሴዒሬኮ ዓሲ ናንጉዋ ዳውሎ ኮይላ ዓኣ ዔልፓኣራኣኔ ሄላንዳኣና ዖሊ ባሺኔ።

7 ዬካፓ ማዒ ቃዴሴ ጎዖ ዓጮ ሙኬኔ፤ ዬኖ ዋዶና ዬኖ ቤዜሎኮ ሱንፃ ዔኒሚሽፓፃ ጌይንታ፤ ሃሃ ዓማሌቄ ዓሶ ዓጮ ቢያ ዓርቃዖ ሃፄዖንታማሬ ጌይንታ ቤዛ ናንጋ ዓምራ ዓጮ ዓሶዋ ዔያታ ዖሊ ባሺኔ።

8 ዬካፓ ሶዶሚ፥ ጋምራ፥ ዓዳማ፥ ፃቦዬሚና ቤላዔ ዓጮ ካኣታ ፔኤኮ ዖላ ዓሶ ሲዲሚ ደኣጮይዳ ቡኩሲ ዖልቲኔ፤

9 ዔያታ ያልተሠራ ዔላአሜ፣ ጎይሜ፣ ባብሎኔና ዔላሳሬ ዓጮ ካአቶንሠረኩኔ፤ ደንጎ ካአቶንሠረ ያይዶ ካአቶንሠረና ዋላ ያልተሠራ ዔያይዲኩ።

10 ሲዲሜ ጌይንታ ደኦጮሎይዳ ሺዶ ማላ ዓልቃ ባኮ ዔካኒ ጴጌፕ ቦኦኮና ሚርጌ ዔቴ ዓአንቴ ሰዶሚና ጋሞራና ካአቶንሠረ ያሎይዳ፣፣ ዓአሺንተ ቶሎር ጌዒ ጳሽካ፣ ዔያ ዔቶይዳ ሎኦማዛ፣ ዓቴ ሃይሆ ካአቶንሠረ ዲኮ ዓአሺንተ ከሰከኔ።

11 ያይዶ ካአቶንሠረ ሰዶሚና ጋሞራና ካታሞይዳ ዴንቁ ባኮ ቢያ ሙኡዚያ ሃሹዋ፣ ዔከ ዓአዴኔ።

12 ሎኦጴያ ሰዶሚይዳ ናንጋሠሮ ዒዛንታ ዒዛኮ ቆሎንታ ቢያ ዲዒ ዔከ ዔያታ ዓአዴኔ።

13 ዒሚና ፔቴ ዓሲ ያላፓ ዓሺንተ ቶሊ ሙካ፣ ማዔ ባኮ ቢያ ዔብሬ ዓሠ ዓብራሚሞ ከኤዜኔ፤ ዔኖ ዋዶና ዓብራሚ ናንጋሠረ ዓሞራ ዓሠ ሚሚሬሮ ማዔ ካአሽኮ ሻኦኮኮ ኮይላከ፤ ዔያ ሚሚሬ ጎፎሠረ ዒዛኮ ላሞ፣ ጌርሲንሠረ ማዔ ዓሽኮሎና ዓኔሬና ዓብራሚኮ ያሎ ዋዶና ዋሊ ሃሻዓ ጌዒ ጫኦቁ ላጌከ።

14 ዓብራሚ ፔኤኮ ጌኤዚ ናኦዚ ሎኦጴ ዲዒንተ ዔከንቴሠረ ዋይዛ፣ ዔዛኮ ማኦራ ሸይንተ ያላኒ ዲንዳዓ ሃይሆ ጴኤታና ታጶ ሳሊ ዓሲ ዓንጋሞና ጌኢጊሺ ዔንሠረ ጌኤዚ ናኦዚ ዲዒ ዔከ ዓአዴያ ያይዶ ካአቶንሠረ ጊንፎ ዳኦኔ ጎፎ ቤዘ ሃላንዳኦና ዴንዴኔ።

15 ዒኢካ ዒ ዔከ ሙኡኮ ዓሶ ፓቁ ፓቁ ዔንሠረ ካአቶንሠረ ዲሚ ያሎ ዓርቃ፣ ዔያቶ ባሺ ዴማሰቆ ጎፎ ዓጮሎኮ ዓባ ከሰከኒ ጌላ ዛሎኮ ከዴ ዛሎና ዴንዲ ሆባ ጎፎ ቤዘ ሃላንዳኦና ዔያቶ ዴሙሴኔ።

16 ዲዒንተ ቤርታ ዔከ ዓአዴንቴ ባኮ ቢያ፤ ሃሠ ዒዛኮ ጌኤዚ ናኦዚ ሎኦጴና ዒዛኮ ቆልሞና ዋላ፣ ጌዳ ጊንሠ ዔያቶና ዋላ ላኦሊንታ ሚሌ ቱኡሲ ዓሲንታ ማሃ ዔከ ሙኡከ።

ሚልኬ ያዲቁ ጎፎሠረ ዓብራሚ ዓንጂ፣

17 ዓብራሚ ደርላ፣ ሰዶሚሬና ዔያቶና ዋላ ዓኦ ካአቶ ያሎና ባሺ ማዓዛ ሰዶሚ ዓጮ ካኦቴ «ካኦቴ ዶኦቲ» ጌይንተ ዔኤሊንታ ሸዌሃ ጎፎ ዶኦጫ ዒዛ ጎይሠረ ዔካኒ ከሰከኔ፤

18 ዴኤፖ ያኦዛሠሞ ማዳ ቁኤሴ ማዔያ ሳላሚ ዓጮ ካኦቴ ጌይንታ፣ ሚልኬ ያዲቁ ዓብራሚሞ ካሠና ዋይኔ፣ ጎሽና ዑሽና ዓከ ሙኡካ፣

19 ዓብራሚ ሃዚ ጌዒ ዓንጂ፡-
«ጫሬንጮና ሳፎና ማገፍ ዴኤፖ ያኦዛሠሚ
ዓብራሚ ዓንጂንጎ፤

20 ኔና ዒፃ ኔኤኮ ሞርኮ ዑይይዳ ባሺ፣ ኔኤሞ ዒንጌ

ጴጌፖ ያኦዛሢ ጋላቴንቴያ ማዖንጎ።»
ዒማና ዓብራሜ ዲዒ ዔኪ ሙኬ ባኮ ቢያኮ ታጳይዳፓ ፔቴ
ታጳይዳፓ ፔቴ ዔኪ ማልኬ ፃዲቁም ዒንገኔ።

21 ሶዶሜ ካኦቴያ ዓብራሜም፡- «ኔ ዲዒ ዔኪ ባኮ ቢያ ኔኤሮ
ዔካዖ ታ ዓሶ ታኦም ማሄ» ጌዔኔ።

22 ዓብራሜ ዒዛም ማሃዖ፡- «ጩሪንጮና ሳዖና ማዜ ጴጌፖ
ያኦዛሢ ሱንዖና ታ ኔኤም ጫኦቃኔ፤

23 ኔኤኒ <ዓብራሜ ዖርጎቹሢ ታናኬ> ጎዑዋጉዲ ማሌ ዓታዛ ፔቴ
ሼኤሚታቶዋ ዲርዘ ቱኮሰካፓታቴያ ፔቴ ሱሲታዖ ታኦኒ ኔጊዳፓ
ዔኪንዲዋሴ።

24 ዬያሮ ታኦሮ ጌዒ ዓይጎ ባኦዚያ ታ ዔካዓኬ፤ ታ ዓሳ
ሙዔዘንሢፓ ዓታዛ ማሌ ታ ኮዑዋሴ፤ ሃሢ ዬያጉዲ ታኦኮ ዖሎ
ላጎንሢ ዓኔሬ፣ ዓሽኮሌና ማሚሬና ዔያቶ ሄላዘንሢ ሌሊ ዔያታ
ዔኮንጎ» ጌዔኔ።

15

ያኦሲ ዓብራሜም ጫኦቁ ጫኦቁም

1 ዬካፓ ዓብራሜ ያኦሲ ዒዛ ፔጋሲ ጳዌ ባኦዚ ዛጌኔ፤ ናንገና
ናንጋ ጎዳ ዒዛ ኮይላ፡-

«ዓብራሜ! ዒጊጨፖ፣ ታ ኔኤኮ ገቴማ ማዒ ፑርታ ባኦዚፓ ቢያ
ካፓንዳኔ፤

ሚርጌ ኮሺ ባኦዚ ታ ኔኤም ዒንጋንዳኔ»
ጋዓንቴ ዒዚ ዋይዜኔ።

2 ዓብራሜ ማሃዖ፡- «ቢያሢኮ ጎዳ ማዔ ታ ጎዳሢዮ! ናይ ታኦኮ
ባኦሢሮ ኔ ታኦም ዒንጋ ሚርጌ ኮዦ ባካ ዓይጎ ታኦም ማዳንዳይ?
ታና ጳካላንዳሢ ዳማሰቆ ዓጮ ዓሢ ዔላዜሬ ሌሊኬ።

3 ፔቴታዖ ታኦም ኔኤኒ ናይ ዒንጊባኦሢሮ ታና ጳካላንዳሢ ዬያ
ታኦኮ ማዳ ማዳ ሳሶይዳፓ ፔቴሢኬ» ጌዔኔ።

4 ዬካፓ ገንሢ ናንገና ናንጋ ጎዳ ዓብራሜም፡- «ሃይ ዔላዜሬ፣
ኔኤኮ ማዳሢ ኔና ጳካላንዳኔ፤ ኔጊዳፓ ሾይንታንዳ ናዓሢ ኔና
ጳካላንዳኔ» ጌዒ ኬኤዘንቴ ዒ ዋይዜኔ።

5 ዬካፓ ናንገና ናንጋ ጎዳ ዓብራሜ ካሮ ባንሢ ዔኤሊ ኬሳዖ፡-
«ሂንዳ ለካ ጩሪንጮ ዛጌ፤ ዦኦጋሢ ፓይዳኒ ኔ ዳንዳዓቴ ሂንዳ
ፓይዳ፤ ዓካሪ ኔኤኮ ዜርፃ ዬያጉዲ ሚርጋንዳኔ» ጌዔኔ።

14:20 ዔብ. 7:1-10። 15:5 ሮሜ 4:18፤ ዔብ. 11:12።

6 ናንጊና ናንጋ ጎዳ ዒዛሞ ዬያ ማዳንዳሢ ዓብራሜ ጉሙርቄኔ፤ ያኦሲያ ዒዛኮ ጉሙርቄዎና ዎዛዲ ዒዛ ፔ ዓሲ ማሄኔ።

7 ዬካፓ ያኦሲ ዓብራሜሞ፡- «ሃኖ ዓጩሎ ኔና ዳካልሳኒ ዑራ ጌይንታ ካላዳ ዓሶ ዓጩይዳፓ ኔና ዔኪ ኬሴ ናንጊና ናንጋ ጎዳሢ ታናኬ» ጌዔኔ።

8 ዓብራሜ ጋዓንቲ ናንጊና ናንጋ ጎዳ ኮራ፡- «ቢያሢኮ ጎዳ ማዔ ታ ጎዳሢኖ! ሃና ዓጩላ ታኣሞ ማዓንዳሢ ዎዲ ታ ዔራንዳይ?» ጌዒ ያኦጩኔ።

9 ናንጊና ናንጋ ጎዳሢያ ዒዛሞ፡- «ሃይሃ ሃይሃ ለዔ ማዔያ ፔቲ ማር፣ ፔቲ ዎኦሪ፣ ፔቲ ማራይና ሃሣ ኪሬንታ ዶኦሌንታ ዔኪ ታኣሞ ሙኬ» * ጌዔኔ።

10 ዓብራሜያ ያኦሲ ዒዛ ዓይሣሢ ቢያ ዔኪ ሙካዎ ቆልሞ ሸኪ ፓቂ ፓቂ ፓቂንቲሢያ ዎሊ ቤኤዚ ላምዎ ቤሰካ ጌሣኔ፤ ካፖንሢ ጋዓንቲ ቲቃዎ ፓቂባኦሴ።

11 ሃምፑራሢ ቲቂንቲ ዓሸኮ ሙዓኒ ሙካኦና ዓብራሜ ዳውሴኔ።

12 ዓባ ጌላኒ ዑካኦና ዓብራሜ ሃሃይቄጉዲ ጊንዔኔ፤ ሃሣ ሚርጌ ዓጊቹሞና ዲቃቲሢና ዒዛይዳ ጌሌኔ።

13 ናንጊና ናንጋ ጎዳ ዓብራሜሞ፡- «ኔኤኮ ዜርፃ ዓሲ ዓጩዳ ቤቲ ሙኬ ዓሲ ማዓንዳኔ፤ ዒኢካ ዔያታ ካራሙሞና ሃሣ ሄርቄ ዎይሃ ዎይሥሢና ሜታዲ ያይዶ ጃኤታ ለዔ ናንጋንዳኔ፤

14 ዔያቶ ካራሙሞና ዎይሣ ዓጩ ዓሶይዳ ፑርታ ዎጌ ታኢኒ ዎጋንዳኔ፤ ዬካፓ ኔኤኮ ዜርፃ ሚርጌ ቆሎ ዔኪ ዬኖ ዓጩፓ ኬሰካንዳኔ።

15 ኔኤኒ ጋዓንቲ ሚርጌ ለዔ ናንጊጋፓ ሜታ ባኦያ ሃይቄ ዲኡታንዳኔ።

16 ኔኤኮ ዜርፃ ሃኖ ዓጩ ማዒ ሙካንዳሢ ያይዶ ሸይንቲኮ † ጊንፃፓኬ፤ ዳንዲ ዬያ ሄላንዳኦና ዔያታ ናንጋንዳሢ ሃሢ ሃካ ዓኦ ዓሞራ ዓሶኮ ጎማ ኮሺ ሚርጌም ሜቶና ታ ዔያቶ ጳርቄ ኬሰንዳሢ ሄላንዳኦናኬ» ጌዔኔ።

17 ዓባ ጌሊ ሃባርታኦና ናኦሶይዳፓ ኬሰካ ጩቢና ዔኤታ ታሚ ሎሰታ ጳዲ፣ ቲቂ ፓቂ ፓቂ ጌሃና ዓሸኮኮ ባኦኪና ዓኦዳኔ።

15:6 ሮሜ 4:3፤ ጋሊ. 3:6፤ ያይ. 2:23። * 15:9 ዬይ ዓንጎ ባካ ጫኦቁሞ ማላቶ ዔርዛያኬ (ዔር. 34:8-22 ዛጌ)። 15:12 ዓ.ዮ. 4:13-14። 15:13 ኬሲ. ማፃ 1:1-14፤ ዳኪ. ማዳ 7:6። 15:14 ኬሲ. ማፃ 12:40-41፤ ዳኪ. ማዳ 7:7። † 15:16 ያይዶ ሸይንቲ ጌይፃ ዬኖ ዎዶና ፔቲ ሸይንቲ ናንጋሢ ጃኤታ ለዔታሢርኬ።

- 18 ዬዮ ከሎና ናንገና ናንጋ ጎዳ ዓብራሜም፡- «ጊብፄ ዓጮ ዛጳፓ ዴንዲ ዔፕራዲሴ ዋሮ ሄላንዳኣና ዓኣ ዓጮ ቢያ፡
- 19 ዬያጉዲ ቄና ዓሶ ዓጮ፡ ቄኔዛ ዓሶ ዓጮ፡ ቃደምኔ ዓሶ ዓጮ፡
- 20 ሂታ ዓሶ ዓጮ፡ ፔርዛ ዓሶ ዓጮ፡ ሬፓ ዓሶ ዓጮ፡
- 21 ዓሞራ ዓሶ ዓጮ፡ ካኣናኔ ዓሶ ዓጮ ጌርጌሳና ዲያቡሳና ዓሶ ዓጮ ቢያ ታ ኔ ዜርፆም ዒንጋንዳኔ» ሂዚ ጌዒ ጫኣቄኔ።

16

ዓጋኣሮና ዒዞኮ ናኣዚ ዒሲማዔኤሌና

- 1 ዓብራሜኮ ማቻ ሶኦራ ሃጊ ናይ ሾዒባኣያኮ፤ ዒማና ዒዞም ማዳያ ዓጋኣሮ ጌይንታ ጊብፄ ዓጪ ናይሰከና ዓኣኔ፤
- 2 ዬያሮ ዓብራሜኮ ማቻ ሶኦራ ዓብራሜ ኮይላ፡- «ሃኣዛጌ፡ ናንገና ናንጋ ጎዳ ታና ናይ ሾዑዋጉዲ ላኣጌኔ፤ ኔኤጊ ሃኖ ታኣም ማዳዞና ላሂ፤ ታኣኒ ዒዞ ዛሎና ጎፆንቴ ናይ ዴንቃንዳያናንዳኔ» ጋዓዛ፡ ዓብራሜያ ማቻ ጌዔሂ ዋይዜኔ።
- 3 ዬያሮ ሶኦራ ዒዞኮ ማዳ ጊብፄ ዓጮ ናዔሎ ዓጋኣሮ ዓብራሜ ዔካንዳንጉዲ ዒንጌኔ። ዬይ ያዲ ማዔሂ ዓብራሜ ካኣናኔ ዓጮይዳ ታጳ ለዔ ናንጌሰኬፓ ጊንፃኣኮ።
- 4 ዓብራሜ ዓጋኣሮ ዔካዛ ጎጳዴኔ፤ ዒዞ ፔኤኮ ጎጳ ዔሬ ዋደና ማኣሮ ዒንዶ ሶኦራ ዑፃ ፆቶርቂ ዒዞ ቦሂኔ።
- 5 ዬያሮ ሶኦራ ዓብራሜ ኮራ፡- «ዓጋኣራ ታና ቦሃንዳጉዲ ማዳሂ ኔናቲ፤ ኔኤም ዒዞ ዒንጌሂ ታናኮ፤ ዒዞ ጋዓንቴ ጎጳዴሂዳፓ ዓርቃፆ ታና ቦሃኔ፤ ሃሂ ታኣና ኔኤናናይዳፓ ፔዜማ ፆናታቴያ ናንገና ናንጋ ጎዳ ዋጎንጎ» ጌዔኔ።
- 6 ዓብራሜያ ማሃፆ፡- «ኮሺኮ፤ ዒዞ ኔኤም ማዳያ ኔ ዴማ ዓኣያ ማዔሂሮ፡ ኔ ኮዔ ባኣዚ ዒዞ ዑፃ ማዴ» ጌዔኔ። ዬካፓ ሶኦራ ዓጋኣሮ ሚርጌ ሜታሴሂሮ ዓጋኣራ ማኣራፓ ቤቴኔ።
- 7 ናንገና ናንጋ ጎዳኮ ኪኢታንቻ ዓጋኣሮ ዓሲ ናንጉዋ ዳውሎይዳ ፔቴ ዓልቃ ዋኣሂ ኮርካ ዓኣንቴ ዴንቄኔ፤ ዬና ዓልቃ ዋኣፃላ ሹሬ ጎፆ ዓጮ ባንሂ ዔኪ ዓኣዳ ጎይፆይዳኮ።
- 8 ናንገና ናንጋ ጎዳኮ ኪኢታንቻሂ፡- «ሶኦራም ማዳ ማዳ ዓጋኣራ! ዋካፓ ኔ ሙኩይ? ዋኒም ኔ ዴንዳይ?» ጌዒ ፆኦጩኔ።
- ዒዞኣ ማሃፆ፡- «ማኣሮ ዒንዶ ሶኦራ ኮራፓ ታ ቤቲ ዴንዳኔ» ጌዔኔ።

15:18 ዳኪ. ማዳ 7:5።

9 ናንገና ናንጋ ጎዳኮ ከኢታንቻሂ፡- «ኔ ዓንዶ ኮራ ማዒ ደንዲጋጋጋ ዒዛሞ ማዴ» ጌዔኔ።

10 ቃሳዖ ሃሃ፡- «የኦኒያ ፓይዳኒ ዳንዳዑዎና ማሂ ዜርዖ ታ ኔኤኮ ሚርገሻንዳኔ፤

11 ኔኤኒ ሃሂ ጎጲናኬ፤ ዓቲንቄ ናይ ኔ ሾዓንዳኔ፤
ናንገና ናንጋ ጎዳሂ ኔ የዬ ዬኤኬሂ ዋይዜሂር
ሱንዖ ዒዛኮ ዒሰማዔኤሌ * ጌዒ ጌሄ።

12 ጋዓንቴ ከርሞሌጉዲ ማዒ
ዒዚ ዓሲ ቢያ ዒፃንዳኔ፤
ዓሲያ ዒዛ ዒፃንዳኔ፤
ዬያጋ ዔቄያና ዒዚ ፔኤኮ ዒገኖ ዒዳ ዲማዲ ናንጋንዳኔ»
ጌዔኔ።

13 ዓጋኦራኣ፡- «ጎኔና ታና ዛጋ ያኦሲ ታ ዛገ ዎይቲ ሸምፔና
ዓቲይ?» ጌዒ ዒዛና ጌሰቴ ናንገና ናንጋ ጎዳሂኮ ሱንዖ «ዒልሮዒ»
ጌዔኔ፤ ዬኖኮ ቡሊፃ «ታና ዛጋ ያኦሲ ታ ዛገኔ» ጌይሂኬ።

14 ዬያሮ ዓሳ ቃዴሴና ባሬዴ ዓጮናኮ ሳዛ ዓኣ ዔቶ ዋኣዖ
«ቢዔርላሃይሮዒ» ጌዒ ሱንሂ ጌሄኔ፤ ዬኖኮ ቡሊፃ «ሃይቁዎና
ማዒ ናንገና ናንጋ ታና ዛጋ ታ ጎዳሂ ዔቴ ዋኣሂ» ጌይሂኬ።

15 ዓጋኦራ ዓብራሜሞ ዓቲንቄ ናይ ሾዔኔ፤ ዒዛ ሾዔ ናዓሂኮ
ሱንዖ ዓብራሜ «ዒሰማዔኤሌ» ጌዒ ጌሄኔ፤

16 ዓብራሜኮ ዬኖ ዎዶና ለዓ ሳሊታሚ ላሆኬ።

17

ዓቲንቶ ቤርቶ ቲቂዖ ያኦሲ ጨኣቄ ጨኣቁሞኮ ማላታ ማዒዖ

1 ዓብራሜኮ ለዓ ታዘጲታሚ ታዘጳ ማዔ ዎዶና ናንገና ናንጋ
ጎዳ ዒዛና ካኣማዖ «ታኦኒ ቢያ ባኦዚ ዳንዳዓ ያኦሲኬ፤ ኔኤኒ ታኣም
ዓይሂንቲሂና ቢያ ዎዴ ፒዜ ማዔ ባኦዚ ማዴ፤

2 ታ ኔኤና ዎላ ጨኣቁሞ ጨኣቃንዳኔ፤ ዜርዖዎ ታ ኔኤኮ ኮሺ
ሚርገሻንዳኔ» ጌዔኔ።

3 ዓብራሜ ባሊቶና ሳዖ ሄሊሲ ዚገ ያኦሲ ካኦሻካዛ ያኦሲያ
ዒዛም ሂዚ ጌዔኔ፡-

4 «ኔኤም ታ ጨኣቃ ጨኣቁማ ሃያኬ፤ ሚርጌ ዴሬኮ ዓዶ ታ ኔና
ማሃንዳኔ፤

* 16:11 ዒሰማዔኤሌ ጌይዖ፡- ዒብሬ ዓሶ ሙኡቺና «የኦሲ ዋይዛኔ» ጌይሂኬ።
16:15 ጋላ. 4:22።

5 ሚርጌ ዴሬኮ ዓዶ ታ ኔና ማሃንዳሢር ሃይፓ ሴካ ሱንፃ ኔኤኮ ዓብራሚ ጌይንቲፃ ዓቲሞ ዓብራሃሚ * ማዓንዳኔ።።

6 ሚርጌ ዴሬ ማዓንዳያ ሄላንዳኦና ዜርፆ ታ ኔኤኮ ሚርጌሻንዳኔ፤ ካኣቶ ማዓያኦ ዔያቶ ባኣካፓ ኬሰካንዳኔ።።

7 «ኔኤና ኔኤኮ ዜርፆና፣ ሃሃ ሙካ ሾይንቶና ዎላ ታኣኮ ጫኣቁሞ ታ ናንገና ዶዲሻንዳኔ፤ ዬያይዲ ኔኤና ኔኤኮ ጊንፃ ሙካ ዜርፆናኮ ታኣኒ ያኦሲ ማዓንዳኔ።።

8 ሃሢ ኔ ሾኦቹሞና ናንጋ ሳዔሎ ኔኤና ኔ ዜርፆናሞ ታ ዒንጋንዳኔ፤ ካኣና ኔ ዓጮ ናንገና ዳካላንዳጉዲ ታ ኔኤኮ ዜርፆሞ ዒንጋንዳኔ፤ ታኣኒያ ዔያቶኮ ያኦሲ ማዓንዳኔ።።»

9 ላሚ ሃሃ ዓብራሃሚሞ ያኦሲ ሂዚ ጌዔ፡- «ኔኤና ኔኤኮ ጊንፃ ሙካንዳ ዜርፆና ኔኤኒ ታኣና ዎላ ጫኣቁ ጫኣቁሞ ሾይንቲዳፓ ሚሌ ሾይንቲ ሄላንዳኦና ካቸዎቲ፤

10 ኔናንታ ኔኤኮ ጊንፃ ሙካንዳ ዜርፆንታ ዒንሢ ካፓንዳ ጫኣቁማ ሃያኮ፤ ዒንሢ ባኣካ ዓኣ ዓቲንቁ ቢያ ዓቲንቶ ቤርቶ ቲቂንታንዳያ ኮይሳኔ፤

11 ዒንሢኮሞ ዓቲንቶ ቤርቶ ቲቁዎቲ፤ ዬይ ታኣና ዒንሢናኮ ሳዛ ዓኣ ጫኣቁሞኮ ማላቶኮ፤

12 ሙካ ሾይንቶይዳ ዓቲንቁ ናይኮ ቢያ ሾይንቲሰካፓ ሳላሳ ኬሎና ዓቲንቶ ቤርታ ቲቂንቶንጎ፤ ዬያጉዲ ማኣራ ዒንሢኮ ሾይንቲሢንታ ዙላፓ ሚኢሼና ሻንቂንቲ ሙኬ ካራማኣ ዓቲዎዎ ቲቂንቶንጎ።

13 «ታኣኮ ጫኣቁማ ናንገና ዒንሢና ናንጋያ ማዓሢ ዔርዛኒ ዓሽኮይዳ ማላታ ማዓንዳጉዲ ፔቲ ፔቲ ዓቲንቃ ዓቲንቶ ቤርቶ ቲቂንቶንጎ።

14 ዓቲንቶ ቤርታ ቲቂንቲባኣ ዓቲንቁ ናይ ቢያ ታኣኮ ጫኣቁሞ ቦንቹባኣሢር ታኣኮ ዴርይዳፓ ፔቲያ ማዒ ፓይዲንታዓኬ።።»

15 ያኦሲ ዓብራሃሚሞ ሂዚ ጌዔ፡- «ሃይፓ ሴካ ማቾ ኔኤኮ ሶኦራ ጌዒ ዔኤሊፖ፤ ሃናፓ ዓርቃያ ዒዞኮ ሱንፃ ሳኣራ ተ ጌዒ ጌሢ።።

16 ዒዞሞ ታኣኒ ዓንጃንዳኔ፤ ዒዞ ኔኤሞ ዓቲንቁ ናይ ሾዓንዳኔ፤ ታ ዒዞ ዓንጃንዳሢር ሚርጌ ዴሬኮ ዒዞ ዒንዶ ማዓንዳኔ፤ ዒዞኮ ዜርፆይዳፓ ካኣቶ ማዓያ ኬሰካንዳኔ።።»

* 17:5 ዓብራሃሚ ጌይፃ- ዓብሬ ዓሶ ሙኡቹና «ሚርጌ ዓሲኮ ዓዶ» ጌይሢኬ።
17:5 ሮሚ 4:17። 17:7 ሉቃ. 1:55። 17:8 ዳኪ. ማዶ 7:5። 17:10 ዳኪ. ማዶ 7:8፤ ሮሚ 4:11። † 17:15 ሳኣራ ጌይፃ- ዓብሬ ዓሶ ሙኡቹና «ካኣቲ ናዎ» ጌይሢኬ።

17 ዓብራሃም ሳባ ሄሊሲ ዘገ ስላሳ ካሸከኔ፤ ጋዓንቴ «ሌዔ ያኔታ ማዕ ዓሲ ናይ ሾዓ ባኣዚዳ? ሃሃ ታ ማቐ ሳኣራኮዋ ሌዓ ታዘጲታሚ ማዕሢር ሾዓኒ ማይ ዳንዳዓ?» ጌዒ ማሊ ሚኢጫዖ፡

18 ያኣሲ ኮራ፡- «ዒሰማዔኤሌ ኔ ታኣም ዓንጃቶ ታና ዳካላኒ ዳንዳዕ-ዋዓዳ?» ጌዒ ያኣጩኔ፡፡

19 ያኣሲያ ዒዛም ማሃዖ፡- «ያዲ ማዓዓኬ፤ ማቐ ሳኣራ ኔኤኮ ዓቲንቁ ናይ ሾዓንዳኔ፤ ሱንዎዋ ዒዛኮ ኔ ዩሳኣቁ † ጌይ ጌሃንዳኔ፤ ታኣኮ ጫኣቁም ዒዛና ዒዛኮ ዜርዖና ዋላ ናንገና ታ ደዲሻንዳኔ፤

20 ዒሰማዔኤሌ ዛሎ ታና ኔ ሸኢቁሢ ታ ዋይዜኔ፤ ዒዛኣ ታ ዓንጃንዳኔ፤ ሚርጌ ናይ ታ ዒዛም ዒንጋንዳኔ፤ ዜርዖዋ ታ ዒዛኮ ኮሺ ሚርጌሻንዳኔ፤ ዒዛይዳፓ ታጰ ላምዖ ሱኡጌ ኬሰካንዳኔ፡፡

21 ጋዓንቴ ሙካ ሌዓ ሃይማ ዋደና ሳኣራ ኔኤም ሾዓንዳ ናዓሢ፡ ዩሳኣቁና ዋላ ታኣኮ ጫኣቁም ታ ደዲሻንዳኔ» ጌዔኔ፡፡

22 ዬያይዲ ያኣሲ ዓብራሃምና ዋላ ጌሰታዖ ዲማዲ ኬሰከኔ፡፡

23 ያኣሲ ዓይህሢጉዲ ዓብራሃም ዬኖ ኬሎና ናዖ ዒሰማዔኤሌኮ፤ ሃሃ ማኣሮይዳ ሾይንቴ ማደ ማዳ ዓይሎ ቢያሢኮ፤ ዬያጉዲ ዙላፓ ሚኢሾና ሻንቆና ዓይላኣ ዓቲዋንቴ ዒዛኮ ማኣራ ዓኣ ዓቲንቆ ቢያሢኮ ዓቲንቶ ቤርቶ ቲቁኔ፤

24 ዓብራሃምያ ፔ ዓቲንቶ ቤርቶ ቲቁንታኣና ዒማና ሌዓ ዒዛኮ ታዘጲታሚ ታዘጸከ፡፡

25 ናኣዚ ዒሰማዔኤሌኮ ዓቲንቶ ቤርታ ቲቁንቴ ዋደና ታጰ ሃይሃ ሌዔ ናይ ማዓዛ፡

26 ላምዓሢ ቲቁንቴሢ ፔቴ ኬሊዳከ፡፡

27 ዬያጉዲ ዒዛኮ ማኣራ ሾይንቴ ዓይሌ ማዒ ማዳ ዓቲንቆንታ ዙላፓ ሚኢሾና ሻንቆና ዓይሎ ማዕ ዓቲንቃኣ ቢያ ዒዛና ዋላ ቲቁንቴኔ፡፡

18

ዓብራሃም ዓቲንቁ ናይ ሾዓንዳያ ማዒያ ኬኤዚንቴሢ

1 ማሚሬ ጌይንታ ቤዘይዳ ካኣሸኮ ሻኣቦንሢ ዓጫ ናንገና ናንጋ ጎዳ ዓብራሃምም ጰዴ ጎይፃ ዬያይዲኬ፤ ፔቴ ኬሊ ዓብራሃም ዓቢ ዲኡሲ ዓፒላና ማዢናጥ፡ ዒዚ ናንጋ ማኣሮ ካራ ዴዒ ዓኣዖ፡

† 17:19 ዩሳኣቁ ጌይፃ፡- ዔብራ ዓሶ ሙኡቕና «ሚኢጫኔ» ጌይሢከ፡፡

2 ጳጊ ጌራ ዛጋንቲ ሃይሆ ዓሲ ዓቂ ዓኣያ ዒዛም ጴጴ፤ ዩካፓ ዑኩና ዔያቶና ጌሰታኒ ዔያቶ ባንሢ ጳሽካዖ ባሊታ ሳዖ ሄላንዳኣና ሂርኪ ጌራ ዘጊ ቦንቸ ዔኤሊሢ ዔያቶ ዔኤሊ፤

3 ዒማና ዒዚ ዔያቶም፡- «ታ ጎዳቲዮቴ! ባንሢ ታኣኮ ኮይሌና ዓኣጳዎጉዲ ታ ባንሢ ሸኢቃ፤ ሃይሾ ታኣኒ ባንሢ ሾኦቸንሣኒ ጊኢጊንቲ ዓኣ፤»

4 ቶኮ ባንሢ ማሰታንዳ ዋኣሢ ታኣኒ ዔኪ ሙካንዳኣና ባንሢ ሃኖ ማጭሎ ሸባ ሃውሹዎቲ፤

5 ታና ባንሢኮ ዓይላሢ ኮራ ባንሢ ሙከሢ ታና ኮሺ ዋዛሴ፤ ዩያሮ ባንሢ ሃንታ ዎደና ዎልቁ ባንሢም ባንጋንዳጉዲ ዳካ ሙኡዚ ዔኪ ሙከ ታ ባንሢም ባንጋንዳ፤» ጋዓዛ፡ ዔያታ «ኮሺኬ፤ ኔ ጌዔሢጉዴያ ማጴ» ጌዔ፤፡፡

6 ዓብራሃሜ ዓፒሎና ማዢና ፔኤኮ ማኣሮ ባንሢ ጳሽካዖ ሳኣራም፡- «ሩኡሪና ሃይሆ ሻንባ ዲኢሊ ዔኪጋፓ ላኣዳ ላኣዴ» ጌዔ፤፡፡

7 ዩካፓ ዓብራሃሜ ፔኤኮ ቆልሞ ባንሢ ዴንዳዖ ሃጊ ዔቃያ ቃራ ዎፓና ባኣቶ ባኣካፓ ደኦሪ ዔኪ ዒዛኮ ማጴ ማጴሢም ባንጋዛ ዩይ ማጴ ማጴሢ ሩኡሪና ሹኪ ዓሸኮ ቲቂ ጊኢጊሴ፤፡፡

8 ዓብራሃሜ ዩያ ዓሸኮንታ ዣሸንታ ዲኢቂ ሜጲያ ዔኪ ዓኣጳ ሾኦጭንሢም ሸኢሸ ባንጌ፤ ዩያ ዔያታ ሙዖ ሙዓኣና ዓብራሃሜ ሚዖ ዴማ ዔያቶ ኮራ ዔቂ ዔያቶ ሾኦቸንሣኒ፡፡

9 ዔያታ ዒዛ ኮራ፡- «ኔ ማኣሮ ባንዳ፡ ሳኣራ ዎካዳይ?» ጌዔ፤፡፡ ዒዚያ ማሃዖ፡- «ሃካ ሶ ጋራኣኬ» ጌዔ፤፡፡

10 ሃይሆ ሾኦጭደፓ ፔቴይ ዓብራሃሜ ኮራ፡- «ሶ ሌዖኮ ሃይማ ዎዴ ማዓኣና ታኣኒ ማዒ ሙካንዳ፤ ዩኖ ዎደና ኔኤኮ ማቻ ሳኣራ ዓቲንቁ ናይ ሾዓንዳ፤» ጌዔ፤፡፡

ዩይ ዓሢ ሂዚ ጌራ ኬኤዛኣና ሳኣራ ዓፒላፓ ማዢና ማኣሮ ጌሎ ካራ ዓሢኮ ጊንዖ ዛሊና ዔቂ ዎዎይዛ፤፡፡

11 ዓብራሃሜና ሳኣራና ሾውዎዖ ሚርጌ ሌዔ ናንጊ ጊምፔያታሢሮ ሳኣራ ሾይቺ ዲጴያኮ፡፡

12 ዩያሮ ሳኣራ፡- «ታኣኒ ማይ ሃያይዲ ጋርቺ ላቤሰካፓ ዓቲንቁና ሾዓንዳኖ? ሃሣ ታ ጎዳሢ ዓብራሃሜያ ሃያይዲ ጋርቺምሞ?» ጌራ ማላዖ ሚኢጩ፤፡፡

13 ናንጊና ናንጋ ጎዳ ዓብራሃሜ ኮራ፡- «ሃኣዒዲ ታ ጋርቺሰካፓ ናይ ሾዓኒ ዳንዳዓ?» ጌራ ሳኣራ ዓይጎሮ ሚኢጩይ?

14 ናንጊና ናንጋ ጎዳሢ ባሻ ባኣዚ ናንጊዳ? ታኣኒ ኔኤም ከኤዜሢገደያ ሶሌያ ሃይማ ወደ ማዓኣና ማዓ ታ ሙካንዳኔ፤ ዬኖ ዋደና ሳኣራ ባቲንቁ ናይ ሸዓንዳኔ» ጌዔኔ።

15 ሳኣራ ሚርጌና ዒጊጩያታሢር፡- «ታኣኒ ሚኢጩባኣሴ» ጌዔኔ።
ዒዚ ጋዓንቲ «ኔ ሚኢጩሢሢ ጎኔኩ» ጌዔኔ።

ዓብራሃሜ ሶዶኦሜ ዓጮ ዛሎ ሺኢቁ ሺኢጲያ

16 ዬካፓ ዓሶንሢ ዓኣዳኒ ዔቁኔ፤ ደንዲቤቃ ሶዶኦሜ ዓጮ ለካ ዛጊንታ ፔቴ ቤሲ ሄሌኔ፤ ዬማ ሄላንዳኣና ዓብራሃሜ ዔያቶ ጎይሣ ዓኣሢሢ ዋላ ዓኣዳኔ፤

17 ናንጊና ናንጋ ጎዳ ፔ ማሊሢና፡- «ታኣኒ ማዳንዳ ባኮ ዓብራሃሜም ዓኣቻዓኩ፤

18 ዓብራሃሜኮ ዜርፃ ሚርጌ ዲቢ ዴሬ ማዓንዳኔ፤ ዒዛ ዛሎና ባጎይዳ ዓኣ ዴራ ቢያ ዓንጂንታንዳኔ።

19 ጌኤሺ ማዒ ሃሣ ፒዙሞና ዋጊ ዋጊ ዒዛኮ ናኣቶና ማኣር ዓሶና ናንጊና ናንጋ ጎዳኮ ጎይያ ካፓንዳጉዲ ዞሪ ዔኪ ዓኣዶም ጌዒ ታኣኒ ዒዛ ዶኦሬኔ፤ ናኣታ ዒዛኮ ዬያ ማዲ ኩንሣቶ ታኣኒ ዓብራሃሜም ማዳንዳኔ ጌዒ ጩኣቁ ጩኣቁሞኮ ሃጊ ማዓንዳ ዋዛ ቢያ ታ ኩንሣንዳኔ» ጌዔኔ።

20 ሄሊሳጎ ናንጊና ናንጋ ጎዳ ዓብራሃሜም ሂዚ ጌዔኔ፡- «ሶዶኦሜና ጋሞኦራና ዓጮ ዴራ ማዳ ፑርቶ ማዶ ታ ዋይዜኔ፤ ጎማኣ ዔያቶኮ ኮሺ ሚርጌኔ።

21 ዔያቶ ዛሎ ታኣኒ ዋይዜ ባካ ቢያ ጎኔ ማዒያ ዔራኒ ዔያቶ ባንሢ ታ ዴንዳኔ።»

22 ዬካፓ ሃይሃ ሸኦጩንሢዳፓ ላምጎንሢ ሶዶኦሜ ዓጮ ባንሢ ዓኣዲያ ዔቃዛ ናንጊና ናንጋ ጎዳ ዓብራሃሜና ዋላ ዔቁ ዓኣንቲ።

23 ዓብራሃሜ ናንጊና ናንጋ ጎዳ ባንሢ ዶጩ ሂዚ ጌዔኔ፡- «ጎኔና ፑርታ ማዲባኣ ኮዥ ዓሶ ጎሞ ዓሶና ዋላ ኔ ባባይዛንዳ?

24 ካታሜሎይዳ ዶንጊታሚ ኮሺ ዓሲ ዓኣቶ ካታሜሎ ጉቤ ኔኤኒ ባይዛንዳ? ዶንጊታሞ ኮዥ ዓሶ ዛሎር ጌዒ ካታሜሎ ባይዚያ ሃሻዓዳ?

25 ፑርቶ ማዲባኣ ኮዥ ዓሶ ጎሞ ዓሶና ዋላ ኔኤኒ ባይዛንዳኔ ጌዒ ታ ማሎሞሴ፤ ያዒ ሃሣ ኔኤኒ ማዲንዲሞኣሢያ ታ ጉሙርቃኔ፤ ዬያ ኔ ማዴቶ ማይ ፑርታ ማዲባኣ ኮዥ ዓሳ ጎሞ ዓሶና ዋላ ፑርታና

18:14 ሉቃ. 1:37።

ዋጊንቴኔ ጌይሢኬ፤ ዬይያ ማሊ ማዒንዲዋሴ! ዓጮ ቢያም ዋጋሢ ፒዜ ዋጋንዲያ ከይሳያቱዋዓዳ?» ጌዔኔ።

26 ናንጊና ናንጋ ጎዳ ማሃያ፡- «ሶዶኦሜ ካታሞይዳ ፑርታ ማዲባኦ ደንጊታሚ ኮሺ ዓሲ ታ ዴንቄቶ ዔያቶር ጌዒ ካታሚሎ ታ ጉቤ ባይዛዓኬ» ጌዔኔ።

27 ዓብራሃሚ ላሚ ጊንሣ ሃሣ፡- «ታኣኒ ሲላሊና ዲቢንሢናጉዲ ማዔ ፓሡዋ ዓሢ ናንጊና ናንጋ ጎዳሢና ጫርቄ ጌስታሢሮ ታኣም ዓቶንጎ ጌዔ፤

28 ጎዖንቴ ኮዦ ዓሶኮ ፓይዳ ደንጊታሚ ማዒያይዳፓ ያይዲታሚ ደንጎ ማዔቶ፡ ደንጎ ዓሲ ፓጩሢሮ ካታሚሎ ጉቤ ኔ ባይዛንዳ?» ጋዓዛ፡ ናንጊና ናንጋ ጎዳ «ያይዲታሚ ደንጎ ኮሺ ዓሲ ታ ዴንቄቶ ካታሚሎ ታኣኒ ባይዛዓ» ጌዔኔ።

29 ዓብራሃሚ ጊንሣ ላሚ፡- «ያይዲታሚ ዓሲ ሌሊ ዒኣካ ጴዳቲሾ?» ጌዒ ያኦጩኔ።

ናንጊና ናንጋ ጎዳሢ ሃሣ፡- «ያይዲታሚ ዓሲ ጴዳቶ ዔያቶር ጌዒ ካታሚሎ ታ ባይዛዓ» ጌዔኔ።

30 ዓብራሃሚ ናንጊና ናንጋ ጎዳ ኮራ፡- «ታ ጎዳሢዮ! ሃዳራ ታና ጎሪፖ፤ ታ ኬኤዘም፤ ጎዖንቴ ሃይሢታሚ ዓሲ ሌሊ ጴዳቶሾ?» ጌዔኔ።

ናንጊና ናንጋ ጎዳሢ፡- «ሃይሢታሚ ዓሲ ጴዳቶ ዔያቶር ጌዒ ካታሚሎ ታኣኒ ባይዛዓ» ጌዔኔ።

31 ዓብራሃሚ ጊንሣ፡- «ታ ጎዳሢዮ! ሃሣ ላሚ ታ ኬኤዘሢሮ ታኣም ዓቶም ጌዔ፤ ጎዖንቴ ላማታሚ ዓሲ ጴዳቶሾ?» ጌዔኔ።

ናንጊና ናንጋ ጎዳሢያ፡- «ላማታሚ ዓሲ ጴዳቶ ዔያቶር ጌዒ ካታሚሎ ታኣኒ ባይዛዓ» ጌዔኔ።

32 ዓብራሃሚ ጊንሣ ሃሣ፡- «ታ ጎዳሢዮ! ሃዳራ ታና ጎሪፖ፡ ፔቴና ታ ኬኤዘም፤ ታጾ ዓሲ ሌሊ ጴዳቶሾ?» ጌዔኔ።

ናንጊና ናንጋ ጎዳሢ፡- «ታጾ ዓሲ ጴዳቶ ዔያቶር ጌዒ ካታሚሎ ታኣኒ ባይዛዓ» ጌዔኔ።

33 ናንጊና ናንጋ ጎዳ ዓብራሃሚና ዋላ ጌሰቲ ጋፓያ ዬዮ ቤዜሎይዳፓ ዓኣዴኔ፤ ዓብራሃሚያ ፔ ማኣሪ ማዒ ዴንዴኔ።

19

ሶዶኦሜ ካታሞ ጎሞ

1 ዩሮ ዋንቴሎ ያኦሲኮ ላምዖ ኪታንቻ ሶዶኦሚ ካታሞ ሙካንቴ፥ ሎኦጃ ጎዎሢ ሶዶሚ ካታሞ ጌላ ካራ * ዴሲ ዓኣኔ፤ ዲዚያ ዩንሢ ዴንቃዖ ዔያቶና ጌሰታኒ ዴዔ ቤዛፓ ዑኩና ዔቂ ዔያቶኮ ቤርታ ጉምዓቲ ቦንቾ ዔኤለሢ ዔኤላዖ ሂዚ ጌዔኔ፡-

2 «ታ ጎዳቲዮቴ! ታ ዲንሢ ሾኦቹንሢ ጊኢጊንቴያኩ፤ ታ ማኣሪ ጌሊ፥ ቶኮሞ ዲንሢኮ ማሰቲ፥ ዲኢካ ዋርቂፓፓ ዚሮ ጉቴ ጎይዖ ዓኣዲዋቴ» ጌዔኔ፡፡

ዔያታ ጋዓንቴ፡- «ዔይዔ! ኑኡኒ ሃካ ዘኦዛ ዋርቃንዳኔ» ጌዔኔ፡፡

3 ሎኦጃ ዲዛ ማኣሪ ዔያታ ጌላንዳጉዲ ሺኢቂ ባሼሢሮ፥ ዲዛና ዋላ ማኣሪ ዔያታ ጌሌኔ፤ ዩካፓ ሎኦጃ ፔኤኮ ማዳ ዓሶም ካሢ ካሢ ቃራ ካዎ ጊኢጊሻንዳጉዲ ኬኤዜኔ፤ ካዎሢያ ጊኢጊንቴሰካፓ ሾኦጫ ሙዔኔ፡፡

4 ሾኦጫንሢ ላሃንዳሢኮ ቤርታ ሶዶሚ ካታማፓ ዴጌሢንታ ጋርቾ ዓቲንቆንታ ዓቲዋዖ ሙኪ ሎኦጃ ማኣሮ ማንጌኔ፡፡

5 ዲማና ዩይ ዓሳ ሎኦጃ ዔኤላዖ፡- «ሃካ ኔ ኮራ ዋርቃኒ ጌሌ ዓሶንሢ ዎካ ዓኣይ? ዔያቶና ኑ ላሃኒ ኮዓሢሮ ኑ ባንሢ ዔያቶ ኬሴ!» ጌዔኔ፡፡

6 ሎኦጃ ጋዓንቴ ዔያቶ ባንሢ ኬሰካዖ ካሮ ጊንሢና ፔኤኮ ዎዳዖ፥

7 ሂዚ ዔያቶም ጌዔኔ፡- «ታ ላጎንሢዮቴ! ሃዳራቴ ሃያ ጉዴ ፑርታ ባኣዚ ማዲፖቴ!

8 ሃይሾ፥ ታኣኮ ላምዖ ለዒባኣ ዉዲሮ ናይሰኬንሢ ዓኣኔ፤ ዔያቶ ታ ዲንሢም ኬሳንዳኔ፤ ዲንሢ ኮዔ ባኣዚ ዔያቶ ማዲዎቴ፤ ሃንሢ ሾኦጫንሢ ጋዓንቴ ዓይጎዎ ማዲፖቴ፤ ዔያታ ታ ሾኦቹታሢሮ ዔያቶ ታ ካፓንዳያ ኮይሳኔ» ጌዔኔ፡፡

9 ዓሳ ጋዓንቴ፡- «ሃይ ኔ ቤቲ ሙኬ ዓሢ ሃይ! ኑኡኒ ማዳንዳ ባኮ ኑኡም ኬኤዛኒ ኔ ያናዳይ? ሴካ ሺኢኬ! ሃንጎ ዔያቶይዳ ኑ ማዳኒ ማሌ ባኮይዳፓ ባሼ ኔ ዑፃ ኑ ማዳንዳኔ» ጌዔ፥ ሎኦጃ ሂዓዖ ካሮ ሜንሢ ጊኢጊንቴኔ፤

10 ዩማና ሎኦጃኮ ጋርይዳ ዓኣ ላምዖ ሾጫንሢ ኩጮ ፔኤኮ ዙሎ ኬሲ ሎኦጃ ጎቹ ዔኪ ጋሮ ጌልዛዖ ካሮ ማሂ ዎዳኔ፤

11 ዩካፓ ዙላ ዓኣ ዓሳ ቢያ ካሮ ዴንቁዎጉዲ ዓኣፖ ዔያቶኮ ባይዜኔ፡፡

ሎኦጃኮ ሶዶኦሚ ካታሞ ሃሺ ኬዘ

* 19:1 ካታሞ ጌላ ካራ ካታሞ ጌላ ካራ ዴዔ ዓሳ ካታሞ ዎይሢ ዔርቴ ዴኤፖ ዓሶኬ፡፡
19:7 ሱኡጎ. ማፃ 19:22-24፡፡ 19:11 2ካኣቶ. ማ 6:18፡፡

12 ለምን ሸኦጫንህ ሎኦጭም፡- «ሃይካ ካታሞይዳ ናንጋ ኔኤኮ ወዲር ናይንታ ዓቲንቁ ናይንታ ናኣቶኮዋ ያኦጪንቶ ዓሲንታ፤ ሃሃ ማሌ ዓሲኒ ኔኤኮ ዓኣቶ ዑኩና ኬሴ፤

13 ዓይጎር ጌዔቶ ሃኖ ካታሚሎ ኑ ባይዛንዳኔ፤ ሃኖ ካታሞ ዓሶኮ ጎማ ኮሺ ሚርጌህ ናንጊና ናንጋ ጎዳ ዋይዘህሮ፡ ሶዶኦሚ ኑ ባይዛንዳጉዲ ኑና ዳኬኔ» ጌዔኔ።

14 ዩካፓ ሎኦጭ ዒዛኮ ናኣቶ ያኦጫ ዓሶ ኮራ ዓኣዳዎ፡- «ዑኩና ሃይፓ ኬሰኩዋቲ! ናንጊና ናንጋ ጎዳ ሃያ ቤዞ ባይዛኒኬ» ጋዓዛ፡ ዔያታ ዒዚ ዔያቶና ዓማሊ ጌጌሻኔ ጋዓዎ ዔኤቢ ማሂ ዔኪባኣሴ።

15 ዚር ጉቴሎ ዓማ ያኦሲኮ ኪኢታንቻ ሎኦጭም፡- «ዑካዳ! ካታሚሎና ኔ ዋላ ባይቁዋጉዲ ኔኤኮ ማቾና ለምን ወዲር ናኣቶንህና ዔኪ ሃይፓ ኬሰኬ» ጌዒ ጌዒ ዒዛ ሩኡሪሴ።

16 ሎኦጭ ጋዓንቲ ዋይቶንደይ ጌዒ ሂርጌኔ፤ ያዲ ማዔቶዋ ናንጊና ናንጋ ጎዳ ዒዛና ዒዛኮ ማኣር ዓሶናም ሚጪንቲህረ ኪኢታንቻህ ሎኦጭ ዒዛኮ ማቾና፤ ሃሃ ለምን ወዲር ናኣቶንህኮዋ ኩጮ ዓርቂ ካታማፓ ዔኪ ኬሴኔ።

17 ዔያቶ ኬሴህኮ ጊንፃ ኪኢታንቻንህፓ ፔቲህ፡- «ዒንህ ሸምፖ ዓውሱዋቲ! ጊንህም ሺሪ ዛጊፖቲ! ሃሃ ዶኦጭይዳኣ ናጊፖቲ፤ ዒንህ ሃይቁዋጉዲ ዲኮ ባንህ ጳሽኩዋቲ» ጌዔኔ።

18 ሎኦጭ ጋዓንቲ ሂዚ ዔያቶም ጌዔኔ፡- «ታ ጎዳንህዮ! ሃዳራቲ ዩካ ኑ ኬሰካንዳጉዲ ጌዒፖቲ፤

19 ታና ኔኤም ዓይህንቲ ማዳ ዓይላህ ዛላ ማዒ ኮሺ ባኣዚ ኔ ማዳህሮ፡ ታኣኮ ሸምፓህያ ኔ ዓይሳኒ ዳኤፕ ማኣዶ ታኣም ኔ ማዳኔ፤ ጋዓንቲ ሃይ ባይሲንታ ታና ሄሌም ታ ሃይቃንዳኔ ጌዒ ሂርጋህሮ ዩያ ዲኮ ባንህ ጳሽካኒ ታ ዳንዳዑዋሴ።

20 ታኣኒ ዑኩና ጳሽኪ ቶላኒ ዳንዳዓ ዳካ ካታማሰኬማ ዓኣኔ፤ ዒዛ ባንህ ታኣኒ ሃዳራ ዓኣዶም ጌዔቲራ፤ ዒዛ ኔ ዛጋህጉዲ ዳካ ካታማኬ፤ ዒዛ ባንህ ታ ዴንዴቶ፡ ታኣኮ ሸምፓህ ባይሲንታፓ ዓታንዳኔ» ጌዔኔ።

21 ኪኢታንቻህ፡- «ዔኤዔ፡ ኔ ጌዔህ ታ ዋይዘኔ፤ ዩማ ኔ ጋዓ ካታሞፓ ታ ባይዛዓኬ፤

22 ዩኖ ካታሚሎ ኔ ሄላንዳኣና ዓይጎ ባኣዚያ ታ ማዳኒ ዳንዳዑዋኣህሮ ዑኩና ዒዛ ባንህ ጳሽኬ» ጌዔኔ። ሎኦጭ ዩኖ ካታሚሎ ዳካ ካታማ ጌዔህሮ ሱንፃ ዒዛኮ ዞዓሬ † ጌይንቲ።

19:16 2ጴፂ. 2:7። † 19:22 ዞዓሬ ጌይፃ፡- ዔብሬ ዓሶ ሙኣቾና «ዳካ» ጌይህኬ።

ሶዶኦሚና ጋሞኦራ ካታሞናኮ ባይቂያ

- 23 ሎኦጻ ዘዓሬ ካታሚሎ ሄላኣና ዓባ ሃጊ ያዮርቃኔ፤
- 24 ናንጊና ናንጋ ጎዳ ሶዶኦሚና ጋሞኦራና ካታሞንሢዳ ታሚና ታሚኮ ጻኢሊና ፔ ኮሮ፣ ጨሪንጫፓ ኬይሴኔ።
- 25 ዬያይዲ ዬንሢ ካታሞንሢና ዒኢካ ዓኣ ዶኦጮ ቤዘ፤ ሃሃ ዒኢካ ናንጋ ዓሶንታ ሳያይዳ ባቃሌ ባኮንታ ቢያ ባይዜኔ።
- 26 ሎኦጻኮ ማቻ ዒሚና ጊንሢም ሺሪ ዛጌሢሮ ፒዝ ጌዒ ዔቁ፣ ዓሞሌ ሶኦጌ ማዒ ዓቲኔ።
- 27 ዓብራሃሜ ዚሮ ጉቴሎ ዔቃፆ ጉቴ ዓሚና ቤርታ ዒዚ ናንጊና ናንጋ ጎዳና ዋላ ሶዶኦሚንታ ጋሞኦራንታ ዛሎ ጌሰቴ ቤዜሎ ዴንዴኔ።
- 28 ዬካፓ ሊካ ሶዶኦሚና ጋሞኦራና፤ ሃሃ ዒኢካ ዓኣ ዶኦጮ ባንሢ ዒ ዛጋንቴ ፑኡፒ ዓንሢ ታሚፓ ኬሰካ ጨቢጉዴያ ዴኔፒ ጨቢ ዒኢካ ጨባኔ።
- 29 ሎኦጻ ናንጋ ዶኦጮ ካታሞንሢ ያኦሲ ባይዛኒ ማሌ ዋዶና ዓብራሃሜም ማሊ፣ ዬያ ባይሲንታፓ ሎኦጻ ዳቃንዳ ቤሲ ባንሢ ኬሴኔ።

ሞዓኣቤና ዓሞኦኔ ዓሶ ዜርፆናኮ ዓይያ

- 30 ሎኦጻ ዘዓሬ ካታሚሎይዳ ናንጊያ ዒጊጨሚሢሮ ዒዛና ዒዛኮ ለምፆ ዉዲሮ ናኣቶንሢና ለካ ዲኮ ኬሰኪ ዒኢካ ዔቴይዳ ናንጌኔ።
- 31 ፔቴ ኬሊ ዒዛኮ ናዎ ቶይዴላ ጌኤዶም ሂዚ ጌዔኔ፡- «ኮ ዓዴ ጋርቹ ጋርቹ ዓኣኔ፤ ኮ ሾዓንዳጉዲ ኦና ዔካ ማሌ ዓቲንቁ ኦ ኮራ ባኣሴ፤
- 32 ዬያሮ ኦ ዓዶይዳፓ ኦ ናይ ሾዓኒ ዑሺ ኦ ዒዛ ማሢሶም» ጋዓፆ፣
- 33 ዬኖ ዋንቴሎ ዓዳሢ ዑሺ ማሢሲ ዒዛኮ ቶይዴላ ዒዛና ላሄኔ። ዓዴ ሚርጌና ማሢንቴሢሮ ዒዛ ላሂ ጊንሣ ዔቃኣናኣ ዒዚ ዔሪባኣሴ።
- 34 ዚሮ ጉቴሎ ሚሽላ ጌኤዶም፡- «ዋንቴ ታኣኒ ዓዶና ዋላ ላሄኔ፤ ሃኖ ዒባኒ ሃሃ ኦ ማሢሳዛ ኔኤኒ ዒዛና ዋላ ላሄ፤ ሂዲ ዒዛይዳፓ ለምዓሢ ናይ ሾዒ ዜርፆ ኦኡኮ ባይቁዋጉዲ ኦ ማዶም» ጌዔኔ።
- 35 ዬያ ጋዓፆ ዔያቶኮ ዓዳሢ ዔያታ ዑሺ ማሢሲ ጌኤዴላ ዒዛና ላሄኔ፤ ቤርታኣሲጉዲ ኮሺ ዓዴ ማሢንቴሢሮ ዒዛ ላሂ ጊንሣ ዔቃኣና ዔሪባኣሴ።
- 36 ዬያይዲ ለምፆ ሎኦጻ ናኣታ ዓዶይዳፓ ጎጲ ዔኬኔ።

19:25 ዔቃ. ማ 4:6፤ ማቴ. 10:15፤ 11:23-24፤ ሉቃ. 10:12፤ 17:29፤ 2ጴጌ. 2:6፤ ዪሁ. 7። 19:26 ሉቃ. 17:32።

37 ቶይዳላ ዓተንቄ ናይ ሾዓዖ ሱንዖ ሞዓኣቤ ቆ ጌዔኔ፤ ዒዚያ ሞዓኣቤ ዓሶ ጌይንጥ ዔኤሊንታ ዓሶኮ ማዠናገጥ ዓዳሂኬ።

38 ጌኤዳላኣ ዓተንቄ ናይ ሾዓዖ ሱንዖ ቢኢኒዓኣሜ § ጌዔኔ፤ ዒዚያ ሃኖ ዓሞኣኔ ዓሶ ጌይንጥ ዔኤሊንታ ዓሶኮ ማዠናገጥ ዓዳሂኬ።

20

ዓብራሃሚና ካኣቲ ዓቤሚሌኬና

1 ዓብራሃሚ ዎንዴ ናንጋ ሚሚሬ ጎዖ ቤዛፓ ቤቲ ኔጌቤ ጌይንታ ባጮ ዓኣዳዖ ቃዴሴና ሹኡሬ ጌይንታ ዓጮናኮ ባኣካ ዴዔኔ፤ ጌሬራ ዓጮይዳኣ ሸኣቹሞና ዒዚ ዴዔኔ።

2 ዓሚና ዓብራሃሚ ፔኤኮ ማቾ ሳኣራ ታኣኮ ጌርኬ ጌዔኔ፤ ዬያር ጌሬራ ዓጮ ካኣቲ፣ ዓቤሚሌኬ ሳኣራ ዔኪ ሙካንዳጉዲ ዓሲ ዳኪ፣ ዔኪ ፔ ማኣሪ ዬይሴኔ።

3 ጋዓንጥ ዬካፓ ፔቲ ዎንቴና ያኦሲ ካኣቲ ዓቤሚሌኬም ዓውቲና፡- «ሃኖ ላኣሌሎኮ ዓኒ ዓኣሂር ዒዞ ኔ ዔካኒ ማሊ ኔ ማኣሪ ዔኪ ዬይያና ሃይቃንዳኔ» ጌዔኔ።

4 ጋዓንጥ ካኣቲ ዓቤሚሌኬ ሃጊ ዒዞና ላሂባኣሂር ሂዚ ጌዔኔ፡- «ናንገና ናንጋ ጎዳሂያ! ታ ዓይጎሞ ፑርታ ባኣዚ ማዲባኣሴ፤ ታናንታ ታ ዴርንታ ኔ ባባይዛንዳ?

5 <ዒዞ ታኣኮ ጌርኬ> ጌዔሂ ፔኤር ዓብራሃሚኬ፤ ዒዞኣ ታኣኮ ዒዚ ጌርሲኬ ታኣም ጌዔሂር፣ ታኣኒ ሃያ ማዲሂ ዲሎና ጌኤሺ ዒኔፓ ማዔሂር ፔቲታዖ ታ ዳቢንጥ ባኣዚ ባኣሴ» ጌዔኔ።

6 ያኦሲያ ዓውቲና ዒዞም ሂዚ ጌዔኔ፡- «ጌኤሺ ዒኔና ኔ ማዲሂ ታ ዔሬኔ፤ ዬያር ዒዞና ኔኤኒ ላሂ ጎሚ ማዲሞጉዲ ታ ኔና ላኣጌሂ ዬያርኬ።

7 ሃሂ ጋዓንጥ ላኣሌሎ ዓኒም ማሂ ዒንጌ፤ ዒዚ ታ ማሊሂ ኬኤዛ ዓሲታሂር ኔ ሃይቁሞጉዲ ኔኤም ዒ ሺኢቃንዳኔ፤ ዒዞ ኔ ማሂ ዒዞም ዒንጊባኣቶ ኔ ሃይቃንዳሂ ኔና ዔሬ! ኔና ሌሊ ማዒባኣንጥ ኔኤኮ ዴራ ቢያ ኩዳንዳኔ።»

8 ዚር ጉቴሎ ጉቴ ዓሚና ካኣቲ ዓቤሚሌኬ ፔኤኮ ዑኬ ማዒ ማዲ ዓሶ ዔኤሊ ማዔ ባኮ ቢያ ዔያቶም ኬኤዜ ዎዶና ዓሳ ዲቃቴኔ።

‡ 19:37 ሞዓኣቤ ጌይዖ፡- ዔብሬ ዓሶ ሙኡቹና «ታ ዓዳይዳፓ ሸይንቴያ» ጌይሂኬ።
§ 19:38 ቢኢኒዓኣሜ ጌይዖ፡- ዔብሬ ዓሶ ሙኡቹና «ታ ማኣሪ ዓሲ ናይ» ጌይሂኬ።
20:2 ማዠ. ማፃ 12:13፤ 26:7።

9 ዩካፓ ካኣቲ ዓቤሚሌኬ ዓብራሃሚ ዓኤላዮ፡- «ሃይ ኔ ኩሞ ዓይጎ ማዶ ማዶይ? ታኣና ታ ካኣቱሞናይዳ ሃያጉዴ ባይሲንታ ኔ ዓኤሌህሂ ታ ኔኤሞ ዓይጎ ዳቤሞዳይ? ኔ ማዶ ባካ ዓሲ ማዶ ባኣዚያቱቆሴ፤

10 ሂንዳ ዋይዜ፡ ሃያ ኔና ዓይጌ ማዲሺሴይ?» ጌዔኔ።

11 ዓብራሃሚ ማሃዮ፡- «ሃያ ዓጮይዳ ያኦሲ ዒጊጫ ዓሲ ባኣሴ» ጌዒ ማለህና ታኣኮ ማቾ ዔካኒ ኮዒ ታና ዋዳንዳኔ» ጌይ ታኣኒ ዒጊጫህረኬ፤

12 ሃሃ ዒዛ ታኣኮ ዓዶ ናይ ማዔህረ ጎኔ ታኣኮ ዒዛ ጌርኬ፤ ጋዓንቲ ታ ዒንዶ ናይ ዒዛ ማዒባኣህረ ታ ዒዛ ዔኬኔ።

13 ዬያር ያኦሲ፡ ታ ዓዶ ማኣራፓ ታ ከሰኪ ሜሌ ዓጪ ዓኣዳንዳጉዲ ታና ዓይህሃ ዋዶና፡ ሉ ዴንዴ ቤዞ ቢያይዳ ታ ዒዛኮ ጌርኬ ኔ ጌዔቶ ኔኤኒ ታኣሞ ፑኡፕ ባኣዚ ማዴጉዲ ታ ፓይዳንዳኔ» ታ ዒዛሞ ጌዔያኬ» ጌዔኔ።

14 ዩካፓ ካኣቲ ዓቤሚሌኬ ዒዛኮ ዓኒ ዓብራሃሚ ማሃ ሳኣራ ዒንጌኔ፤ ዬያጉዲ ሃሃ ማራይ፡ ባይንታ ማዶ ዓሲያ ዒንጌኔ።

15 ዓብራሃሚ ማኣ፡- «ሃይሾ ታኣኮ ዓጫ ኔኤኒ ዛጋህጉዲኬ፤ ኔ ኮዔ ቤዛ ናንጌ» ጌዔኔ።

16 ሳኣራሞ ሃሃ፡- «ኔኤኒ ፔቲታዮ ቦርሲሳ ባኣዚ ማዲባኣያ፡ ጌኤሺ ማዔህሂ ዔርዛኒ ኔኤና ዋላ ዓኣ ዓሶሞ ማላታ ማዓንዳጉዲ ኔ ጌርሲ ዓብራሃሚ ሞፔ ሺያ ማዓ ሹቹ ቢራ ታ ዒንጌኔ» ጌዔኔ።

17-18 ዓብራሃሚ ማቾ፡ ሳኣራይዳ ማዲንቲ ባኮ ዛሎና ካኣቲ ዓቤሚሌኬ ማኣራ ናንጋ ላኣሎ ቢያ ናይ ሾዑዋጉዲ ያኦሲ ዔቁሴኔ፤ ዬያር ዓብራሃሚ ካኣቲ ዓቤሚሌኬ ዛሎ ሺኣቁሞ ያኦሲ ካኣቲ ዓቤሚሌኬና ዒዛኮ ማኣረና ፓህኔ፤ ዩካፓ ዒዛኮ ማቾና ዒዛኮ ማዶ ላኣላ ቢያ ናይ ሾዓኒ ዳንዳዔኔ።

21

ዪሳኣቁኮ ሾይንቶ

1 ናንጊና ናንጋ ጎዳ ጌዔ ጎይዮ፡ ዒዚ ከኤዜ ሃጊ ማዓንዳ ዋዘጉዴያና ሳኣራ ጋርቹዮ ናይ ሾዓንዳጉዲ ዓንጃኔ።

2 ዬያር ሳኣራ ጋርቹዮ ጎጳዲ ዓብራሃሚ ሞዓቲንቁ ናይ ሾዔኔ፤ ናዓህ ሾይንቲህያ «ሃይማ ዋዶና ሾይንታንዳኔ» ጌዒ ያኦሲ ከኤዜ ዋዶማናኬ።

21:2 ዔ.ብ. 11:11።

3 ዓብራሃሜ ዒዛኮ ማቻ፡ ሳኣራ ዒዛሞ ሾዔ ናዓሢኮ ሱንፆ «ዪሳኣቄ» ጌዒ ጌሣኔ፤

4 ፆኦሲ ዓብራሃሜ ዓይሣ ጎይፆ ናዓ ሾይንቲሢኮ ሳላሳ ኬሎና ናፆኮ ዓቲንቶ ቤርቶ ዒዚ ቲቄ፡፡

5 ዪሳኣቄ ሾይንታ ዎዶና ዓብራሃሜኮ ለዓ ጄኤታኬ፡፡

6 ሳኣራ፡- «ፆኦሲ ታኣሞ ዎዛና ሚኢቹና ዒንጌኔ፤ ዬያሮ ሃያ ባኮ ዎይዜሢ ሲያ ታኣና ዎላ ሚኢጫንዳኔ» ጌዔ፡፡

7 ሃሣ ዒዛ፡- «ሳኣራ ዓብራሃሜሞ ናይ ሾዒ ዳንሢሣንዳኔ ጌዒ ማሌ ዓሲ ፆናዳይ? ሃይሾ ዒዚ ጋርቹንቲ ዓቲንቄ ናይ ዒዛሞ ታ ሾዔ፡፡» ጌዔ፡፡

8 ናዓሢ ጉኡጶ፡፡ ዒዚ ጉኡጶ ኬሎና ዓዴ፡ ዓብራሃሜ ሚርጌ ሙኡዚንታ ዑሺያ ጊኢጊሺ ዎዛዴ፡፡

ዓጋኣሮና ናኣዚ ዒሲማዔኤሌናኮ ዳውሲንቲፆ

9 ሳኣራሞ ማዶ ማዳ፡ ጊብፆ ዓጮ ናዔላ፡ ዓጋኣራ ዓብራሃሜሞ ሾዔ ናዓሢ ዒሲማዔኤሌ ፔቲ ኬሊ ማኣሮ ዒንዶ ሳኣራ ናኣዚ ዪሳኣቄና ዎላ ዓማላ፤

10 ዒሲማና ናኣታ ዓማላሢ ሳኣራ ዛጋፆ ዓብራሃሜ ኮራ፡- «ሃኖ ታኣኮ ማዳዜሎ፡ ናኣዚና ዎላ ኬሲ ዳኬ፤ ዒዛኮ ናኣዚ ታ ናኣዚ ዪሳኣቄና ዎላ ዳካላንዳያ ኮይሱዎሴ» ጌዔ፡፡

11 ዒሲማዔኤሌያ ዓብራሃሜኮ ናፆታሢሮ ዬይ ዒዛ ኮሺ ሜታሴ፤

12 ፆኦሲ ጋዓንቲ ዓብራሃሜሞ፡- «ኔኤኮ ናፆና ኔኤኮ ማዳዜሎ ዓጋኣሮ ዛሎናሮ ሜታዲፖ፤ ኔና ዳካላንዳ ዜርፆ ኬሰካንዳሢ ዪሳኣቄ ዛሎና ማዔሢሮ ሳኣራ ኔኤሞ ጋዓሢ ሲያ ማማዳ፤

13 ኔኤሞ ማዳዜሎኮዎ ናኣዚ፡ ኔ ናይ ማዔሢሮ ዴኤፕ ዴሬ ማዓንዳያ ሄላንዳኣና ዜርፆ ታ ዒዛኮ ዳልጊሻንዳኔ» ጌዔ፡፡

14 ዚሮ ጉቲሎ ዓብራሃሜ ጉቲ ዓሚ ዔቃፆ፡ ዳካ ካሣና ዎኣሢያ ጎቻና ዓጋኣሮሞ ዒንጊ፡ ናፆ ዒሲማዔኤሌያ ዙላ ባሲሲ ማኣራፓ ኬሳዛ፡ ዔዛ ዬካፓ ኬሰኪ ቤርሳሴ ጌይንታ፡ ዓሲ ናንጉዎ ዳውሎይዳ ሴካ ሃንጋ ጌዒ ሜታዲ ሃንቲሢ ዓርቄ፡፡

15 ጎቻና ዒዛ ዔኬ ዎኣፆ ኩዴ ዎዶና ዒዛ ናፆ ፔቲ ቶሻ ዴንካ ላይሢ፡-

16 «ታኣኮ ናዓ ሃይቃሢ ታ ዛጋጊ ኮዑዎሴ» ጌዒ ናፆይዳፓ ዓኣዛ ዲኮዛ ሃኪ ኬዳንዳ ሴሲጉዴያ ሃኪ ዴንዲ ዴዓ ዬኤኬ፡፡

21:4 ማዢ. ማፆ 17:12፤ ዳኪ. ማዶ 7:8፡፡ 21:10 ጋላ. 4:29-30፡፡ 21:12 ሮሜ 9:7፤ ዔብ. 11:18፡፡

17 ናዓሢ ሚርጌና ዩኤካሢ ያኦሲ ዋይዜኔ፤ ያኦሲኮዋ ኪኢታንቻ ጫሪንጫፓ ዓጋኣሮ ዔኤላዎ፡- «ዓጋኣሬ! ዓይጎር ኔ ሜታዳይ? ያኦሲ ናዓሢኮ ዩኤጎ ዋይዜሢሮ ሲጊጨጎ፤

18 ዔቂ ዴንዲ ናዓሢ ጌሺ ደዲሹ፤ ዒዛኮዋ ዜርዎ ታ ሚርጊሻንዳኔ፤ ዴኤፒ ዴሬያ ታ ማሃንዳኔ» ጌዔኔ።

19 ዒማና ያኦሲ ዒዛኮ ዓኣጎ ቡላዛ ፔቴ ዴዒ ዓኣ ዔቴ ዋኣሢ ዴንቃዎ ዴንዲ ጉዜሎና ዴዒ ናዎ ዑሹኔ።

20 ናዓሢ ዲጫኣና ያኦሲ ዒዛና ዋላ ዓኣኔ፤ ዒዚያ ፓኣራኔ ጌይንታ ዓሲ ናንጉዋ ዳውሎይዳ ናንጊ ናንጊ ዓኣዛ ዴፒና ዔርቴ ከሞ ዓሲ ማዔኔ።

21 ዒንዳላ ዒዛሞ ፔቴ ጊብፄ ዓጨ ናይሰኬኖ ዔካንዳጉዲ ማዢሲ ዒንጌኔ።

ዓብራሃሜና ካኣቲ ዓቤሜሌኬና ዋላ ጫኣቄ ጫኣቄሞ

22 ካኣቲ ዓቤሜሌኬ ዬኖ ዎዶና ፔኤኮ ያሎ ያላ ዓሶ ዓይሣ ፒኮሌ ጎዎሢና ዋላ ዓኣዲ ዓብራሃሜ ኮራ፡- «ኔኤኒ ማዳ ባኮና ቢያ ያኦሲ ኔኤና ዋላኬ፤

23 ታኣም ማዔቶዎ ታኣኮ ናኣቶም ሃሣ ታኣኮ ዜርዎም ኔኤኒ ፑርታ ባኣዚ ማዲንዲዎያ ማዒዎ ሃይካ ሃሢ ታኣም ያኦሲ ሰንሢና ጫኣቄ፤ ታ ኔኤም ፒዜ ማዶ ማዳሢጉዲ ኔኤኒያ ታኣና ሃኖ ኔ ሸኦቹሞና ናንጋ ዓጨሎናም ፒዙሞ ማዶ ማዳንዳኔ ጌዒ ጫኣቄ» ጌዔኔ።

24 ዓብራሃሜ፡- «ዔኤዔ፡ ታ ጫኣቃንዳኔ» ጌዔኔ።

25 ዓብራሃሜ ካኣቲ ዓቤሜሌኬም፡- «ኔኤኮ ማዶ ማዳ ዓሳ ታኣኮ ዔኬ ዔቴ ዋኣሢ ዓኣኔ» ጌይ ከኤዜኔ።

26 ካኣቲ ዓቤሜሌኬ፡- «ዬያ ማዳሢ ያናታቴያ ታ ዔሩዋሴ፤ ኔኤኒያ ዬያ ታኣም ከኤዚባኣሴ፤ ሃያ ኔ ጋዓሢ ሃኖ ታ ዋይዛኔ» ጌዔኔ።

27 ዬካፓ ዓብራሃሜ ማራይና ባይና ዔኪ ካኣቲ ዓቤሜሌኬም ዒንጋዛ ዬኖ ከሎና ላምዎንሢ «ዋሊ ኑ ፑርቴሳዓ» ጌዒ ፔቴ ማዒ ጫኣቄኔ።

28 ዒማና ዓብራሃሜ ላንካይ ዑዞ ማራይ ቆልሞይዳፓ ዴማሴኔ፤

29 ካኣቲ ዓቤሜሌኬ፡- «ሃንሢ ላንኮ ማራናኣቶንሢ ዴማሲ ኔ ዔቂሴሢ ዓይጎርዳይ?» ጌዒ ያኦጨኔ።

30 ዓብራሃሜ ማሃዎ፡- «ሃንሢ ላንኮ ማራቶ ዑዞንሢ ዔኬ፤ ሃንሢ ኔኤኒ ዔኬቶ ሃኖ ዔቶ ዋኣዎ ታ ቦኦኬያ ማዔሢ ኔ ዔራንዳኔ» ጌዔኔ።

21:22 ማዢ. ማፃ 26:26።

31 ለምድንህ ዋሊ ፑርቲሳዓ ጌዒ ጫክቄ ቤዞ ማዕሢር ዬኖ ቤዜሎኮ ሱንፃ ቤርሳቤ * ጌይንቲኔ።

32 ዬኖ ፔቱሞ ጫክቄሞ ቤርሳቤይዳ ዔያታ ጫክቄሢኮ ጊንፃ ካኣቲ ዓቤሜሌከና ዒዛኮ ስሎ ዓሶ ዓይህ ፒኮሌና ፒሊሰጻኤሜ ዓጮ ማዒ ዴንዴኔ፤

33 ዬካፓ ዓብራሃሜ ቤርሳቤይዳ ታማርሰኬ † ጌይንታ ሚህ ቱካፃ ናንጊና ባይቁሞፃ ናንጋ ስኦሲ ማዕ ናንጊና ናንጋ ጎዳህ ዒኢካ ዘጊ ካሸከኔ፤

34 ዓብራሃሜ ዒኢካ ፒሊሰጻኤሜ ዓጮይዳ ሚርጌ ዎዴ ሸኦቹሞና ናንጌኔ።

22

ዓብራሃሜ ፔኤኮ ናኣዚ፣ ዩሳኦቄ ሹካንዳጉዲ ዓይህንቲህ

1 ዬያ ቢያ ባኮኮ ጊንፃ ስኦሲ ዓብራሃሜ ዒዛሞ ዓይህንታቶሞ ዓይህንቱሞቲያ ዛጌኔ፤ ዛጎሮ ጋዓፃ «ዓብራሃሜ!» ጌዒ ዔኤላዛ ዓብራሃሜ «ዮ» ጌዒ ዬሄኔ።

2 ስኦሲ ዓብራሃሜም፡- «ኔኤኒ ናሽካ ኔኤኮ ፔቲ ናዓህ * ዩሳኦቄ ዔኪ ሞኦሪያ ጌይንታ ዓጮ ዓኣዲጋፓ፣ ዒኢካ ታ ኔና ፔቲ ዳሞ ጌሜሪዳ ኔኤኮ ናዓህ ሹኪ ታሚና ሚቹ ዒንጎ ዒንጊህ ማሂ ታኣም ሸኢሹ» ጌዔኔ።

3 ዓብራሃሜ ዘሮ ጉቴሎ ዓሚ ዔቃፃ ታሞ ዔኤህ ሚቸንዶ ሃንጻሎ ቆጂ ሃሬና ጫኦናፃ፣ ዒዛና ዎላ ፔኤኮ ናፃ ዩሳኦቄና ዒዛኮ ማዳ ዓሶይዳፓ ለምድ ዓሲ ዔኪ ስኦሲ ዒዛሞ ዳዌ ቤዞ ዓኣዳኒ ከሰከኔ።

4 ዬካፓ ሃይህሳ ከሎና ዓብራሃሜ ሃኬና ዘጊ ቤዜሎ ዴንቃፃ፣

5 ዒዛሞ ማዳዘንህም፡- «ዒንህ ሃራህ ኮራ ሃካ ዴዐቱ፤ ታኣና ናፃና ሴኬያ ዓኣዲ ስኦሲም ዘጊ ካሸከ ኑ ማዓንዳኔ» ጌዔኔ።

6 ዬካፓ ዓብራሃሜ ዒንጎ ባኮ ሚቸንዶ ሃንጻሎ ዔኪ ናፃ ዩሳኦቄ ከዲሲ፣ ዒዚ ታሞና ዓፓሮና ዔኪ ለምድንህ ዎላ ዓኣዳንቲ፣

* 21:31 ቤርሳቤ ጌይፃ፡- ዓብሬ ዓሶ ሙኡቹና «ቤዓርሸባዒ» ጌይንታያ ማዓዛ «ጫክቄሞ ዎኣህ ዔቴ» ሃህ ጊንህ «ላንካይ ዎኣህ ዔቴ» ጌይሂከ። † 21:33 ታማርሰኬ ፔቶሞዶቁሞዳውላ ሜኤጻ ማላ ዴማሚሂከ። 22:1 ዔብ. 11:17-19።

* 22:2 ፔቲ ናዓህ ጋዓዛ፡- ዔብሬ ዓሶ ሙኡጮ ማጻኦፓይዳ ጌይንቲህጉዲ ዓኮ ጫክቄሞ፣ ጊሪኬ ማጻኦፓይዳ ጌይንቲኔ (ዮሃ. 3:16፤ ማር. 9:7) ዛጌ። 22:2 2ፓኦሲ ዓሃኬ 3:1።

7 ጎይጆይዳ ዩሳክቄ፡- «ዓዴ!» ጌራ ዔኤላዛ፡ ዓዴ፡- «ታ ናባሦ፡ ዮ!» ጌራ ዩሄኔ፤ ዩሳክቄ ጊንሣ፡- «ሃይሾ፡ ታሞንታ ሃንጂሎንታ ኑ ዔኬኔ፤ ማዓዛ ያኦሲሞ ዒንጋኒ ሹኮንዶ ማራዓሢ ዓንካዳዖ?» ጌራ ዓብራሃሜ ኮራ ያኦጩኔ።

8 ዓብራሃሜ፡- «ታ ናባሢዮ! ሹኮንዶ ማራዓሢ ያኦሲ ፔኤር ጊኢጊሻንዳኔ» ጋዓዖ፡ ላምዖንሢ ዎላ ጎይጆ ዓኣዳኔ።

9 ያኦሲ ዳዌ ቤዞ ዓብራሃሜ ሄሌ ዎዶና ሚቺ ዒንጊ ካኦሽኮንዶ ቤዞ ሹጮና ኮሺ ሃንጂሎዎ ዔኤታንዳጉዲ ዒኢካ ዓጊ ጊኢጊሾ፡ ፔኤኮ ናዖ ዩሳክቄያ ቱኪ፡ ጊኢጊሾና ሃንጂሎ ዑፃ ላይሣኔ።

10 ዩካፓ ናዖ ቲቃኒ ዓፓሮ ዔኪ ኩጮ ዳጊዳኔ፤

11 ጋዓንቲ ናንጊና ናንጋ ጎዳኮ ኪኢታንቻ ጫሪንጫፓ፡- «ዓብራሃሜ! ዓብራሃሜ!» ጌራ ላሚ ዔኤላዛ፡ ዓብራሃሜ «ዮ!» ጌዔኔ።

12 ናንጊና ናንጋ ጎዳኮ ኪኢታንቻሢ ዓብራሃሜም፡- «ናባሢ ካኦሚፖ፤ ዓይጎዎ ዒዛይዳ ማዲፖ፤ ኔኤኒ ያኦሲ ዒጊጫያታሢ ታኣኒ ዔሬኔ፤ ዓይጎሮ ጌዔቶ ፔቲ ናዖ ታኣም ዒንጊፓ ኔ ጊንሣም ጌይባኣሢሮኬ» ጌዔኔ።

13 ዓብራሃሜያ ኮይሎ ሃንጋ ሴካ ዛጌ ዎዶና ፔቲ ማራይ ጉራና ካይዚ ቡኡራና ዓርቂንቲ ዓኣያ ዴንቃዖ፡ ዓኣዲ ማራዓሢ ዔኪ ናዖ ቤዞ ሹኮ ሚቺ ዒንጎ ካኦኦ ካሽኬኔ።

14 ዓብራሃሜ ዬና ቤዜሎ፡- «ናንጊና ናንጋ ጎዳ ጊኢጊሻኔ»† ጌራ ሱንዖ ጌሣሢሮ፡ ሃዮ ሄላዖ ዓሳ፡- «ዬና ናንጊና ናንጋ ጎዳሢኮ ዲኮይዳ፡ ናንጊና ናንጋ ጎዳ ጊኢጊሻኔ» ጋዓኔ።

15 ናንጊና ናንጋ ጎዳኮ ኪኢታንቻሢ ላሚ ዓብራሃሜ ዔኤላዖ፡-

16 «ናንጊና ናንጋ ጎዳ ኔኤም ሚርጌ ዓንጆ ዒንጋንዳሢ ታ ታ ሱንዖና ጫኦቃኔ» ጋዓኔ፤ ሃያ ኔ ማዳሢሮ ሃሣ ፔቲ ናባሢያ ታኣም ዒንጋኒ ኔ ዒጂባኣሢሮ፡

17 ታ ኔኤኮ ዜርዖ ጫሪንጫ ዡኦጋሢጉዲ፡ ባዞ ዓጫ ማኦሻሎጉዲ ሚርጊሻንዳኔ፤ ኔኤኮ ዜርዖ ዔያቶ ዒፃ ሞርኮ ባሺ ካታም ዔያቶሲ ዔካንዳኔ።

18 ታኣኮ ዓይሢያ ኔ ኩንሣሢሮ ዓጮ ዴራ ቢያ ኔ ዜርዖና ዓንጆንታንዳኔ» ጌዔኔ።

19 ዩካፓ ዓብራሃሜ ዒዛም ማዳዘንሢ ኮይላ ማዒ ዴንዳዖ ዔያቶና ዎላ ቤርሳቤ ዓጮ ዓኣዲ፡ ዒኢካ ናንጌኔ።

22:9 ያይ. 2:21። † 22:14 ናንጊና ናንጋ ጎዳ ጊኢጊሻኔ ጌይፃ፡ ዔብሬ ዓሳ ሙኤጮና «ያሃዌ ዪሪዔ» ጌይንታኔ። 22:16 ዔብ. 6:13-14። 22:17 ዔብ. 11:12። 22:18 ዳኪ. ማዳ 3:25።

ናኮሬ ጎፆ ዓሲስኬያኮ ዜርፆ

20 ዬካፓ ሚልካ ጎፆዜላ ዓብራሃማኮ ዒሾ ናኮሬም ናይ ሾዔህ
ዓብራሃማ ዋይዜኔ፤ ዔያታኣ፡-

21 ቶይዳህ 0-ፀ፡ ጌኤዛህ ቡዜ፡ ዓራማኮ ዓዶ ቁሙዔኤሌ፤

22 ኬሴዴ፡ ሃዘ፡ ፒልዳሾ፡ ዪዲላፕ ጎፆሂንታ ቤቱዔኤሌንታኸ።

23 ቤቱዔኤሌ ጎፆህ ዒርቢቃ ጎፆዞ ሾዔኔ፤ ሚልካ ዬንህ ሳሎ
ናኣቶንህ ዓብራሃማኮ ዒሾ ናኮሬም ሾዔኔ።

24 ሬ0-ማ ጌይንታ ናኮሬኮ ጊንፃ ማቕሰኬና ናኮሬም ሃሃ ፃባሃ፡
ጌሃሚ፡ ቱሃሾና ማዒካ ጎፆስኬንህ ሾዔኔ።

23

ሳኣራ ሃይቁም ዓብራሃማ ዱኡፖ ቤዞ ሻንቁህ

1 ዓብራሃማኮ ማቕ ሳኣራ ፃኤታና ላማታሚ ላንካይ ለዔ
ናንጌሂኮ ጊንፃ፡

2 ካኣናኔ ዓጮይዳ ዓኣ «ዓርባዒ ካታሞ» ጌይንታያታፆ
ጊንፃፓ ኬብርኣኔ ጌይንቴ ካታሞይዳ ሃይቁኔ፤ ዓብራሃማያ ሳኣራ
ሃይቁሂረ ሚርጌና ፆዪ ዬኤካፆ፡

3 ማቕኮ ሌዛ ዓኣ ቤዛፓ ዔቁ ሂታ ዓሶ ኮራ ዴንዲ፡-

4 «ታኣኒ ዒንህ ባኣካ ሙኬ ሾኦቹ ዓሲታሂረ፡ ሃዳራቴ ዱኡፒ
ቤሲ ታኣም ሻንቹዋቴ፤ ታኣኮ ማቕ ታ ዒኢካ ዱኡካንዳኔ» ጌዔኔ።

5 ሄኤቴ ዓሳ ዒዛም ማሃፆ፡-

6 «ኦ ጎዳሂፆ፡ ሂንዳ ዋይዜ፤ ኔኤኒ ኦኡኮ ባኣካ ዴኤፒ
ካራዚፕዴያ ማዔሂረ፡ ኦኡኮ ዱኡፖ ቤዛፓ ኮሺ ቤሲ ዶኦሪ
ዱኡኬ፤ ኦ ቢያሂ ኔኤኒ ኔ ማቕ ዱኡካንዳ ቤሲ ዒንጋንዳያኬ»
ጌዔኔ።

7 ዬካፓ ዓብራሃማ ሄኤቴ ዓሶ ቤርታ ቶኦኮ ሂርኪዲ ዚጋፆ፡-

8 «ታ ማቕ ሃይካ ታ ዱኡካንዳፕዲ ዒንህ ታኣም ጌዔቶ ፆሃሪ
ናኣዚ ዔፕርኣኔኮ፡

9 ጎዢ ዛጳ ዓኣ ማክጴላ ጌይንታ ዴፍ ዔታ ዓኣ ቤዜሎ ታኣም
ዒ ሻንቻንዳፕዲ ዒዛ ፆኦፎዋቴ፤ ዬና ቤዜላ ታኣኮ ዱኡፒ ቤሲ
ማዓንዳፕዲ ዒንህ ቤርታ ዒ ጌዔ ሚኢሾና ታና ሻንቁሲሱዋቴ»
ጌዔኔ።

10 ዬፍ ዒ ጋዓ ቤዜሎኮ ዓዳሂ ዔፕርኣኔ ፔ ቶኦኪና ካታሞ ጌላ
ካራ ዓሳ ቡኪንታ ቤዛ ሃንጎ ሄኤቴ ዓሶና ፆላ ዴዒ ዓኣፆ፡ ዒኢካ ዓኣ
ዓሳ ቢያ ዋይዛንቴ፡-

23:4 ዔብ. 11:9፤ ዳኪ. ማዶ 7:16።

11 «ጎዳሢኖ ዋይዜ! ጎዜሎና ዬኖ ቤዜሎና ዋላ ታ ኔኔም ዒንገጌ፤ ኔ ማኣራፓ ሃይቄ ዓሶ ኔ ዱኡካንዳጉዲ ታኣኮ ዜርዖ ማዔ ሃኤቲ ዓሶ ቤርታ ታ ኔኔም ዒንገጌ» ጌዔ።

12 ዓብራሃማ ጋዓንቴ ሃኤቲ ዓሶ ቤርቶይዳ ላሚ ቶኣኮ ሂርኪዲ ዚጋዖ።

13 ቢያሢ ዋይዜንቴ ዔፕሮኔም፡- «ሃዳራ ዋይዜ፤ ቤዜ ታኣኒ ታኣር ማሂ ሻሻንቃንዳ፤ ቤዘኮ ኮይሳሢ ታጊዳፓ ዔኮ፤ ታኣኒ ታ ማቾ ዒኢካ ዱኡካንዳ፤» ጌዔ።

14-15 ዔፕሮኔ ዒማና፡- «ጎዳሢኖ ቤዜላ ያይደና ዛላና ኪሎ ማዓ ማዓ ሹቺ ቢራ ኬሳንዳያኮ፤ ዬና ኔኤና ታኣናናም ዓይጎ ማዓንዳይ? ኔኤሮ ዓሰሎ ዱኡኮ» * ጌዔ።

16 ዓብራሃማ ዴሮ ቤርታ ዔፕሮኦኔ ጌዔሢ ኮሺኮ ጌዒ ያይደና ዛላና ኪሎ ማዔ ሹጮ ቢሮ ዒንገጌሂሮ።

17 ማሚራ ጎዖ ቤዜሎኮ ዓባ ኬሰካ ዛሎና ማክጶላ ጌይንታ ዔፕሮኦኔ ቤዜላ ዓብራሃማ ቤሲ ማዔ፤ ዬኖ ቤዜሎይዳ ዓኣ ባካ ጎሺ ቤሲ፤ ዔቴ ዓኣ ዴኔ ቤሲንታ ሚሢያ ዓኣያኮ።

18 ዬማና ዬካ ዓኣ ሃኤቲ ዓሳ ቢያ ዬና ቤዜላ ዓብራሃማ ቤሲ ማዔሢ ዔሬ።

19 ዬካፓ ካኣና፤ ዓጫ ዓኣ ዬኖ ቤዜሎይዳ ዓብራሃማ ፔኤኮ ማቾ ሳኣራ ዱኡኮ፤

20 ሃኤቲ ዓሶሮ ማዔ ጎዢ ጋሮይዳ ዓኣ ዔቶ ቤዘና ዋላ ዓብራሃማኮ ዱኡፒ ቤሲ ማዔ።

24

ዪሳክቄና ዒርቢቃናኮ ዔፖ

1 ዓብራሃማ ሚርጌና ጋርቼ፤ ናንጊና ናንጋ ጎዳሢያ ዒዚ ናንጌ ዋዶ ቢያይዳ፤ ቢያ ባኣዚና ዒዛ ዓንጃ፤

2 ዓብራሃማ ዒዛኮ ማኣራ ዓኣ ባኮ ቢያ ዋሃያ ማዒ ሚርጌ ለዔ ናንጌ፤ ዒዛም ማጶ ማጶ ዓሰሰኮያ ዔኤላዖ፡- «ኔኤኮ ኩጮ ታ ጉባዘ ባኣካ ጌሢጋፓ *

3 ታኣኒ ሃሢ ዋላ ናንጋ ሃያ ካኣና፤ ዓሶኮ ዉዴሮ ናኣቶይዳፓ ታኣኮ ናዓሢም ላኣሊ ኔኤኒ ማዢሱዋጉዲ ጫሪንጮና ሳዖናኮ ጎዳ ማዔ ያኦዛሢ ሱንዖና ታኣም ጫኣቄ፤

* 23:14-15 ሚኦሻ ዲቢታንቴ ያዲ ጌይ ሹሌዒሲ ጌሰቴንቴሢ ዬኖ ዋዶና ሻንቸዖ ጎይዖ ያዲ ማዔሢሮ። * 24:2 ኔኤኮ ኩጮ ታኣኮ ጉባዘ ባኣካ ጌሢ ጌይዖ፡- ላኣሚንቴዎ ዶዲ ጫኣቄም ማዓዖ ዔርዛያኮ።

4 ጋዓንቴ ታ ሾይንቴ ዓጮ ዓኣዲጋፓ ዬካ ዓኣ ታ ፃጸ ባኣካፓ ታ ናኣዚ ዪሳኣቁም ላኣሊ ማዢሴ» ጌዔኔ።

5 ማዶ ማዶ ዓሢያ ማሃዖ፡- «ጎዖንቴ ታ ዒዛም ያኣጫ ናዔላ ታኣና ዋላ ሃያ ዓጮ ሙኮ ዒዪቶሾ? ኔኤኮ ናኣዚ ኔ ሾይንቴ ዓጮ ማዒ ዓኣዴ ጎዖንድ?» ጌራ ያኣጮኔ።

6 ዓብራሃሜ ጋዓንቴ ዒዛም፡- «ዓይጎ ባኣዚ ማዔቶዋ ታኣኮ ናዓሢ ታ ዓደ ዓጮ ማሂ ኔ ዔኪ ዓኣዲዋጉዲ ኔና ዔሬ፤

7 ናንጊና ናንጋ ጎደ ማዔ ጫሪንጮ ያኣዛሢ ታና ታ ዓደ ማኣሮና ሾይንቴ ዓጮናይዳፓ ሃይካ ዔኪ ሙኪ ሃያ ዓጮ ታ ዜርዖም ዒንጋንዳኔ ጌራ ታኣም ጫኣቁሢ፤ ሃሢ ዬያ ዓጮይዳፓ ታ ናዓሢም ላኣሊ ኔ ዴንቃንዳጉዲ ፔኤኮ ኪኢታንቻሢ ኔኤኮ ቤርታ ዳካንዳኔ።

8 ናዔላ ኔኤና ዋላ ሙካኒ ናሽኪባኣቶ ሃያ ታ ኔና ጫኣቁሳ ጫኣቁማፓ ኔኤኒ ዙላ ማዓንዳኔ፤ ያዲ ማዔቶዋ ታኣኮ ናዖ ዓይጎ ጎይሢናኣ ማዖም ዔኪ ዓኣዲፓ» ጌዔኔ።

9 ዬካፓ ማዶ ማዶሢ ኩጮ ፔኤሲ ፔ ጎደ ዓብራሃሜኮ ጉባዘ ባኣካ ጌሢ፡ ዓብራሃሜ ዓይሢ ባኮ ቢያ ኩንሢሢ ጫኣቁኔ።

10 ዬካፓ ዓብራሃሜኮ ማኣራ ማዶ ማዶሢ ማኣሮይዳፓ ዓሲም ዒንጋኒ ኮሺ ኮሺ ማዔ ባኣዚ ታጸ ጋኣሎና ጫኣኒ ዓባ ኬሰኪ ጌላሢኮ ከዶ ዘሎና ሜሶፖታሚያይዳ ናኮሬ ጌይንታ ዓሢ ናንጋ ካታም ዓኣዴኔ።

11 ዒኣካ ካታሞኮ ዙላ ዓኣ ዔቶ ዋኣዖ ሙኪ ዒዚ ሄላዖ ጋኣላሢ ጉምዓቲ ሃውሻንዳጉዲ ዔቁሴኔ፤ ዬያ ዒ ማዶሢ ዓባ ጌሊ ጎደ ዓማኒ ዑኬም፡ ላኣሊ ዋኣሢ ዲዒኒ ዋርዚ ኬዳ ዎዴይዳኬ፤

12 ማዶ ማዶ ዓሢ ዒማና ሂዚ ጌራ ሽኢቁኔ፡- «ታ ጎደሢ ዓብራሃሜኮ ጎደ ማዔ ያኣዛሢ! ታኣኮ ማሊዖ ኩንሢ ታ ጎደ ዓብራሃሜም ኔኤኮ ናንጊና ናንጋ ናሹም ፔጋሲ ዔርዜ።

13 ሃኣዛጌ፡ ሃሢ ታ ሃያ ዔቶ ዋኣዖ ዓጫ ዔቁ ዓኣኔ፤ ካታምይዳፓ ዋኣዖ ዲዒኒ ዉዲሮ ናኣታ ሙካዛ፡

14 ዔያቶይዳፓ ፔቴ ዉዲሮ ናይ ኮራ፡- «ኔኤኮ ዋኣዖ ጉዛፓ ዋኣሢ ታና ዑሹቴራ» ታ ጋዓዛ፡ «ዑሽኩዎይ፤ ኔኤኮ ጋኣላሢያ ዑሽኩንዳጉዲ ዋኣዖ ታ ኔኤም ዲዒንዳኔ» ዒዛ ታኣም ጌዔቶ ኔ ዓይላሢ ዪሳኣቁም ላኣሊ ማዓንዳጉዲ ዬና ኔኤኒ ዶኔሬዜሎ ማዖንጎ፤ ዬያይዲ ታ ጎደ ዓብራሃሜም ኔኤኮ ናንጊና ናንጋ ናሹም ኔ ፔጋሲ ዳቁሢ ታኣኒ ዔራንዳኔ።»

15 ሂዚ ጌራ ሃጊ ሽኢቁ ዒ ጋፑዋንቴ ዒርቢቃ ጎዖዜላ ዋኣሢ ጉሲ ባሲ ሙኬኔ፤ ዒዛኣ ዓብራሃሜኮ ዒሹ፡ ናኮሬ ፔ ማቾ ሚልካይዳፓ ሾዔሢ ባኣቱዔኤሌ ናይኬ።

16 ዲርቢቃ ኩሙህ፤ ሃሃሚዛጲ ዉዲር ናይኬ፤ ዲዛ ዔቶ ዋኦ ዲዔህኩ ገንፃ ፔ ማኣር ባንህ ማዒ ዴንደ ዔቁ።

17 ዓብራሃማም ማዳህ ሩኡሪና ዲዞ ኮራ ዓኣዳ፡- «ኔኤኮ ጉዛፓ ዋኣህ ታና ዑሹቴራ» ጌዔ።

18 ዲዛ፡- «ታ ጎዳ፤ ዓይጌ ዓኣ፡ ዑሽኩዋይ» ጌዒ ጉዞ ጌኤታፓ ኬይሲ ዑሽኩም ዛላሲ ዓርቁ።

19 ዓህ ዑሽኪ ዴኤቦ ዛኣሪህኩ ገንፃ፡- «ኔኤኮ ጋኣላህማኣ ታኣኒ ዋኣ፡ ዲዓንዳ፤ ዔያቶም ገዳንዳ፡ ሄላንዳኣና ዑሽኩንጎ» ጌዒ።

20 ቤዘማና ጉዛፓ ዋኣ፡ ጋኣላህ ዑሽካ ጎንጎይ ቶባ፡ ጋኣላህ ቢያ ዑሽኪ ሚሽካንዳ፡ ሄላንዳኣና ዔታፓ ዋኣ፡ ሩኡሪ ሩኡሪ ዲዔህ ዓርቁ።

21 ዓህያ ናንገና ናንጋ ጎዳ ዲዛኮ ሃንቲ፡ ገኢገሼያ ማዔቴ ዔራኒ ዲዛ ማዳ ባኮ ቢያ ዚቲዮ ጌዒ ዛዛጋ፤

22 ዩካፓ ጋኣላህ ዑሽኪ ገዳዛ ዓህ ዋርቁይዳፓ ዲይንቴ ኮሺ ሚዛጲ፡ ሲኢዲዳ ዓኣሃ፡ ደንጎ ገራኣሚ ማዓ ጉዴቾ ሲኢዲ ዲዞም ዓኣህ፤ ሃሃ ዲዞኮ ላም፡ ኩጮይዳ ላም፡ ዋርቁጋዊ ዴኤፔ ዔኪ ዓኣሃ፡-

23 «ኔኤኒ ያናይዳይ? ሃዳራ ታኣም ኬኤዜ፤ ታናንታ ታኣና ዋላ ዓኣ ዓሶንታም ዋይህ ቤሲ ኔ ዓደ ማኣራ ጴዳንዳ?» ጌዒ ያኤጮ።

24 ዲዛ ማሃ፡- «ታኣኒ ባኣቱዔኤሌ ናይኬ፤ ባኣቱዔኤሌኮ ዓዴ ናኮሬኬ፤ ዲንዳ ዲዛኮ ሚልካ ጌይንታያኬ፤

25 ኑ ማኣርይዳ ሚርጌ ቆልሞ ሙዓ ጎሶንታ ሚልዚ ያሃንታ ዓሲ ዋርቃ ቤሲያኣ ዓኣኔ» ጌዔ።

26 ዓህ ዲማና ጉምዓቲ ዚገ ናንገና ናንጋ ጎዳ ካኣሽካ፡-

27 «ታ ጎዳህም ጮኣቁ ጮኣቁምና ናንገና ናንጋ ናሹምና ካፔ ታ ጎዳህ ዓብራሃማኮ ጎዳ ማዔ ያኣዛህ ጋላቲንቶንጎ፤ ሴካ ሃንጋ ጌይሲ ዳቢሱዋ፡ ታ ጎዳህኮ ዲሾንህ ባንህ ታና ዔኪ ሙኬህ ዲዛኬ» ጌዔ።

28 ዩማፓ ናዔላ ማኣሪ ጳሽኪ ዓኣዳ፡ ማዔ ባኮ ቢያ ዲዞኮ ዲንደንታ ዲንደና ዋላ ዓኣ ዓሶንታም ቢያ ኬኤዜ።

29 ዲርቢቃኮ ዲሾ ላኣባ ጎዳህ ዓብራሃማም ማዳ ማዳ ዓህ ዓኣ ቶ ዋኣ፡ ባንህ ጳሽኪ ዓኣዳ።

30 ዲርቢቃኮ ዲሾ፡ ላኣባ ዓህ ባንህ ዓኣዳህ ጌኤዳላ ሲኢዲ ዓኣህ ባኮ ኩጮ ዓኣህ ጋዋና ዛገህሮ፤ ገንህ ሃሃ ዓህ ዲርቢቃም ጌዔ ባኮ ዲዛ ኬኤዜም ዋይዜህሮ። ዓህ ዔቶ ዋኣ፡ ዓጫ ሃገ ጋኣላህና ዋላ ዔቁ ዓኣንቴ ዲዚ ዴንቁ።

31 ይያር ለአባ ዓሢ ኮራ፡- «ሃይ ኔ፣ ናንገና ናንገ ጎዳ ዓንጃ ዓሢዮ! ሃኒ ሙኬ ማኣሪ ኑ ዓኣደም፤ ሃካ ዋኣዖ ዓጫ ኔ ዓይጎር ዔቁይ? ኑ ማኣራ ኔ ሃውሻንዳ ቤሲ ዓኣኔ፤ ኔኤኮ ጋኣላሢማኣ ዋርቃኒ ገኢገገገቴ ቤሲ ዓኣኔ» ጌዔ።

32 ይካፓ ለአባና ዋላ ዒ ዔያቶ ማኣሪ ዓኣዳኔ፤ ዒርቢቃኮ ዒሹ፣ ለአባ ጋኣላሢ ዑያይዳ ዓኣ ጫኣኖ ቡላዖ ጎቦንታ ሜሎ ዖሆንታ ጋኣላሢም ዒንጌኔ፤ ይካፓ ዓብራሃሚም ማዶ ማዳሢና ዒዛና ዋላ ዓኣ ዓሶናም ቶኮ ዔያታ ማሰታንዳ ዋኣሢ ዔኪ ሙኬ።

33 ይያቶ ሸኦጮም ካሣ ሸኢካዛ ዓብራሃሚም ማዶ ማዳ ዓሢ፡- «ታ ሙኬ ባኮ ዛሎ ኬኤዙዋዖ ካሣ ሙዓዓኬ» ጌዔ። ለአባ ዒማና፡- «ዓይጌ ዓኣዖ፣ ኬኤዙዋይ» ጌዔ።

34 ዒዚ፡- «ታኣኒ ዓብራሃሚም ማዶ ማዳያኬ፤

35 ናንገና ናንገ ጎዳ ሚርጌ ታ ጎዳሢ ዓብራሃሚ ዓንጃኔ፤ ዖርጎቹ ዓሲያ ዒዛ ማሄኔ፤ ሚርጌ ማራይ፣ ዋኣሪንታ ባይንታ፣ ቢራንታ ዋርቁንታ፣ ማዶ ማዳ ዓቲንቁንታ ላኣሊንታ፣ ጋኣሎንታ ሃሪያ ሚርጌ ዒዛም ዒንጌ።

36 ታ ጎዳሢኮ ማቻ ሳኣራ ጋርቹዖ ዓቲንቁ ናይ ዒዛም ሸዔ፤ ታ ጎዳሢያ ዒዛኮ ዓኣ ቆሎ ቢያ ይያ ናዓሢም ዳካልሴ።

37-38 ታ ጎዳ፣ ዓብራሃሚ፡- «ታኣኒ ዔያቶና ዋላ ናንገ ካኣና ናሶ ዉዱር ናኣቶ ባኣካፓ ታ ናዓሢም ላኣሊ ኔ ማክሱዋጉዲ፤ ጋዓንቴ ታ ዓዶ ማኣሪ ዓሶና ታ ዒጊኖና ኮራ ዓኣዲ ታ ናዓሢም ላኣሊ ማክሱ» ጌዒ ታና ጫኣቁሴ።»

39 ታኣኒ ታ ጎዳሢ ኮራ፡- «ናዔላ ታኣና ሙካኒ ናሽኪባኣቶ ዋዶንዶይ?» ጌዒ ዖኦጫዛ፡

40 ዒዚ ሂዚ ታኣም ጌዔ፡- «ቢያ ዋዶና ታ ዒዛም ማዳ፣ ናንገና ናንገ ጎዳሢ ፔኤኮ ኪታንቻሢ ኔኤና ዋላ ዳካንዳኔ፤ ሃንቲፃኣ ኔኤም ኮሽኬያ ማዓንዳጉዲ ዒ ገኢገገገንዳኔ፤ ይያይዲ ኔኤኒ ታ ዓዶ ማኣሪና ታ ዒጊኖና ባኣካፓ ታ ናኣዚም ላኣሊ ማክሱ ዒንጋኒ ደንዳዓኔ፤

41 ጫኣቁማፓ ዙላ ኔኤኒ ማዓንዳሢ ታ ዒጊኖ ኮራ ኔ ዓኣዳዛ ዔያታ፡- «ናዔሎ ኔኤም ኑ ዒንጋዓ ጌዒ ላኣጌቶ ሌሊኬ።»

42 «ይካፓ ሃኖ ዔቶ ዋኣዖ ዓጫ ሙካዖ ታ ሂዚ ጌዒ ሸኢቁኔ፡- ታ ጎዳሢ ዓብራሃሚኮ ጎዳ ማዔ ዖኦዛሢዮ! ሃዳራ ታ ሙኬ ባኮ ዛሎ ኔኤኒ ታኣም ገኢገገገንዳጉዲ፤

43 ሃኣዛጌ ሃይካ ዔቶ ዋኣዖ ዓጫ ታኣኒ ዔቁኔ፤ ፔቴ ዉዱር ናይ ዋኣሢ ዲዓኒ ሙካኣና፣ ሃዳራ ጉዛፓ ዳካ ዋኣሢ ታና ዑሹ» ጌዒ ታኣኒ ዖኦጫንዳኔ፤

44 ዲዛኣ ላይጌ ዓኣዖ ዑሽኩዋይ፤ ኔኤኮ ጋኣላሢማኣ ታ ዲዓንዳኔ፤ ጋዓያ ማዕቶ፣ ዬና ታ ጎዳሢ ናኣዚኮ ማቾ ማዓንዳጉዲ ኔኤኒ ደኑሬዜሎ ማፖንጎ።

45 ዬማ ጌዒ ዒኖና ሸኢጲዖ ታኣኒ ጋፒሱዋንቴ ዒርቢቃ ዋኣሢ ጉሲ ባሲ ሙካዖ፣ ዔታፓ ዋኣዖ ዲዒ ኬሰካዛ፣ ታኣኒ ላዕናኣ፣ ሃዳራ ዳካ ዋኣሢ ታና ዑሽቴራ፣ ጌዔኔ።

46 ዲዛ ጉዞ ጌኤታፓ ዑኩና ኬይሲ ዛላሳዖ፡- ላይጌ ዓኣዖ፣ ዑሽኩዋይ፤ ታ ኔኤኮ ጋኣላሢያ ዲይ ዑሻንዳኔ፤ ጌዔኔ፤ ዬያር ታናንታ ታኣኮ ጋኣላሢንታ ዋኣዖ ዑሽኬኔ።

47 ታኣኒያ ህ ዖ ናይዳይ? ጌዒ ዖኦጩኔ። ዲዛ፡- ታኣኒ ናኮሬ ናኣዚ ባኣቱዔኤሌ ናይኬ፤ ዒንዳ ዒዛኮ ሚልካ ጋዓዜሎኬ፤ ጌዔኔ። ዬካፓ ሲኢዳ ጉዳቾ፣ ኩጫ ታ ዒዛኮ ጋዊ ዓኣሣኔ፤

48 ዬካፓ ጉምዓቲ ዚጊ ናንጊና ናንጋ ጎዳ ካኣሽካዖ፣ ታ ጎዳሢ ዓብራሃሜኮ ጎዳ ማዕ ዖኦዛሢ ታኣኒ ጋላቴኔ፤ ዓይጎር ጌዔቶ ታ ጎዳሢኮ ናኣዚም ማቾ ማዓንዳ ላኣሊ ታ ዳንቄ ቤዞ፣ ታ ጎዳሢኮ ዒሾ ማኣሪ ፒዜ ማዕ ጎይሢና ዔኪ ሙኬሢ ታና ዒዛኬ።

49 ዓካሪ ታ ጎዳሢኮ ሃዳር ጎኔና ዒንሢ ዔኪ ዒዛ ዋዛሳኒ ናሽካያ ማዕቴ ታኣም ኬኤዙዋቴ፤ ናሽኩዋያ ዒንሢ ማዕቴያ ጎኑሞ ማታኣም ኬኤዙዋቴ፤ ታ ዳንዲ ሜሌ ኮዖም» ጋዓዛ።

50 ላኣባና ባኣቱዔኤሌና፡- «ሃይ ባካ ናንጊና ናንጋ ጎዳይዳፓ ሙኬያ ማዕሢር፣ ኑኡኒ ላኣጋኒ ዳንደዑዋኬ፤

51 ዒርቢቃ ኔ ኮራ ሃናሾ፤ ሃይሾ፣ ዒዛ ዔኪ ዓኣዳ፤ ናንጊና ናንጋ ጎዳ ፔ ቶኣኪና ኬኤዜሢጉዲ ኔ ጎዳኮ ናኣዚ ማቾ ዒዛ ማፖንጎ» ዔያታ ጌዔኔ።

52 ዓብራሃሜም ማዶ ማዳሢ ዬያ ዋይዜ ዋዶና ጉምዓቲ ዚጊ ናንጊና ናንጋ ጎዳ ካሽኬኔ፤

53 ዋርቄና ቢራ ዓንጊናይዳፓ ማዢንቲ ፓልሞ፣ ዬያጉዲ ሃሃ ዓፒላኣ ኬሲ ዒርቢቃም ዒንጌኔ፤ ዒዛኮ ዒሾና ዒንዶናም ሚርጌ ሚኢሾም ሻንቾንታያ፣ ናሻ ማኣዖዎ ዒንጌኔ።

54 ዬካፓ ዓብራሃሜም ማዶ ማዳሢና ዒዛና ዋላ ዓኣዞንሢ፣ ሙዒ ዑሽኪ ዒኢካ ዋርቄኔ፤ ዚር ጉቴ ዔቃዖ ዓብራሃሜም ማዶ ማዳሢ፡- «ዓካሪ ታ ጎዳሢ ባንሢ ማዒ ታኣኒ ዳንደም» ጌዔኔ።

55 ዒርቢቃኮ ዒሾና ዒንዶና ጋዓንቴ፡- «ናዔላ ታጾ ኬሊ ጉዳያ ኑኡና ዋላ ዳፖንጎ፤ ዬካፓ ኔኤና ዋላ ዓኣዳኒ ዒዛ ዳንዳዓኔ» ጌዔኔ።

56 ዒዚ ጊንሢ፡- «ሃዳራቴ፣ ታና ናጊሲፖቴ፤ ናንጊና ናንጋ ጎዳሢ ታኣኒ ሙኬ ባኮ ዛሎ ኮሾሢር ዑኩና ታ ጎዳሢ ባንሢ ታ ማዒ

ዴንድም» ጌዔ።

57 ዔያታኣ፡- «ሂዳቶ ናዔሎ ኑ ዔኤሊጋፓ ዒዛ ጋዓ ባኮ ኑ ዋይዞም» ጌዔ።

58 ዔያሮ ዒርቢቃ ዔያታ ዔኤላዎ፡- «ሃያ ዓሢና ዋላ ዓኣዲኒ ኔኤኒ ኮዓ?» ጌዒ ዒዞ ዎኦጫዛ ዒዛ፡- «ሂዮ፣ ታ ዓኣዲንዳኔ» ጌዔ።

59 ዔካፓ ዔያታ ዒርቢቃ ዒዞ ዞሪ ዲቻዜሎ ፔኤና ዔኪ፣ ዓብራሃሜም ማዶ ማዳሢንታ ዒዛና ዋላ ዓኣ ዓሶና ዓኣዲንዳጉዲ ዔልቃማዎ፡-

60 «ኔኤኒ ኑ ጌኤዴላ ሚርጌ ዴሬኮ ዒንዶ ማዔ፤ ኔኤኮ ዜርፃ ኔ ሞርኮኮ ካታም ባሺሢና ዔኮንጎ» ጌዒ ዒርቢቃ ዓንጄ።

61 ዔካፓ ዒርቢቃንታ ዒዞ ጊንፆ ዓኣዳ ዒዞም ማዶ ማዳ ላኣሎንሢንታ ጋኣላሢ ቶጊ ዓብራሃሜም ማዶ ማዳ ዓሢና ዋላ ዓኣዳ።

62 ዒማና ዪሳኣቄ «ቢዔርላሃይሮዒ (ታና ዛጋ ናንጊና ናንጋ ዎኦሲ)» ጌዒንታ ዴዔ ቦቆሊ ዋኣሢ ዓኣ ቤሲ፣ ዳውሌ ሙኪ ኔጌሴ ጎዎ ቤዞይዳ ዴዒ ዓኣ።

63 ፔቴ ኬሊ ሳዓ ሃባርታንቴ ቦኦሎ ፔጎይዳ ሴካ ሃንጋ ሃንጋ ሃንጋ ዒዚ ፔ ማሊሢዳ ዓኣዎ ጋኣላ ሃኬና ሙካያ ዴንቄ።

64 ዒርቢቃ ዪሳኣቄ ዴንቃዎ ዒዞ ቶጌ ጋኣላሢዳፓ ኬዲ፡-

65 «ሃይሴኤ፣ ቦኦሎ ፔጎይዳ ኑ ባንሢ ሙካሢ ዎናዳይ?» ጌዒ ዓብራሃሜም ማዶ ማዳሢ ኮራ ዎኦጫዛ፣ ዒዚ፡- «ታኣኮ ጎዳሢ፣ ዪሳኣቄ» ጌዔ። ዔያሮ ዑኬና ዒዞ ፔኤኮ ዓኣፖ ካሮ ፔኤኮ ቶኦኮ ዎሾና ባኮና ካንቄ።

66 ዓብራሃሜም ማዶ ማዳሢያ ዒዚ ዴንዲ ማዶ ባኮ ቢያ ዪሳኣቄም ኬኤዜ።

67 ዔካፓ ዪሳኣቄ ቤርታ ዒንዳ ሳኣራ ናንጋ ዓፒሎና ማዢናጥ ማኣር ዒርቢቃ ዔኪ ጌሌ፤ ማቸዋ ዒዛኮ ዒዞ ማዔ፤ ዪሳኣቄ ዒርቢቃ ናሽኬ። ዔያይዲ ዒንዶ ሃይቦ ዛሎና ሄሌ ሲዮይዳፓኣ ዒዚ ዶዴ።

25

ሜሌ ዓብራሃሜ ዜርፆ (1ዎኦሲ. ዓሃኬ 1:32-33)

1 ሳኣራ ሃይቄሢኮ ጊንፃ ዓብራሃሜ ሜሌ ኬፁራ ጌይንታ ላኣሊሰኬና ዔኬ፤

2 ዒዞኣ ዘምራ፤ ዮቁሻ፤ ሜዳ፤ ሚዲያ፤ ዩሽባቄ፤ ሹሃኔ ጎዎሰኬንሢ ዓብራሃሜም ሾዔ።

3 የቀሻኔ ጎረቤት ሰጠኝና ደዳኔ ጎረቤትህ ሾሜኔ፤ ደዳኔ ጎረቤትህ ዘርፃ ዓሹራ ዓሶ፣ ሌጹሻ ዓሶና ዐማ ዓሶናኬ።

4 ሚዲያም ናኦንህ ዔፓ፣ ዔፔሬ፣ ሃኖኬ፣ ዓቢዳዒና ዓልዳዓ ጎረቤትህ ማዓዛ ዩንህ ቢያ ከጸራ ናኦንኬ።

5 ዓብራሃም ፔኤኮ ዓኣ ቆሎ ቢያ ዩሳኣቄ ደካልሴኔ፤

6 ማሌ ለኣሎይዳፓ ዒዛሞ ሾይንቴ ናኦንሞ ጋዓንቴ ዓብራሃም ሃይቁባኦ ስይሳ ባኣዚ ዒንገ፣ ዒዛኮ ናኣዚ ዩሳኣቄይዳፓ ሃኪሲ ሴካ ዓባ ከሰካ ዛሎ ባንህ ዳኬኔ።

ዓብራሃምኮ ሃይቦ

7 ዓብራሃም ናንጌ ለዓ ጭታና ለንካይታሚ ዶንጎኬ፤

8 ዩያይዳ ዓብራሃም ገዳያ ያዶሲ ለዔ ናንገ ጋርቹዮ ሃይቄኔ፤

9 ናኦን ዒዛኮ ዩሳኣቄና ዒሰማዔኤሌና ማክጶላ ጌይንታ ዳኖ ዒታ ዓኣ ቤዜሎይዳ ዒዛ ዴኤኬኔ፤ ዩይ ዳኖ ዔታ ዓኣ ቤዛ ማሚሬ ጎረቤትሎኮ ባባ ከሰካ ባንጾና ሄኤቴ ዘርፃህ ጾሃሬ ናኣዚ ዔፕርኦኔ ጎዡ ጋራ ዓኣዛኬ፤

10 ዩና ቤዜላ ዓብራሃም ሄኤቴ ዓህዳፓ ሻንቄ ዴኤፖ ቤዜሎታህሮ ዓብራሃምያ ዒዛኮ ማቻ ሳኦራ ዴኤኪንቴ፣ ዳኖ ዔታ ዓኣ ቤዜሎይዳ ዴኤቴ።

11 ዓብራሃም ሃይቄህኮ ገንፃ ያኦሲ ዒዛኮ ናኣዚ ዩሳኣቄ ዓንጃኔ፤ ዩሳኣቄያ ቢዔርላሃይሮዒ ጌይፃ «ታና ዛጋ ናንገና ናንጋ ጎዳህ» ጌይንታ ቦቆሎ ዓጫ ናንጋኔ።

ዒሰማዔኤሌ ዘርፃ

(1ያኦሲ. ዓሃኬ 1:28-31)

12 ዓጋኣሮ ጌይንታ ሳኦራኮ ማዶ ማዶ ገብጭ ዓጮ ለኣሌላ ዓብራሃምሞ ሾሜ ናኣዚ ዒሰማዔኤሌ፣

13 ሃይፓ ዳማ ፔኤኮ ለዮ ለዮ ጉዳያ ጌህንቴ ፓይዲንታ ናኦን ሾሜኔ፤ ዔያታኣ፡- ኔባዮቴ፣ ቄዳሬ፣ ዓዲባዔኤሌ፣ ማቢሳሜ፣

14 ሚሸማዔ፣ ዳማ፣ ማሳ፣

15 ሃዳዳ፣ ቴማ፣ ዩጹሬ፣ ናፕሼንታ ቄዳሜ ጎረቤትህኬ።

16 ዩንህ ዒሰማዔኤሌ ናኦንህ ታጶ ላሞዮ ቶይዶኮ ቤርታኣ ማዮንህኬ፤ ሱንፃ ዔያቶኮ ዔያታ ናንጌ ካታሞና ቤዘና ዔኤሊንታኔ።

17 ዒሰማዔኤሌያ ለዓ ዒዛኮ ጭታና ሃይህታሚ ለንካይ ማዓዛ ሃይቄኔ፤

25:10 ማዘ. ማፃ 23:3-16።

18 ዲሰማዔኤሌ ዜርፃ ጊብፄ ዓጮኮ ዓባ ኬሰካ ዛሎና ዓሶኔሬ ዓጮ ዓኣዳ ጎይፃ ሃዋላና ቤሹሬ ጌይንታ ዓጮ ባኣካ ናንጋያ ማዓዛ፣ ናንጋ ዔያቶኮ ሃንጎ ዓብራሃሜ ዜርፃና ዋላ ፑርቲ ዋሊፓ ሃኪኬ።

ዔኤሳዎና ያይቆኦቤናኮ ሾይንቶ

19 ዓብራሃሜ ናኣዚ ዪሳኣቄ ዛሎ ሃይሳ ያዲኬ፤ ዓብራሃሜ ዪሳኣቄ ሾዔኔ።

20 ዪሳኣቄ ባኣቱዔኤሌ ናዎ ዒርቢቃ ዔካኣና ሌዓ ዒዛኮ ያይዲታሚኬ፤ ዒርቢቃኮ ዓዶ ባኣቱዔኤሌና ዒሾ ላኣባና ሚሶፖታሚያይዳ ናንጋ ዓራሜ ዓጪ ዓሲኬ፤

21 ዒርቢቃ ዘኣኮ ማዔሢር ዪሳኣቄ ዒዛ ዛሎ ናንጊና ናንጋ ጎዳ ሺኢቃዛ፣ ጎዳሢ ዒዛኮ ሺኢጲፃ ዎይዜም ዒርቢቃ ጎጶዳኔ፤

22 ዒዛ ሜንቴ ጎጶዳዛ ናኣታ ጎጶ ጋራ ዋላና ሃዒንቴሢ ዓርቄሢር ዒዛ፡- «ሃያጉዳ ባኣዚ ዎይታዛ ታጊዳ ማዲንታኒ ዳንዳዔይ?» ጌዒ ናንጊና ናንጋ ጎዳ ሺኢቄሢ ዓርቄኔ።

23 ናንጊና ናንጋ ጎዳሢያ ዒዛም፡-

«ኔኤኮ ጎጶ ጋርይዳ ላምፃ ዴሬ ዓኣኔ፤
ዎላም ዎይዙዎያ ላምፃ ዜርሢ ኔ ሾዓንዳኔ፤

ፔቴይ ባጋሢዳፓ ባሻያ ማዓንዳኔ፤
ቶይዲ ጌኤዚኮ ዓይሌ ማዓንዳኔ» ሂዚ ጌዔኔ።

24 ሾይጫ ዓርቄ ዎዶና ሜንቴ ዓቲንቄ ናይ ዒዛ ሾዔኔ።

25 ቤርታ ሾይንቴሢኮ ማላሢ ዞቄ፣ ዑፃኣ ጋፓኔና ማዔሢር «ዔኤሳዎ»* ጌይንቴኔ።

26 ላምዓሳሢ ሾይንታኣና ዔኤሳዎኮ ዲንጊርዢ ዓርቄ ሾይንቴሢር «ያይቆኦቤ»† ጌይንቴኔ። ናኣታ ሾይንታኣና ሌዓ ዪሳኣቄኮ ላሂታሚኬ።

ዔኤሳዎኮ ቶይዲም ሻንቺያ

27 ዪሳኣቄኮ ላምፃ ናኣቶንሢ ዲጩኔ፤ ዔኤሳዎ ካይካ ፔኤቄ ኬም ናሽካያ ማዓዛ፣ ያይቆኦቤ ጋዓንቴ ማኣሪዳ ፔኤቃ ዚቴኬ።

28 ዪሳኣቄ ዔኤሳዎ ባሺ ናሽካኔ፤ ዓይጎር ጌዔቶ ዔኤሳዎ ኪማሢና ቦያ ዓሽኪ ሙኡዛሢርኬ። ዒርቢቃ ጋዓንቴ ያይቆኦቤ ናሽካኔ።

25:23 ሮሜ 9:12። * 25:25 ዔኤሳዎ ጌይፃ፡- ዔብሬ ዓሶ ሙኡቺና «ጋፓኔ ሚርጌያ» ጌይሢኬ። † 25:26 ያይቆኦቤ ጌይፃ፡- ዔብሬ ዓሶ ሙኡቺና «ዲንጊርሺ ዓርቃያ» ጌይሢኬ።

29 ፔቴ ከለና ዔኤሳዎ ካዮ ከማሢዳፓ ሚርጌ ናይዲንጥ ሙካንቴ ጌኤዚ ያይቆኦቤ ሲንገሮና ዞቄ ዎፆ ዎፆ፤

30 ዔኤሳዎ ያይቆኦቤ ኮራ፡- «ታ ኮሺ ናይዲንቴሢሮ ሃያ ዞቄ ዎፆ ታና ሙኡዜቴራ» ጌዔ። ዩያሮኬ ዔኤሳዎ ዔዶኦሜ ቶ ጌይንቴሢ።

31 ያይቆኦቤ ዒማና፡- «ቤርታዲ ቶይዲሞ ኔኤኮ ታኦም ሻንቼ» ጌዔ።

32 ዔኤሳዎ ማሃዮ፡- «ታና ናያ ዎዳኔ፤ ቶይዲማ ታኦም ዓይጎ ዎኦታንዳይ?» ጌዔ።

33 ያይቆኦቤ ገንሣ፡- «ያዲታቶ ቶይዲሞ ኔ ታኦም ሻንቻንዳሢ ቤርታዲ ጫኦቄ» ጋዓዛ፤ ዔኤሳዎ ጫኦቄ ቶይዲሞ ያይቆኦቤም ሻንቼ።

34 ዩካፓ ያይቆኦቤ ሲንገሮ ዎፆ ካሣና ዔኤሳዎም ዒንጋዛ፤ ዒዚያ ሙዒ ዑሽኬሢኮ ገንፃኦፓ ዔቂ ዓኦዳ፤ ዩያይዲ ዔኤሳዎ ፔኤኮ ቶይዲሞ ቦሂ ሸሌዒሴ።

26

ዩሳኦቄኮ ጌሬራ ዓጮይዳ ናንገፆ

1 ዓብራሃሜ ዓኦ ዎዶና ከሰኬ ናዮጉዲ ናይዚ ዓጮይዳ ላሚ ከሰኬሢሮ፤ ዩሳኦቄ ፒሊሰፆኤሜ ካኦቲ ዓብሚሌኬ ዓኦ ዓጮ ጌሬራ ዓኦዳ።

2 ናንገና ናንጋ ጎዳ ዩሳኦቄም ቤርታ ፔጋዲ ጴዲ፡- «ገብፆ ዓጮ ዓኦዲፖ፤ ኔ ናንጋንዳጉዲ ታ ከኤዛ፤ ሃዮ ዓጮይዳ ዴዔ፤

3 ዓኦኦካ ናንገ፤ ታኦኔ ኔኤና ዎላ ማዒ፤ ኔና ዓንጃንዳ፤ ሃያ ዓጮ ኔኤና ኔ ዜርዮናም ታ ዒንጋንዳ፤ ዩያይዲ ኔ ዓዶ ዓብራሃሜም ታ ጫኦቄ ጫኦቄም ኩንሣንዳ፤

4 ኔኤኮ ዜርዮ ጫሪንጫ ዠኦጋሢጉዲ ታ ሚርገሻንዳ፤ ሃሣ ሃያ ዓጮ ቢያ ታ ዔያቶም ዳካልሳንዳ፤ ዓጮ ዓኦ ዴራ ቢያ ኔ ዜርዮና ዓንጃንታንዳ።

5 ኔና ታ ዓንጃሢ ኔ ዓዴ ዓብራሃሜ ታኦም ዓይሢንታያ ማዒ ታ ዒዛም ዒንጌ ዎጎ ቢያ ዒዚ ካፔሢሮኬ» ጌዔ።

6 ዩያሮ ዩሳኦቄ ጌሬራ ዓጮይዳ ዴንዲ ናንገ፤

7 ዩዮ ዓጮ ዓሳ ዩሳኦቄ ኮራ፡- «ዒርቢቃ ኔኤኮ ዓይጎዳይ?» ጌዒ ያኦጫዛ፤ ዒዚ፡- «ታኦኮ ዒዛ ጌሮኬ» ጌዔ፤ ዩያ ዒዚ

‡ 25:30 ዔዶኦሜ ጌይዮ፡ ዓብራ ዓሳ ሙኡቸና «ዞቄ» ጌይሢ ማዓዛ፤ ዔኤሳዎ ጌሢንቴ ሱፃዓ ዒዞናኬ። 25:33 ዔብ. 12:16። 26:4 ማዢ. ማፃ 22:16-18።

ጌዔሢ ዒርቢቃ ሚዛጲ ታሢሮ ዬኖ ዓጮ ዓሳ ዒዞ ሚዛጲሞሮ ዒዞ ምዲሞጉዲ ዒጊጩሢሮኬ።

8 ዬካፓ ዪሳአቄ ዬኖ ዓጮይዲ ሚርጌ ምዴ ዴዔሢኮ ጊንፃ ፒሊሰፃኤሜ ካአተ ዓቤሜሌኬ ፔጋሮይዲ ዓአፃ ኬኤፆኮ ፑልቶ ካሮና ዛጋንቴ ዪሳአቄ ዒርቢቃና ማቸጉዲ ዑፆ ዓርቄ ዓመላንቴ ዴንቄኔ፤

9 ዬያሮ ካአተ፥ ዓቤሜሌኬ፥ ዪሳአቄ ዔኤሊሳ፡- «ሃይሾ ዒርቢቃ ኔኤኮ ማቸኬ! ሂዳፃ ኔኤኔ ዒዞ ታአኮ ጌሮኬ ጌዔሢ ዓይጎሮዳይ?» ጌዒ ፆኦጩ።

ዪሳአቄያ ማሃ፡- «ዒዞ ታአኮ ማቸኬ ታ ጌዔቶ ዓሳ ታና ምዳንዳኔ ጌዒ ታ ዒጊጩሢሮኬ» ጌዔ።

10 ካአተ ዓቤሜሌኬ፡- «ሃይ ኔ ኑጊዳ ማዳ ባካ ዓይጌንዴዳይ? ኑ ዓሰይዳፓ ፔቴ ዓሲ ስዲ ኔ ጌዔሢሮ ማቸ ኔኤኮ ዒኢሳሲ ዳዳንዳዓኔ፤ ዬያና ኑና ኔ ጎሚሴፆ ዓቴኔ፤»

11 ሄሊሳፆ ሃሃ ዓቤሜሌኬ፡- «ሃያ ዓሢና ማቸና ካአማ ዓሲ ሃይቃንዳኔ» ጌዒ ዴሮም ኮሺ ላቴ።

12 ዪሳአቄያ ዬኖ ዓጮሎይዳ ጎሺ ጎሽካዛ፥ ናንጊና ናንጋ ጎዳ ዒዞ ዓንጄሢሮ ዬኖ ሌፆይዳ ሚርጌ ሃአኮ ዒዚ ካህኔ፤

13 ቆሎይዳ ቆሎ ቃሲንቴ ቃሲንቴ ዒዞም ዓአዴሢሮ ሚርጌና ዒ ፆርጎጩ።

14 ሚርጌ ማሪይ፥ ሞአሪ፥ ባይንታ ዬያጉዲ ሃሃ ሚርጌ ማዳ ዓሲያ ዒዞኮ ዓአሢሮ ፒሊሰፃኤሜ ዓሳ ቁኢሯም ዒዞ ዓርቄ።

15 ዬያሮ ዪሳአቄኮ ዓዴ ዓብራሃሜ ሳዛና ዓአንቴ ዓብራሃሜኮ ማዳ ዓሳ ቦኦኬ ሞአፆ ዔቶ ቢያ ፒሊሰፃኤሜ ዓሳ ሲንህኔ።

16 ዬኖ ምዶና ካአተ ዓቤሜሌኬ ዪሳአቄም፡- «ኔ ኑ ጊዳፓ ዳል፤ ዳዲ ዳዲ ዓአዴሢሮ፥ ኑ ዓጮ ሃሺ ኬሰኬ» ጌዔ።

17 ዬያሮ ዪሳአቄ ዬኖ ቤዜሎ ሃሺ ጌሬራ ዓጮኮ ዶኦጩይዳ ዴንኪ፥ ዒኢካ ዴዔ።

18 ዓብራሃሜ ሳዛና ዓአፆ ቦኦኪሴ ሞአፆ ዔቶ፥ ዓብራሃሜ ሃይቄሢኮ ጊንፃ ፒሊሰፃኤሜ ዓሳ ሲንህህህ፥ ዪሳአቄ ላሚ ቦኦኪሳፆ ዓዴ ጌህ ሱንፆና ዬያ ዔቶ ዔኤሌ።

19 ዪሳአቄም ማዳ ማዳ ዓሳ ዶኦጩይዳ ሞአህ ዔቴ ቦኦካፆ ሚርጌና ዓልቃ ሞአህ ዴንቄኔ፤

20 ጌሬራ ዓጮኮ ቆልሞ ሄንቃ ናአታ ጋዓንቴ «ሃይ ሞአፃ ኑኡሮኬ» ጌዒ ዪሳአቄኮ ቆልሞ ሄንቃ ናአቶና ዣሎ ማዢሢሮ ዪሳአቄ ዬኖ ዔቴሎ «ዑራ» ጌይ ጌህኔ።

26:7 ማኸ. ማፃ 12:13።

21 ሃሣ ዪሳኣቄኮ ማዳ ዓሳ ማሌ ዋኣሢ ዔቴ ቦኣካዛ፣ ዬኖይዳኣ ሃሣ ዣላ ዔቄሢሮ ዪሳኣቄ ዬኖ ዔቴሎም «ዒዲሢ» ጋዓ ሱንሢ ጌሢ።

22 ዬካፓ ዶጫዖ ማሌ ዋኣሢ ዔቴ ቦኣካዛ፣ ዬኖ ዔቴሎ ዛሎና ዣላ ዔቄባኣሢሮ «ሃይሾ ዓካሪ ናንጊና ናንጋ ጎዳ ዳልጊ ቤሲ ኩኡም ዒንጌጌ፤ ሳይዳ ኑ ሚርጋንዳጌ» ጋዓዖ ዬኖ ቤዜሎ «ዳልጊ ቤሲ»* ጌሢ ሱንሢ ጌሢ።

23 ዬካፓ ዪሳኣቄ ሌካ ቤርሳቤ ጌይንታ ዓጮ ኬሰኬ፤

24 ዬኖ ዋንቴሎ ናንጊና ናንጋ ጎዳ ዒዛም ፔጋዲ ጴዳዖ፡- «ታኣኒ ኔኤኮ ዓዶ ዓብራሃሜ ዖኦሲኬ፤ ታ ኔኤና ዋላ ማዔሢሮ ዒጊጪፕ! ታኣም ማዳሢ፣ ዓብራሃሜም ታ ጫኣቄ ጎይዖና ታ ኔና ዓንጃንዳጌ፤ ዜርዖም ታ ኔኤኮ ሚርጊሻንዳጌ» ጌዔ።

25 ዪሳኣቄ ዬካ ዖኦሲም ዒንጎ ባኮ ዒንጊ ካኣሽኮ ቤሲ ሹቸና ኮሺ፣ ዒኢካ ዘጊ ናንጊና ናንጋ ጎዳ ካኣሽካዖ፣ ናንጎ ቤዘዋ ዒዛይዳ ማሃጌ፤ ዒዛም ማዳ ማዳ ዓሳ ሃሣ ማሌ ዋኣሢ ዔቴ ቦኣኬ።

ዪሳኣቄና ካኣቲ ዓቤሚሌኬናኮ ዋላ ጫኣቄዖ

26 ካኣቲ ዓቤሚሌኬ ዒዛ ዘራሢ ዓሁዙቴና ዖሎ ዓሶ ዓይሣ ፒኮሌና ዋላ ዪሳኣቄ ዖኦጫጊ ጌራራ ዓጮ ሙኬ፤

27 ዪሳኣቄ ዒማና፡- «ሃያኮ ቤርታ ታና ዒንሢ ዒዲ ዒንሢ ዓጫፓ ኬሰጌ፤ ሃሢ ሃኖ ታና ዛጋኒ ዓይጋ ዒንሢ ሙኬይ?» ዔያቶ ኮራ ጌዔ።

28 ዔያታ ማሃዖ፡- «ናንጊና ናንጋ ጎዳ ኔኤና ዋላ ዓኣሢ ጎኔና ኑ ዔሬሢሮ፣ ኑ ኔኤና ዋላ ኮሹሞና ናንጋኒ ጫኣቄሢሮ ማሌጌ፤ ኔ ኑኤና ጫኣቃንዳጉዲ ኑ ኮዓሢ።

29 ኔ ዑፃ ኑ ፑርታ ባኣዚ ማዲባኣሢጉዲ ኔኤኒያ ኩኡም ቢያ ዋዶና ፑርታ ባኣዚ ማዲንዲዋጉዲኬ፤ ዓይጎሮ ጌዔቶ ኔጊዳ ኑ ዓይጎዋ ፑርቱም ማዶ ማዲባኣሰ፤ ኑ ዓጮይዳፓ ኔ ኬሰኬሢያ ኮሹሞናኬ፤ ናንጊና ናንጋ ጎዳ ኔና ዓንጃሢ ኑና ቢያሢም ዔርቴ።» ጌዔ።

30 ዬካፓ ዪሳኣቄ ዔያቶም ሚርጌ ሙኡዚንታ ዑሺያ ጊኢጊሻዛ፣ ዔያታ ሙዒ ዑሽኬ።

31 ዚሮ ጉቴሎ ዓማ ዔቃዖ ዔያታ ዋላ ጫኣቄጌ፤ ዬካፓ ዪሳኣቄ ዔያቶ ዳኬም ኮሺና ዔያታ ዓኣዳጌ።

* 26:22 ዳልጊ ቤሲ ዬኖ ጌይዖ፡- ዔብራ ዓሶ ሙኡጮና «ሪሆቦቴ» ጌይንታ።
26:26 ማዢ. ማፃ 21:22።

32 ዬኖ ከሎና ዪሳኣቁም ማዳ ዓሳ ሙኪ ዔያታ ቦኦኪ ዋኣፆ ዔቶ ዛሎ ዒዛም ከኤዜኔ፤ ዔያታ ከኤዛዎ፡- «ዋኣሢያ ኑ ዴንቄኔ» ጌዒ ዋዛ ሃይሴ ከኤዜኔ።

33 ዒዚ ዬኖ ዔቴሎኮ ሱንፆ «ጫኣቁም» ጌዒ ጌሣሢጋር ካታሚሎኮ ሱንፆ ሃኖ ሄላንዳኣና «ቤርሳቤ»ፊ ጌዒ ዔኤሊንታኔ።

ዔኤሳዎ ማሌ ፃጰይዳፓ ላኣሎ ዔኬሢ

34 ዔኤሳዎኮ ለዓ ፆይዲታሚ ማዓዛ ቢዔሬኮ ናዎ ዮዲቶ ጎፆዘና ዔሎኔ ናዎ ባሰማቴ ጎፆዘና ዒዚ ዔኬኔ፤ ዬንሢ ላምፆንሢ ሄኤቴ ዓሶ ፃጰኬ።

35 ዬንሢ ላኣሎንሢ፡ ዒዛኮ ዓዶ ዪሳኣቁና ዒንዶ ዒርቢቃናም ቢያ ዎዴ ኮሽኩዎያ ማዒ ማሊሲ ማሊሲ ናንጋያ ማዔኔ።

27

ዪሳኣቁ ፔኤኮ ናኣዚ ያይቆኦቤ ዓንጃሢ

1 ዪሳኣቁ ዓኣፒ ባይቁ ጋርቻፆ ፔኤኮ ናኣዚ ቶይዲ፡ ዔኤሳዎ፡- «ታ ናዓሢዮ!» ጌዒ ዔኤላዛ፡ ዒዚያ «ዮ!» ጌዔኔ።

2 ዪሳኣቁ ዬካፓ፡- «ኔኤኒ ታና ዛጋሢጉዲ ታ ጋርቹኔ፤ ሃሣ ሃይቃኒያ ታ ዑኬኔ፤

3 ኔ ከማሢ ከማ ዓኣዘ ዔኪ ካዮ ዓኣዲጋፓ ቦዎ ከሚ ዎዲ ዓሽኮ ታኣም ዔኪ ሙኪ፤

4 ታኣኒ ናሽካ ጎይፆጉዴያ ዓኣዲሲ ካሢ ጊኢጊሺ፤ ታ ሙዔሢኮ ጊንፆ ሃይቃንዳሢኮ ቤርታ ጋፒንሢ ዓንጃ ታ ኔኤም ዒንጋንዳኔ» ጌዔኔ።

5 ዪሳኣቁያ ፔኤኮ ናኣዚ ዔኤሳዎም ጋዓሢ ቢያ ዒንዴላ ዒርቢቃ ዎይዜኔ፤ ዬካፓ ዔኤሳዎ ከማሢ ዴንዳዛ፤

6 ፔኤኮ ናኣዚ ያይቆኦቤም፡- «ዓዴ ዔኤሳዎም፡

7 ቦፆ ከሚ ዎዲ ዔኪ ሙኪ ታ ናሽካ ጎይፆጉዴያ ዓኣዲሲ ካሢ፤ ታኣኒ ሃይቁዎፆ ናንጊና ናንጋ ጎዳ ቤርታ ኔና ዓንጃንዳኔ» ሄዚ ጋዓንቴ ታ ዎይዜኔ።

8 ዓካሪታናዓሢዮ! ታ ኔኤም ጋዓሢ ዎይዜ፡ ታ ዓይሣ ባኮዎ ማዳ፤

9 ኔ ዓዴ ናሽካ ጎይፆጉዴያ ዓኣዲሲ ታ ዒዛም ሙኡዚ ጊኢጊሻንዳጉዲ፡ ቆልዎ ባኣካፓ ዓኣዲ ላምፆ ማሊ ዎናናይ ዔኪ ታኣም ሙኬ፤

† 26:33 ቤርሳቤ ጌይፆ፡ ዔብሪ ዓሶ ሙኡቹና «ጫኣቁም ጌሎና ዋኣሢ ዔቴ» ጌይሢኬ።

10 ኔኤኒ ዩካፓ ታ ጊኢጊሼ ሙዖ ዔኪ ዓዴ ሙዓንዳጉዲ ዒንጌ፤ ኔ ዩያይዳቶ ኔ ዓዴ ሃይቃንዳሂኮ ቤርታ ኔና ዓንጃንዳኔ» ጌዔኔ።

11 ያይቆኦቤ ጋዓንቲ ዒንደ ኮራ፡- «ታ ቶይዲ፣ ዔኤሳዎኮ ዑፃ ጋፓኔናኬ፤ ታ ዑፃ ጋዓንቲ ጉሪ ጋፓኔ ባኢያኬ፤

12 ጎዖንቲ ዓዴ ታና ዓርቂ ዛጊጋፓ ታ ዒዛ ጌሻሂ ዔሬቶ ዓንጃይዳፓ ጋዳማ ታ ዔካንዳሂ ኔ ዔሩዋዓዳ?» ጌዔኔ።

13 ዒንዳ ማሃዖ፡- «ታ ናዓሂዮ! ኔ ጋዳማ ታኣም ማዖንጎ፤ ሃሂ ታ ኔኤም ከኤዛማ ማዴ፤ ዴንዲ ዋናቶንሂ ዔኪ ሙኬ» ጌዔኔ።

14 ዩያር ያይቆኦቤ ዓኣዲ ዋናቶንሂ ዒዛም ዔኪ ሙካዛ፣ ዒዛ ዓዴ ናሽካማ ጉዴያ ዓኣፃ ካሂ ካሂኔ፤

15 ዒዛኮ ናኣዚ ቶይዲ ዔኤሳዎኮ ዓሶ ባኣካ ኬሰካዖ ማይንቶ ቦንቾ ዓፒሎዋ ጌሃና ቤዛፓ ዔኪ ያይቆኦቤ ዒዛ ማይሴኔ።

16 ዋናናቶኮ ዒልዖዋ ኩጮ ዑዖና ባቃኖ ዙሎና ጋፓና ባኣ ቤዛ ማይሴኔ።

17 ዩካፓ ዒዛ ጊኢጊሼ ኮዦ ዓሽኮ ካሃ ዒዛኮ ናኣዚ ያይቆኦቤም ዒንጌኔ።

18 ያይቆኦቤ ዓደ ኮራ ሙካዖ፡- «ዓዴ!» ጌዔኔ። ዒዚያ «ዮ! ኔኤኒ ታ ናዓሃ ዖናዳይ?» ጌዔኔ።

19 ዩካፓ ያይቆኦቤ፡- «ታ ኔኤኮ ናኣዚ ቶይዲ ዔኤሳዎኬ፤ ኔኤኒ ታና ዓይሂሂ ጉዴያ ታ ማዴኔ፤ ሂንዳ ታና ዓንጃኒ፣ ዔቂጋፓ ታ ከማሂዳፓ ዔኪ ሙኬ ዓሽኮ ሙዔ» ጌዔኔ።

20 ዩሳኣቄ፡- «ታ ናዓሂዮ! ዋይቲ ዑኩና ኔ ዴንቃኒ ዳንዳዔይ?» ጋዓዛ፣ ያይቆኦቤ ማሃዖ፡- «ናንገና ናንጋ ጎዳ፣ ኔኤኮ ዖኦዛሂ ታና ማኣዴሂሮ ዑኩና ታ ዴንቃኒ ዳንዳዔኔ» ጌዔኔ።

21 ዩሳኣቄ ጊንሂ፡- «ሂንዳ ታባንሂ ሙኬ፣ ታ ኔና ዓርቂ ዛጎም፤ ጎኔ ሃሂ ኔ ዔኤሳዎዳ?» ጌዔኔ።

22 ያይቆኦቤ ዓደ ባንሂ ሙካዛ፣ ዓዴ ዓርቂ ዛጎዖ፡- «ዑኡዛ ኔኤኮ ያይቆኦቤሲ ማላኔ፤ ኩጮ ቃሳ ጋዓንቲ ዔኤሳዎሲ ማላኔ» ጌዔኔ።

23 ዒዛኮ ኩጮ ቃሳ ዔኤሳዎሲ ማሌም ዩሳኣቄ ናኣዚ ያይቆኦቤ ዲማሲ ዔራኒ ዳንዳዒባኣሂሮ ዓንጃኒ ጊኢጊንቲሰካፓ፡-

24 «ጎኔ፣ ኔ ታ ናኣዚ ዔኤሳዎዳ?» ጌዒ ላማ ዖኦጫዛ፣ ዒዚያ፡- «ሂዮ! ታናኬ» ጌዔኔ።

25 ዩካፓ ዩሳኣቄ፡- «ታ ናዓሂዮ! ሂንዳ ኔ ዔኪ ሙኬ ዓሽኮ ታኣም ሺኢሺ፤ ታ ሙዔሂኮ ጊንፃ ኔና ዓንጃንዳኔ» ጋዓዛ፣ ያይቆኦቤ ሙዖ ሺኢሺ ዋይኔይዳፓ ኮሾና ዑሺያ ዒንጌኔ።

26 ዩካፓ ዓዳሂ፣ ዩሳኣቄ፡- «ታ ናዓሂዮ! ሃኒ ሙኪ ታና ሄርቄ» ጌዔኔ።

27 ያይቆኑቤ ባንሢ ሙኪ ሄርቃዛ፣ ዪሳኣቄ ያይቆኑቤኮ ማኣዓሢ ሲንቃዎ፡-

«ታ ናዓሢኮ ሳውማ

ናንጊና ናንጋ ጎዳ ዓንጃ ጎሺ ሳውሞ ጉዲኬ፤

28 ያኦሲ ጫሪንጫፓ ሎጪሳ ያልኬ ኔኤም ዒንጎንጎ፤

ጎዡ ኔኤሲ ሚርጌና ካፃያ ማሆንጎ፤

ኔኤኮ ሃኣኮና ዎይናፓ ኮሹ ዑዡሞ ኔኤም ዒ ሚርጊሹንጎ፤

29 ዓጫ ኔኤም ዎርቆንጎ፤ ዴራኣ ኔኤም ዓይሢንታያ ማዎንጎ፤

ኔ ዒጊኖኮ ቢያ ዑፃ ማዔ፤

ኔ ዒንዶ ናኣታ ቢያ ኔኤም ሂርኪ ጌዒ ዚጎንጎ፤

ኔኤም ጋዳንቃዞንሢ ያኦሲ ጋዳንቃንዳ፤

ኔና ዓንጃዞንሢ ዒዚ ዓንጃንዳ፤

ጌዒ ዓንጃ።

ዔኤሳዎ ፔ ዓዶ ዪሳኣቄ ኮራ ዓንጃ ሺኢቄሢ

30 ዪሳኣቄ ያይቆኑቤ ዓንጃዛ፣ ያይቆኑቤ ዓዶ ቤርታፓ ኬኬሰካኣና ዔኤሳዎ ኬማሢዳፓ ማዒ ሙኬ።

31 ዒዚያ ፔ ዛሎና ዓኣሢ ካሣ ገኢጊሺ ዓዶም ሺኢሻዎ፡- «ዓዴ! ታና ዓንጃኒ ሂንዳ ዔቂጋፓ ታ ኔኤም ዔኪ ሙኬ ኬማሢ ዓሽኮ ሙዔ» ጌዔ።

32 ዪሳኣቄ ዒዛ ኮራ፡- «ኔኤኒ ያናዳይ?» ጋዓዛ፣ ዒዚ፡- «ታ ኔኤኮ ናኣዚ ቶይዲ ዔኤሳዎኬ» ጌዔ።

33 ዪሳኣቄ ዲቃቲ ሚርጌና ጎጋይቂ ጎጋይቂ፡- «ሂዳዎ ቤርታ ታኣም ኬማሢ ዓሽኮ ዔኪ ሙኬሢ ያናዳዎ? ሃይማ ሃሢ ኔኤኮ ቤርቶማካ ታ ሙዒ፣ ጋፒንሢ ዓንጃ ታ ዒዛ ዓንጃ፤ ዓንጃኣ ማይ ዒዛሮ ማዒ ናንጋንዳ፤» ጌዔ።

34 ዔኤሳዎ ዬያ ዎይዜ ዎዶና ዑኡዞ ዳጊዲ ዒናፓ ዬኤካዎ፡- «ዓዴ፣ ታናኣ ዓንጃ!» ጌዔ።

35 ዪሳኣቄ ማሃዎ፡- «ኔኤኮ ጌኤዚ ሙኪ ታና ጌሺ ኔኤኮ ዓንጃ ዔኬ፤» ጌዔ።

36 ዔኤሳዎ ጊንሣ፡- «ዒዚ ታ ባኮ ዉኡቃንቴ ሃና ላምዓሶኬ፤ ሱንፃ ዒዛኮ ያይቆኑቤ * ጌይንቴሢ ፒዜኬ፤ ሃያኮ ቤርታ ቶይዲም ታኣኮ ዔኬ፤ ሃሣ ታኣኮ ዓንጃዎ ሳርቲ ዔኬ፤ ማዔቶዎ ኔ ታኣም ዓይሴ ዓንጃ ፔቲታዎ ባኣዓዳ?» ጋዓዛ፣

27:27 ዔ.ብ. 11:20። 27:29 ማዢ. ማፃ 12:3። * 27:36 ያይቆኑቤ ጌይዎ፡- ዔ.ብ.ሬ ዓሶ ሙኡቶና «ጌሻያ» ጌይሢኬ። 27:36 ማዢ. ማፃ 25:29-34።

37 ዪሳኣቄ፡- «ታ ዒዛ ኔኤኮ ጎዳቲ ማዓንዳጉዲ፡ ዒዛኮ ዒጊና ቢያ ዒዛም ማዳንዳጉዲ፡ ታ ዓንጃኔ፤ ሃሃ ሃኣኮና ዒዛኮ ዎይናገ ኮሽ ዑዠና ዒዛም ሚርጋንዳጉዲ ታ ጌዔኔ፤ ዓካሪ ታ ናዓሢዮ! ኔኤም ታ ዓይጎ ማዳኒ ዳንዳዓይ?» ጌዔኔ።

38 ዔኤሳዎ ጊንሣ፡- «ታ ዓዳሢዮ! ኔኤኮ ዓንጃማ ፔቴ ሌሊዳ? ሃዳራ ታናኣ ዓንጃቴራ» ጌዒ ዩኤከሢና ዓዳ ሜታሴኔ።

39 ዪሳኣቄ ፔኤኮ ናኣዚም ሂዚ ጌዔኔ፡- «ዓንጃ ኩሜ ዓኣዔ ዓጮይዳገ ሃኪ ኔ ናንጋንዳኔ፤ ጫሪንጫገ ዖልኬያ ኔ ዳንቃዓኬ፤

40 ጩንቻ ዓገጥር ዒጊቹ ቡሪ ሙዒ ሙዒ ኔ ናንጋንዳኔ፤ ኔ ጌኤዚም ኔ ማዳያ ማዓንዳኔ፤ ዒዛ ኔ ዒዒ ማኬ ዎዶና፡ ዒዚ ኔና ሜታሲ ዎይሃሢዳገ ኔ ኬሰካንዳኔ።»

41 ዓዳ ያይቆኦቤ ዓንጃሢር ዔኤሳዎ ኮሺ ያይቆኦቤ ዒፃ፡ ፔ ዒኔና፡- «ጫክ ጌዔ! ዓዳ ዑኬ ኬሊዳ ሃይቃንዳኔ፤ ሲዪያ ጋፔሢኮ ጊንፃ ታ ጌኤዚ ያይቆኦቤ ታ ዎዳንዳኔ» ጌዒ ዚርቄኔ።

42 ጋዓንቴ ዒንዳ ዒርቢቃ ዔኤሳዎ ጌዒ ዚርቃሢ ዎይዜሢር፡ ያይቆኦቤ ዔኤላዎ፡- «ኔ ዎይዜ፤ ኔ ዒሼ ዔኤሳዎ ኔና ዎዲ ኮሞ ዔካኒ ማላኔ፤

43 ሃሢ ታ ናዓሢዮ፡ ታ ኔኤም ጋዓ ባኮ ማዳ፤ ዔቂጋገ ካኣራኣኔ ዓጮይዳ ናንጋ ታ ዒሽ ላኣባ ኮራ ቤቴ፤

44 ዒሽኮ ዳጋ ማዓንዳኣና ዒኣካ ዳዔ፤

45 ዒዛኮ ዳጋ ማዔቶ ኔ ዒዛ ማዳ ባኮ ዒዚ ዎላንዳኔ፤ ዩካገ ዓሲ ዳኪ ታ ኔና ዔኪ ዩይሲሳንዳኔ፤ ዒንሢ ላምዓሢ ፔቴ ኬሊዳ ሃይቄ ጋገንዳጉዲ ታ ኮዑሞ» ጌዔኔ።

ዪሳኣቄ ፔኤኮ ናኣዚ ያይቆኦቤ ላኣባ ኮራ ዳኬሢ

46 ዒርቢቃ ዪሳኣቄ ኮራ፡- «ዔኤሳዎ ዔኬ ሄኤቴ ዜርዖ ላኣሎንሢዳገ ዔቄያና ታ ኦኡናዳኔ፤ ያይቆኦቤያ ሃሃ ሃሃ ሄኤቴ ዓሶ ዜርዖገ ፔቴ ላኣሊ ዔኬቶ ማይ ታ ሃሃይቃቶ ቃራኬ» ጌዔኔ።

28

1 ዪሳኣቄ ፔኤኮ ናኣዚ ያይቆኦቤ ዔኤሊ ጌሰታዖ ሂዚ ጌዒ ዓይሄኔ፡- «ካኣና ኔ ዓጮ ዉዲር ናኣታገ ኔ ላኣሊ ዔኩሞጉዲ፤

2 ሚሶገገገገ ማዳ ዓኣ ኔ ማዖ ባኣቱዔኤሌ ኮይላ ዓኣዲጋገገ ዒኣካ ኔ ዓቦ ላኣባኮ ዉዲር ናኣታገ ፔቴ ዔኬ፤

27:38 ዔብ. 12:17። 27:39 ዔብ. 11:20። 27:40 ማዢ. ማፃ 36:8፤ 2ካኣቶ. ማ 8:20።

3 ቢያ ባአዚ ዳንዳዓ ጾኑዛሢ ኔና ዓንጅንጎ፤ ሚርጌ ናይያ ኔኤም ዒንጎንጎ፤ ሚርጌ ዴሬኮዋ ሃሃ ዓዶ ኔና ዒ ማሆንጎ፤

4 ዒዚ ዒብራሃሚ ዓንጅሢጉዲ ኔኤና ኔ ዜርፆና ዓንጅንጎ፤ ሃኖ ዒብራሃሚም ዒ ዒንጌ፥ ኔኤኒያ ሃሃ ሙኬ ሾኦቹ ማዒ ናንጌ ቤዞ ኔ ዓጪ ማሃ ኔኤም ዒዚ ዒንጎንጎ።»

5 ዪሳኣቄ ያይቆኦህ ሃዚ ጌዒ ዳካዛ ያይቆኦህ ሚሶፖታሚያ ዳ ናንጋ ዓቦ ላኣባ ኮራ ዓኣዴ፤ ላኣባ ያይቆኦህና ዔኤሳዎናኮ ዒንዶ ዒርቢቃኮ ዒሾኬ፤ ዒዞኮ ዓዴ ሶኦሪያ ዓጪ ዓሲ ባኣቱዔኤሌ ጎያኦ።

ዔኤሳዎኮ ላሚ ላኣሎ ዔኪያ

6 ዪሳኣቄ ያይቆኦህ ዓንጅሢና ላኣሊ ኮዎም ጌዒ ሚሶፖታሚያ ዓጪ ዳኬሢ ዔኤሳዎ ዔሬሬ፤ ዪሳኣቄ ያይቆኦህ ዓንጅ፦ «ካኣና ኔ ዓጪ ወዲር ናኣታፓ ላኣሊ ዔኪያ» ጌዔሢያ ዒዚ ዋይዜ፤

7 ሃሃ ያይቆኦህ ዓዶና ዒንዶናም ዓይሢጎቲ ሚሶፖታሚያ ዓጪ ዓኣዴሢያ ዒ ዔሬሬ፤

8 ዬያ ቢያና ዪሳኣቄ ካኣና ኔ ዓጪ ወዲር ናኣቶ ናሽኩዋኣሢያ ዔኤሳዎ ዳንቄ፤

9 ዬያር ዬያኮ ቤርታ ዒ ዔኬ ላኣሎይዳ ቃሲ ዒብራሃሚ ናኣዚ፥ ዒሰማዔኤሌ ኮይላ ዓኣዲ ሚሌ ዒሰማዔኤሌኮ ናዎ ማሂላቶ ጎያዞ ዔኬ፤ ዒዛኣ ናባዮቲ ጎያሢኮ ጌርኩ።

ያይቆኦህ ቤኤቴኤሌ ጌይንታ ቤዛ ዓውታዴ ዓውቶ

10 ያይቆኦህ ቤርሳቤ ጎዎ ዓጪኦሎ ሃሺ ካኣራኣኔ ዓኣዳኔ ዔቄ፤

11 ዬካ ጎይያ ዒ ዓኣንቲ ዓባ ጌላዛ ፔቲ ቤሲ ሄሊ ሃውሻዎ፥ ሹቹ ከሬ ጌሢ ላሂ ጌንዔ፤

12 ዬካፓ ዒዚ ፔ ዓውቶና ሳዓፓ ጫሪንቹ ሄላ ሳና ዛጌ፤ ዒማና ሳኖ ጌዴና ጾኦሲኮ ከኢታንቻ ሌካ ከሰከ ሊካ ከዲ ጋዓ።

13 ናንጊና ናንጋ ጎዳ ዒዛ ኮራ ዔቃዎ፦ «ታኣኔ ኔኤኮ ማዎ ዒብራሃሚና ዓዶ ኔኤኮ ዪሳኣቄናኮ ጾኦዛሢ ማዔ ናንጊና ናንጋ ጎዳኬ፤ ኔኤና ኔ ዜርፆናም ማዓንዳጉዲ ሃያ ኔ ላሂ ቤዞ ታ ኔኤም ዒንጎንዳ፤

14 ዜርፆ ታ ኔኤኮ ሳዓ ማኣሻላጉዲ ሚርጊሻንዳ፤ ዔያታ ቢያ ዛሎና ፔኤኮ ዓጪ ዳልጊሻንዳ፤ ኔናንታ ኔ ዜርፆንታይዳፓ ዔቄያና ሳዎ ዴራ ቢያ ዓንጅንታንዳ።

28:4 ማዢ. ማፃ 17:4-8። 28:12 ዮሃ. 1:51። 28:13 ማዢ. ማፃ 13:14-15። 28:14 ማዢ. ማፃ 12:3፤ 22:18።

15 ዲጊጪጊግ! ታ ኔኤና ዎላኬ፤ ኔ ዓኣዳ ቤዛ ቢያይዳ ታ ኔና ካገጉዳኔ፤ ሃንጋ ሃያ ዓጮዎ ሃጊ ታ ኔና ኮሺና ዔኪ ማሃንዳኔ፤ ታ ኔኤም ጫኣቄ ጫኣቄዎ ቢያ ታ ኔኤም ኩንሣንዳኔ፤ ፔቴታዎ ታ ኔና ሃሻዓኬ» ጌዔኔ።

16 ያይቆኦቤ ጊንዓሰካገ ጴጫዎ፡- «ናንጊና ናንጋ ጎዳ ጎኔ ሃኖ ቤዛ ዓኣኔ፤ ታኣኒ ጋዓንቴ ዔሪባኣሴ» ጌዔኔ።

17 ሚርጌና ዲዚ ዲጊጪጊግ፡- «ሃይ ዎዚ ዲጊቻ ቤሲዳይ? ሃይ ያኦሲ ማኣሪ ማዓንዳያ ኮይሳኔ፤ ጫሪንጮ ጌልዛ ካሬላኣ ሃኖኬ» ጌዔኔ።

18 ዲዚ ዚሮ ጉቴሎ ጉቴ ዓሚ ዔቁ፣ ዎንቴ ከሮ ጌሣ ሹጩሎ ዩና ቤዜላ ጌኤሺ ማዔሣ ዔርዛ ማላታ ማዓንዳጉዲ ዳኣባዎ፣ ሹጩሎ ያኦሲም ዲማሳኒ ዑያይዳ ሪሚቶ ዛይቶ ዎሃኔ።

19 ሃሃ ዩኖ ቤዜሎ «ቤኤቴኤሌ»* ጌዒ ሱንሣ ጌሣኔ፤ ዩኖ ቤዜሎኮ ሱንፃ ዩያኮ ቤርታ ሎኦዛ ጌይንታኔ።

20 ዩካገ ያይቆኦቤ፡- «ታኣና ዎላ ማዒ፣ ታ ዓኣዳ ጎይያይዳ ኔ ታና ካፒ፣ ታኣም ኮይሳ ሙኡዚንታ ማኣያንታ ኔኤኒ ዲንጌቶ፣

21 ታ ዓደ ማኣሪያ ኔ ታና ኮሺ ማሄቶ፣ ኔኤኒ ታኣኮ ጎዳ፣ ሃሃ ያኦሲ ማዓንዳኔ፤

22 ሃይ፣ ታኣኒ ማላታ ማዓንዳጉዲ ደቄ ሹጫ ሃጊ ሴካ ቤርታ ያኦሲ ማኣሪ ማዓንዳኔ፤ ኔ ታኣም ዲንጋ ባኮኮ ታጸሣዳገ ፔቴማ ታ ኔኤም ዲንጋንዳኔ» ጌዒ ናንጊና ናንጋ ጎዳም ናኣቤኔ።

29

ያይቆኦቤኮ ላኣባ ኮይላ ሄሊያ

1 ያይቆኦቤ ዓኣዳ ጎይሣ ዓባ ኬሰካ ዛሎና ዓኣ ዓጮ ሄሊኔ፤

2 ዩካ ቦኦሎይዳ ዒ ፔቴ ዎኣሣ ዔቴ ዳንቄኔ፤ ዩኖ ዔቶ ዎኣጻሎ ዓጫ ማራይ ሃይሃ ቤሲ ፓቂንቴ ፓቂንቴ ዔቄ ዓኣኔ፤ ዩይ ቆልማ ዎኣያ ዑሸካሣ ዩኖ ዔቴሎይዳገ ማዓዛ ዔቴሎ ካሮ ዎዶ ፑኡፒ ሹቺ ዓኣኔ፤

3 ቆልማ ቢያ ቡኬሣኮ ጊንፃ ሄንቃ ናኣታ ዔቶ ካሮ ዎዶና ሹጫሣ ቡምባልሲ ዎኣያ ዑሻኔ፤ ቆልም ዔያታ ዑሹሣኮ ጊንፃ ሹጫሣና ዔቶ ካሮ ጊንሣ ዎዳኔ።

4 ያይቆኦቤ ቆልም ናኣቶ ኮራ፡- «ዔ ናይዮቴ፣ ዲንሣ ዎካገ ሙኡይ?» ጌዒ ያኦጩኔ።

ዔያታ ማሃዎ፡- «ኦኡኒ ሙኡሣ ካኣራኣኔ ዓጮይዳገኬ» ጌዔኔ።

* 28:19 ቤኤቴኤሌ ጌይፃ፡- ዔብሬ ዓሶ ሙኡቺና «ያኦሲ ማኣሪ» ጌይሣኬ።

5 ዒዚ፡- «ናኮሬኮ ናኣዚ ናፆ ላኣባ ዒንሢ ዔራ?» ጌዒ ዔያቶ ፆኦጩኑ።

ዔያታ፡- «ሂዮ፣ ኑ ዒዛ ዔራኔ» ጌዔኔ።

6 ያይቆኦ «ዒዚ ዎዚ ኮሺዳ?» ጋዓዛ፣ ዔያታ፡- «ሂዮ፣ ኮሺኬ፤ ሃሢ ዒዛኮ ናኣ ራኣሂላ ሃና ሴካሾ ማራይ ዒሺ ሙካኔ» ጌዔኔ።

7 ያይቆኦ ዔያቶ ኮራ፡- «ቆልሞ ዓርሣኒ ሳዓ ሃጊ ሮኦጎታሢሮ ዓካሪ ቆልሞ ዒንሢ ዓይጎሮ ዎኣፆ ዑሺ ሄንቁዎይ?» ጌዔኔ።

8 ዔያታ፡- «ቆልሞ ሄንቃ ናኣታ ቢያ ቆልሞ ቡኩሳንዳሢኮ ቤርታ ዓይጎ ባኣዚያ ኑ ማዳኒ ዳንዳዑዎሴ፤ ቢያሢ ሙኬሢኮ ጊንፃ ሹጫሢ ዎሊ ዑፃ ኑ ኮላሲ ሺኢሻፆ ዑሻኔ» ጌዔኔ።

9 ያይቆኦ ዔያቶና ዎላ ጌሰታ ጎይሣ ዓኣንቴ ራኣሂላ ዓዶኮ ማራይ ሄንቃፆታሢሮ ማራቶ ዔኪ ሙኬኔ።

10 ያይቆኦ ዒዛኮ ዓቦ፣ ላኣባኮ ማራቶ ራኣሂላ ዒሺ ሙካሢ ዛጋፆ ዔቶ ካሮ ባንሢ ዓኣዲ ካሮ ዎዶና ሹጫሢ ቡምባልሳፆ ማራቶ ዑሺኔ።

11 ዩካፓ ራኣሂሎ ሄርቄ፤ ሚርጌ ዎዘይዳፓ ዔቁያና ዩኤካፆ፡-

12 «ታኣኒ ኔኤኮ ዓዶ ጌሮ ዒርቢቃ ናይኬ» ጋዓዛ፣ ዒዛ ዓዶም ኬኤዛኒ ጳሽኬኔ።

13 ላኣባ ፔኤኮ ጌኤዶ ናኣዚ፣ ያይቆኦኮ ሙኪፆ ዎይዚ ጎይሣ ዔካኒ ዑኬና ዓኣዳፆ፣ ኮንቁ ሄርቄሢኮ ጊንፃ ማኣሪ ዔኪ ሙኬኔ፤ ያይቆኦኔያ ማዔ ባኮ ቢያ ላኣባም ኬኤዜኔ፤

14 ላኣባ፡- «ጎኔና ኔ ታኣኮ ዑኬ ዓሽኪ ዒጊኒኬ» ዒዛም ጌዔኔ። ያይቆኦኔያ ፔቴ ዓጊኒ ማዓያ ዓቦ ኮራ ዴዔኔ፤

ያይቆኦ ራኣሂሎና ሊያና ዔካኒ ላኣባም ማዳ ማዶ

15 ላኣባ ያይቆኦ ኮራ፡- «ኔ ታኣኮ ዒጊኒ ማዔሢሮ ጉሪ ኔ ታኣም ማዳንዳያ ኮይሱዎሴ፤ ዓካሪ ኔ ማዳ ማዶኮ ዓይጎ ኔኤም ታ ዒንጎንዶይ?» ጌዔኔ።

16 ላኣባኮ ለምፆ ዉዱሮ ናይሰኬንሢ፣ ሚሹላ ሊያ ጌኤዴላ ራኣሂሎ ጌይንታፆ ዓኣኔ።

17 ሊያኮ ዓኣፓ ለምፓቴያ ማዓዛ ራኣሂላ ጋዓንቴ ዔጶና ቢያ ሚርጌ ሚዛጺ ናሻያኬ።

18 ያይቆኦ ራኣሂሎ ዔካኒ ሚርጌ ናሽኬሢሮ ዓቦ ኮራ፡- «ራኣሂሎ ኔ ታኣም ዒንጌቶ ላንካይ ሉዔ ታ ኔኤም ማዳንዳኔ» ጌዔኔ።

19 ላኣባ፡- «ሂዮ፣ ማሌ ዓሲም ታ ዒዛ ዒንጋሢፓ ኔኤም ታ ዒንጌቴ ቃራኬ፤ ማታ ባኣሴ፣ ታ ኮራ ናንጌ» ጌዔኔ።

20 ዬያሮ ያይቆኦቤ ራኣሄሎ ዔካኒ ለንካይ ሌዔ ማዳኔ፤ ያዲ ዒዚ ናንጊ ማዳቶዎ ራኣሄሎ ዒ ኮሺ ናሽኬሢሮ ናንጌ ዎዳ ዒዛዎ ዳካ ኬሊ ሌሊ ማዒ ደዴኔ።

21 ዬካፓ ያይቆኦቤ ላኣባ ኮራ፡- «ኔ ታኣም ጌዔ ሌዓ ኩሜሢሮ ናዎ ኔኤኮ ታኣም ዒንጌ» ጌዔኔ።

22 ዬያሮ ላኣባ ዔፒ ኬሊ ሜንሢ፣ ሙኡዚና ዑሺና ጊኢጊሻዎ ኮይላ ዓኣ ዓሺኖ ቢያ ዔኤሌኔ።

23 ጋዓንቴ ሰዓ ዓማዛ ላኣባ ራኣሄሎ ዒንጎ ሃሻዎ ያይቆኦቤም ሊያ ዒንጋዛ ያይቆኦቤ ዒዛ ዔኤኔ፤

24 ላኣባ ዒዛኮ ዚሊፓ ጎዎ ማዳ ማዳ ላኣሌሎ ሊያም ማዳንዳጉዲ ዒንጌኔ።

25 ያይቆኦቤ ዒዛ ዔሩዎዎ ዎላ ዎርቁ ዚሮ ጉቴሎ ሊያ ማዔሢ ዔራዎ ላኣባ ኮራ ዴንዲ፡- «ሃይ ኔ ታኣም ማዴ ባካ ዓይጎዳይ? ታ ኔኤም ማዴሢ ራኣሄሎ ዔካኒቱዎዳ? ሂዳዎ ኔ ታና ዓይጋ ጌሼይ?» ጌዔኔ።

26 ላኣባ ዒማና፡- «ሚሻ ሌዑዎንቴ ጌኤዳ ሌዓኒ ኑ ዓጪ ዳምቤቱዎቤ፤

27 ሃሢ ሊያኮ ዔፖ ቦንቻ፣ ለንካዎ ኬላ ጋፓንዳኣና ካፔ፤ ዬካፓ ኔ ለንካይ ሌዔ ታኣም ማዳንዳኔ ጌዔቶ ራኣሄሎ ታ ኔኤም ዒንጋንዳኔ» ጌዔኔ።

28 ያይቆኦቤ ላኣባ ጌዔሢ ኮሺኬ ጌዒ ሊያና ዎላ ዔፖኮ ቦንቻ ለንካዎ ኬሎ ዑኡቱም ዴዔሢኮ ጊንፃ፣ ላኣባ ናዎ ራኣሄሎ ያይቆኦቤም ዒንጌኔ።

29 ዬካፓ ባኣላ ጎዎ ማዳ ማዳ ላኣሊስኬኖ ናዎ ራሃሎም ማዳያ ማዓንዳጉዲ ላኣባ ዒንጌኔ።

30 ያይቆኦቤ ራሃሎ ዔካዎ ሊያይዳፓ ባሽ ናሽኬኔ፤ ዬካፓ ለንካይ ሌዔ ላኣባም ማዳኔ።

ያይቆኦቤኮ ናኣቶ ሸይዎ

31 ሊያ ራኣሄሎጉዲ ናሽኪንቲባኣሢ ናንጊና ናንጋ ጎዳ ዴንቃዎ ናይ ዒዛ ሸዓንዳጉዲ ኮሼኔ፤ ራኣሃላ ጋዓንቴ ዘኣኮ ማዔኔ፤

32 ሊያ ጎጳዲ ዓቲንቁ ናይ ሸዓዎ፡- «ናንጊና ናንጋ ጎዳ ታኣኮ ሜታሢ ዛጌኔ፤ ዓካሪ ሃይፓ ሴካ ዓኒ ታና ናሽካንዳኔ» ጌዒ ሱንዎ ናዓሢኮ ሮኦቤኤሌ * ጌይ ጌሢኔ።

* 29:32 ሮኦቤኤሌ ጌይ፡- ዔብሬ ዓሶ ሙኡቸና «ሬዑቤ» ጌይንታዎ ማዓዛ ቡሊዎ፡- «ሃዮ፤ ዓቲንቁ ናይ» ሃሃ ጊንሃ «ታኣኮ ሜቶ ዛጌ» ጌይሢኔ።

33 ሃሣ ዒዛ ጎጃዲ ዓቲንቄ ናይ ሾዓ፡ «ታኢ ናሽኪንቲባኣሢ ጎዳ ዋይዜኔ፤ ሃያ ናዓሢያ ሃሣ ታኣም ዒንጌኔ» ጋዓ፡ ሱንፆ ሲሞኦኔ † ጌይ ጌሣኔ።

34 ለሚ ሃሣ ጎጃዲ ዓቲንቄ ናይ ሾዒ፡ «ዓካሪ ሃይሃ ዓቲንቄ ናይ ታ ዒዛም ሾዒሢሮ ታ ዓኢ ታኣና ዎላ ናሹሞና ዓርቂንቲያ ማዓንዳኔ» ጋዓ፡ ሱንፆ ለዌ ‡ ጌዔኔ።

35 ሃሣ ዒዛ ጎጃዲ ዓቲንቄ ናይ ሾዒ፡ «ዓካሪ ታኢ ናንገና ናንጋ ጎዳ ጋላታንዳኔ» ጋዓ፡ ሱንፆ ዪሁዳ § ጌይ ጌሣኔ። ዩካፓ ሾይፆ ዒዛኮ ዔቄኔ።

30

1 ራሄላ ያይቆኦም ፔቲታፆ ናይ ሾዒኢ ዳንዳዒባኣሢ ዔሬ ዎዶና ሚሾ ቂኢሬኔ፤ ዬያሮ ያይቆኦ ኮራ፡- «ናይ ታኣም ዒንጌ፤ ሃንጎ ታ ሃይቃንዳኔ» ጌዔኔ።

2 ያይቆኦ ራሄሎ፡- «ናይ ታ ኔኤም ዒንጋገና ላኣጋኒ ዳንዳዓ ፆኦሲ ታ ኔ ኮራ ማላ?» ጌዒ ጎሬኔ።

3 ዒዛ ማሃ፡- «ታኣም ማዳዜሎ ባኣላ ሃኣዛጌ፤ ዒዛ ታ ዛሎ ናይ ታኣም ሾዒንዳጉዲ ዒዛ ዔኬ፤ ዬያይዲ ዒዛ ዛሎና ታኢ ናይ ዒንዶ ማዓንዳኔ» ጌዔኔ።

4 ዒዛ ዬያ ጋዓ፡ ባኣላ ያይቆኦም ማቕ ማሂ ዒንጋዛ፡

5 ባኣላ ጎጃዲ ያይቆኦም ዓቲንቄ ናይ ሾዒኔ።

6 ዩካፓ ራኣሃላ፡- «ፆኦሲ ታኣም ዎጌኔ፤ ሺኢጲፆ ታኣኮ ዎይዚ ዓቲንቄ ናይ ታኣም ዒንጌኔ» ሂዚ ጋዓ፡ ናዎኮ ሱንፆ ዳኣኔ * ጌዒ ጌሣኔ።

7 ሃሣ ራኣሃሎኮ ማዳዜላ ባኣላ ጎጃዲ ሜሌ ዓቲንቄ ናይ ሾዒኔ፤

8 ራኣሃላ «ታ ሚሾና ሚርጌ ማሹጎቦ ዓርቂ ዒዛ ታ ባሽኔ» ጌዒ፡ ናዎኮ ሱንፆ ኒፕታኣሌኤሜ † ጌዔኔ።

9 ሊያ ሃሣ ዒዛኮዎ ሾይፆ ዔቄሢ ዔራፆ ዒዛም ማዳዜሎ ዚሊፓ ያይቆኦም ማቕ ማሂ ዒንጋዛ፡

10 ሊያም ማዳዜላ ዚሊፓ ያይቆኦም ዓቲንቄ ናይ ሾዒኔ።

† 29:33 ሲሞኦኔ ጌይፆ፡- ዒብሬ ዓሶ ሙኡቕና፡- «ዎይዜ» ጌይሢከ። ‡ 29:34 ለዌ ጌይፆ፡- ዒብሬ ዓሶ ሙኡቕና «ዓርቂንታንዳኔ» ጌይሢከ። § 29:35 ዪሁዳ ጌይፆ፡- ዒብሬ ዓሶ ሙኡቕና «ጋላታ» ጌይሢከ። * 30:6 ዳኣኔ ጌይፆ፡- ዒብሬ ዓሶ ሙኡቕና «ታኣም ዎጌ» ጌይሢከ። † 30:8 ኒፕታኣሌኤሜ ጌይፆ፡- ዒብሬ ዓሶ ሙኡቕና «ናፕታሊ» ጌይሢ ማዓዛ «ማሹሞቦ» ጌይሢከ።

11 ሊያ ዒማና:- «ታ ዋዚጉዳ ባሊቲና ዓኣያዲይ!» ጋዓዖ ሱንዖ ዒዛኮ ጋኣዴ ተገባ ገባ ገባ።

12 ሊያም ማዳዜላ ዚሊፓ ያይቆኑቤም ላሚ ማሌ ዓቲቄ ናይ ሸዔ።

13 ሊያ ሃሃ:- «ሚርጌ ታና ዋዛሴ፤ ሃይፓ ሴካ ላኣላ ቢያ ታና ዋዛዳ ላኣሌ። ጋዓንዳ።» ጋዓዖ ሱንዖ ናዖኮ ዓሴኤሬ § ገባ ገባ።

14 ዛርጋሂ ጮኦር ዋዶና ያይቆኑቤኮ ናኣዚ፣ ሮኑቤኤሌ ካዮ ዓኣዳዖ ማንዳሪክሴ * ጌይንታ ሚሂኮ ቡኒ ዴንቄ፣ ዒንዶ ሊያም ዔኪ ሙኩኔ፤ ራኣሃላ ሚሾ ሊያ ኮራ:- «ሃዳራ ኔ ናዓ ዔኪ ሙኩ ማንዳሪክሶ ቡኖ ታኣም ዒንጌቴራ» ገባ።

15 ሊያ ማሃዖ:- «ታኣኮ ዓኒ ኔ ሳርቴሂ ዳካዛ ሃሃ ታኣኮ ናዓ ታኣም ዔኪ ሙኩ ማንዳሪክሶ ቡኖ ኔኤኒ ሳራኒ ኮዓ» ጋዓዛ፣ ራኣሃላ:- «ኔኤኮ ናዖኮ ማንዳሪክሶ ቡናፓ ታኣም ዒንጌ፤ ሃኖ ዒባኒ ያይቆኑቤ ኔ ኮራ ዋርቆንጎ» ገባ።

16 ዬኖ ዋንቴሎ ያይቆኑቤ ሶኦፓፓ ማዓኣና ሊያ ጋራፓ ዒዛ ባንሂ ኬሰካዖ:- «ታኣኮ ናዖኮ ማንዳሪክሶ ቡኖና ታኔና ሻንቄሂር ሃኖ ዒባኒ ኔ ዋርቆንዳሂ ታኣና ዋላኩ» ዒዛም ገባ። ዬኖ ዒዚ ዬኖ ዋንቴሎ ዒዛና ዋላ ዋርቆ።

17 ያኦሲያ ሊያኮ ሺኢዲያ ዋይዜሂር ሊያ ጎዳዳዖ ያይቆኑቤም ደንጋሳ ዓቲንቄ ናይ ሸዔ።

18 ሊያ:- «ታኣም ማዳዜሎ ታ ዓኒም ታ ዒንጊዖና ያኦሲ ታኣም ታ ማዳ ዛሎ ጨጌ።» ጋዓዖ ሱንዖ ናዖኮ ዪሳኮኦሬ † ገባ ገባ።

19 ሊያ ሃሃ ላሚ ጎዳዳዖ ያይቆኑቤም ላሃሳ ዓቲንቄ ናይ ሸዔ።

20 ዒዛ:- «ያኦሲ ታኣም ኮሺ ዒንጊሂ ዒንጊሂር ላሆ ዓቲንቄ ናይ ታ ዒዛም ሸዔ፤ ዓካሪ ታ ዓኒ ታና ቦንቻንዳ።» ጋዓዖ ሱንዖ ናዖኮ ዛብሎኦኔ † ገባ ገባ።

21 ዬካፓ ዉዱር ናይ ሸዓዖ፣ ሱንዖ ዒዛኮ ዲኢና § ገባ ገባ።

22 ያኦሲ ሃሃ ራኣሃሎም ማሊ፣ ሺኢዲያዎ ዒዛኮ ዋይዜ ናይ ሸዓንዳጉዲ ማሃ።

‡ 30:11 ጋኣዴ ገይዖ፡- ዔብሬ ዓሶ ሙኡቸና «ኮሺ ባሊቲ» ገይሂኩ። § 30:13 ዓሴኤሬ ገይዖ፡- ዔብሬ ዓሶ ሙኡቸና «ዓሸኤሬ» ገይሂ ማዓዛ «ዋዛ» ገይሂኩ።

* 30:14 ማንዳሪክሴ ገይንታ ሚጻሎኮ ቡኖ ራኣሃላ ኮዔሂ ዬኖ ዋዶና ዬኖ ሚጻሎኮ ቡኖ ላኣሊ ዔኩቴ ዑሰካ ዓሶ ዓታንዳጉዲ ማሃኔ ገይ ዓሳ ጉሙርቃሂርኩ። † 30:18 ዪሳኮኦሬ ገይዖ፡- ዔብሬ ዓሶ ሙኡቸና «ላቢሂ ዛላ ዒንጎ ባኣዚ ገይሂኩ። ‡ 30:20 ዛብሎኦኔ ገይዖ፡- ዔብሬ ዓሶ ሙኡቸና «ቦንቻሂ» ገይሂኩ። § 30:21 ዲኢና ገይዖ፡- ዔብሬ ዓሶ ሙኡቸና «ዋጌ» ገይሂኩ።

23 ዩካፓ ዒዛ ጎጃደያ ዓቲንቄ ናይ ሾዔኔ፤ ሾዓያ ዒዛ፡- «የኦሲ ዓቲንቄ ናይ ታኣም ዒንጌኔ፤ ጫሽኪንቲያዎ ታኣኮ ዓይሴኔ፤

24 ሃሃ ማሌ ዓቲንቄ ናይያ ታኣም ዒንጎንጎ» ጋዓያ፡ ሱንያ ዒዛኮ ዮሴፕ * ጌዒ ጌሄኔ።

ያይቆኦ ማዶ ዛሎሮ ዒዛም ዒንጎ ባኮ ዛላ ላኣባና ዎላ ማርሚሂ

25 ራኣሄላ ዮሴፕ ጎዖ ናዓሂ ሾዔሂኮ ገንፃ ያይቆኦ ላኣባ ኮራ፡- «ታ ሾይንቲ ዓጮ ማዓንዳጉዲ ታና ደኬ፤

26 ኔኤም ማዶ ታ ዳንቄ ላኣሎንሂና ናኣቶንሂና ታኣም ዒንጌ፤ ዎያይዲ ታ ኔኤም ማዶቲያ ኔ ዔራኔ» ጌዔኔ።

27 ላኣባ ዒማና፡- «ኔ ዛሎና ናንገና ናንጋ ጎዳ ታና ዓንጄሂ ደማ ጎይሂና ታ ዔራሂ ታ ኔኤም ኬኤዛኒ ኮዓኔ፤

28 ኔኤም ኮይሳሂጉዳያ ታኣም ኬኤዜ ታ ኔኤም ጨጋንዳኔ» ጌዔኔ።

29 ያይቆኦ ዒዛም፡- «ዎያይዲ ታ ኔኤም ማዶቶዎ፡ ሃሃ ቆልማ ኔኤኮ ታ ሄንቄያና ዎኣዲ ሚርጌቶዎ ኔ ዔራኔ፤

30 ታ ሙኩዎንቲ ቤርታ ኔኤኮ ዓኣ ደኮ ቆልሞንሂ ሃሂ ኮሺ ሚርጌኔ፤ ታ ሄሌ ቤዘይዳ ቢያ ናንገና ናንጋ ጎዳ ዓንጆ ኔኤም ዒንጌኔ፤ ማይ ሃይፓ ሴካ ታ ማኣሮ ዓሶም ማዓ ባኣዚ ታ ዴንቃንዳያ ኮይሳኔ» ጌዔኔ።

31 ላኣባ፡- «ሂዳቶ ዓይጎ ታ ኔኤም ጨጎንደይ?» ጌዒ ዒዛ ዖኦጫዛ፤ ያይቆኦ ሂዚ ጌዔኔ፡- «ታ ኔኤም ጋዓ ፔቲ ባኣዚሰኬማ ሌሊ ኔ ታኣም ማዶቶ ቆልሞ ታ ኔኤኮ ሄንቄያ ሃሻዓኬ፤

32 ዬና ዓይጎዳይ ጌዔቶ ሃኖ ታ ኔኤኮ ቆልሞ ባኣኮ ዓኣዳያ ዖዳሎና ቦርጮ ዎኣሮና ካርያ ማራቶና ቁሪ ደማሳንዳኔ፤ ዔያታኣ ታ ኔኤም ማዶሂ ዛሎ ታኣም ማዓንዳኔ፤ †

33 ዬያይዲ ታኣኮ ጎኩሞና ጉሙርቁንቲያና ሴካ ቤርታ ዔርታንዳኔ፤ ታ ኔኤም ማዶ ዛሎ ኔ ታኣም ዒንጎጎ ሙካ ዎደና ዖዳላ ማዒባኣያና ቦርጫ ማዒባኣ ዎኣሪ ኔ ዳንቄቲ፤ ዬያጉዲ ሃሃ ካርሂ ማዒባኣ ማራይ ኔ ዳንቄቲ ሙኩቁንቲያታሂ ኔ ዔራኒ ዳንዳዓኔ።»

34 ላኣባ፡- «ዔኤዔ ኔ ጌዔሂ ኮሺኬ» ጌዔኔ።

* 30:24 ዮሴፕ ጌይፃ፡- ዔብራ ዓሶ ሙኡቸና «ታኣም ቃሶንጎ፤ ሃሃ ገንሃ «ታጊዳፓ ሺኢሺኔ» ጌይሂኬ። † 30:32 ዬና ሃራኔ ዓጮይዳ ዖዳላና ቦርጫ ዎኣሪና ሃሃ ካርሂ ማራይና ዓኣያቱዎሴ።

35 ጋዓንቴ ዬኖ ከሎና ላኣባ ጎኦሾ፣ ሃሣ ቦርጫ ማዔ ኮላቶና ቦኦሬ ያዳላ ማዔ ዋኣሮ ዒንዶ ቢያ ከሴኔ፤ ዬያጉዲ ሃሣ ካርሢ ማዔ ማራይ ቢያ ዲማሲ ዓቲንቆ ናኣቶና ሄንቂሴኔ።

36 ዬካፓ ላኣባ ቆልሞ ዒሺ ሃይሦ ከሊ ጎይሢ ማዓያ ያይቆኦይዲፓ ሃኪ ዓኣዴኔ፤ ያይቆኦይ ጋዓንቴ ላኣባኮ ዓቲ ቆልሞ ሄንቂያ ዓርቄኔ።

37 ያይቆኦይ ዒማና ሊቤኔንታ ሌውዜንታ ዔርሞኔ ጌይንታ ሚሢ ማሊባኣያ፣ ዓኣዔ ኮኣሎ ዔካያ ኮኣሎንሢኮ ጋርይዳ ቦኦሬሢ ጴዳንዳጉዲ ቦርጫሲ ቁኡሮ ጴዳኔ።

38 ዬካፓ ቆልማ ዋኣያ ዑሽካኒ ሙካኣና ቤርታ ቤርታ ዔያቶም ጴዳንዳጉዲ ዋኣያ ዑሽ ጎንጋሎይዳ ጌሢኔ፤ ዓይጎሮ ጌዔቶ ቆልማ ዋኣያ ዑሽካኒ ሙካ ዎዶና ቤኤሊንታያ ማዔሢሮኩ።

39 ዬያሮ ቆልማ ቤኤሊንታኣና ቦርጫሶና ኮኣሎ ዛጋያ ጎኦሾ፣ ቦርጫ ሃሣ ያዳላ ማዔ ዋናናይንታ ማራ ናይያ ሾዔኔ።

40 ያይቆኦይ ዬንሢ ዋኣሮንሢና ማራቶንሢና ዲማሴኔ፤ ሃንጎ ዓቲ ቆልሞ ላኣባኮ ያዳሎና ካርያ ማዔዞንሢናኮ ቤርታ ቤርታ ማሢ ዔቁሴኔ፤ ዬያይዲ ያይቆኦይ ፔ ቆልሞ ሚርጊሼኔ፣ ሃሣ ላኣባ ቆልሞይዲፓኣ ዲማሴኔ።

41 ኮሺ ማዔ ቆልሞንሢ ቤኤሊንታ ዎዶና ያይቆኦይ ቦርጫሲንቴ ኮኣሎንሢ ዔያታ ዑሽካ ባኮኮ ቤርታ ጌሣዛ ቆልማ ዬያ ዛጋኔ።

42 ጋዓንቴ ዬንሢ ኮኣሎንሢ ላቤያ ማዔ ፑርቶ ቆልሞ ቤርታ ጌሡዋሴ፤ ዬያይዲ ላቤያ ማዔ ቆልማ ላኣባም ማዓዛ፣ ዶዶ ቆልማ ጋዓንቴ ያይቆኦይም ማዔኔ።

43 ዬያይዲያና ያይቆኦይ ሚርጌ ያርጎጩኔ፤ ሚርጌ ቆልሞንታ ዒዛም ማዳ ላኣሊንታ ዓቲንቁንታ፣ ሃሣ ሚርጌ ጋኣሎንታ ሃሬንታ ዒዛኮ ዓኣያ ማዔኔ።

31

ያይቆኦይ ላኣባ ኮራፓ ዓኣሺንቲ ቤቴሢ

1 ላኣባኮ ዓቲንቆ ናኣታ፡- «ያይቆኦይ ኑ ዓዶ ቆልሞ ዔኬኔ፤ ሃያ ቆሎ ቢያ ዒ ዴንቄሢ ኑ ዓዶይዲፓኩ» ጌዒ ጌዒ ከኤዛሢ ያይቆኦይ ዋይዜኔ።

2 ሃሣ ላኣባ ዒዛ ቤርታኣሲጉዲ ናሽኩዋኣሢያ ዒ ዔሬኔ።

3 ዒማና ናንጊና ናንጋ ጎዳ ያይቆኦይም፡- «ኔ ዓዶንሢና ኔ ዓጊኖና ዓጩ ባንሢ ማዒ ዴንዴ፤ ታኣኒያ ኔኤና ዎላ ማዓንዳኔ» ጌዔኔ።

4 ዬያሮ ያይቆኦይ ቆልማ ሄንቃ ቦኣሎ ባንሢ ሙካንዳጉዲ ዒዛኮ ላኣሎ ራኣኔሎና ሊያና ዔኤሊሴኔ፤

5 ዔያታ ሙካዛ ዒ ሂዚ ዔያቶም ጌዔኔ፡- «ዒንሂኮ ዓዴ ማናኣሲጉዲ ታና ናሽኩዋኣሂ ታ ዔሬኔ፤ ጋዓንቴ ታ ዓደኮ ያኦዛሂ ታኣና ዋላ ዓኣኔ፤

6 ዋልቆ ታኣሲ ሚጪንቴዋዎ ዒንሂኮ ዓደም ታ ዶዲ ማዴሂ ዒንሂያ ዔሬኔ፤

7 ዒዚ ጋዓንቴ ታ ዒዛም ማዴ ዛሎ ዒንጎ ባኮ ቤዛ ቤዛ ላኣሚ ላኣሚ ታጾ ማይንቴ ታና ጌሼኔ፤ ማዔቶዋ ዒ ታጊዳ ፑርታ ማዳንዳጉዲ ያኦሲ ዓይሂባኣሴ፤

8 ላኣባ ታኣም ጋዶሎ ቆልማ ቢያ ኔ ማዴሂ ዛሎ፡ ኔኤም ማዎንጎ ጌዔ ዋዶና፡ ቆልማ ቢያ ያደላ ሾዔኔ፤ ሃሃ ጊንሃ ማሊያ ሺርሺ ሳኦሽ ቆልማ ቢያ ኔ ማዴሂ ዛሎ፡ ኔኤም ማዎንጎ ጋዓዛ፡ ቆልማ ቢያ ጎኦሽ ሾዔኔ፤ ዩያይዲ ሚርጌና ዒ ላኣሚ ላኣሚ ሺሬቶዎ፡

9 ያኦሲ ዒንሂ ዓዶ፡ ላኣባኮ ቆልም ዩያይዲ ዔኪ ታኣም ዒንጌኔ፤

10 ቆልማ ቤኤሊንታኒ ኮዓ ዋዶና ቆልሞኮ ዑያ ኬሰኪ ዑኡጋሂ ጎኦሽ፡ ያደላ፡ ሃሃ ቦርጫ ኮላይንታ ዓዴ ማራይንታ ማዔሂ ዓውቴና ታ ዛጌኔ፡።»

11 «ዩይያ ዓውቶና ያኦሲኮ ኪኢታንቻ ታና ጎይቆኣቤ፤ » ጌዒ ዔኤላዛ ታኣኒያ «ዮ!» ጌዔኔ፡።

12 ዩካፓ ዒዚ ታኣም ኬኤዛዎ፡- «ቆልም ዑያ ኬሰኪ ዑኡጋ ኮላቶና ዓደ ማራቶ ያደሎንታ ቦርጫንታ ሃሃ ጎኦሽ ማዔሂ ዛጌ፤ ላኣባ ኔኤም ማዴ ፑርቶ ባኮ ታ ዛጌሂር ሃያ ማዴሂ ታናኬ፤

13 ሃያኮ ቤርታ ጸቂሥሂ ማዎም ጌዒ ዳኣቦ ኔ ዳኣቢ፡ ዛይቶ ዋሂ ሃሃ ናኣቦዋ ኔ ናኣቤ ቤዜሎ ቤኤቴኤሌይዳ ኔኤና ካኣሜ ናንጊና ናንጋ ጎዳ ማዔ ያኦዛሂ ታናኬ፤ ሃሂያ ሃያ ዓጮይዳፓ ዑኬና ኬሰኪ ኔ ሾይንቴ ዓጮ ማዒ ዴንዴ» ጌዔኔ፡።

14 ራኣሂሎና ሊያና ዔያቶኮ ዓኒ፡ ያይቆኣቤም፡- «ኦ ዓደይዳፓ ኦ ዳካላንዳ ባኣዚ ዓይጌያ ባኣሴ፤

15 ዒዚ ኦና ዛጋሂ ፃንጎ ዓኣፒናኬ፤ ቤርታ ዒ ኦና ሻንቹኔ፤ ሃሃ ኦ ዛሎ ኔ ማዲ ዔኬ ባኮዋ ቢያ ባይዜኔ፤

16 ሃሂ ያኦሲ ኦ ዓደይዳፓ ዔኪ ኔኤም ዒንጌ ቆላ ቢያ ኦኡና ኦ ናኣቶናም ማዔሂር፡ ያኦሲ ኔና ዓይሂ ባኮ ቢያ ማማዴ» ጌዔኔ፡።

17-18 ዩያር ያይቆኣቤ ካኣናይዳ ናንጋ ዓደ ባንሂ ማዒ ዓኣዳኒ ጊኢጊንቴኔ፤ ናኣቶና ላኣሎና ጋኣላሂ ቶጊሲ ሜሶጉታሚያይዳ ዓኣዎ ዒ ዴንቄ ቆሎንታ ቆልሞዋ ቢያ ዒሺ ዓኣዴኔ፡።

19 ይማና ለአባ ማራቶኮ ጋፓኖ ዑፃፓ ታይዚ ዔካኒ ዓኣጳያታሢር፡
ዒዚ ባኣ ቤዘይዳ ናኣ ራኣሄላ ዒዛኮ ማኣራ ካኣሽኮ ሆኦዞ ዉኡቂ
ዔኪ ዓኣጳይ።

20 ያይቆኦቤ ቤታሢ ለአባም ኬዙዎፖ ጌሺ ዴንዴ፤

21 ያይቆኦቤ ፔኤኮ ቆልሞንሢ ዔካፖ ሩኡሪና ኬሰኪ፡ ዔፕራዲሴ
ኅፖ ዎሮና ፒንቂ ጌሜሪ ሚርጌ ዓኣ፡ ጌሌዓዴ ጌይንታ ዓጮ ዓኣጳይ።

ያይቆኦቤ ቤቲ ዓኣዳዛ ለአባ ጊንፖ ኮዒ ዓኣጳሢ

22 ያይቆኦቤ ዓኣሺንቲ ዓኣጳሢ ለአባ ሃይሣ ኬሊኮ ጊንፃፓ
ዎይዞ፡

23 ፔኤኮ ዒጊኖና ዎላ ያይቆኦቤ ጊንፖ ኮዒ ዓኣጳይ፤ ለንካይ ኬሊ
ያይቆኦቤ ሃንቲሢኮ ጊንፖ ጌሌዓዴይዳ ዒዛ ዒ ሄላኒ ዑኬ።

24 ዬኖ ዎንቲሎ ሆኦሲ ለአባም ዓውቲና፡ «ያይቆኦቤ ዑፃ ፑርታ
ማዔቶዎ ኮሺ ፔቲ ባኣዚታፖ ኔ ጎዑዎጉዲ ኔና ዔሪ» ጌዔ።

25 ያይቆኦቤ ጌሌዓዴይዳ ዓፒላና ማዞ ማኣሮ ደቂ ዲንኪ ዴዒ
ዓኣንቲ ዒ ሙኪ ሄላ፤ ዬካፓ ለአባና ዒዛኮ ዒጊኖና ዔያቶኮዎ
ዓፒሎ ማኣሮ ደቂ ዒኣካ ኮይላ ዲንኬ።

26 ዬካፓ ለአባ ያይቆኦቤ ኮራ፡ «ዓይጎር ኔ ታና ሃያይዲ ጌሹይ?
ታ ናኣቶ ሶልዚና ዲዒ ዔኪ ዓኣድጉዲ ዓይጋ ኔ ዔኪ ዓኣጳይ?

27 ታኣም ኬዙዎፖ ዓኣሺንቲ ቤቲፖና ዓይጋ ታና ኔ ጌሹይ? ዎንዴ
ኔ ታኣም ኬኤዜቶ ካራቤና ጎኦላና ዔኪ ኮርጊ ኮርጊ ዎዛና ታ ኔና
ኅይሢ ዓኣሣንዳንቲኬ።

28 ታኣኒ ታኣኮ ናኣቶንታ ናኣቶኮ ናኣቶንታ ሄርቂ ዳኮዎጉዲ ኔ
ማዳሢ ሃይ ዳቢንቲኬ፤

29 ፑርታ ባኣዚ ታ ኔጊዳ ማዳኒ ዳንዳዓያታንቲ፡ ዎንቲ ዓውቲና ኔ
ዓዶ፡ ሆኦዞሢ፡ «ያይቆኦቤ ዑፃ ፑርታ ማዔቶዎ ኮሺ ፔቲ ባኣዚታፖ
ኔ ጎዑዎጉዲ» ጌዒ ታኣም ላቲ።

30 ኔ ሸይንቲ ዓጮ ማዒ ዓኣዳኒ ሚርጌና ኮዒ ታጊዳፓ ኔ
ፓቂንቲሢ ታ ዔራ፤ ማዓዛ ታኣኮ ማኣራ ታ ካኣሽኮ ሆኦዞ ኔ ዉኡቂሢ
ዓይጌንዴሮዳይ?» ጌዔ።

31 ያይቆኦቤ ማሃ፡ «ኔኤኮ ናኣቶ ታ ዑፃፓ ኔ ዔካንዳናንዳ፤
ጌዒ ታ ዒጊጤሆሢርኬ፤

32 ጋዓንቲ ኑ ባኣካፓ ኔኤኮ ካኣሽኮ ሆኦዞ ዔኪ ጴዴ ዓሲ ዓኣቶ
ሃይቆንጎ፤ ሃሢ ሃንሢ ኑኤኮ ዒጊኖንሢ ኔኤኮ ማርካ ማሃጋፓ ኔ ባኣዚ
ማዔ ባኮ ቢያ ኮዒ ዔኬ» ጌዔ፤ ያይቆኦቤ ዬያ ጌዔሢ ዒዛኮ ማቻ
ራኣሄላ ዓዶኮ ካኣሽኮ ሆኦዞ ዉኡቂ ዔኬሢ ዔሪባኣሢርኬ።

33 ዩካፓ ለአባ ያይቆኑቤንታ ሊያንታ ላምዎ ዲዛም ማዳ ለአሎንሢንታኮ ጋር ጌሊ ኮዔሰካፓ ፔቲታዎ ዔኤቢ ዴንቁባአሴ፤ ጋፒንዎይዳ ራአሄሎ ጋር ጌሊኔ፤

34 ራአሄላ ጋዓንቴ ዓዶኮ ካአሸኮ ያኦዞ ዔኪ ጋአላሢ ቶጎ ሚኢሾ ዴማ ዓአቺ ዑፃ ዴዔሢሮ፣ ለአባ ጋርይዳ ዓአ ባኮ ቢያ ኮዓዎ ፔቲታዎ ዴንቁባአሴ።

35 ዩማና ራአሄላ ዓዶ ኮራ፡- «ኑ ዓዴ! ታአኮ ዑሢ ፑርቴሢሮ ታ ዔቃኒ ዳንዳዒባአሴ፤ ታና ቆፃፖ» ጌዔኔ። ዩያር ለአባ ቢያ ቤዞ ኮዒ ዒዛኮ ካአሸኮ ያኦዞ ዴንቃኒ ዳንዳዒባአሴ።

36 ዒማና ያይቆኑቤ ለአባ ኮራ፡- «ዓካሪ ታ ዓይጎ ፑርቴሴይ? ሂንዳ ሃያይዲ ኔ ታና ዳውሳሢሢ ዓይጎ ታ ዎኦቴምዳይ?

37 ታአኮ ሚሆ ባአካፓ ኔ ባአዚ ኔ ዓይጎ ዴንቁይ? ኔ ዴንቁ ባአዚ ዓአያታቶ ኑኡኮ ዒጊኖ ቤርታ ሸኢሹ፤ ዔያታ ኔኤና ታአናናይዳፓ ፑርታሢ ያናታቶዎ ኑኡም ዎጎንጎ።

38 ኔኤና ዎላ ታ ላማታሚ ለዔ ናንጌ ዎዶይዳ ማራቶና ዎአርና ኔኤኮ ቡሌ ዎዳ ባአሴ፤ ኔኤኮ ቆልሞይዳፓ ፔቲ ማራናይታዎ ታ ሹኪ ሙዒ ቤቁባአሴ፤

39 ኔኤኮ ማራቶይዳፓ ፔቲ ቦዎ ሙዔቶ ታ ጨጋአፓዓቲም ታ ዳቢንቲና ሙይንቲባአሴ ጌዒ ታ ኔኤም ከኤዛኒ ኔ ቤርቶ ዔኪ ሙኪ ቤቁባአሴ፤ ዎንታታቶዎ ሮኦራ ዉኡቁንቴ ቆልሞ ዓአቶ ኔ ታና ጨጨጊሳኔ።

40 ሚርጌ ዎዳና ሮኦሪ ሩኡጳና ዎንቶ ጎቃይሳ ጨኢዦና ታ ሚርጌ ሜታዴኔ፤ ቃራ ጊንዎዎ ታ ጊንዔ ዎዳ ባአሴ።

41 ኔኤና ዎላ ታ ዩያይዲኬ፣ ላማታም ሌዎ ዓአሢሢ፤ ዩያ ላማታም ሌዎኮ ታጳ ያይዶ ሌዎ ኔኤኮ ናአቶ ዔካኒ፣ ዓቲ ላሆ ሌዎንሢ ታ ማዴሢ ኔጊዳፓ ቆልሞ ዔካኒኬ፤ ያዲ ማዔቶዎ ታ ኔኤም ማዴሢ ዛሎ ዒንጎ ባኮ ቤዛ ቤዛ ታጳ ማይንቲ ኔ ላአሜኔ።

42 ታ ዓዴ ዩሳአቁ ዒጊጫ ዓብራሃሜኮ ያኦዞሢ ታአና ዎላ ማዒባአቶ ኩቺ ጉሪ ኔ ታና ዳካንዳንቴኬ፤ ሃሢ ጋዓንቴ ታአኮ ሜታሢና ላቢያና ዛጊ ዎንቴ ያኦሲ ኔና ዓውቶና ጎሬኔ» ሂዚ ጌዒ ዳጋዲ ጎሪንቴኔ።

ያይቆኑቤና ለአባና ዎላ ጫአቁ ጫአቁዎ

43 ለአባ ያይቆኑቤም፡- «ሃንሢ ኔኤኮ ለአሎንሢ ታ ናአቶኬ፤ ዔያቶኮ ናአታአ ታ ናይኬ፤ ሃይ ቆልማ ሃሢ ታአርኬ፤ ጎኡምዎታቶ ሃይ ጴዳ ባካ ቢያ ታአርኬ፤ ጋዓንቴ ታአኮ ናአቶና ዔያቶኮ ናአቶና ዓይሳኒ ዓይጎ ባአዚያ ታ ማዳኒ ዳንዳዒባአሴ፤

1 ያይቆኦቤ ጎይያ ዓኣዲያይዳ ዓኣንቴ ያኦሲኮ ከኢታንቻ ጎይያ ዒዛና ካኣሜኔ።

2 ዒዚ ዒያቶ ዴንቃያ «ያኦሲ ዲንኪ ዴዔ ቤሲ» ጌዒ ዬኖ ቤዜሎኮ ሱንያ ማሂናይሜ * ጌዒ ጌህኔ።

3 ዬካፓ ያይቆኦቤ ዔዶአሜ ዓጮይዳ ሴዒሬ ጌይንታ ዓጮሎይዳ ናንጋ ዒዛኮ ቶይዲ ዔኤሳዎ ባንህ ከኢታ ዓሲ ቤርታሲ ዳኮኔ፤

4 ሂዚ ጌዒ ዒዚ ዒያቶ ዓይህኔ፥ «ታ ጎዳ፥ ዔኤሳዎም ሂዚ ጌዒ ከኤዙዎቴ፥ ሕ ዓይላህ፥ ታኣኒ፥ ያይቆኦቤ ሃይማ ሃላንዳኣና ናንጌህ ላኣባና ዎላ ማዔህ ታ ኔኤም ከኤዛኒ ኮዓኔ፤

5 ሃኣዛጌ፤ ሃህ ታኣኮ ሚርጌ ባይ፥ ሃሬ፥ ዎኣሪንታ ማራይንታ፤ ሃህ ዬያጉዲ ታኣም ማዶ ማዶ ዓቲንቁንታ ላኣላንታ ዓኣኔ፤ ዓካሪ ሃያ ታ ኔኤም ከኢቶ ዳካህ ኔኤና ታ ቡካኒ ኮዒኬ።»

6 ከኢቶ ዓሶንህያ ዴንዲ ህሊ ያይቆኦቤ ባንህ ማዒ ሙካዖ፡- «ኔ ቶይዲ ዔኤሳዎ ኮራ ኑ ዓኣዳንቴ፥ ዒዚ ኔኤና ዎላ ካኣማኒ ሙከህዲ ዓኣኔ፤ ዒዛና ዎላ ያይዶ ጻኤታ ዓሲያ ሙካኔ» ጌይ ከኤዜኔ።

7 ያይቆኦቤ ዬያ ዎይዜ ዎዶና ሚርጌ ዓጊጪ ሜታዳዖ ዒዛና ዓኣ ዓሶ ላምዖ ቤሲ ፓቁ፥ ሃህ ዬያጉዲ ማራቶንታ ዎኣርንታ ጋኣላህንታ ቢያ ላምዖ ቤሲ ፓቁ ፓቁ ዔቁሴ።

8 ዬያ ዒ ማዶህ «ዔኤሳዎ ጎያንቴ ሙኪ ዛሎ ባይዜቶ፥ ፔቴ ዛላታዖ ቶላኒ ዳንዳዓኔ» ጌዒ ማለህናኬ።

9 ዬካፓ ያይቆኦቤ፡- «ታ ዓዶንህ ዓብራሃሜና ዪሳኣቁና ያኦዛህዮ! ታኣኮ ሺኢጲያ ዎይዜ፤ ናንጊና ናንጋ ጎዳህዮ! ሕኤኮ ሸይንቶ ዓጮ፥ ኔ ዓጊኖ ባንህ ማዒ ዴንዴ፤ ዒኢካ ታ ኔኤም ኮሺ ማዓንዳጉዲ ማሃንዳኔ» ኔ ታኣም ጌዔ።

10 ታና ኔኤኮ ዓይላህም ሃያ ጉዴያ ኮሹዎና ጉሙርቁንህና ኔ ዳዎኒ ኮይሱዎያታንቴኬ፤ ሃያኮ ቤርታ ዮርዳኖሴ ዎርና ፒንቁ ታ ሙካኣና ታኣኮ ኮኦላዶ ኮኦሎማፓ ዓታዛ ፔቴታዖ ዓኣ ባኣዚ ባኣሴ፤ ሃህ ጋዓንቴ ላምዖ ቤሲ ፓቁንቴ ፃጲ ታ ዔኪ ማዔ።

11 ታናንታ ላኣሎንታ ናኣቶንታ ዓይሱዎዖ ኑና ዔኤሳዎ ባይዛንዳኔ ጌዒ ታ ዓጊጫህር ታ ቶይዲ ዔኤሳዎይዳፓ ኔ ታና ዓውሳንዳጉዲ ታ ኔና ሺኢቃኔ፤

12 ኦሺ ባኣዚ ታ ኔኤም ማዳንዳኔ፤ ዜርዎ ዔኤኮ ፓይዲንታኒ ዳንዳዒንቴዎ ባዞ ዓጫ ዓኣ ማኣሻሎጉዲ ታ ሚርጊሻንዳኔ ኔ

* 32:2 ማሂናይሜ ጌይያ፡- ዔብሪ ዓሶ ሙኡቸና «ላምዖ ዴንኪ ዴዖና ቤሲ» ጌይህኬ።

ጌዔሢ ጳቂሢ» ሂዚ ጌዔ ሸኢቄኔ።

13 ያይቆኦቤ ዬኖ ቤዘይዳ ዎርቂ ጉቲ ዓሚ ዔቃዎ ዓኣ ባኮ ቢያይዳፓ ቶይዲ ዔኤሳዎሞ ዒንጋኒ ቁሪ ጊኢጊሸኔ፤

14 ዬያይዲ ላምዎ ጌኤታ ዎኣሪ ዒንዴና ላማታሚ ኮላይ፣ ላምዎ ጌኤታ ዒንዴ ማራይና ላማታሚ ዓዴ ማራይ፣

15 ሃይሢታሚ ዳንሢሢ ጋኣሎ ናኣቶና ዎላ፣ ሃሣ ያይዲታሚ ዒንዴ ባይና ታጳ ዚያ ጌማይ፣ ላማታሚ ዒንዴ ሃሪና ታጳ ዓዴ ሃሪና ማሂ ቁሬኔ፤

16 ዬንሢ ቆልሞንሢ ቶኦኪና ቶኦኪና ዲማሳዎ ዬያ ፓቂንቲ ቆልሞ ዒሻንዳጉዲ ሄንቃ ናይ ጌሣኔ፤ ዬንሢ ሄንቃዘንሢሞ፡- «ታኣኮ ቤርታ ዓኣዲዎቲ፤ ቆልሞኮ ባኣካ ሃኬ ሃኬ ቤሲ ዓኣያ ማዓንዳጉዲ ማሂፓፓ ዒንሢ ጊንዎ ጊንዎ ዓኣዲዎቲ» ጌዔኔ።

17 ቤርታ ዓኣዲ ሄንቃሢሞ፡- «ታ ቶይዲ ዔኤሳዎ ጎይፃ ዒንሢና ካኣሚ ኔ ዓንኮ ዓሲዳይ? ዎካ ኔ ዴንዳይ? ሃይ ኔ ዒሻ ቆልማ ያኦርዳይ?» ጌዔ ኔና ያኦጩያ ማዔቶ፣

18 ሃይ ቆልማ ኔ ዓይላሢ ያይቆኦቤርኬ፤ ዒዚ ሃያ ዳኬሢ ታ ጎዳ፣ ዔኤሳዎሞ ዒንጉዎቲ ጌዒኬ፤ ሃይሻ ዒዚ፣ ያይቆኦቤ ኦኡኮ ጊንዎ ሙካኔ ጌዒ ኬኤዜ» ጌዔኔ።

19 ዬካፓ ላምዓሶና ሃይሣሶና ፓቂንቲ ቤዛ ዓኣዘንሢና፣ ሃሣ ዓቲ ቆልሞ ሄንቃዘንሢሞ፡- «ዒንሢያ ዔኤሳዎ ዴንቄቶ ዒማ ጌይ ኬኤዘዎቲ፤

20 ላሸ፤ ኔ ዓይላሢ፣ ያይቆኦቤ ጊንዎ ሙኪ ሙኪ ዓኣኔ» ጌዒ ዒዘሞ ኬኤዘዎቲ» ጌዔኔ። ዬያ ዒዚ ጌዔሢ «ታኣኒ ሄላንዳሢኮ ቤርታ ታ ዒዘሞ ዳኬ ባኮና ዳጎ ታ ዒዘኮ ሸሚሳንዳያናንዳኔ፤ ጊንፃፓ ዒዚ ታኣና ካኣማኣና ዎዛዲ ታና ጎይሣ ሞኦኪ ዔካንዳኔ» ጌዒ ማሊሢናኬ።

21 ዬያይዲ ዒሸሞ ዒንጎንዶ ባኮ ያይቆኦቤ ቤርታሲ ዳኬሢኮ ጊንዎ ዲንኪ ዒኣካ ዔያታ ዴዔ ቤዛ ዎርቄኔ።

ያይቆኦቤኮ ያኦሲና ዎላ ማሹንባሢ ዓርቂዎ

22 ዬኖ ዎንቲሎ ያይቆኦቤ ዔቃዎ ላምዎ ዒዘኮ ማቸንሢና ጊንፃኣ ማቸንሢ ማዔ ላምዎንሢንታ ዒዘኮ ታጳ ፔቶ ናኣቶዎ ዔኪ ያኣሰቂ ዎሮና ፒንቄኔ።

23 ዔያቶ ዎሮና ዒዚ ፒንሣሢኮ ጊንዎ ዒዘኮ ዓኣ ሜሆ ቢያ ፒንሣኔ።

24 ዒዚ ጋዓንቲ ዎሮ ሱካ ፔኤሮ ዓቲኔ፤

32:12 ማዢ. ማፃ 22:17።

ዩካፓ ዬኖ ዋንቴሎ ሳዓ ካራንዲያ ሄላንዳኣና ፔቴ ዓሲ ማሹንቦ
ዒዛ ዓርቃኣና ዋርቄኤ።

25 ዬይ ዓሢ ያይቆኦቤ ዓጋኒ ባሺንታዎ ቶኮኮ ጉባዛ ቃኣቶ ጳርቄኤ፤
ዬማና ያይቆኦቤ ማሹምባሢ ዓርቃኣና ቃኣታ ጉባዛና ካኣማ ካራፓ
ቶሌኔ፤

26 ዩካፓ ዓሢ፡- «ሳዓ ካራኒ ዑኬሢሮ ታና ሃሼ» ጋዓዛ፡
ያይቆኦቤ፡- «ኔ ታና ዓንጂባኣቶ ታ ኔና ሃሻዓኬ» ጌዔኔ።

27 ዓሢ ዒማና፡- «ሱንፃ ኔኤኮ ያናዳይ?» ጋዓዛ፡ ዒዚ «ሱንፃ
ታኣኮ ያይቆኦቤኬ» ጌዔኔ።

28 ዓሢ ጊንሣ፡- «ሃይፓ ሴካ ኔኤኮ ሱንፃ ያይቆኦቤ ጌይንቶፓ፤
ያኦሲንታ ዓሲንታ ማሹምቦና ኔ ባሺሢሮ ሱንፃ ኔኤኮ «ዒሰራዔኤሌ»[†]
ጌይንቶንጎ» ጌዔኔ።

29 ያይቆኦቤ ዓሢ ኮራ፡- «ኔ ሱንፃ ያናዳይ?» ጋዓዛ፡ ዓሢ፡- «ኔ
ታኣኮ ሱንፃ ዔራኒ ኮዓሢ ዓይጎርዳይ?» ጋዓዎ ያይቆኦቤ ዓንጄኔ።

30 ያይቆኦቤ ዒማና፡- «ያኦሲኮ ቤርታ ዔቂ ዛጊ፡ ሃይሾ ሽምፖና ታ
ዓኣኔ» ጌዒ ዬያይዳፓ ዔቂያና ዬኖ ቤዜሎኮ ሱንፃ «ጲኢኒዔኤሌ»[‡]
ጌዒ ጌሢኔ።

31 ያይቆኦቤ ጲኢኒዔኤሌፓ ዒቂ ዓኣዳኣና ዓባ ያርቄኤ፤ ዬማና
ጉባዛ ዒዛኮ ጳርቄንቲሢሮ ዒዚ ዋካልቃኔ።

32 ዬያሮ ዒሰራዔኤሌ ዓሳ ሃኖ ሄላንዳኣና ቆልሞኮ ጉባዛ ካኣማ
ካራ ዓኣ ቃኣቶ ዓሽኮ ሙዑዋሴ፤ ዓይጎር ጌዔቶ ያይቆኦቤ ዓሢና
ዋላ ማሹንባሢ ዓርቃኣና ዓሢ ዒዛኮ ጉባዛ ጳርቄሢሮኬ።

33

ያይቆኦቤኮ ዔኤሳዎና ዋላ ካኣሚዎ

1 ያይቆኦቤ ሃኬና ዔኤሳዎ ያይዶ ጄኤታ ዓሲና ዋላ ሙካሢ
ዴንቃዎ ፔኤኮ ናኣቶ ዛሎ ሊያና ዋላ፡ ዛሎ ራኣሄሎና ዋላ ሃሣ
ዓቴዞንሢ ላምዎ ዒዛኮ ማዶ ማዳ ላኣሎንሢና ዋላ ማሂ ፓቄኔ።

2 ቤርታሲ ላምዎ ዒዛኮ ጊንፃኣ ማሻንሢና ዔያቶኮ ናኣቶና ዳኬኔ፤
ሄሊሲ ሊያና ዒዛ ናኣቶና ዳኬኔ፤ ሃይሣሲ ራኣሄሎና ናኣዚ ዮሴፔና
ቢያፓ ጊንፃ ሙካንዳጉዲ ማሃዎ፡

32:26 ሆሴ. 12:3-4። † 32:28 ዒሰራዔኤሌ ጌይዎ፡- ዔብሬ ዓሶ ሙኡቺና «ያኦሲና
ዋላ ማሹምቦ ዓርቃያ» ጌይሢኬ። 32:28 ማኸ. ማፃ 35:10። 32:29 ሱኡጊ.
ማፃ 13:7-18። ‡ 32:30 ጲኢኒዔኤሌ ጌይዎ፡- ዔብሬ ዓሶ ሙኡቺና «ያኦሲ ዓኣፕ
ካራ» ጌይሢኬ።

3 ዓዚ ቢያሢኮ ቤርታ ዓኣዲ ቶይዲ ዔኤሳዎ ኮይላ ዑካዎ፥ ሳዖ ባንሢ ሂርኪ ጌዒ ላንካይ ማይንቲ ዚጊ ቦንቾ ዔኤላሢ ዔኤሌኔ፤

4 ዔኤሳዎ ጋዓንቴ ዒዛና ካኣማኒ ዒዛ ባንሢ ጳሽካዎ፥ ባቃና ፔ ኩጮና ማሪ ዓርቂ ሄርቂንታዖ ላምዖንሢ ዎዘፓ ዔቂያና ዩኤኬኔ፤

5 ዔኤሳዎ ያይቆኦቤኮ ጊንዖ ሙካ ላኣሎና ናኣቶና ዴንቄ ዎዶና፡- «ሃንሢ ኔኤና ዎላ ዓኣዙንሢ ዓይጎ ዓሲዳዖ?» ጌዒ ዖኦጫዛ፥ ያይቆኦቤ ማሃዖ፡- «ታ ጎዳሢዮ! ሃንሢ ዖኦሲ ፔ ኮሹሞና ታኣም ዒንጌ ታ ናኣቶኬ» ጌዔኔ።

6 ዩካፓ ያይቆኦቤኮ ጊንዖኣ ማቾንሢ ዔይዖቶኮ ናኣቶና ዎላ ሙኪ ዒዛ ቦንቾ ዔኤላሢ ዔኤሌኔ።

7 ሃሣ ሊያና ዒዘኮ ናኣቶና፤ ጋፒንፃ ዮሴፔና ራኣሄሎና ዎላ ሙኪ ቦንቾ ዔኤላሢ ዔኤሌኔ።

8 ዔኤሳዎ ያይቆኦቤ ኮራ፡- «ቤርታ ቤርታ ዒሺንቲ ዓኣዳንቴ ታ ዛጌ ቆልማ ዓይጎዳይ?» ጌዔኔ።

ያይቆኦቤ ማሃዖ፡- «ታ ጎዳሢዮ! ዩይ ኔኤና ዎላ ቡካኒ ኔኤም ታ ዳኬያኬ» ጌዔኔ።

9 ዔኤሳዎ ጊንሣ፡- «ታ ጌኤዛሢዮ! ታኣም ጊዳ ቆሎ ዓኣኔ፤ ኔኤሲ ኔኤም ማዖንጎ» ጌዔኔ።

10 ያይቆኦቤ ጋዓንቴ፡- «ያዲ ማዖፓ፤ ጎኔና ኔታና ናሽካቶ ሃዳራ ታ ኔኤም ዓንጋ ባኮ ዔኬኔ፤ ኔታና ናሹሞና ዛጌሢሮ፥ ኔ ዓኣፖ ካሮ ዛጊዖ ዖኦሲ ዓኣፒ ካራ ዛጋያ ማሂ ታ ፓይዳኔ።

11 ዩያሮ ሃዳራ ሃያ ታ ኔኤም ዒንጌሢ ዔኬኔ፤ ዖኦሲ ፔ ኮሹሞና ታኣም ኮይጎ ባኣዚ ቢያ ዒንጌኔ» ጋዓዖ ያይቆኦቤ ዒዚ ዒንጋ ባኮ ዔኤሳዎ ዔካንዳፒዲ ዒናፓ ሺኣቁሢሮ ዔኤሳዎ ዔኬኔ።

12 ዔኤሳዎዎ፡- «ዓካሪ፥ ሂንዳ ቢራዎቴ፤ ጋዓንቴ ታ ኔኤኮ ቤርታ ዓኣዳንዳኔ» ጌዔኔ።

13 ዩካፓ ያይቆኦቤ፡- «ናኣታ ላባያታሢ ታ ጎዳሢዮ ኔ ዔራኔ፤ ዳንሢሣ ቆልሞንታ ዎናናኣቶንታ፥ ሃሣ ናኣሪ ናኣቶ ዛሎ ማላንዳያ ታና ኮይጎኔ፤ ፔቴ ኬሊታዖ ራኡሪና ጉኡዲ ዔይዖቶ ዒሾናቶ ቆልማ ቢያ ኩዳንዳኔ።

14 ዩያሮ ሃዳራ ታ ጎዳሢዮ ኔኤኒ ቤርታዲ ዓኣዴ፤ ታኣኒያ ጊንዖ ኔኤኮ ታሢ ታሢ ሙካንዳኔ፤ ቆልሞና ናኣቶና ዙንሢ ዔኬ ሴዒሬይዳ ኑ ዎላ ካኣማንዳኔ» ጌዔኔ።

15 ዔኤሳዎ ያይቆኦቤም፡- «ሂዴቶ፥ ታኣና ዎላ ዓኣ ዓሶይዳፓ ዳካ ዓሲ ኔ ኮራ ታ ዓይጎንዳኔ» ጌዔኔ።

ያይቆኦቤ ጋዓንቴ፡- «ታ ጎዳሢዮ፥ ኔኤና ዎላ ታ ቡኬያፓዓቴም ሜሌ ዓይጌያ ታኣም ኮይሱዎሴ» ጌዔኔ።

- 16 ዬያሮ ዔኤሳዎ ዬኖ ከሎና ጎይያ ከሰኪ ሰዒሬ ማዒ ዓኣዳኔ።
- 17 ያይቆኦቤ ጋዓንጥ ሱኮቴ ጌይንታ ቤሲ ዓኣዳዎ ዒኣካ ፔኤኮ ማኣሪ ማዢ፣ ባኣቶኮዎ ባርታ ዲርቄኔ፤ ዬያሮ ዬኖ ቤዜሎኮ ሱንፃ ሱኮቴ * ጌይንቴኔ።
- 18 ሜሶፖታሚያይዳፓ ያይቆኦቤ ካኣናኔ ዓጮ ማዒ ዓኣዳዎ፣ ሴኬሜ ጌይንታ ካታሜሎ ኮሺና ሄሌኔ፤ ዒኣካ ካታሞኮ ቤርቶ ዛሎና ዓኣ ቦኣሎጊደይዳ ዲንኪ ዳዔኔ።
- 19 ዒዚ ናንጎሮ ዓፒላፓ ማዢና ማኣሮ ደቄ ቤዞ ሴኬሜ ዓዶ፣ ሃሞሬ ማኣሮ ዜርያይዳፓ ጃኤታ ሹቺ ቢራና † ዒ ሻንቄኔ፤
- 20 ዒኣካ ዒዚ ፆኣሲም ዒንጎ ባኣዚ ዒንጎንዶ ቤሲ ሹቺና ኮሻዎ «ዒሰራዔኤሌ ፆኣሲ ማዔ ናንጊና ናንጋ ጎዳ» ጌዒ ዬኖኮ ሱንፃ ጌሄኔ።

34

ያይቆኦቤ ናዎ ዲኣናኮ ዓሲና ዓርቁንቴዎ

- 1 ፔቴ ከሊ ሊያ ያይቆኦቤም ሾዔ ዲኣና ጌይንታ ዉዲሮ ናዔላ ዔያታ ናንጋ ካኣናኔ ዓጮይዳ ዓኣ ላኣሎ ዛጋኒ ከሰኪኔ፤
- 2 ዬኖ ዓጮ ሱኡጋሢ፣ ሂዎቄ ዓጮ ዓሢ፣ ሃሞሬ ናኣዚ፣ ሴኬሜ ዒዞ ዳንቃዎ ዎልቄና ዓርቄኔ፤
- 3 ዒዞኮ ሚዛጸማፓ ዔቄያና ዒዞ ዒ ኮሺ ናሽኬኔ፤ ዬያሮ ናዔላ ዒዞ ናሽካንዳጉዲ ናሹሞ ዑኡሲና ጌሺሢ ሃይሴ ዒ ጌሰቴኔ።
- 4 ዬካፓ ዒዚ ፔ ዓዶ ኮራ፡- «ሃኖ ናዔሎ ታ ዔኮም» ጌዔኔ።
- 5 ያይቆኦቤ ፔኤኮ ናዎ ዲኣና ዓሲ ዎልቄና ዓርቁሢ ዎይዜኔ፤ ጋዓንጥ ዒዞኮ ጌርሲንሢ ቆልሞና ሶኣፔሢሮ ዔያታ ማዓንዳያ ሄላንዳኣና ዚቲዮ ጌዒ ካፔኔ፤
- 6 ዬካፓ ሴኬሜኮ ዓዶ ሃሞሬ ያይቆኦቤና ጌሰታኒ ሙኬኔ፤
- 7 ዒማ ከሎና ያይቆኦቤኮ ናኣታ ባኣቶ ሄንፃፓ ሙካዎ ማዲንጉቴ ባኮ ዎይዚ ሚርጌ ዲቃቴኔ፤ ሴኬሜ ያይቆኦቤኮ ናዎ ዓርቁያና ዒሰራዔኤሌ ዳሮ ዳውሲሰሢሮ ሚርጌና ዔያታ ዳጋዴኔ፤ ዓይጎሮ ጌዔቶ ዬያጉዳ ባኣዚ ማዲንታንዳያ ኮይሱዎያታሢሮኬ።
- 8 ሃሞሬ ጋዓንጥ ዔያቶ ኮራ፡- «ታ ናዓሢ፣ ሴኬሜ ዒንሢኮ ናዔሎ ሚርጌና ናሽኬሢሮ ዒዞም ዒንጉዎቴራ፤

* 33:17 ሱኮቴ ጌይያ፡- ዒብሬ ዓሶ ሙኤቺና «ዛምፖ ማኣራ» ጌይሢኬ። † 33:19 ጃኤታ ሹቺ ቢራ ጋዓዛ፡- ዬኖ ዎዶና ጃኤታ ማራይ ሻንቃኒ ዳንዳዓ ሚኢሽ ጉዳያኬ።
 33:19 ዒያ. 24:32፤ ዮሃ. 4:5።

9 ጉቤና ኑኡና ዲንሢናኮ ባአካ ዔፒ ዛላና ጫአቆሞ ኑ ጫአቆሞ፤ ኑኡኒ ዲንሢኮ ዉዲሮ ናአቶ ዔኬም ዲንሢያ ኑ ዉዲሮ ናአቶ ዔኬሞቲ፤

10 ዩያይዲ ኑ ዓጮይዲ ኑኡና ዎላ ዲንሢ ናንጋኒ ዳንዳዔ፤ ዲንሢ ኮዔ ቤሲ ሃንቲ፤ ኮርሞሞ ኮርሚ ኮርሚ ያርጎጪ ናንጋኒ ዲንሢ ዳንዳዔ።» ጌዔ።

11 ሴኬሜ ገንሣ ፔ ዛሎና ዲኢናኮ ዓደና ጌርሲንሢናሞ፡- «ታ ማሊያ ዲንሢ ኩንሣቶ ዲንሢ ኮዔ ባአዚ ቢያ ታ ዲንሢሞ ማዳንዳ፤

12 ዑኡቴሎ ዛሎ ዲንሢ ኮዔሢጉዴያ ማጋጩ ታና ያኦጩሞቲ፤ ዲዛ ታ ዔካንዳጉዲ ዲንሢ ጌዔቶ ዲንሢ ኮዔ ባአዚ ቢያ ታ ዲንሢሞ ዲንጋኒ ገአገንቴያኬ» ጌዔ።

13 ሴኬሜ ያይቆአቤ ናአቶኮ ጌር ዲኢና ዎላቁና ዓርቁሢር ዔያታ ሴኬሜና ዲዛኮ ዓደ ሃሞሬናሞ ጌሺሢና ሂዚ ጌዔ ማሄ።-

14 «ኑ ጌር ዓቲንቴ ቤርቲ ቲቁንቲባአ ዓሲ ዔካንዳጉዲ ኑ ኮዑሞሴ፤ ያዲ ማዔቶ ዩይ ኑኡሞ ፑኡፕ ዳውሲንቲኬ፤

15 ዲዛ ኑኡኒ ኔኤም ዲንጋኒ ዳንዳዒሳ ፔቴ ጎይሢ ሌሊ ዓአ፤ ዩና ዓይጎዳይ ጌዔቶ ኔናንታ ኔ ዓጮ ዓቲንቆንታ ቢያ ኑጉዲ ዓቲንቶ ቤርቶ ቲቁንቴያ ማዔቶኬ።

16 ያዲ ማዔቶ ዲንሢ ኑ ዉዲሮ ናአቶ፡ ኑኡኒያ ዲንሢ ዉዲሮ ናአቶ ዔካንዳ፤ ፔቴ ዴሬ ማዒያ ኑ ዎላ ናንጋንዳ።

17 ኑኡኮ ማሊያ ዲንሢ ዔከባአቶ፡ ዓቲንቶ ቤርቶሞ ዲንሢ ቲቁንቲባአቶ ኑ ጌሬሎ ኑ ዔኪ ዓአዳንዳ።»

18 ዩና ጌኤዛ ዔኤዒያ ጫአቁሜላ ሃሞሬና ናአዚ ሴኬሜናሞ ኮሺ ማሊ ጴዳ፤

19 ሴኬሜ፡ ያይቆአቤኮና ሞረጌና ናሽኬሢር ጌይንቴ ባኮ ቢያ ማዳኒ ፔቴታያ ኔገባአሴ፤ ዲዚ ፔ ዓደ ማአራ ሚርጌ ቦንቺንታያኬ።

20 ዩያር ሃሞሬና ናአዚ ሴኬሜና ካታሞ ጌሎ ካራ ዓአ ዓሳ ቡካ ቤዛ ዓአዳያ፡ ካታሞይዳ ናንጋ ዓሶሞ፡-

21 «ሃንሢ ዓሶንሢ ኑኡና ዎላ ናንጋሢ ኮሹሞናኬ፤ ሃና ዓጩሎይዳ ኑኡና ዎላ ዔያታ ናንጎንጎ፤ ሃሣ ዔያታ ኮዔሢጉዲ ሃንቶንጎ፤ ሃይሾ! ዓጩላ ኑኡና ዔያቶናሞ ገዳንዳያኬ፤ ዔያቶኮ ዉዲሮ ናአቶ ኑ ዔኮሞ፤ ኑ ዉዲሮ ናአቶሞ ኑኡኒ ዔያቶሞ ዲንጎሞ።

22 ጋዓንቴ ሃንሢ ዓሶንሢ ኑኡና ዎላ ናንጋኒና ኑኡና ዎላ ፔቴ ዴሬ ማዒ ኮዓሢ ኑኡኒ ዓቲንቃ ቢያ ዔያቶጉዲ ዓቲንቶ ቤርቶ ቲቁንታኒ ዔኤዔቶኬ።

23 ኑ ዬያዴቶ ዔያቶኮ ቆልማ፣ ባኣታ ማሌ ዓኣ ባካ ቢያ ኑኡም ማዓንዳኔ፤ ዬያር ዔያቶና ዎላ ኑ ፔቲ ማፃም፤ ዔያታ ኑኡና ዎላ ናንጎንጎ» ሂዚ ጌዔኔ።

24 ካታሚሎይዳ ናንጋ ዓሳ ቢያ፤ ሃሞሬንታ ዒዛኮ ናኣዚ ሴኬሚንታ ጌዔ ማሊያ ዎይዚ ዔካፃ ዓቲንቃ ቢያ ፔኤኮ ዓቲንቶ ቤርቶ ቲቁንቲኔ።

25 ሃይሣሳ ኬሎና ዓቲንቆኮ ቢያ ዓቲንቶ ቤርቶ ቲቆና ኪፃ ፓፀብንቲ፣ ያይቆኦቤ ናኣቶይዳፓ ላምፆ፣ ዲኢናኮ ጌርሲንሢ ሲሞኦኔና ሌዊና ፔኤኮ ጨንቻ ዓፓር ዓፓር ዓርቃፆ ፆኦኒያ ዔያቶ ዔሩዎንቲ ካታሞ ሳዞ ጌሊ ዓቲንቆ ቢያ ዎዴኔ።

26 ሃሞሬንታ ናኣዚ ሴኬሚያ ዓይሱዎፆ ዓፓርና ዎዴሢኮ ጊንፃ ጌር ዲኢና ሴኬሚ ማኣራፓ ዔያታ ዔኪ ዓኣዴኔ።

27 ዓቲ ያይቆኦቤኮ ናኣታ ሃይቄ ዓሶ ማኣሪ ጌሊ ጌሊ ዔያቶ ጌኤዳላ ዎልቄና ዓርቁንቲ ካታሚሎ ጉቤ ቡሬኔ።

28 ማራታ፣ ዎኣራ፣ ባኣታ፣ ሃራኣ፤ ዬያጉዲ ካታሞ ጋርንታ ዙሎንታይዳ ዓሶኮ ዓኣ ባኮ ቢያ ቡሪ ዔኬኔ።

29 ላኣሎንታ ናኣቶንታ ዔያታ ዲዒ ዔኪ፣ ፔቲ ፔቲ ዓሶ ማኣርይዳ ዴንቄ ቆሎ ቢያ ቡሬኔ።

30 ያይቆኦቤ ፔኤኮ ናኣቶ ሲሞኦኔና ሌዊናም፡- «ታ ዑፃ ዒንሢ ፑኡፒ ሚቶ ዔኪ ሙኩኔ፤ ሃሢ ሃያ ዒንሢ ማዴሢ ማዴሢ ማዴሢ ሃሮ ዓጫ ናንጋ ካኣናኔ ዓሶንታ ፔርዜ ዓጮ ዓሳኣ ቢያ ታና ዒፃንዳኔ፤ ኑኡኒ ፓይዲና ዳካ ዓሲኬ፤ ዔያታ ፔቲ ማዒ ኑና ፆሌቶ ታኣና ታ ማኣር ዓሶና ኑ ጋፔኔ ጌይሢኬ» ጌዔኔ።

31 ዔያታ ጋዓንቲ፡- «ዓይጎ ባኣዚ ማዔቶዎ ኑ ጌኤዳላ ዞኣሰካ ኮኣማ ላኣሊጉዲ ዎልቄና ዓርቁንታዛ ዛጊ ኑ ጊባኒ ዳንዳዑዎሴ» ጌዔኔ።

35

ያይቆኦቤኮ ቤኤቴኤሌ ማዒያ

1 ፆኣሲ ያይቆኦቤም፡- «ሃሢ ዔቂ ቤኤቴኤሌ ዓኣዲጋፓ ዒኢካ ናንጌ፤ ሚና ኔ ቶይዲ ዔኤሳዎይዳፓ ዓኣሺንቲ ኔ ዓኣዴያና ኔኤም ጴዳ ፆኣዛሢ፣ ታኣም ዒንጎ ባኣዚ ዒንጊ ካኣሸኮ ቤሲ ሹቺና ዒኢካ ኮሺ» ጌዔኔ።

2 ዬያር ያይቆኦቤ ዒዛኮ ማኣር ዓሶና ዒዛና ዎላ ዓኣ ዓሶናም፡- «ዒንሢ ኮሪ ዓኣ ማሌ ፆኣዞ ቢያ ባይዙዎቲ፤ ዒንሢያ ጌኤሹዎቲ፤ ሃሃ ጌኤሺ ዓፒላ ማይንቲዎቲ፤

35:1 ማክ. ማፃ 28:11-17።

3 ሃካፓ ኑ ዔቂ ቤኤቴኤሌ ዓኣዳንዳኔ፤ ሃያኮ ቤርታ ታ ሜታዳ ዎደና ታና ማኣዳሚና ታ ዓኣዳ ቤዞ ቢያይዳ ታ ኮራፓ ዲማዲባኣ ያኦሲም ዒንጎ ባኣዚ ዒንጊ ካኣሽኮ ቤሲ ዒኣኣካ ታ ኮሻንዳኔ» ጌዔኔ።

4 ዬያሮ ዔያቶኮ ካኣሽኮ ሜሌ ያኦዞ ቢያ ዔከ ሙከ ያይቆኦም ዔያታ ዒንጌኔ፤ ዬያጉዲ ሃሃ ዔያቶኮ ዎሮይዳ ዓኣሃና ጉዳቻሚያ ቢያ ከሲ ዒዛም ዒንጋዛ፣ ዒዚ ዬያ ቢያ ዔካዎ ሴኬሜ ዓጮይዳ ዓኣ ሻኣሶ ደማ ዲኡኬኔ።

5 ዬካፓ ያይቆኦቤንታ ናኣቶንታ ዬኖ ቤዞ ሃሺ ዴንዳኒ ዔቂኔ፤ ያኦሲ ዬኖ ዓጮይዳ ዓኣ ዓሶ ዑፃ ዒጊቹምና ዲቃቲሂና ጌልዜሂረ ያኦኒያ ዔያቶ ዳውሳኒ ጫርቁባኣሴ።

6 ያይቆኦቤ ዒዛና ዓኣ ዓሶና ዎላ ሎኦዛ ዴንዲ ሄሌኔ፤ ዬና ቤዜላ ቤኤቴኤሌኬ፤ ዒዛ ዓጮላ ካኣናይይዳ ዓኣ ቤሲኬ።

7 ያይቆኦቤ ዒኣካ ያኦሲም ዒንጎ ባኣዚ ዒንጊ ካኣሽኮ ቤሲ ኮሻዎ «ዔልቤኤቴኤሌ»* ጌዒ ሱንሂ ጌሄኔ፤ ዓይጎር ጌዔቶ ቤርታ ዒዚ ዒሾ ኮራፓ ዓኣሽንቲ ዓኣዴያና ያኦሲ ዒዛና ካኣሜሂ ዬኖ ቤዜሎይዳ ማዔሂርኬ።

8 ዒኣካ ዒርቢቃኮ ማዳ ማዳ ዲሶራ ጎዎዛ ሃይቂኔ፤ ዒዛ ቤኤቴኤሌኮ ዓባ ኬሰኪ ጌላሂኮ ደኦሎ ዛሎና ዓኣ ሻኣባሂ ደማ ዲኡቴሂር፣ ዬይ ሚፃሂ ዬኤፒ ሻኣቢ ጌይንቴኔ።

9 ያይቆኦቤ ሜሶፖታሚያ ዓጮፓ ማዔ ዎደና ያኦሲ ዒዛም ላሚ ጴዲ ዓንጃኔ።

10 ሃሃ ጊንሂ፡- «ሃሂ ሱንፃ ኔኤኮ ያይቆኦቤኬ፤ ሃካፓ ሴካ ጋዓንቲ ሱንፃ ኔኤኮ ዒሰራዔኤሌ ጌይንታንዳኔ፣ ያይቆኦቤ ጌይንቲ ኔ ዔኤሊንታዓኬ» ጌዒ፣ ያኦሲ ያይቆኦቤኮ ሱንፃ «ዒሰራዔኤሌ» ጌዒ ጌሄኔ።

11 ላሚ ሃሃ ያኦሲ ያይቆኦቤም፡- «ቢያ ባኮ ዳንደዓ ያኦዛሂ ታናኬ፤ ሚርጌ ናይ ሾዔ፤ ዜርፃኣ ኔኤኮ ሚርጎንጎ፤ ሚርጌ ዴሬኮ ዓደ ማዔ፤ ካኣታ ኔ ዜርፃፓ ኬሰኮንጎ፤

12 ኔ ማዎ ዓብራሃሜና ኔ ዓደ ዪሳኣቁናም ታ ዒንጌ ዓጮ ኔኤም ታ ዒንጋንዳኔ፤ ሃኖ ዓጮሎ ኔኤኮ ጊንፃፓ ሙካ ዜርፃም ታ ዒንጋንዳኔ» ጌዔኔ።

13 ያኦሲ ያይቆኦቤና ዎላ ጌሰታዎ ዬኖ ቤዛፓ ለካ ዔቂ ዓኣዳኔ።

* 35:7 ዔልቤኤቴኤሌ ጌይ፡- ዔብሬ ዓሶ ሙኡቹና «ቤኤቴኤሌ ያኦሲ» ጌይሂኬ።
35:10 ማዘገብ ማጻ 32:28። 35:12 ማዘገብ ማጻ 17:4-8።

14 ያይቆኦቤ ያኦሲና ዎላ ጌሰቴ ቤዘይዳ ማላታ ማዓንዳጉዲ ሹቹ ዳኣባ፣ ሹጨሎ ያኦሲም ዲማሳኒ ዎይኔይዳፓ ኮሾና ዑሽንታ ዛይቲያ ሹጮ ዑያይዳ ዎሃኔ፤

15 ያይቆኦቤ ያኦሲ ዒዛና ጌሰቴ ቤዘሎኮ ሱንያ «ቤኤቴኤሌ» ጌራ ጌሃኔ።

ራሄሎኮ ሃይቦ

16 ያይቆኦቤና ማኣሮ ዓሶና ቤቴዔኤሌ ዓጮ ሃሺ ዓኣዳኔ፤ ዩማና ዔያታ ዔፕራታ ጎፆ ቤዘሎ ሄላኒ ዑካዛ ራኣሄሎ ሾይቹ ዓርቄ።

17 ሾይያ ዒዘ ሚርጌና ሜታሴ ዎዶና ዒዘ ዓርቄ ዓኣ ላኣሌላ «ራኣሄሌ፣ ሜሌ ዓቲንቄናይ ኔ ሾዓንዳሢሮ ዓጊጨፖ ዶዴ!» ዒዘም ጌዔኔ።

18 ዒዛ ጋዓንቴ ሃይቃኒ ሳዛ ጋሽካፆ ሃይቃንዳሢኮ ቤርታ ናዓሢኮ ሱንያ «ቢኒፆኦኒ»† ጋዓዛ፣ ዓዳሢ ጊንሣ «ቢኢኒዓሜ»‡ ጌዔኔ።

19 ዩማፓ ቤዘማና ራኣሄላ ሃይቄ፣ ዔፕራታ ዓኣዳ ጎይፆ ዓጮ ዲኡቴኔ፤ ዩና ቤዘላ ሃኖ ቤኤቴሌሄሜ ጌይንታዞከ።

20 ያይቆኦቤ ማቾ ራኣሄሎኮ ዲኡፖ ዑፃ ማላታ ማዓንዳጉዲ ሹቹ ዳኣቤ። ዩይ ዳኣባ ሃኖ ሄላንዳኣና ዩይ ራኣሄሎ ዲኡፖታሢ ዔርዛኔ።

21 ዩካፓ ያይቆኦቤ ዓኣዲ ዔዴሬ ጌይንታ ሹጮና ዳጊሲ ኮሾና ቤዘኮ ሶ ሱካ ዓፕላፓ ማዞና ማኣሮ ዶቄ ዒኢካ ዲንኪ ዳዔኔ።

**ያይቆኦቤ ናኣቶ
(1ፆኦሲ. ዓሃኬ 2:1-2)**

22 ያይቆኦቤ ዩኖ ዓጨሎይዳ ናንጋንቴ፣ ዒዛኮ ናኣዚ ቶይዲ ሮኦቤኤሌ ዒዛኮ ጊንፃኣ ማቾ፣ ባኣላና ዎላ ላሄሢ ዒ ዎይዘኔ። ያይቆኦቤኮ ዓቲንቆ ናኣታ ታጶ ላምፆከ።

23 ያይቆኦቤ ማቾ ሊያ ናኣታ፡- ቶይዳሢ ሮኦቤኤሌ ማዓዛ ሃንጎዎታ ሲሞኦኔ፣ ለዌ፣ ዪሁዳ፣ ዪሳኮኦሬንታ ዛብሎኦኦኔንታከ።

24 ራኣሄሎ ናኣታ፡- ዮሴፔና ቢኢኒዓሜናከ።

25 ራኣሄሎም ማዶ ማዶ ባኣላ ናኣታ፡- ዳኣኔና ኒፕታኣሌኤሜናከ።

35:15 ማዢ. ማፃ 28:18-19። † 35:18 ቢኒፆኦኒ ጌይፆ፡- ዔብሬ ዓሶ ሙኡቾና «ሲዮ ናዓሢ» ጌይሢከ። ‡ 35:18 ቢኢኒዓሜ ጌይፆ፡- ዔብሬ ዓሶ ሙኡቾና «ቢኢኒያሜኔ» ጌይሢ ማዓዛ ቡሊፃ «ኮሺ ባለቲ ዓኣ ናዓሢ» ጌይሢከ። 35:22 ማዢ. ማፃ 49:4።

26 ሊያም ማዳ ማዳ ዚሊፓ ጎዖዜሎ ናኣታ፡- ጋኣዳና ባሴኤሬናኹ። ዩንሢ ዓቲንቆ ናኣቶንሢ ያይቆኑቤ ሜሶጉታሚያይዳ ባኣንቲ ሸይንቲያኹ።

ዪሳኣቄኮ ሃይቦ

27 ያይቆኑቤ ኩብርኣኔ ዓጮ፣ ማሚሬይዳ ናንጋ ፔ ዓዶ ዪሳኣቄ ኮራ ባኣዳኔ፤ ዩና ቤዛ ዓብራሃሜና ዪሳኣቄና ናንጌ ቤዛኹ።

28 ዪሳኣቄ ጃኤታና ሳሊታሚና ሌዔ ናንጋዖ፣

29 ሚርጌ ጋርቺ ሃይቃዛ ዒዛኮ ናኣታ ዔኤሳዎና ያይቆኑቤና ዒዛ ዲኡኩኔ።

36

**ዔኤሳዎ ዜርዖ
(1ዖኦሲ. ባሃኹ 1:34-37)**

1 ዔዶኦሚ ጌይንቲ ዔኤሳዎ ዜርዖኮ ሸይንቶ ሃይሳ ሃይማፓ ዴማ ባኣሢ ጉዴያኹ፤

2 ዔኤሳዎ ካኣናኔ ዓጮ ላኣሎይዳፓ ላኣሊ ዔኩኔ፤ ዔያታ ሄቲ ባሢ ዔሎኔ ጌይንታሢኮ ናዎ ዓዳ ጎዖዜሎና ሂዎዌ ዜርዖሢ ጂባዖኔ ናኣዚ ዓና ጎዖሢ ሸዔ ዖሆሊባማ ጌይንታዜሎንታ፡

3 ኔባዮቲ ጌር ማዔ ዒሰማዔኤሌ ናዎ ባሰማቲ ጎዖዘንታኹ።

4 ዓዳ ዔኤሳዎም ዔልፓዜ ሸዔኔ፤ ባሰማቲ ሬዐ-ዔኤሌ ጎዖሢ ሸዔኔ፤

5 ዖሆሊባማ ሃሢ ዩዑሻኔ፣ ያዒላሜንታ ቆሬንታ ሸዔኔ። ዩንሢ ቢያ ዔኤሳዎኮ ካኣናኔ ዓጮይዳ ሸይንቲ ናኣቶኹ።

6 ዩካፓ ዔኤሳዎ ፔኤኮ ላኣሎና ዓቲንቆና ዉዴር ናኣቶና፤ ሃሢ ዒዛኮ ማኣሮይዳ ባኣ ሳሶ ቢያ፣ ባኣቶንታ ባኣ ቆሎንታ ቢያ፣ ካኣናኔ ዓጮይዳ ባኣዖ ዒ ቆሌ ባኮ ቢያ ዔኪ ጌኤዚ ያይቆኑቤ ኮራፓ ሃኪ ዴንዴ።

7 ዩያ ዒ ሃኪ ዴንዴሢ ዒዛና ጌኤዚናኮ ሚርጌ ቆሎ ባኣሢር፣ ዔያታ ዴንኪ ዴዔ ዓጮላ ዔያቶ ለምዓሢም ጌዲባኣሢርኹ፤ ለምዖንሢኮ ሚርጌ ቆልሞ ባኣሢር ዎላ ዔያታ ናንጋኒ ዳንዳዒባኣሴ።

8 ዩያር ዔዶኦሚ ጌይንቲ ዔኤሳዎ ዲኮ ዓጮ ሴዒሬ ጌይንታዘይዳ ዴዔኔ።

9 ዲኮ ዓጮ ሴዒሬይዳ ናንጋ ዔዶኦሚ ባሶኮ ቤርታኣ ዓዳሢ ማዔ ዔኤሳዎ ዜርዖ ሃይፓ ዴማ ፓይዲንታዘንሢኹ፤

35:27 ማዢ. ማፃ 13:18። 36:2 ማዢ. ማፃ 26:34። 36:3 ማዢ. ማፃ 28:9።

10 ዔኤሳዎ ማቾ ዓዳይዳፓ ዔልፓዜ፤ ባሰማቶይዳፓ ሬዑዔኤሌ ሾዔኔ።

11 ዔልፓዜኮ ናኣታ፡- ቲማኔ፣ ያማሬ፣ ፃፖ፣ ጋዒታሜና ቄናዜንታኔ።

12 ዔኤሳዎ ናኣዚ ዔልፓዜኮ ቲዒሚና ጌይንታ ጊንፃኣ ማቾሰኬና ዓኣኔ፤ ዒዛ ዔልፓዜም ዓማሌቄ ጎዖሢ ሾዔኔ፤ ዩንሢ ሲያ ዔኤሳዎ ማቾ ዓዳኮ ናኣዚ ናኣቶኔ።

13 ሬዑዔኤሌኮ ናኣታ፡- ናሃቴ፣ ዜራሄ፣ ሻማንታ ሚዛንታኔ፤ ዩንሢ ዔኤሳዎ ማቾ ባሰማቶኮ ናኣዚ ናኣቶኔ።

14 ዓናኮ ናዎ ፃባዖኔኮ ናኣዚ ናዎ ማዔ ያሆሊባማ ዔኤሳዎም ሾዔ ናኣታ፡- ዩዑሻ፣ ያዒላሚንታ ቆራሄንታኔ።

15 ዔኤሳዎኮ ናኣዚ ቶይዲ ዔልፓዜ ማኣሮ ዓሶ ቶይዳ፡- ቲማኔ፣ ያማሬ፣ ፃፖ፣ ቄናዜ።

16 ቆራሄ፣ ጋዒታሚንታ ዓማሌቄንታኔ፤ ዩንሢ ዔዶኣሚ ዓጮይዳ ዔልፓዜ ማኣሮ ዓሶኮ ቶይዶንሢ ማዓዛ፣ ዔያታ ዔኤሳዎ ፔ ማቾ ዓዳይዳፓ ሾዔዘንሢ።

17 ዔኤሳዎ ናኣዚ ሬዑዔኤሌ ጎዖሢ ማኣሮ ዓሶ ቶይዳ፡- ናሃቴ፣ ዛራሄ፣ ሻማንታ ሚዛንታ ማዓዛ፣ ዩንሢ ዔዶኣሚ ዓጮይዳ ሬዑዔኤሌ ማኣሮ ዓሶኮ ቶይዶንሢ፤ ዔያታኣ ዔኤሳዎ ፔ ማቾ ባሰማቶይዳፓ ሾዔዘንሢ።

18 ዔኤሳዎኮ ማቾ ያሆሊባማፓ ሾይንቴ ቶይዶንሢ፡- ዩዑሹ፣ ያዒላሚንታ ቆራሄንታኔ፤ ዩንሢ ዓና ናዎ ማዔዜሎ ያሆሊባማፓ ሾይንቴ ዔኤሳዎ ዜርፆኮ ቶይዶንሢ።

19 ዩንሢ ሲያ ዔዶኣሚ ጌይንቴ ዔኤሳዎ ናኣቶና ዒዛ ማኣሮኮ ቶይዶ ማዔዘንሢ።

ሴዒሬ ዜርፆ
(1ፆኦሲ. ዓሃኔ 1:38-42)

20 ዔዶኣሚ ዓጮይዳ ናንጋ ሴዒሬኮ ናኣቶ ማዔ ሆሬ ዓጮ ዓሶኮ ቶይዶንሢ፡- ሎፃኔ፣ ሾባሌ፣ ፂባዖኔ፣ ዓና፣

21 ዲሾኔ፣ ዔፃሬንታ ዲሻኔንታኔ።

22 ሎፃኔ ሆሬና ሄማሚ ጎዖ ቶኦኮኮ ቤርታኣ ማዓሢኔ። ሎፃኔኮ ቲሚናዔ ጌይንታ ጌርሰኬና ዓኣኔ።

23 ሾባሌኮ ናኣታ፡- ዓሊዎኔ፣ ማናሃቴ፣ ዔባሌ፣ ሲፖና ያናሚ ጌይንታዘንሢ።

24 ፂባዖኔ ናኣታ፡- ዓያና ዓናናኔ፤ ዩይ ዓና ጎዖሢ ፔ ዓዶኮ ሃሬ ሄንቄቤቃ ዓሲ ናንጉዎ ዳውሎይዳ ፃባላ ዎኣሢ ዓልቃ ቤሲ ዳንቄኔ።

25 ዓና ናኣዚ ዲሾኔ ጌይንታኔ፤ ዉዲር ናዔላ ገሆለባማ ጌይንታኔ።

26 ዲሾኔ ናኣታ፡- ሄሚዳኔ፣ ዔሽባኔ፣ ሂቲራኔና ኬራኔናኬ።

27 ዔፀሬ ናኣታ፡- ቢሊሃኔ፣ ዛዒዋኔና ዓቃኔናኬ።

28 ዲሻኔ ናኣታ፡- ዑዲና ዓራኔናኬ።

29 ሆሬ ዓጮ ዓሶኮ ቶይዳ ሃይካፓ ሊካ ፓይዲንታዞንሂኬ፤ ሎፃኔ፣ ሾባሌ፣ ፀባፆኔ፣ ዓና፣

30 ዲሾኔ፣ ዔፀሬንታ ዲሻኔንታኬ፤ ዩንሂ ቢያ ሆሬ ዜርፆ ማዔ ሴዒሬ ዓጮ ቶይደንሂኬ።

ዔደኣሚ ዓጮ ካኣቶ
(1ፆኦሲ. ዓሃኬ 1:43-54)

31 ዒሰራዔኤሌ ዓጮይዳ ካኣታ ካኣታዲሂ ዓርቁዋንቲ ቤርታሲ ዔደኣሚ ዓጮይዳ ካኣታዳ ካኣታ ሃይፓ ዴማ ፓይዲንታዞንሂኬ፤

32 ቢፆሬ ጎሆሂኮ ናኣዚ ባኣላኣቁ ዔደኣሚ ዓጮይዳ ካኣታዳ፤ ዒዚ ካኣታዳ ካታሚላ ዲኒሃባ ጌይንታኔ።

33 ባኣላኣቁ ሃይቁሂኮ ጊንፃ ቡዲራ ጌይንታ ዓጪ ዓሲ ዜራሄ ጎሾሰኬያኮ ናኣዚ፣ ዮባቤ ዒዛ ቤዛ ካኣታዳ።

34 ዮባቤ ሃይቁሂኮ ጊንፃ ቲማኔ ዓጮ ዓሂ ሁሻሚ ዒዛ ቤዛ ካኣታዳ።

35 ሁሻሚ ሃይቃዛ ሚዲያሚ ዓሶ ሞዓኣቤ ቦኦሎይዳ ገሎና ባሼ ባዳዴ ናኣዚ፣ ሃዳዴ ዒዛ ቤዛ ካኣታዳ፤ ዒ ካኣታዳ ካታሚላ ዓዋቲ ጌይንታኔ።

36 ሃዳዴ ሃይቁሰካፓ ማሰሬቃ ጌይንታ ዓጮ ዓሂ፣ ሳሚላ፣ ዒዛ ቤዛ ካኣታዳ።

37 ሳሚላ ሃይቃዛ ዋር ዓጫ ዓኣ ሪሆቦቲ ጌይንታ ቤዜሎይዳ ሾይንቲ ሻዑሌ ዒዛ ቤዛ ካኣታዳ።

38 ሻዑሌ ሃይቁሰካፓ ዓከቦሬ ናኣዚ፣ ቤዓልሃናኔ ጎሆሂ ዒዛ ቤዛ ካኣታዳ።

39 ዓከቦሬ ናኣዚ ባዓኣሌሃናኔ ሃይቃዛ ሃዳሬ ጎሆሂ ዒዛ ቤዛ ካኣታዳ፤ ዩይ ካኣታዳ ካታሚላ ፓዑ ጌይንታያኬ፤ ማቻ ዒዛኮ ሚዛሃቤ ናኣዚ፣ ማዲሬዴ ሾዔያ ሚሃፃቤሎ ጌይንታሰሚኖኬ።

40 ሃንሂ ሃይፓ ዴማ ዓኣ ዔኤሳዎ ዜርፆኮ ቶይደንሂ፣ ፔኤኮ ዜርፆ ሱንፆና ሃሂ ናንገ ቤዛ ሱንፆና ዔኤሊንታኔ፤ ዩያታ፡- ቲሚናዔ፣ ዓልዋ፣ ዮቲቲ፣

41 ገሆለባማ፣ ዔላ፣ ፒኖኔ፣

42 ቁናዜ፣ ቲማኔ፣ ሚቢፃሬ፣

43 ማግደ-ዔኤሌና ዔራሜናኬ። ፔኤኮ ፔኤኮ ናንጎ ቤዞ ሱንጾና ዔኤሊንታ ዔዶኦሚ ዓሶ ቶይዶንሢ ዩንሢኬ፤ ያዒ ማዓዛ ዔኤሳዎ ዩያቶ ዔዶኦሚ ዓሶኮ ዓዳሢኬ።

37

ዮሴፕና ዒዛኮ ጌርሲንሢና

1 ያይቆኦቤ ዩያኮ ቤርታ ዒዛኮ ዓዴ ናንጌ ካኦና ናጮይዳ ናንጌኔ።

2 ያይቆኦቤ ዜርጾኮ ሃይሳ ሃይፓ ዴማ ኬኤዚንታሢ ጉዲኬ፤ ዮሴፕኮ ለዓ ታጾ ለንካይ ለዔ ማዔ ዎዶና ዓዶኮ ለኦሎ ባኦላና ዚሊፓና ጌይንታዞንሢፓ ሾይንቲ ዒዛኮ ጌርሲንሢና ዎላ ማራይንታ ዎኦሪንታ ሄንቃኔ፤ ዒማና ጌርሲንሢ ማዳ ፑርቶ ባኮ ቢያ ዓዶም ሙኪ ሙኪ ዒ ኬኤዛኔ።

3 ዒሰራዔኤሌ ሃንጎናኦቶይዳፓ ቢያ ባሼ ዮሴፕ ናሽካኔ፤ ዓይጎር ጌዔቶ ጋርቼዎ ዒዛ ዒ ሾዔሢርኬ፤ ዩያር ሚዛጺ ኩቹና ሙካ ዓፒላ ዒዛም ሲኬኔ።

4 ጌርሲንሢ ዔያቶኮ ዓዴ ዔያቶይዳፓ ዑሣ ዓኦጳ ዮሴፕ ናሽካሢ ዔራዎ ቁኢሪ ዒዛ ዒጻኔ፤ ኮሺ ዑኡሲና ዒዛና ጌሰታኒያ ዔያታ ኮዑዎሴ።

5 ፔቲ ዓቢ ዎንቲ ዮሴፕ ዓውቲ ዓውታዳዎ ጌርሲንሢም ኬኤዛዛ፣ ዔያታ ዒዛ ቤርታኦካፓ ባሼ ዒጻኔ።

6 ዒዚ ዔያቶም ኬኤዛዎ፡- «ታና ዓውታሴ ዓውቲ ታ ዒንሢም ኬኤዛም፤

7 ኑ ቢያሢ ጎሺ ጋርካ ዔልዓ ናኦራ ናርቃንቲ፣ ታ ናኦራ ፒዝ ጌዒ ዔቃዞ ዒንሢ ናኦራ ጋዓንቲ ታ ናኦራኮ ዓጮ ጉቤ ማንጊ ዔቃዎ፣ ሂርኪ ጌዒ ዚጋኔ» ጌዔኔ።

8 ጌርሲንሢ ማሃዎ፡- «ሂዴቶ ኔ ኑኡኮ ካኦቲ ማዒ ኑና ዎይሢኒ ማላኔ ጌይሢዳ?» ጌዒ ዎኦጮኔ። ዮሴፕ ዓውታዴ ዓውቶና ዔያቶኮ ፑርቶ ማዶዎ ዓዶም ኬኤዛሢናር ባሼና ዔያታ ዒዛ ዒጻሢ ዓርቄኔ።

9 ዩካፓ ዮሴፕ ማሌ ዓውቲ ዓውታዳዎ ጌርሲንሢም፡- «ሃሣ ታ ማሌ ዓውቲ ዓውታዴኔ፤ ዓውቶና ታ ዛጌሢ ዓቢና ዓጊኒና፣ ሃሣ ታጾ ፔቲ ዙኦጌ ታኦም ሂርኪ ጌዒ ዚጋንቲኬ» ጌዒ ኬኤዜኔ።

10 ዩያ ጌርሲንሢም ዒ ኬኤዜ ዓውቶ ዓዶም ኬኤዛዛ ዓዴ ዎይዛዎ፡- «ሃይ ዎዚጉዴ ዓውቲዳይ? ታናንታ ኔኡኮ ዒንዶንታ፤ ሃሣ ኔ ጌርሲንሢንታ ሙኪ ኔኤም ሂርኪ ጌዒ ዚጋንዳያ ማላ?» ጌዒ ዒዛ ጎሬኔ።

11 የሴፔኮ ገርሲንሢያ ዒዛ ዒናፓ ቁኢሬኔ፤ ዓዴ ጋዓንቴ ፔ ዒኖና ዓይጌ ማዓንዳቴያ ማሊ ማሊ ካፓኔ።

ገርሲንሢያኮ የሴፔ ሻንቺዖ

12 ፔቴ ኬሊና የሴፔኮ ገርሲንሢያ ዓዶኮ ቆልሞ ዔኪ ሴኬሜይዳ ሄንቃኒ ዓኣዳኔ፤

13 ዒሰራዔኤሌ የሴፔም፡- «ኔ ገርሲንሢያ ቆልሞ ሄንቃኒ ሴኬሜ ዔኪ ዓኣዳሢ ኔ ዔራኔ፤ ዬያሮ ሃሢ ታ ኔና ዔያቶ ኮራ ዳካኒ ኮዓኔ» ጋዓዛ፡ የሴፔ «ዔኤዔ፡ ታ ዳንዳንዳኔ» ጌዔኔ።

14 ዓዴ ገንሣ ዒዛም፡- «ዓካሪ ዓኣዲጋፓ ኔ ገርሲንሢያንታ ቆልሞንታ ዓኣ ጎይዖ ዛጊ ሙኪ ታኣም ኬኤዜ» ጋዓዖ፡ ዒሰራዔኤሌ የሴፔ ኬብሮኦኔ ዶኦጫፓ ዳኬኔ፤ ዬካፓ የሴፔ ዓኣዲ ሴኬሜ ሄላዖ፡

15 ዒኢካ ቦኣላ ዣኣሊ ዓኣንቴ ፔቴ ዓሲ ዒዛ ዳንቁ፡- «ሃይካ ኔ ዓይጎ ኮዓይ?» ጌዒ ዖኦጩኔ።

16 የሴፔ ማሃዖ፡- «ታ ገርሲንሢያ ታኣኒ ኮዓኔ፤ ዔያታ ቆልሞ ዔኪ ዋካ ዓኣዳቴያ ኔ ታኣም ኬኤዛንዳ?» ጌዔኔ።

17 ዓሢ ዒዛም፡- «ዔያታ ሃይፓ ቤቴ፤ ኦ ዶኦታኔ ጎዖ ቤዜሎ ዓኣዳንዳኔ» ዔያታ ጋዓንቴ ታ ዋይዜኔ» ጌዔኔ። ዬካፓ የሴፔ ገርሲንሢያ ዓኣዳ ገንዖ ዓኣዳዖ ዶኦታኔይዳ ዔያቶ ዳንቁኔ።

18 ገርሲንሢያ ዒዛ ሃኬና ዓኣንቴ ዳንቃዖ ዒዛ ዋዳኒ ዘርቴኔ።

19 ዔያታ ዋሊ ኮራ፡- «ሃኣሶ ዛጉዋቴ፤ ዓውቶ ዓዴ ሙኪኔ፤

20 ሃኒ ሙኪዋቴ፡ ዒዛ ኦ ዋዲጋፓ ሃያ ዋኣፃባኣ ዛሮ ዔቶኮ ፔቴይዳ ኬኤሪሰካፓ ፕርታ ቦዖ ዒዛ ሙዔኔ» ጌዒ ቦዖ ዑፃ ኦ ጌሃንዳኔ፤ ዬያይዲ ዓካሪ ዒዛኮ ዓውቶ ጋፒንዖ ኦ ዛጋንዳኔ» ጌዔኔ።

21 ቶይዲ፡ ሮኦኤሌ ዬያ ዔያቶኮ ፕርቶ ሃይሶ ዋይዛዖ ዔያቶይዳፓ ዒዛ ዓይሳኒ ኮዒ፡- «ሃሹዋቴ፤ ያዲ ጌይፖፕቴ፤ ኦ ዒዛ ዋዲባኣቴ ኮሺኪ፤

22 ዒንሢያ ዒዛ ዋዲሢያፓ ሃይካ ቦኣላ ዓኣ ዋኣፃባኣ ዛሮ ዔቶይዳ ጉሪ ዓጉዋቴ» ጌዔኔ። ሮኦኤሌ ዬያ ጌዔሢ ዔያታ ዋዳኒ ጋዓሢያፓ ዓይሲ፡ ዓዶ ባንሢ የሴፔ ዳካኒ ማሊኪ።

23 የሴፔ ገርሲንሢያ ኮራ ሙኪ ሄላዛ ሚዛጶ፡ ኩጮና ሙካ ማኣዔሎ ዒዛ ዑፃፓ ዔያታ ኬሴኔ፤

24 ዬካፓ ዔያታ ዒዛ ዓርቂ ዔኪ ዋኣፃ ባኣ ፃኣዶ ዛሮ ዔታ ኬኤሬኔ።

25 ያዲ ዔያታ ማዴሰካፓ ሙዖ ሙዓኒ ዴዔኔ፤ ሙዖ ዔያታ ሙዓ ጎይሃ ዓኣዖ ዒሰማዔኤሌ ዓጮኮ ኮርሞ ዓሳ ሃኬና ዬዓንቴ

ዴንቄኔ፤ ዬያታ ኮርማሢ ዓሳ ፔኤኮ ጋኣላሢዳ ዲማ ዲማ ሙኡዚም ማዓ ሳውቃ ዴኤቫ፣ ቤላሴ ጌይንታ ቲሺንታ ኬርቤንታ ጫኣኒ ጌሌዓዴ ዓጫፓ ጊብፂ ዓጮ ዓኣዳኔ።

26 ዒማና ዮሴፔኮ ዒሹ፣ ዪሁዳ ሃንጎ ጌርሲንሢም፡- «ኑ ጌኤዛሢ ኑ ዎዲ ሃይቦ ዒዛኮ ኑኡኒ ዓኣቼቶ ዓይጎ ኑኡም ዎኦታንዳይ?»

27 ዒዛይዳ ኑ ሚቶ ሄሊሳሰካፓ ሃንሢ ዒሰማዔኤሌ ዓጮ ኮርሞ ዓሰንሢም ኑ ቫንቼቶ ኮሺኬ፤ ዓይጎሮ ጌዔቶ ዒዚ ኑኡኮ ጌኤዚ ማዔሢሮኬ» ጋዓ ማሊሢ ሺኢቫዛ ጌርሲንሢ ኮሺኬ ጌዔኔ።

28 ሚዲያሚ ዓጫፓ ማዔያ ኮርሞ ኮርማ ዓሳ ዒኢካ ሙኬኔ፤ ዒሰማዔኤሌ ዓጮ ዓሰንሢም ዬኖ ቤዘና ዓኣዳኣና ዮሴፔኮ ጌርሲንሢ ዔታፓ ዮሴፔ ጎቺ ኬሳዖ ዬንሢ ዒሰማዔኤሌ ዓጮ ዓሰንሢም ላማታሚ ሹቺ ቢራም ቫንቼኔ፤ ኮርሞ ዓሰንሢያ ዒዛ ዔኪ ጊብፂ ዓጮ ዓኣዳኔ። *

29 ዬካፓ ቶይዲ፣ ሮኦቤኤሌ ዔቶ ቤዘ ሙኪ ዮሴፔ ባኣሢ ዛጋዖ ዬኤኪ ዓፒሎ ፔኤኮ ዳርዘኔ፤

30 ሃንጎ ጌርሲንሢ ኮራ ዒ ሙኪ፡- «ዓካሪሸ፣ ናዓሢ ኑ ዓጌ ቤዛ ባኣሴ! ማይ ታ ዎዚም ዓኣዳቲ ኮሺዳይ?» ጌዔኔ።

31 ዬካፓ ፔቲ ዎኣሪ ሹካዖ ዮሴፔኮ ዓፒሎ ሱጉያይዳ ዔያታ ዓጌኔ።

32 ዬና ሚርጌና ሚዛጶ ዓፒሌሎ ዔኪ ዔያቶኮ ዓዶ ኮራ ዓኣዳዖ፡- «ሃኣዛጌ፣ ሃይማ ኑ ዴንቄኔ፤ ኔ ናዖ ዓፒሎታቲያ ማሌታቲያ ዛጌ» ዔያታ ጌዔኔ።

33 ዓዴ ፔኤኮ ናዖ ዓፒሎታሢ ዔራዖ፡- «ጎኔ ሃይ ዒዛ ዓፒሎኬ፤ ፔቲ ፑርታ ቦዖ ዒዛ ዎዴኔ፤ ታ ናዓሢ ዮሴፔ ቦዖ ዳርዚ ሙዔኔ» ጋዓዖ፣

34 ፔኤኮ ማኣዓሢ ዬኤኪ ዳርዚ፣ ሲዬ ፓቲሌያ ማይንቲ ሚርጌ ኬሊ ዬኤኬኔ።

35 ዓቲንቆና ዉዲሮ ናኣቶና ቢያ ዓዶ ዶዲቫኒ ሙኬኔ፤ ዒዚ ጋዓንቲ፡- «ታ ሃይቄ፣ ሃይቄ ዓሳ ዴንዳ ቤዘ ዴንዳንዳያ ሄላንዳኣና ታ ናዓሢ ዛሎ ታ ዬኤካንዳኔ» ጌዒ ዶዲያ ዒዲ፣ ናዓሢ ዛሎ ያዪሢ ዓርቄኔ።

36 ዬማና ሚዲያሚ ዓሰ ማዔዘንሢ ጊብፂ ዓጮይዳ ጲዲፓራም ዮሴፔ ቫንቼኔ፤ ጲዲፓራ ጊብፂ ዓጮ ካኣቲ ዴማ ማዳ ቢታንታ ዓኣ ዓሰይዳፓ ፔቲሢ ማዔያ፣ ካኣቲ ማኣሮ ካፓ ዓሰኮ ሱኡጌኬ።

* 37:28 ሚዲያሚ ዓሰና ዒሰማዔኤሌ ዓሰና ጌይንቲዘንሢ ፔቲ ዒንሢ ዓሰንሢኬ (ሱኡጎ ማፃ. 8:24-26) ዛጌ። 37:28 ዳኪ. ማዶ 7:9።

38

ዪሁዳና ቲዒማኦር

1 ዪሁዳና ቲዒማኦር ገርሲንሢዳፓ ዲማዲ ሂራ ገይንታ ዓዲላማ ዓጮ ዓሢ ኮራ ዓኣዲ፥ ዒኢካ ናንጌ።

2 ዒኢካ ዒዚ ካኣና ናጮ ዓሢ፥ ሹዓኔ ጎዖሢኮ ወዲር ናይሰኬኖ ዴንቃዖ ዒዘ ዔኬ።

3 ዒዘ ጎጳዲ ዓቲንቄ ናይ ሹዓኔ፤ ሱንዖዋ ናዖኮ ዔኤሬ ገዒ ገሢ።

4 ላሚ ሃሃ ጎጳዲ ዓቲንቄ ናይ ሹዓ፥ ሱንዖ ዖናኣኔ ገዒ ገሢ።

5 ጊንሃ ሃሃ ዓቲንቄ ናይ ሹዓ፥ ሱንዖ ሹኤላ ገዒ ገሢ፤ ዪዖ ናዓሢ ዒዘ ሹዓሢ ዪሁዳ ዓክዚቤ ገይንታ ቤዘይዳ ናንጋ ዎድናኬ።

6 ዪሁዳ፥ ፔኤኮ ናኣዚ ቶይዲ ዔኤሬም ቲዒማር ጎዖ ወዲር ናይሰኬኖ ዴንቃዘ፥ ዔኤሬ ዒዘ ዔኬ።

7 ናንጊና ናንጋ ጎዳ ዔኤሬኮ ዒና ፑርታ ማዔሢር ዛጊ ዒዘ ዎዴ።

8 ዪሁዳ ፔኤኮ ናኣዚ፥ ዔኤሬኮ ገኤዚ ዖናኣኔም «ዴንዲ፥ ኔ ዔሹ ማቾ ዔኬ፤ ዎጎ ጎይዖ፡ ኔ ዒሹም ፃጲ ማዓ ናይ ሹዓ» ገዒ። *

9 ሹይንታ ናኣታ ዒዘም ማዐ-ዎኣሢ ዖናኣኔ ዔራዖ ዒሹ ማቾና ላሃ ዎድና ቢያ ጎጳሳ ዜርዖ ሳዓ ላኣላ።

10 ናንጊና ናንጋ ጎዳ ዪይ ፑርታ ማዶ ማዔሢ ዛገሢር ዒዘኣ ዎዴ።

11 ዪካፓ ዪሁዳ ፔኤኮ ናኣዚ ማቾ ቲዒማኦርም «ታ ናኣዚ ሹኤላ ጳሾርታንዲያ ሄላንዳኣና ኔ ዓዶ ማኣሪ ዓኣዲጋፓ ዓኒ ሃይቄ ላኣሊ ማዒ ናንጌ» ገዒ። ዪዖ ዒዚ ገዒሢ ዒዘኮ ናኣዚ ሃንጎ ገርሲንሢዳ፡ ሃይቃንዳኔ ገዒ ማሊ ዒገጩሢርኬ፤ ዪዖር ቲዒማኦር ዓኣዲ ፔኤኮ ዓዶ ማኣራ ዴዔ።

12 ሚርጌ ሌዔ ዴዔሢኮ ጊንፃ ሹዓ ጎዖሢ ናኣ፥ ዪሁዳ ማቾ ሃይቄም ዪሁዳ ሲዮ ጋፒሴሢኮ ጊንፃ ፔኤኮ ላጋሢ ዓዲላኣሚ ዓጮ ዓሢ ሂራና ዎላ ዒዘኮ ማራቶ ዑፃፓ ጋፓኖ ታይዛ ዓሳ ዓኣ ቤዘ ቲሚና ዓጮ ዓኣዴ።

13 ዪሁዳኮ ናኣዚ ማቾ፥ ቲዒማኦርም ዓሳ፡ «ኔኤኮ ማዔ፥ ዒዘኮ ማራቶ ጋፓኖ ታይዛ ዓሳ ኮራ ቲሚና ዎታኔ» ገዒ ኬኤዜ።

14 ዪዖር ቲዒማኦር ዓኒ ሃይቄያ ማዒያ ዔርዘ ዓፒሎ ሃሺ ዓኣፓ ካርዎ ሻኣሻና ካንቃዖ፥ ቲሚና ዓኣዳ ጎይዖ ዓጫ ዒናይሜ ጎዖ ካታዎ ገሎ ካራ ዴዔ፤ ዪዖ ዒዘ ማዴሢ ዪሁዳ ናኣዚ፥ ሹኤላ ጳሾርቱንቲ ዒዘ ዒዘም ዒንጋኒ ዒዘኮ ማዔ ዪሁዳ ናሽኩዎኣሢ ዔሬሢርኬ።

* 38:8 ዪሁዳ ዎጎ ላሚ ዎጎ 25:5ይዳ ዛጊ።

15 ዲዛ ዓአፖ ካሮ ፔኤኮ ሻአሻሢና ካንቁ ዓአንቴ ዪሁዳ ዴንቃ፡፡
ዒሊባአ ዘኦሰካ ኮኦማ ላአሊ ዲዛም ማላዛ፡፡

16 ዲዛኮ ርኣዚ ማቸታሢ ዔሩዋ፡፡ ዲዛ ጎይ፡፡ ዓጫ ዴዒ ዓአንቴ
ዲዛ ባንሢ ሙካ፡፡ «ዔናኣ፡ ታ ኔኤና ላሆም» ጌዒ ምጫዛ፡፡ ዲዛ፡፡
«ኔ ጌዔሢ ታ ኩንሢቶ ታአም ኔ ዓይጎ ዒንጋንዳይ?» ጌዔኔ፤

17 ዲዚ ዲማና፡፡ «ቆልሞ ባአካፓ ዋናናይ ታ ኔኤም ዒንጋንዳይ»
ጋዓዛ፡፡ ዲዛ «ኮሺኬ፤ ያዲ ማዔቶዋ ዋናና፡፡ ኔኤኒ ዳካንዳያ
ሄላንዳኣና ዓይሢ ማዓ ባአዚ ታአም ዒንጌ» ጌዔኔ፡፡

18 ዲዚ፡፡ «ሂዴቶ፡ ዓይሢ ማዓ ባአዚ ዓይጎ ታ ኔኤም
ዒንጎንዳይ?» ጌዔኔ፡፡

ዲዛ፡፡ «ኔ ሱን፡፡ ዔርዛ፡፡ ኔ ሱን፡፡ ዳይንቴ ዢኢራሢ፡፡ ቱኮ ባኮና
ዋላ፤ ሃሢ ጊንሢ ኔኤኮ ኮኦሎዋ ታአም ዒንጌ» ጌዔኔ፡፡

ዪያሮ ዲዚ ዲዛ ምጫ፡፡ ባኮ ቢያ ዒንጋ፡፡ ዲዛና ላሃም ዲዛ
ጎጳዴኔ፡፡

19 ዪካፓ ዲዛ ሻአሻሢ ዓአፖ ካራፓ ዔከ፡፡ ዓኒ ሃይቄሢ ዔርዛ
ዓፒሎ ተ ማይንቴ፡፡

20 ዪሁዳ ዋናና፡፡ ዒንጋንዳያ ሄላንዳኣና ጌዒ ዓይሢ ባኮ ማሂሳኒ
ዋናናዓሢ ዔከ ዲዛኮ ላጋሢ ዓዲላሜ ዓጫ ዓሢ 0-9 ላአሌሎም
ዳኬኔ፤ ዓሢ ጋዓንቴ ላአሌሎ ዴንቃኒ ዳንዳዒባአሴ፡፡

21 ዓሢ ዒኢካ ርንጋ ዓሶ ኮራ፡፡ «ዔናይሜ ጌሎ ካራ ዴዓ፡፡ ዘአዛ
ኮኦማ ላአሌላ ሃይፓ ዓንኮ ዓአዴይ?» ጌዒ ምጫዛ፡፡ ዓሳ ማሃ፡፡
«ሃያ ጉርዶይዳ ዪያጉዴ ዘኦሰካ ኮኦማ ላአሊ ባአሴ» ጌዔኔ፡፡

22 ዪያሮ ዓሢ ዪሁዳ ኮይላ ማዒ ሙካ፡፡ «ዪኖ ላአሌሎ ታ
ዴንቃኒ ዳንዳዒባአሴ፤ ዒኢካ ርንጋ ዓሳ፡፡ «ዪያጉዴ ዘኦሰካ ኮኦማ
ላአሊ ሃይካ ባአሴ» ታአም ጌዔኔ» ጌይ ኬኤዜኔ፡፡

23 ዪሁዳ ዲማና፡፡ «ታ ዲዛም ዋናናይ ዳኬንቴ፡፡ ኔኤኒ ዲዛ ዴንቃኒ
ዳንዳዒባአሢ፡፡ ዓሴ ኑና ሚኢጫ፡፡ ዋጉዲ ዲዛ ዓይ፡፡ ዔኬ ባኮንሢ
ፔኤሮ ማሂ ዔዔኮንጎ» ጌዔኔ፡፡

24 ዪካፓ ሃይሃ ዓጊኒ ማዓኣና ዓሳ፡፡ «ኔኤኮ ርኣዚ ማቸ፡፡
ቲዓማኣራ ዓሰና ላሂ ጎጳዴኔ» ጌዒ ዪሁዳም ኬኤዜኔ፡፡

ዪያሮ ዪሁዳ፡፡ «ጉርዳፓ ዙሎ ዔከ ኬሲ ታሚና ሚቺ ዲዛ
ዋዲዋቴ» ጌዔኔ፡፡

25 ዲዛ ዓርቂንቴ ጉርዳፓ ዙሎ ኬሰካ፡፡ «ታኢኒ ጎጳ ዔኬሢ
ሃንሢ ባኮንሢኮ ዓዶይዳፓኬ፤ ሃኖ ሱን፡፡ ዔርዛ ዢኢራሎና ቱኮ
ባኮና፡፡ ሃሢ ሃኖ ኮኦሌሎና ምርታቴያ ዔሬ» ጌዒ ዲዛኮ ማ፡፡
ዪሁዳም ዳኬኔ፡፡

† 38:19 ዓኒ ሃይቄሢ ዔርዛ ዓፒሎ፡፡ ዪኖ ዓፒሎ ማኣዓ ላአላ ካኣናኔ ዓሶኮ ካኣሽኮ
ምጫም ማዳያና ዘኦሰካ ኮኦማ ላአሊኬ ጌይንታ፡፡

26 ዪሁዳ ዲዛ ዳኬ ባኮንሢ ያኦሮ ማዕቲያ ዔራዎ፡- «ታ ናአዚ፣ ሼኤላም ታ ዲዛ ዲንገባአሢሮ ዲዛ ታጊዳፓ ባሼ ፒዜ ማዕቲ» ጌዔኔ፤ ዩማፓ ለሚ ዲ ዲዘና ላሂባአሴ።

27 ሾይያ ኬላ ዲዘኮ ዑካዛ ጎጾ ጋራ ሜንቴ ናይ ዓአሢ ዔርቴ።

28 ሾይያ ዲዘ ዓርቁም ዲዘ ባናኣና ሜንቶ ናኣቶንሢዳፓ ፔቴሢኮ ኩጫ ቤርታ ኬሰኬም ዓርቁ ሾይዣ ላኣሌላ ዘቁ ፓቴሌ ናዎኮ ኩጫ ቱካዎ፡- «ሃይ ቤርታ ኬሰኬሢ» ጌዔኔ።

29 ጋዓንቴ ዩይ ኩጫ ገንሣ ማሃዛ፣ ጌኤዛሢ ቤርታዲ ሾይንቴ፤ ዓርቁ ሾይዣ ላኣሌላ፡- «ዎይቲ ኔ ኮርሳ ኬሰኬይ?» ጌዔኔ። ዩያር ቤርቶ ናዓሢኮ ሱንፃ፡- «ፓርሴ»፤ ጌይንቴ።

30 ዩካፓ ቤርታ ዘቁ ፓቴሎ ኩጫ ቱኮናሢ ሾይንታዛ፣ ሱንፃ ዲዘኮ ዛራሂ ስ ጌይንቴ።

39

ዮሴፔና ጲዲፓራ ማቸና

1 ኮርሞ ኮርማ ዲሰማዔኤሌ ዓጮ ዓሳ ዮሴፔ ጊብፂ ዔኪ ዓአዲ ዲኣካ ጊብፂ ዓጮ ካኣቲኮ ዴማ ማዒ ማዲ ዓሶይዳፓ ፔቴሢ፣ ጲዲፓራም ሻንቹኔ፤ ጲዲፓራ ጊብፂ ዓጮ ካኣቲ ካፓ ዓሶኮ ሱኡጌኬ።

2 ናንጊና ናንጋ ጎዳ ዮሴፔና ዎላ ዓአሢሮ ጊብፂይዳ ዲዘ ዎይሣሢ ማኣራ ዲ ናንጋኣና ቢያ ባካ ዲዛም ኮሽኬ።

3 ናንጊና ናንጋ ጎዳ ዮሴፔና ዎላ ዓአሢና ማዲ ቢያ ዲዛም ኮሽሢ ዘጋዎ፣

4 ዲዘ ዎይሣ ጲዲፓራ ዮሴፔኮ ማዲና ዎዛዴኔ፤ ዩያር ፔኤኮ ዴማ ናሽኪንታ ዑኬ ማዒ ማዲያ ማሂ ዲዘ ዶኦሬኔ፤ ፔኤኮ ማኣሮ ዓሶ ዓይሣያ፣ ሃሃ ዓኣ ቆሎ ቢያ ዑፃዲ ዘጋንዳ ቢታንቶ ዲዛም ዲንጌኔ።

5 ያዲ ማዔ ኬላፓ ዓርቃዎ ናንጊና ናንጋ ጎዳ ዮሴፔ ዛሎና ዩያ ጊብፂ ዓሢኮ ማኣሮ፣ ቆሎንታ ጎዦና ዲዘኮ ዓኣ ባኮ ቢያ ዓንጂኔ።

6 ዩያር ጲዲፓራ ዓኣ ቆሎ ቢያ ዮሴፔ ቢታንቶ ዴማ ማሂኔ፤ ጲዲፓራ ዲማና ሙዎ ሙዓማፓ ዓታዛ ዓይጎዎ ዔራ ባኣዚ ባኣያ ማዒ፣ ዲዘ ዑፃ ቢያ ባኮ ሃሼኔ። ዮሴፔኮ ዔጶና ማላሢያ ሚርጌ ሚዛጳያኬ።

7 ናንጊቤቃ ማኣሮ ዓዶኮ ማቻ ዮሴፔ ዘጊ ላሃኒ ዓፃዲዎ፡- «ሃኒ ሙኬ፤ ኦ ዎላ ላሆም» ዲዘ ኮራ ጌዔኔ።

‡ 38:29 ፓርሴ ጌይዎ፡- ዔብሬ ዓሶ ሙኡቸና «ፓሬፀ» ጌይሢ ማዓዛ «ዎላቁና ኮርሳ ኬሰኬኔ» ጌይሢኬ። § 38:30 ዛራሂ ጌይዎ፡- ዔብሬ ዓሶ ሙኡቸና «ዲንኪ ዘቁ» ጌይሢ ማዓኒ ዳንዳዓያኬ። 39:2 ዳኪ ማዲ 7:9።

8 የሱፐ ጋዓንቴ ዬያ ማዳኒ ኮይባአሂር ሂዚ ዒዛሞ ጌዔኔ፡- «ታ ጎዳሂ ሲያ ባኮ ታ ወይሃንዳጉዲ ታአም ዒንገጌ፤ ዒዛኮ ማኣርይዳ ዓኣ ቆሎ ሲያኮ ዓይጎሞ ዒ ዔራ ባኣዚ ባኣሱ፤ ዓኣ ባኮ ሲያ ዒዛሞ ታ ወይሃንዳጉዲ ታአም ዒንገጌ።»

9 ታ ጎዳሂኮ ሃይካ ማኣራ ዓኣ ቆሎ ሲያይዳ ታገዳፓ ባሹ፣ ታኣኮ 0-9 ዓኣይ ባኣሱ፤ ኔ ሌሊ ዓታዛ ዒ ታአም ዒንገገባኣ ባኣዚ ዓይጌያ ባኣሱ፤ ዬይያ ኔኤኒ ዒዛኮ ማቾ ማዔሂርኬ፤ ዓካሪ ሃያጉዳ ፑርታ ጎሜ ያኣሲ ቤርታ ታ ወዲ ማዳንዳይ?»

10 ዒዛ ዬዮ ሲያ ኬሊ ጋዓንቴ የሱፐ ዒዛና ላሂፃ ዓቴም ዒዛኮ ዓጮ ሙካኒያ ኮዒባኣሱ።

11 ፔቴ ኬሊ የሱፐ ማዶር ጋር ጌላንቴ ጋርይዳ ፔቴታፃ ማሌ ማዳ ዓሲ ባኣያ ማዔኔ።

12 ዒማና ዒዛኮ ጎዳሂ ማቾ ዓፒሎ ዒዛኮ ማሪ ዓርቃ፡- «ታኣና ዋላ ላሂ» ጋዓዛ፣ ዒዚ ጋዓንቴ ዒዛኮ ዒዛ ዓርቁ ዓፒሎ ዒዛ ኩጫ ሃሺ ጋራፓ ጳሽኪ ዙሎ ኬሰኬኔ።

13 ላኣሌላ ዒማና ዓፒሎ ፔኤኮ ዒዚ ዒዛኮ ኩጫ ሃሺ ጳሽኪ ኬሰኬሂ ዛጌ ዎዶና።

14 ዒዛኮ ማዳ ዓሶ ዔኤላፃ ዔያቶም፡- «ሃኣዛጉዋቴ፤ ታ ማኣር ዓዳ ዔኪ ሙኬ ዔብሪ ዓሂ ኑና ዳውሲሳኒ ታኣኒ ዓኣ ቆልፃ ጌሊ ታና ዓርቃኒ ጋዓዛ፣ ታኣኒ ጋዓንቴ 0-ኡዙ ጆጊዲ ዒላቴኔ፤

15 ታና ዓይሳንዳ ዓሲ ዋይዚሳኒ ታ ዒላቴሂ ዒ ዋይዛፃ ፔኤኮ ዓፒሎ ታ ኮይላ ሃሺ ጳሽኪ ኬሰኬኔ» ጌዔኔ።

16 የሱፐ ወይሃ፣ ማኣር ዓዳ፣ ሙካንዳያ ሄላንዳኣና ዒዛኮ ዓፒሎ ዒዛ ፔ ኮራ ዓርቁኔ።

17 ዬካፓ ማኣር ዓዳ ሙካዛ ማዔ ሃይሶ ሂዚ ጌዒ ፓይዲ ፓይዲ ዒዛ ኬኤዜኔ፡- «ኔኤኒ ዔኪ ሙኬ ዔብሪ ዓሂ ታኣና ላሂኒ ታኣኒ ዓኣ ቆልፃ ጋር ጌሊ ኑና ዳውሲሳኒ ጌዔንቴ።

18 ዓሲ ታና ዓውሳንዳጉዲ 0-ኡዙ ጆጊዲ ታ ዒላታዛ ፔኤኮ ዓፒሎ ታ ኮራ ሃሺ ጳሽኪ ኬሰኬኔ።»

19 የሱፐ ወይሃሂ ዒዛኮ ማቾ «ኔኤኮ ማዳሂ ታና ሂዳኔ» ጌዒ ዒዛሞ ኬኤዜ ሃይሶ ዋይዛፃ ማርጌና ዳጋዲ።

20 የሱፐ ዔኪ ዳንዲ ካኣቲ ዓሶ ቱኪሳ ቱኤዙ ማኣሪ ጌልዚ ቱኤሱኔ። ጋዓንቴ የሱፐ ቱኤዙ ማኣራ ዓኣ ዎዶና።

21 ናንጊና ናንጋ ጎዳ ዒዛና ዋላ ማዒ ዒዛ ዓንጄሂር ቱኤዙ ማኣርኮ ሱኡጋሂ ዒዛ ማዶና ዎዛዳኔ።

22 ዬያሮ ቱኡዞ ዓሶ ቢያና ቱኡዞ ማኣራ ማዲንታ ባኮና ቢያኮ ዑፃ ዒዛ ቢቲ ማሂ ዶኦሬኔ፤

23 ናንጊና ናንጋ ጎዳ ዮሴፔና ዎላ ማዒ ማዳ ባካ ቢያ ዒዛም ኮሽካንዳጉዲ ማሂሂሮ ቱኡዞ ማኣሮ ሱኡጋሂ ዮሴፔ ዎይህ ባኮ ዛሎና ዓይጎ ማዒቶዎ ሂርጉዎሴ።

40

ዮሴፔ ቱኡዞ ዓሶኮ ዓውቶ ቡሌሂ

1 ዮሴፔ ቱኡዞ ማኣራ ቱኡቲ ዓኣንቲ ጊብፂ ዓጮ ካኣቲኮ ዑዠ ዑሻ ዓሶና ካሦ ሙኡዛ ዓሶናኮ ዎኣና ማዒ ማዳ ላምዎ ዓሲሰከንሂ ፑርታ ባኣዚ ማዲ ካኣቲ ዳጋጴኔ።

2 ካኣቲ ዬንሂ ማዳዘንሂ ዑፃ ኮሺ ዳጋጴኔ።

3 ዬያሮ ዮሴፔ ቱኡቲ ዓኣ፣ ካፓ ዓሶኮ ሱኡጋሂ ቱኡዞ ማኣሪ ዳኪ ዔያቶ ዒኣካ ቱኪሴኔ።

4 ቱኡዞ ማኣሮ ዎይህሂ ዬንሂ ዓሶንሂ ዔኪ ዮሴፔም ዒንጋዛ፣ ሃንጎ ቱኡዞ ዓሶና ዎላ ሚርጌ ዎዴ ዔያታ ቱኡቲ ዴዔኔ፤ ዮሴፔያ ዔያቶም ኮይሳ ባኣዚ ዒንጊ ዔያቶ ማኣዳኔ።

5 ዬንሂ ካኣቲ ማኣራፓ ቱኡቲ ላምዎንሂ ቱኡዞ ማኣራ ዓኣዎ ፔቲ ዎንቲ ዓውቲ ዓውታዳኔ፤ ዬያቶኮ ዓውታ ዔያታ ዓውታዳሂ ጎይዎ ጉዴያ ዱማ ዱማ ቡሊሂ ዓኣያኬ።

6 ዮሴፔ ዚር ጉቴሎ ዔያታ ዓኣ ጋር ጌሊ ላምዎንሂ ዎዴ ዴዒ ዓኣንቲ ዛጋዎ፡-

7 «ዒንሂ ሃኖ ዓኣፒ ካራ ቱኬሂ ዓይጎርዳይ?» ጋዓዛ፡

8 ዔያታ ማሃዎ፡- «ኦኡኒ ቢያሂ ዓውቲ ዓውታዳንቲ፣ ዓውቶ ኦኡም ቡላ ዓሲ ባይቄኔ» ጌዔኔ።

ዮሴፔ ዒማና፡- «ዓውቲ ቡላንዳጉዲ ዳንዳዒሳሂ ያኦሲ ማዒሂሮ ዒንሂኮ ዓውቶ ታኣም ኬኤዙዎቲ» ጌዔኔ።

9 ዑዠ ዑሻሂ ፔኤኮ ዓውቶ ሂዚ ጌዒ ኬኤዜኔ፡- «ታኣኒ ዓውቶና ፔቲ ዎይኔ ዴንቄኔ፤

10 ዬኖ ዎይኔሎኮ ሃይሦ ካኣፒ ዓኣኔ፤ ዎላዠኣ ዒዞኮ ዎርቃዎ ዑከና ቡኔኔ፤ ዬካፓ ዓሚ ካፃኔ፤

11 ካኣቲኮ ዑዠ ዑሻኮ ዓንጋ ታ ኩጫ ዓኣንቲ ታኣኒ ዎይኔሎኮ ዓኣፖ ዔኪ ዓንጎ ጋራ ጩኡጲ ካኣቲም ዒንጋያ ታና ዳቄኔ።»

12 ዓሂ ኬኤዜሂ ዮሴፔ ዎይዛዎ ሂዚ ዒዛም ጌዔኔ፡- «ዓውቶኮ ቡሊፃ ያኣዴ ማዓንዳኔ፤ ዎይኔሎኮ ሃይሦ ካኣፖ ኔ ዛጌሂ ሃይሦ ኬሊ ጌይሂኬ፤

13 ሃይሦ ኬሊኮ ጊንፃ ካኣቲ ኔና ቱኡዛፓ ቡላንዳኔ፤ ኔኤኮ ዳቢንቶ ቢያ ዓቶም ጌዒ ቤርታ ኔ ማዳኣና ዓኣ ኔኤኮ ፑኡፓቶ ማሂ ኔኤም

ዲንጋንዳኔ፤ ቤርታ ኔ ዑዥ ዑሻ ዎደና ማዳሢጉዲ ካኣቲኮ ዑሽኮ ባኮ ዲዛም ኔ ዲንጋንዳኔ።

14 ጋዓንቴ ቢያ ባካ ኔኤም ኮሽኬሢኮ ጊንፃ ታና ማሊ ጳቂሢ፤ ማኣዳዎ፤ ካኣቲም ኬኤዚ ታና ሃይፓ ቱኡዞ ማኣራፓ ቡሊሴ፤

15 ዓይጎሮ ጌዔቶ ታኣኒ ዔብሬ ዓጫፓ ሃይካ ሙከሢሢ ርሽኪቱዎንቴ ሻንቸንቴኬ፤ ሃሣ ታ ሃይካ ሙካፃ ቱኡዞ ማኣራ ቱኡቴሢ ዓይጎዎ ፑርቲሱዎንኬ።»

16 ካሃ ሙኡዛ ዓሶኮ ሱኡጋሢ ዮሴፔ ዑዥ ዲንጋሢኮ ዓውቶ ቡሊዮ ኬኤዜሢኮ ከሽ ማዔሢ ዛጋፃ ፔኤኮ ዓውቶ ዮሴፔም ሂዚ ጌዒ ኬኤዜኔ፡- «ታ ዓውታ ያኣዳኬ፤ ሃይሃ ሌኤማቴና ቶኦኮይዳ ካሣ ታ ኬዴኔ፤

17 ቢያሢኮ ዑፃ ዓኣ ሌኤማቴሎ ጋራ ካኣቲም ጊኢጊሾና ዲማ ዲማ ሙኡዚ ዓኣንቴ፡ ካፒ ካሃ ሌኤማታፓ ሶዲ ሶዲ ሙዓያ ታና ዳቂኔ።»

18 ዮሴፔ ዲዛም፡- «ዓውቶኮ ቡሊፃ ያዲ ማዓንዳኔ፤ ሃይሃ ሌኤማታ ሃይሃ ኬሊኬ፤

19 ሃይሃ ኬሊ ጋርካ ካኣቲ ቱኡዞ ማኣራፓ ኔና ኬሲ ቶኦኮ ኔኤኮ ቲቂሶሢኮ ጊንፃ ሚሢ ዑሢዳ ኔና ሱፃም ካፒ ዓሽኮ ኔኤኮ ሙዓንዳኔ» ጌዔኔ።

20 ዮሴፔ ጌዒ ጎይፃማጉዲ ሃይሣሳ ኬሎና ካኣቲኮ ሾይንቶ ኬሎ ማዔሢሮ ዲዛኮ ዴማ ዲማ ዲማ ዎይሣ ዓሶም ቢያ ሙኡዚና ዑሽና ጊኢጊሻፃ፡ ዬና ኬሎና ዑዥ ዑሻ ዓሶና ካሃ ሙኡዛ ዓሶናኮ ዎኣኖንሢ ቱኡዞ ማኣራፓ ኬሲ ዬያ ቢታንታ ዓኣ ዓሶኮ ቤርቶ ሺኢሹኔ።

21 ዬካፓ ዑዥኮ ሱኡጋሢ ቤርታኣ ማዶ ቤዞ ጌልዜኔ፤ ዬያር ካኣቲ ዑዥ ዑሽካ ዓንጎና ዑዥ ዲንጊያ ዲ ዓርቄኔ።

22 ካሃ ማኣሮ ሱኡጋሢ ጋዓንቴ ሱፂሲሴኔ፤ ቢያ ባካ ዮሴፔ ዔያቶ ፔቴ ፔቴሢኮ ዓውቶ ቡሊሢ ጎይፃ ማዔኔ።

23 ዑዥ ዑሻ ሱኡጋሢ ጋዓንቴ ዮሴፔም ማሊባኣሴ፤ ዮሴፔ ዲዛም ሃደርሲ ኬኤዜ ባኮዎ ቢያ ዲ ዎሌኔ።

41

ዮሴፔ ካኣቲኮ ዓውቶ ቡሊሢ

1 ዮሴፔ ላምፃ ዓሶንሢኮ ዓውቶ ቡሊንቴ ላምፃ ሌዔኮ ጊንፃ ጊብፃ ዓጮ ካኣቲ ዓውቲ ዓውታዶኔ፤ ዲዚ ዓውቶና ዓባዬ ጌይንታ ፑኡፖ ዎራሢ ዓጫ ዓቂ ዓኣፃ፡

2 ላንካይ ዲቺ ዲንዴ ባይ ዎራፓ ኬሰኪ ማኣቲ ሄንቃንቴ ዛጌኔ፤

3 ሄሊሳዮ ሃሣ ኮሺ ያኦፔ ሜሌ ለንካይ ዒንዳ ባይሰከንሢ ሞራፓ ኬሰኪ ቤርታ ሞራፓ ኬሰኪ ባኣቶንሢ ኮይላ ዔቄኔ።

4 ዩካፓ ያኦፔ ባኣቶንሢ ዲጮንሢ ዔኤዳዛ፡ ካኣቲ ጊንዓሰካፓ ጸጮኹ።

5 ለሚ ሃሣ ዒ ለሃዮ ጊንዓዛ፡ ሜሌ ዓውቲ ዒዛ ዓውታሴኔ፤ ዒዚ ዓውቶና ፔቲ ሜይዳ ለንካይ ዑፔና ቃራ ካፄ ሜይ ዛጌኔ፤

6 ሄሊሳዮ ሃሣ ሚርጌ ሎኦዳዲያና ቦኦላፓ ዔቄ ዓባ ኬሰካ ዛሎ ዠርርና ሄርቁንቴ ሴያናዳ ፔቲ ሜይዳ ለንካይ ዑፔና ፑርቄ ሜይ ዛጌኔ፤

7 ለንካዎ ሎኦዳዳ ዑፖ ሚዮንሢ ለንካዎ ዓንዲር ዑፖ ሚዮንሢ ዔኤዳዛ፡ ካኣቲ ጊንዓሰካፓ ጸጮ፡ ዓውቲ ዓውታዳሢ ዔሬኔ።

8 ዘር ጉቶ ለሃፓ ዒ ዔቃኣና ማሊፃ ካኣቲ ሚታሴሢሢ ጊብፄ ዓጫ ማርሻ ማርሻ ዓሶንታ ዔር ዓሶንታ ቢያ ዔኤሊ ዓውቶ ዒዛኮ ዒ ኬኤዜኔ፤ ጋዓንቴ ዒዛኮ ዓውቶ ቡሊያ ዔሪ ኬኤዛኒ ዳንዳዔ ዓሲ ፔቲታዮ ባኣያ ማዔኔ።

9 ዒማና ዑዠ ዑሻ ዓሶኮ ሱኡጋሢ ካኣቲሞ ሂዚ ጌዔኔ፡- «ታኣኒ ዳቢ ማዳ ባኣዚ ሃና ታ ጳቁሄኔ፤

10 ካኣቲዮ፡ ኔኤኒ ታኣና ካሃ ሙኡዛ ዓሶኮ ሱኡጋሢና ዑፃ ዳጋዳ ካፓ ዓሶኮ ሱኡጋሢ ማኣራ ኔ ኑና ቱኡሴያና፤

11 ፔቲ ሞንቴ ኑ ለሞዓሢ ዲማ ዲማ ዓውቲ ዓውታዳኔ፤ ኑ ዓውቶኮ ቡሊፃኣ ዲማ ዲማኹ።

12 ቱኡዞ ዓሶኮ ሱኡጋሢሞ ማዳያ ፔቲ ዳጌ ዔብሬ ዓሲ ኑኡና ሞላ ቱኡዞ ማኣራ ቱኡቲ ዓኣዮ፡ ኑኡኮ ዓውቶ ኑ ዒዛሞ ኬኤዛዛ ዒዚ ኑኡሞ ቡሌኔ።

13 ቢያ ባባ ዒ ኑኡሞ ጌዔሢጉዴያ ማዔኔ፤ ታና ኔኤኒ ቤርታ ታ ማዳ ቤዞ ጊንሣ ማሃዮ፡ ካሃ ሙኡዛ ዓሶኮ ሱኡጋሢ ጋዓንቴ ኔ ሱፄኔ።»

14 ዩያር ኔጉሞዮ ዓሳ ዮሴፔ ዔኪ ሙካንዳጉዲ ካኣቲ ዓይሣዛ፡ ዔያታ ዒዛኮ ቶኦኮ ሚኤዲ ሜሌ ጌኤሺ ማኣዮ ማይሲ ካኣቲ ቤርቶ ሺኢሺኔ።

15 ካኣቲያ ዮሴፔ ኮራ፡- «ዓውቲ ታ ዓውታዳንቴ ያኣኒያ ቡላኒ ዳንዳዒ ባኣሴ፤ ጋዓንቴ ኔኤኮ ዓውቲ ቡላ ዔራቶ ዓኣሢ ታ ሞይዜኔ» ጌዔኔ።

16 ዮሴፔ ማሃዮ፡- «ካኣቲዮ! ታኣኮ ዓውቲ ቡላኒ ዔራቶ ባኣሴ፤ ጌኢጋ ቡሊሢ ዒንጋኒ ዳንዳዒ ያኣሲኹ» ጌዔኔ።

17 ካኣቲ ሂዚ ጌዔኔ፡- «ታኣኒ ዓውቲና ዓባዩ ሞር ዓጫ ዔቄ፡

18 ለንካይ ዲቺ ዒንዳ ባይ ሞራፓ ኬሰኪ ማኣቲ ሄንቃንቴ ዛጌኔ፤

19 ሄለሳዎ ኮሺ ያኦፕ ላንካይ ዒንዳ ባይ ዎራፓ ኬሰኬኔ፤ ዩንሢ ባኣቶንሢፕ-ዲ ዒሣ ባይ ጊብፄ ዓጮይዳ ዛጊ ታ ቤቁባኣሴ።

20 ያኦፕ ዒሣያ ማዔ ባኣቶንሢ ቤርታ ኬሰኬ ዲጮ ባኣቶንሢ ዒኤዴኔ።

21 ዬያታ ዒኤዴሢኮ ጊንፃ ቤርታ ዓኣማ ጎይፆ ያኦፓታሢር ዲጮንሢ ዒኤዴያ ማሃ ዒራኒ ዳንዳዒንቱዎያ ማዔኔ፤ ዒማና ጊንዓሰካፓ ታ ጴጩኔ።

22 ሃሣ ላሚ ዓውቲና ፔቲ ሜይዳ ላንካይ ዓንዲርቁ ቃራ ካፄ ዑፔና ዓኣ ሜይ ታ ዛጊኔ፤

23 ሄለሳዎ ሚርጌ ሎኦዳዲ፣ ቦኦሊ ዠባሪ ሄርቁ ሲያናሴ፣ ላንካይ ዑፔይዳ ዓኣ ሜይ ታ ዛጊኔ፤

24 ሎኦዳዴ ዑፓ ዓኣ ሚዎንሢ ሚዛጶንሢ ዒኤዴኔ፤ ዬያ ታና ዓውታሴ ዓውቶ ማርሻ ማርሻ ዓሶም ታ ኬኤዘንቲ ፔቲታዎ ዓውቶ ታኦኮ ዔያታ ቡላኒ ዳንዳዒባኣሴ።»

25 ዮሴፔ ዒማና ካኣቲም ሂዚ ጌዔኔ፡- «ላምዎ ዓውቶንሢኮ ቡሊፃ ፔቲኬ፤ ያኦሲ ሃጊ ማዓንዳ ባኮ ቤርታሲ ኔና ዳጭ፤

26 ላንካዎ ዲጮ ባኣቶንሢ ላንካዎ ኮዡ ዓኣፖ ዓኣፔ ሜዎንሢ ላንካይ ለዔ ጌይሢኬ፤ ላምዎንሢኮ ቡሊፃ ፔቲኬ።

27 ዔያቶኮ ጊንፃፓ ኬሰኬ ላንካዎ ያኦፖ፣ ዒሣ ባኣቶንሢ ላንካዎ ሎኦዳዴ ቦኦሎ ዠባሪ ሲያናሴ ሜዎንሢኮ ቡሊፃ ፔቲኬ፤ ዬይ ላንካይ ኪሊንኮ ሉማ ለዔ ማዓንዳኔ ጌይሢኬ።

28 ቤርታ ታ ኔኤም ኬኤዘሢፕ-ዲኬ፤ ያኦሲ ሃጊ ማዓንዳ ባኮ ቤርታሲ ኔኤም ዔርዘኔ፤

29 ጊብፄ ዓጮ ቢያይዳ ላንካይ ለዔ ሚርጌ ሚሺ ማዓንዳኔ።

30 ዩካፓ ላንካይ ለዔ ኪሊንኮ ሉማ ማዓዛ፣ ዓጮ ቢያ ሉማሢና ባይቃንዳሢር ዩንሢ ቤርታ ሚዡ ላንካዎ ለዎንሢ ዎለንታንዳኔ።

31 ሄለሳ ኪሊንኮ ሉማሢ ዎዳ ሚርጌ ሜታሳያ ማዓንዳሢር ሚዡ ዎዳ ፔቲታዎ ጎኔ ማዒባኣያ ማላንዳኔ።

32 ላሚ ላሚ ኔኤኮ ዓውታዲፃ ዔርዘሢ ያኦሲ ቱኬ ማሊፃ ዓቱዎያ ማዔሢና ዑኬ ኬሊዳ ኩማንዳሢኬ።»

33 ዮሴፔ ኬኤዛዎ፡- «ዓካሪ ዔራቶና ማሊሢና ዓኣ ዓሲ ዓጮ ዎይሣንዳፕ-ዲ ደኦሬ፤

34 ላንካዎ ሚዡ ለዎንሢ ካፄ ሃኣኮኮ ደንጎ ያኦራፓ ፔቲ ዔኪ ዔኪ ኮናይዳ ዓርሢሳንዳ ቢቲ ደኦሪ ደኦሪ ጌሢ።

35 ዔያታ ዩንሢ ላንካዎ ሚዡ ለዎንሢ ዔካ ሃኣኮ ቢያ ካታማ ካታማ ኮናይዳ ዓርሢ ካፓንዳፕ-ዲ ቢታንቶ ዔያቶም ዒንጌ።

36 ዬይ ቡኬ ሃኣካ ጊብፄ ዓጮይዳ ሴካ ሃጊ ቤርታ ሙካንዳ ላንካዎ ለዎ ኪሊንኮ ሉማሢና ዓጮ ባይቁዎፕ-ዲ ካፒሢ ማዓንዳኔ፤

ያዲ ማዲንቴቴ ዓጩላ ባይሲንታፓ ዓታንዳኔ።።»

የሴፔኮ ጊብፄ ዓጩይዳ ሱኡጌ ማዲ ዶኦሪንቴዎ

37 የሴፔኮ ማሊፃ ካኦቲንታ ካኦቲና ዎላ ማዲ ቢቶ ዓሶንታም ቢያ ኮሺ ማዲ ጸደኔ፤

38 ካኦቲ ዬያ ዓሶም፡- «ዎኦሲ ዓያና የሴፔይዳ ዓኣኔ፤ ዒዛይዳፓ ባሽ ዓሲ ፔቲታዎ ኑ ዴንቃዓኬ» ጌዔኔ።

39 ዬያሮ ካኦቲ የሴፔም ሂዚ ጌዔኔ፡- «ሃያ ቢያ ኔኤም ፔጋሲ ጌኤሺ ዳዌሂ ዎኦሲኬ፤ ዎ ጊዳፓኣ ባሽ ዒናና ዓኣያና ዔራ ኔ ማዔሂ ዔርቲያኬ፤

40 ዬያሮ ኔና ታ ዓጩይዳ ዎይሂ ዓሲ ማሂ ዶኦሪ ታኣኒ ጌሂንዳኔ፤ ዓሳ ቢያ ኔኤም ዎርቃያ ማዓንዳኔ፤ ታጊዳፓ ዓታዛ ዎኦኒያ ኔኤኮ ዑፃ ማዓንዳይ ባኣሴ።

41 ሃኣዛጌ፡ ሃሂ ማይ ታ ኔና ጊብፄ ዓጩ ቢያይዳ ዎይሂያ ማሂ ቢታንቶ ዒንጌኔ።።»

42 ዬካፓ ካኦቲ ቢታንቶ ዒዛኮ ዔርዛ ማላታ ዓኣ ዢኢራሂ ፔ ኬኤላፓ ኬሲ የሴፔ ኬኤላ ዓኣሂኔ፤ ኮሺ ቦኦሪ ሻሎና ዱይንቴ ዓፒላኣ ማይሴኔ፤ ባቃሮይዳ ሃሂ ዎርቄፓ ኮሺንቴ ዴኤፔ ቂንቴያ ማይሴኔ።

43 ሃሂ ጊንሂ ካኦቲ ፔ ዴዓ፡ ሳርጌሎ ዎይቶኮ ላምዓሳዘይዳ የሴፔ ዴይሂኔ፤ ካኦቲ ካፓ፡ ቦንቹንታ ዓሂ ዒማና ቤርታ ዓኣዲ ዓኣዲ፡- «ጎይዎ ጌሂጋፓ ሂርኪ ጌዒ ዳዲ ባዑዎቲ!» ዓሶም ጋዓኔ፤ የሴፔኮ ጊብፄ ዓጩይዳ ዎይሂያ ማዒፃ ዔርቲሂ ዬያይዲኬ።

44 ካኦቲ ኬኤዛዎ፡- «ታኣኒ ካኦቲ ማዔቶዎ ጊብፄ ዓጩ ቢያ ዑፃ ኔ ጌዒባኣንቴ ዓይጎ ዓሲያ ማዎም ፔቲ ባኣዚ ማዲኒ ዳንዳዒንዱዎሴ» ጌዔኔ።

45 ካኦቲ የሴፔም «ፃፕናት ፓዒና» ጋዓ ሱንሂ ጌሂዎ፡ ዓሲናቴ ጌይንታ ጰዲፓራኮ ናዎ ማቾ ማሂ ዒዛም ዒንጌኔ፤ ጰዲፓራ ዎኦኔ ጌይንታ ካታሜሎኮ ቁኤሶ ሱኡጋሂኬ፤ የሴፔ ዒማና ጊብፄ ዓጩ ቢያ ሃንቴኔ።

46 የሴፔ ካኦቲ ማኣራ ማዶ ዓርቃኣና ሌዓ ዒዛኮ ሃይሂታሚኬ፤ የሴፔ ካኦቲ ማኣራፓ ኬሰኪ ኬሰኪ ጊብፄ ዓጩ ቢያ ሃንቴ ዛጋኔ፤

47 ላንካዎ ሚኦ ሌዎንሂዳ ጊብፄ ዓጩ ሚርጌ ሃኣኮ ካፄ።።

48 ጊብፄ ዓጩ ዬንሂ ላንካዎ ሚኦ ሌዎንሂዳ ካታማ ካታማ ቡኩሶና ሃኣካ ዬያ ካታም ኮይሎይዳ ጎሽኪንቴ ጎኩይዳፓኬ።።

41:40 ዳኪ. ማዶ 7:10። 41:42 ዳኣኔ. 5:29።

49 ይያይዱ ዮሴፕ ባዙ ዓጫ ዓኣ ማእሻሎጉዳ፥ ሚርጌ ሃኣኮ ቡኩሴኔ፤ ሃኣኮኮ ሚርጉሞ ማኪ ዔራኒ ዒ ማሌዖ ሃኣካ ፔቶ ሚርጌሢረ ይኖ ማሊጻሎ ሃሺኔ።

50 ለንካዎ ኪሊንኮ ሉማሢ ለዓ ጌላንዳሢኮ ቤርታ ጲጂፓራ ናኣ ዓሲናታ ላምዖ ዓቲንቄ ናይ ዮሴፕም ሾዔኔ፤

51 ዮሴፕ ዒማና «ጾኦሲ ታና ሄሌ ሜታሢንታ ታኣኮ ዒጊኖንታ ታና ዋሊሲሴኔ» ጋዓዖ፥ ቤርታ ሾይንቴ ናዓሢኮ ሱንዖ ሚናኣሴ * ጌዒ ጌሢኔ፤

52 ይያጉዱ ሃሢ «ሜታሢ ታና ሄሌ ዓጮይዳ ጾኦሲ ታና ዳልጊሺኔ» ጋዓዖ፥ ላምዓሳ ናዓሢኮ ሱንዖ ዔፕሬኔሜ † ጌይ ጌሢኔ።

53 ይካፓ ጊብፂ ዓጫ ለንካዎ ሚኸ ለዓ ጋፔኔ፤

54 ዮሴፕ ቤርታ ኬኤዜሢጉዱ ለንካዎ ኪሊንኮ ሉማሢ ለዓ ጌሊሢ ዓርቃዛ፥ ሜሌ ዓጮይዳ ቢያ ሉማ ማዔቶዎ ጊብፂ ዓጫ ጋዓንቴ ጊዳ ቡኩሶና ሃኣኮ ዓኣኔ።

55 ይካፓ ኪሊንኮ ሉማሢ ጊብፂ ዓጫ ቢያ ሄላዛ ዴራ ካኣቲ ኮራ ሙካዖ፡- «ሙኡዚ ኦኡም ዒንጌ» ጌዒ ዒላቲኔ፤ ይያሮ ካኣቲ፡- «ዮሴፕ ኮይላ ዓኣዲጋፓ ዒዚ ዒንሢም ጋዓ ባኮ ማዲዎቴ» ጌዒ ዔያቶ ዓይሢኔ።

56 ጊብፂ ዓጫ ኪሊንኮ ሉማሢ ዳልጊ ዴንዴሢሮ ዮሴፕ ኮኖ ቢያ ቡሊ ሃኣኮ ጊብፂ ዓሶም ሻንቺሲሴኔ።

57 ዓጫ ቢያይዳ ኪሊንኮ ሉማሢ ዶዴሢሮ ዲማ ዲማ ዓጮ ዓሳ ዮሴፕይዳፓ ሃኣኮ ሻንቃኒ ጊብፂ ዓጫ ሙኬኔ።

42

ዮሴፕኮ ዒሾንሢ ጊብፂ ዓጫ ዓኣዴሢ

1 ያይቆኦ ጊብፂ ዓጫይዳ ሃኣኮ ዓኣሢ ዎይዛዖ ናኣቶም፡- «ዋሊ ዛጊ ዴዖይዳፓ ፔቴ ባኣዚ ማዲዎቴ፤

2 ጊብፂ ዓጫይዳ ሃኣኮ ዓኣሢ ታ ዎይዜኔ፤ ኪሊንኮ ሉማሢ ኦና ኩርሱዎንቴ ዒኣካ ዓኣዲ ሃኣኮ ኦኡም ሻንቁዎቴ» ጌዔኔ።

3 ይያሮ ታጳ ዮሴፕኮ ጌርሲንሢ ሃኣኮ ሻንቃኒ ጊብፂ ዓጫ ዓኣዴኔ።

4 ጋዓንቴ ዮሴፕኮ ዒንዳ ሾዔ ናዓሢ፥ ቢኣኒያሜ ጌርሲንሢና ዎላ ጊብፂ ዓጫ ያይቆኦ ዳኪባኣሴ፤ ዓይጎሮ ጌዔቶ «ፑርታ ባኣዚ ዒዛ ሄላንዳኔ» ጌዒ ሂርጊ ዒጊጩሢሮኬ።

* 41:51 ሚናኣሴ ጌይዖ፡- ዔብሬ ዓሶ ሙኡቺና «ዋሊሳ» ጌይሢኬ። † 41:52 ዔፕሬኔሜ ጌይዖ፡- ዔብሬ ዓሶ ሙኡቺና «ላሚ ናይ ዒንጌ» ጌይሢኬ። 41:54 ዳኪ ማዶ 7:11። 41:55 ዮሃ. 2:5። 42:2 ዳኪ ማዶ 7:12።

5 ካኣናኔ ዓጮይዳ ሉማሢ ዶይሢሮ ያይቆኑቤኮ ናኣታ ሃንጎ ማሌ
ዓሰና ዋላ ሃኣኮ ሻንቃኒ ገብፃ ዓጮ ዓኣዳኔ።

6 ዮሴፔ ገብፃ ዓጮ ካኣተኮ ደማ ማዒ ዋይሢያ ማዒሢሮ ኮይላ
ዓኣ ዓጮ ቢያይዳፓ ሙካ ዓሰም ሃኣኮ ዒ ሻንቃኔ፤ ዬያሮ ዮሴፔኮ
ጌርሲንሢሢ ዒዛ ቤርታ ሙካፖ ባሊቶ ሳፖ ሄሊሲ ዘገገ ቦንቾ ዔኤሊሢ
ዔኤሊኔ።

7 ዮሴፔ ፔኤኮ ጌርሲንሢ ዳንቃፖ ዔሬኔ፤ ጋዓንቴ ዔያቶ ዔሩዋያ
ማሊ ዳጋና፡- «ዓንካፓ ዒንሢሢ ሙኤይ?» ጌዒ ዔያቶ ፖኑጩኔ።

ዔያታ ማሃፖ፡- «ሃኣኮ ሻንቃኒ ካኣናኔ ዓጮፓ ኑ ሙኤኔ» ጌዔኔ።

8 ዮሴፔ ፔኤኮ ጌርሲንሢ ዔሬያ ማዔቴያ ዔያታ ዒዛ ዔሪባኣሲ፤

9 ማና ዔያቶ ዛሎ ዓውታጄ ዓውታ ዒ ዘም ጰቃዛ፡- «ዒንሢሢ ኑኤኮ
ዓጪ ሙሪ ሙኤ ዓሲኬ፤ ዒንሢሢ ሙኤሢሢ ዓጮኮ ኑኤኮ ላቢፖ ዋኖ
ዛሎናታቴ ሙራኒ ሙኤ ዓሲኬ» ዔያቶ ኮይላ ጋዓዛ፤

10 ዔያታ፡- «ኑ ጎዳሢሮ! ኑኤኒ ዓጪ ሙሪ ሙኤ ዓሲቴዋሴ፤ ኑ
ኔኤኮ ዓይላ ሃይካ ኑ ሙኤሢሢ ሃኣኮ ሻንቃኒኬ» ጌዔኔ።

11 «ኑኤኒ ቢያሢ ፔቴ ዓሲ ናይኬ፤ ኑኤኒ ሃሃ ጉሙርቁንታያኬ፤
ኑኤኒ ዓጪ ሙሪ ሙኤ ዓሲቴዋሴ» ጌዔኔ።

12 ዮሴፔ ዔያቶ ኮይላ፡- «ዔይዔ! ዒንሢሢ ሙኤሢሢ ዓጮኮ ላቢፖ
ዋኖ ዛሎና ማዔቴያ ዛጋኒ ሙሪ ሙኤ ዓሲኬ» ጋዓዛ፤

13 ዔያታ ማሃፖ፡- «ኑኤኒ ኔኤኮ ዓይላ ካኣናኔ ዓጮይዳ ናንጋ፡
ፔቴ ዓሲሰኬያ ናይ ማዔያ ኑ ታጰ ላምፖኬ፤ ጋዓንቴ ፔቴ ኑ ጌኤዛሢ
ሃይቄኔ፤ ጋፒንፖ ኑኤኮ ጌኤዛሢ ሃሢ ዓደና ዋላ ማኣራ ዓቴኔ»
ጌዔኔ።

14 ዮሴፔ ገንሢ ሂዚ ዔያቶም ጌዔኔ፡- «ሃይሾ፡ ታ ጌዔሢጉዲ ጎኔ
ዒንሢሢ ዓጪ ሙሪ ሙኤ ዓሲኬ!

15 ዓካሪ ዒንሢሢ ጎኑማ ዔርታንዳሢ ያዲኬ፤ ዒንሢሢ ጋፒንፖ
ጌኤዛሢ ዒንሢሢ ዔኪ ሙካንዳያ ሄላንዳኣና ካኣቴ ሃይቆ! ታ ዒንሢሢ
ሃሻዓኬ፤

16 ሃሢ ዒንሢሢዳፓ ፔቴ ዓኣዲ ዒንሢሢ ጌኤዛሢ ዔኪ ሙኮንጎ፤
ዒንሢሢ ኬኤዜ ባኮኮ ጎኑማ ዔርታንዳያ ሄላንዳኣና ሃንጎዋታ ዒንሢሢ
ሃይካ ቴኡሲ ማርካ ደዓንዳኔ፤ ዒንሢሢ ጌዔሢጉዳያ ማዒባኣያታቶ
ጋዓንቴ ካኣቴ ሃይቆ! ጉቤሢ ዒንሢሢ ሙሪ ሙኤ ዓሲኬ» ጋዓፖ፤

17 ዔያቶ ዒ ሃይሃ ኪሊ ቴኪ ደይሢኔ።

18 ሃይሃሳ ኬሎና ዮሴፔ ዔያቶም ሂዚ ጌዔኔ፡- «ታኣኒ ፆኣሲ
ዒገጫ ዓሲታሢሢ ፔቴ ጎይሢና ታ ዒንሢሢ ሼምፖ ዓውሳኒ ማሌኔ፤

42:9 ማዢ. ማፃ 37:5-10።

19 ዲንሢ ጎኔ ጉሙርቁንታ ዓሲ ማዔታቲ ዲንሢዳፓ ፔቲ ሃይካ ቱኡዞ ማአራ ዓቶንጎ፤ ሃንጎዋታ ሃአኮ ዔኪ ዲንሢኮ ናይዲንቲ ዲጊኖም ዓአዲዎቲ።

20 ዩካፓ ዲንሢኮ ጌኤዛሢ ዔኪ ታአም ሙኩዎቲ፤ ያዲ ማዔቶ ዲንሢ ኬኤዜ ባካ ቢያ ጎኔ ማዔሢ ዔርታንዳኔ፤ ሃይቢፓአ ዲንሢ ዓታንዳኔ» ጋዓዛ፣ ዔያታ ዩይ ጌኤዛ ኮሺኬ ጋዓዖ፡

21 ዎላ ሂዚ ጌዲ ጌሰቲ፡- «ጎኔና ሚና ኑ ጌኤዛሢ ዑያይዳ ኑ ማዴ ፑርቶ ባኮ ዛሎ ኮይሳ ሜቶ ሃሢ ኑ ዔኪዳ ዓአኔ፤ ዲዚ ታና ሃሹዎቲራ» ጌዲ ሜታዲ ሺኢቁያና ዲዛኮ ሺኢዲያ ኑ ዎይዚባአሢጉዲ ሃሢ ኑ ዑያይዳ ሃይ ሜታሢ ሄላሢ ዩያ ዛሎናኬ።»

22 ሮኦቤኤሌ ዔያቶም፡- «ታ ዲንሢም ሩዖ ዑፃ ፑርታ ባአዚ ሄሊሲፖቲ» ጌዲ ኬኤዛአና ዲንሢ ጋዓንቲ ታአም ዎይዚባአሲ፤ ሃአዛጉዎይ፡ ሃሢ ኑ ዲዛ ዎዴሢሮ ኮማ ኑኡም ማሃንታሢ» ጌዔ።

23 ዮሴፔ ዔያታ ዩያ ጋዓ ባኮ ቢያ ዎዎይዛኔ፤ ዔያታ ጋዓንቲ ዮሴፔና ጌሰታሢ ዩዮ ዓጮ ሙኡጮ ዔራ ዓሲና ማዔሢሮ፣ ዔያታ ጋዓ ባኮ ዮሴፔ ዎይዛሢ ዔያታ ዔሪባአሲ።

24 ዮሴፔ ዲማና ዔያቶይዳፓ ዲማዲ ዴንዲ ዩኤኬኔ፤ ላሚ ሃሃ ዔያቶ ኮይላ ሙኪ ዔያቶና ጌሰቲሰካፓ ሲሞኦኔ ዔያቶ ባአካፓ ዔኪ ቱኬኔ።

ዮሴፔኮ ጌርሲንሢ ካአናኔ ዓጮ ማዲ ዓአዴሢ

25 ዮሴፔ ዲዛም ማዲ ዓሶ፡- «ሃንሢ ዓሶንሢም ዔያቶኮ ሱርባ ሃአኮ ኩንሢጋፓ ሚኢሻ ዔያቶኮ ማሂ ሱርቦ ካራ ካራ ዖሺ ጌሢ፣ ጎይዖኮዎ ዔያቶም ጋላ ዲንጉዎቲ» ጌዲ ዓይሢኔ። ዓሳ ዩያ ዓይሢንቲ ጎይዖ ማዴሰካፓ፡

26 ዮሴፔኮ ጌርሲንሢ ሻንቄ ሃአኮ ሃርና ጫኢ ዴንዶ ዔቄ።

27 ጎይዖ ዔያታ ዓአዲቤቃ ፔቲ ቤሰካ ዎርቃኒ ቡኬ ቤዛ ዔያቶይዳፓ ፔቲ ፔኤኮ ሃአኮይዳፓ ፔ ሃራሢ ሙኡዛኒ ሱርቦ ካር ቡላዛ ዲዚ ጨጌ ሚኢሻ ዲኢካ ዖሺንቲ ዓአያ ዴንቄ።

28 ዲዚ ጌርሲንሢም፡- «ታ ሚኢሻ ጊንሢ ማዔኔ፤ ሃአዛጉዎቲ፡ ሱርባፓ ታ ዴንቄኔ» ጌዲ ኬኤዛዛ፣ ቢያሢ ዲቃታዖ፡- «ዮሴሲ ኑጊዳ ዓይሳ ባአዚ ዔኪ ዩዓኒ ሃያ ማዴይ?» ዎሊ ኮይላ ጌዔ።

29 ዩካፓ ካአናኔ ዓጮይዳ ዓአ ዓዶ ያይቆኦኮ ኮራ ዔያታ ሄሊ፣ ዔያቶይዳ ማዔ ባኮ ቢያ ሂዚ ጌዲ ኬኤዜኔ፡-

30 «ጊብዔ ዓጮ ዎይሢ ሱኡጋሢ ታአኮ ዓጮ ዲንሢ ሙራኒ ሙኩ ዓሲኬ» ጌዲ ኑ ዑፃ ጎሪንቲ፤

31 ኩሉን ማሃዎ፡- ኦ ጉሙርቁንታ ዓሲኬ፥ ዓጨ ሙሪ ሙኩ ዓሲቱዋሴ፤

32 ኩሉን ፔቲ ዓሲ ናይ ማዔ፥ ታጳ ላምዎ ናይኬ፤ ፔቲህ ኩሉኮ ሃይቄኔ፤ ጋፒንዎ ጌኤዛህ ኩሉኮ ሃህህ ዓዶና ዋላ ካኣናኔ ዓጨ ማእራ ዓቴኔ» ጌዔኔ።

33 ዓህ ኩሉም ሂዚ ጌዔኔ፡- «ዒንህ ጉሙርቁንታ ዓሲ ማዔህ ታ ዔራንዳህ ታ ጋዓ፥ ፔቲ ባኣዚ ዒንህ ማዕቶኩኔ፤ ዬናኣ ዒንህዳፓ ፔቲ ሃይካ ታ ኮራ ዓቶንጎ፤ ዓቲዘንህ ዒንህኮ ናይደንቴ ማእር ዓሲም ሃኣኮ ዔኪ ዓጨ ማዕቶቴ፤

34 ዒንህኮ ጋፒንዎ ጌኤዛህ ዔኪ ታኣም ሙኩዋቲ፤ ያዲ ዒንህ ማዕቲ ዒንህ ጉሙርቁንታ ዓሲና ዓጨ ሙሪ ሙኩባኣ ዓሲታህ ታ ዔራንዳኔ፤ ሃህህ ዒንህኮ ሃካ ዓቲ ጌርሲያ ታ ማሂ ዳካንዳኔ፤ ሃያ ዓጨይዳኣ ዒንህ ኮዔህጉዲ ኮርማኒ ዳንዳዓኔ።»

35 ዓደም ዔያታ ዔያ ኬኤዚ ጋፒሴህኮ ጊንፃ ሃኣኮ ዔያታ ሱርባፓ ማሃኣ ፔቲ ፔቲህኮ ሱርባ ጋራ ሚኢሾ ያሽ ጌሃናህ ጴዳኔ፤ ዬያር ዔያቶንታ ዔያቶኮ ዓደንታ ማዔ ሚኢሾ ዛጋዎ ሚርጌና ዒጊጨኔ።

36 ዬማና ዔያቶኮ ዓደህ፡- «ናኣቶ ቢያህዳፓ ታና ዒንህ ዓይሳኒ ኮዓ? ዮሴፔ ባኣሴ፤ ሃህህ ሲሞኦኔ ዒንህ ዓይሴኔ፤ ሃሃ ቃሲ ዒንህ ቢኢኒያሜ ዔኪ ዓኣዳኒ ኮዓኔ፤ ታ ዓይጎ ሜቶይዳ ኬዳይ!» ጌዔኔ።

37 ዔያ ዋይዘዎ ርኣቤኤሌ ዓደም ሂዚ ጌዔኔ፡- «ቢኢኒያሜ ማሂ ታ ዔኪ ሙከባኣቲ ታኣኮ ላምዎ ዓቲንቆ ናኣቶንህ ዔኪ ዋዕ፤ ታና ዓርቄ፥ ታ ዒዛ ዔኪ ኬኤም ሙካንዳኔ።»

38 ያይቆኦሴ ዒማና፡- «ዓይጎ ማዔቶዋ ዒንህና ዋላ ታ ዳካዓኬ፤ ዒዘኮ ቶይዲ ቤርታ ሃይቄኔ፤ ዓቲህ ሃህህ ዒዛ ሌሊኬ፤ ጎይፃ ዒዛ ዑፃ ፔቲ ባኣዚ ሄሌቶ ጋርቻቶና ታና ዒንህ ኩኣናሲ ዋዲሻንዳኔ» ዔያቶም ጌዔኔ።

43

ዮሴፔ ጌርሲንህኮ ቢኢኒያሜ ዔኪ ጊብፃ ዓጨ ዓኣዲያ

1 ካኣናኔ ዓጨይዳ ኪሊንኮ ሉማህ ሚርጌና ደዲ ደዲ ዓኣዳኔ፤

2 ያይቆኦሴ ማእር ዓሳ ጊብፃይዳፓ ዔኪ ሙኩ ሃኣኮ ሙይ ኩርሳዛ ዔያቶኮ ዓደ፡- «ሃህህ ጊንህ ጊብፃ ዓኣዲ፥ ዳካ ሃኣኮ ኩሉም ሻንቁዋቲ» ጌዔኔ።

3 ዪሁዳ ጋዓንቴ ዓደም ሂዚ ጌዒ ማሃኔ፡- «ዓህ ኩሉም ዒንህኮ ጌኤዛህ ዒንህ ዔኪ ሙከባኣቶ ታ ቤርታ ዒንህ ጴዳዋጉዲ» ጌዒ ኮሺ ላቲኔ፤

4 ዬያር ኩ ጌኤዚ ኩሉን ዔኪ ዓኣዳንዳጉዲ ኔ ጌዔቴ ዓኣዲ ኩ ሃኣኮ ሻንቁ ዓይህያዋ ኔኤኮ ኩ ኩንሃንዳኔ።

5 ኑ ገሌዚ ኑኡና ዓኣደም ኔ ዓይሠብ ማዕቶ ኑኡኒያ ዩካ ዓኣደባኩ፤ ዓይጎር ገዕቶ <ዒንሢኮ ገሌዚ ዒንሢ ዔኪ ሙኪባኣቶ ታ ቤርታ ዒንሢ ጴዳብ፡፡>

6 ዒሰራዔኤሌ ዒማና፡- «ሜሌ ኑኡኮ ገሌዚ ዓኣኔ፤ ገዒ ዒንሢ ከሌዚያና ሃያፑዴ ሜታሢ ዓይጋ ዒንሢ ታኣም ዔኪ ሙኩይ?» ገዕኔ፡፡

7 ዔያታ፡- «ዓሢ ኑናንታ ኑ ማኣር ዓሶንታ ዛሎ ኮሺ ደዲሺ ያኣጩኔ፤ <ዒንሢኮ ዓይ ሳዛና ዓኣ? ሜሌ ገርሲ ማዓያ ዒንሢኮ ዓኣ?> ገዒ ኑና ያኣጩኔ፤ ኑኡኒያ ዒዛኮ ያኣጩያም ኮይሳሢ ማሢ ከሌዚኔ፤ ዓኣጎር ዓሢ <ዒንሢኮ ገሌዚሢ ዒንሢ ዔኪ ሙኣንዳፑዴ፤ ጋዓንዳሢ ዋዲ ኑ ዔራንዳያ ዓቴይ?»

8 ዪሁዳ ዓይም ሂዚ ገዕኔ፡- «ናዓሢ ታና ጉሙርቂ ኑኡና ዋላ ዳኩ፤ ዑኮ ሃሢ ኑ ከሰኮም፤ ያዲ ማዕቶ ኑናንታ ኔናንታ ኑኡኮ ናኣቶንታ ኪሊንኮ ሉማሢፓ ኑ ዓታንዳኔ፡፡

9 ናዓሢ ታኣም ሃሺ፤ ዒዛይዳ ማዓ ባኣዚና ቢያ ታ ያኣጩንታንዳኔ፤ ኮሺና ታ ዒዛ ዔኪ ሙኪባኣቴ ታ ናንጎ ዋዶ ቢያይዳ ዳቢንታ ታ ዑፃ ማያም፡፡

10 ሄኤዶ ሄሊ ኑ ናገባኣያታቴ ላምዒ ማይንቲ ኑ ሄሊ ማዕያ ናንዳኔ፡፡»

11 ዩካፓ ዓዳሢ፤ ያይቆኦ፡- «ማይ ዒንሢኮ ዓኣዲፃ ዓቴዋያ ማዕቴ ዩኖ ዓጮ ዋይሣ ሱኡጋሢም ኑ ዓጮ ዓኣ ኮኩ ባካፓ ዩይያ፡- ቤሌሴ፤ * ዔኤሴ፤ ዲማ ዲማ ሳውቃ ጴኤሻ፤ ከርቤ፤ ቴሚሪ ሚያ ዓኣፓ፤ ሌውዜ ገይንታ ሚያኮዋ ዓኣፖ ዒንገ ዋዛሳኒ ዔኪ ዓኣዲባቴ፡፡

12 ሃሣ ሃያኮ ቤርታ ዒንሢኮ ሱርቦ ካራ ማዒ ሙኩ ሚኣሻ ዳቢንቲና ማዓንዳሢር ዩያንታ ቃሲ ሚኢሺያ ዔኪ ዓኣዲባቴ፡፡

13 ማይ ዋይታንዳይ ዒንሢኮ ገሌዚሢ ዔኪ ዓሢ ኮራ ዑኩና ዓኣዲባቴ፡፡

14 ቢኢኒያሜንታ ሃንጎ ዒንሢኮ ገርሲያ ማሢ ዒንሢም ዒንጋንዳፑዴ ቢያ ባኣዚ ዳንዳዓ ያኡሲ ዩያ ዓሢኮ ዒኖ ዒንሢም ሚጩንታያ ማሆንጎ፡፡ ታኣኒ ታ ዛሎና ናኣፓፓ ዓቴቶ ማይ ታ ዋይታንዳይ፤ ታኣም ዓዓጎና ባኣዚዋይ» ገዕኔ፡፡

15 ዩናር ያይቆኦኩ ናኣታ ዒንጎንዶ ባኮንታ ሚኢሸዋ ቃሲ ዔኪ ቢኢኒያሜና ዋላ ገብፃ ዓጮ ዳንዲ ዒኢካ ሄላያ ዮሴፔ ቤርቶ ሺኢኤ፡፡

* 43:11 ቤሌሴ ገይንታ ሚፃላ፡- ቦኦቢ ማላያ ዓኣፖ ዓሲ ሙሙዓ ሚሢኪ፡፡

16 የሴፔ ዒዛኮ ጌኤዚ፣ ቢኢኒያሜ ሃንጎ ዒዛኮ ጌርሲንሢና ምላ ዓኣሢ ዳንቃዎ ማኦርይዳ ዒዛሞ ማዳ ዓሶ ዓይሢ ማዲሳሢ ዔኤሊ፡- «ሃንሢ ዓሶንሢ ጋር ዔኪ ዓኣዴ፤ ዓባ ሳዛ ማዓኣና ታኣና ምላ ዔያታ ሙዎ ሙዓንዳሢ ጭላማፕ ፔቴ ሹኪ፣ ካሢ ጊኢጊሼ» ጌዔኔ።

17 ማዳ ዓሶ ማዲሻሢ የሴፔ ዒዛሞ ከኤዜሢሃጉዲ ዒዛኮ ጌርሲንሢ ዔኪ ጋር ዓኣዴኔ።

18 የሴፔኮ ጌርሲንሢ የሴፔ ማኦር ባንሢ ዔያቶ ዔኪ ዓኣዴሞኣና ማርጌ ዒጊጨፎኔ፤ ዔያታ ዒማና «ሃይካ ኑና ዔኪ ሙኮሢ ሴርታ ኑኡኮ ሱርቦ ጋርይዳ ጳዴ ሚኢሾር ማዑሞዎ ዓታዓ፣ ዩያር ኑ ሚታኣ ከዴኔ፤ ሃርሞ ኑኡኮ ዔኪ ኑና ዔያቶኮ ካራሚ ማሃንዳኔ» ጌዒ ሂርጌኔ።

19 የሴፔኮ ማኦሪ ጌላኒ ዔያታ ዑካዎ ዩያ ማኦርይዳ ማዳ ዓሶ ዓይሢ ማዲሻሢ ሃዚ ጌዔኔ፡-

20 «ኑ ጎዳሢየ! ሃያኮ ሴርታ ሃኣኮ ሻንቃኒ ኑ ሃይካ ሙኬያኬ፤

21 ማኦሪ ኑ ማዓኣና ጎይፃ ሞርቃኒ ኑ ቡኬ ሴሰካ ሱርቦ ኑኡኮ ኑ ቡላንቴ ኑና ፔቴ ፔቴሢኮ ሚኢሾ ፓጨሱሞዎ ሱርቦ ካራ ያሺ ዓጎናና ኑ ዳንቄሢ ሃኣዛጌ፤ ሃሢ ኑ ማሂ ዔኪ ሙኬኔ።

22 ሃሢያ ሃኣኮ ኑ ሻንቃንዳ ሚኢሾ ቃሲ ኑ ዓርቄኔ፤ ዒማና ኑኡኮ ሚኢሾ ማሂ ሱርቦ ጋራ ያኣኒ ዓጌቴያ ኑ ዔራሞሴ።»

23 ዩያ ማኦርይዳ ማዳ ዓሶ ዓይሢ ማዲሻሢ፡- «ዩያ ዛሎና ማታዲ ዒጊጨፖቴ፤ ዒንሢንታ ዒንሢኮ ዓዶ ያኦሲ ዩያ ዒንሢኮ ሚኢሾ ዒንሢ ሱርባ ማሂ ዓጌያ ናንዳኔ፤ ዒንሢኮ ሚኢሾ ጋዓንቴ ታኣኒ ዔኪናኣኮኬ» ዔያቶም ጌዔኔ። ዩካፓ ሞንዴ ሃኒ ዓቴ ሲሞኦኔ ዔያቶ ኮራ ዔኪ ሙኬኔ።

24 ማኦርይዳ ማዳ ዓሶ ዓይሢ ማዲሻሢ የሴፔኮ ጌርሲንሢ የሴፔ ማኦሪ ዔኪ ጌልዛዎ ቶኮ ማሰታንዳ ሞኣሢያ ዒንጊ፣ ዔያቶኮ ሃርማኣ ሙዎ ባኣዚ ዓጌኔ።

25 የሴፔና ምላ ሙዓንዳሢ ዔያቶም ከኤዚንቴሢር የሴፔ ሙካንዳያ ሄላንዳኣና ዒዛሞ ዒንጎንዶ፣ ዳኪንቴ ባኮ ዔያታ ጊኢጊሼኔ።

26 የሴፔ ሙኪ ማኦሪ ጌላዛ፣ ጌርሲንሢ ዒዚ ዓኣ ጭልዎ ጌሊ ዔያታ ዒንጋኒ ዔኪ ሙኬ ባኮ ዒዛሞ ዒንጋዎ ሊካ ሳዎ ባንሢ ሂርኪ ጌዒ ዚጊ ቦንቾ ዔኤሊሢ ዔኤሊኔ።

27 ዒዚ ዒማና፡- «ዒንሢ ኮሺ ሙኪያ?» ጌዒ ያኦጨሢኮ ጊንፃ፡- «ዩይ ዒንሢ ታኣም ከኤዜ ጋርቾ ዓዳሢ ሞዚዳይ ሃኖ ሄላንዳኣና ሳዛና ዓኣ?» ጌዒ ዔያቶ ያኦጨኔ፤

28 ዔያታ ማሃፃ፡- «ኔ ዓይላሢ፣ ኑ ዓዴ ሃኖ ሄላንዳኣና ሳዛና ዓኣኔ፤ ዒዚ ኮሺ ኮሺኬ» ጋዓ፡ ሊካ ሳፆ ባንሢ ሂርኪ ጌዒ ዒዛ ቦንቺ ዘጌኔ።

29 ዮሴፔ ፔ ዒንዶ ናዓሢ ማዔ፣ ዒዛኮ ጌኤዚ ቢኢኒያሜ ዴንቃ፡- «ኦኡኮ ጌኤዚ ዓኣኔ» ጌዒ ዒንሢ ታኣሞ ከኤዜሢ ሃይ ዒዛዳ?» ጋዓ፡ «ታ ናዓሢ፣ ፆኦሲ ኔና ዓንጆሞ» ጌዔኔ።

30 ዮሴፔ ፔኤኮ ጌኤዚ ዛጋዛ ዋልቃ ዒዛኮ ጌሌሢር ዔያቶኮ ቤርታፓ ቆልፆ ጋር ማዒ ጌሊ ኮሺ ዩኤኬኔ።

31 ዩካፓ ዓቢፆ ማሰቲ፣ ፔና ዶዲሻፆ ሙፆ ሺኢሻንዳጉዲ ዓይሢኔ።

32 ሙፆ ሃዲ ሺኢሻና፡- ዒዛሞ ዲማ፣ ጌርሲንሢሞ ዲማ፣ ዒኢካ ሙዓ ጌብፆ ዓጮ ዓሰማኣ ዲማ ጌኢጊሺንቴኔ፤ ያዲ ዲማሲ ጌኢጊሺንቴሢ ጌብፆ ዓጮ ዓሳ ዔብሬ ዓጮ ዓሶና ዋላ ሙፆ ቦሂሳያ ማሂ ፓይዳሢርኬ።

33 ዮሴፔኮ ጌርሲንሢ ቶይዲፓ ዴንዲ ጋፖ ጌኤዚ ሄላንዳኣና ዋሊ ቤቂ ዴዔኔ፤ ዔያታ ዋይቲ ዴዒ ዓኣቲያ ዔያታ ዴንቃፆ ዲቃቲ ሄርሺ፡ ዋሊ ሴካና ሃንጋና ዛጌኔ።

34 ዮሴፔሞ ዒንጎና ሙፆይዲፓ ዔኪ ዔኪ ዔያቶሞ ዒንጊንቴኔ፤ ቢኢኒያሜሞ ጋዓንቴ ሃንጎቶይዲፓ ዑሣ ዓኣዴ ዒንጊንቴኔ፤ ዩያይዲ ዮሴፔና ዋላ ሚሸካንዳያ ሄላንዳኣና ሙይ ዑሸኪ ዔያታ ዋዛዴኔ።

44

ባይቂ ዑዙ ዑሸኮ ዓንጌሎ

1 ዮሴፔ ዒዛኮ ማዶ ዓሶ ዓይሢ ማዲሻ ሱኡጋሢ ሂዚ ጌዒ ዓይሢኔ፡- «ዔያቶኮ ሱርባ ዓርቃሢ ጉዴያ ኩንሢ፤ ፔቴ ፔቴ ዓሶኮ ሚኢሸቐ ሱርባ ካራ ማሂ ጊንሣ ዓጌ።

2 ታኣኮ ዑዙ ዑሸኮ ቢር ዓንጎና ኮሺንቴ ዓንጌሎ ዔኪጋፓ ዳኮ ጌኤዛሢኮ ሱርባ ካራ ዓጌ።» ዮሴፔ ማኣራ ማዶ ዓሶኮ ሱኡጋሢ ዮሴፔ ጌዔማጉዲ ማዴኔ።

3 ጉቲ ዓሚ ዲማ ዓሳ ዮሴፔኮ ጌርሲንሢ ሃር ጫኣኒሲ ዳኬኔ።

4 ካታማፓ ኬሰኪ ዳካ ሃጊ ዔያታ ዓኣዳኣና ዮሴፔ፣ ማዶ ዓሶኮ ሱኡጋሢሞ፡- «ዩንሢ ዓሶንሢ ጊንፆ ዑኬና ዓኣዲ ዔያቶ ዓርቂ፤ ዔያቶ ዴንዲ ሄላ፡- «ዒንሢሞ ኮሺ ማዲንቴሢ ዛሎ ፑርታ ዒንሢ ማሄሢ ዓይጎርዳይ?»

5 ታ ጎዳኮ ዑዙ ዑሸኮ ዓንጎ ዒንሢ ዓይጎር ዉኡቂይ? ዩና ዓንጌላ ታ ጎዳሢ ዑሺ ዑሸካያና ዓኣሺንቴ ባኣዚ ቢያ ዒዘና ዛጊ ዔራያ

ማዕዘህ ዲንህ ዔሩዋዳዳ? ሃይ ዲንህ ፑርቲሴ ባካ ሚርጌ ዴኤህ ባካዚኬ ዔያቶም ጌዔ» ጌኤኔ።

6 ዴያ ማኣሮይዳ ማዳ ዓሶኮ ሱኡጋህ ዴንዲ ዮሴፔኮ ጌርሲንህ ሃላዎ፣ ጌይንቲህ ጎይዎ ዔያቶም ከኤዜኔ፤

7 ዔያታ ዲዛ ኮይላ፡- «ኮ ጎዳህዮ! ዋይቲ ኔ ሃዚ ጋዓይ? ኩኤኒ ዴያጉዴ ባካዚ ማዲባኣህ ኩ ጫኣቃንዳኔ፤

8 ሃያኮ ቤርታ ኩኩኮ ሱርቦ ጋራ ጴዳ ሚኢሸታዎ ኩ ኩኩኮ ዓጮ ካኣናኔይዳፓ ማሂ ዔኪ ሙኩህ ኔ ዔራኔ፤ ሂዳዎ ሃህ ኔ ጎዳ ማኣራፓ ሚኢሸ ማዔቶ ዋርቄ ኩ ዉኡቃንዳህ ዓይጌንዴርዳይ?

9 ኩጊዳፓ ፔቲ ዴና ባኬሎ ዔኪ ጴዳቶ ሃይቆንጎ፤ ዓቴዘንህ ኩኤኒ ኔኤኮ ካራሚ ማዓንዳኔ» ጌዔኔ።

10 ዲዚ ዲማና፡- «ኮሺኬ፤ ዲንህ ጌዔማ ጎይዎ ማዎንጎ፤ ጋዓንቲ ዴና ዓንጌሎ ዔኬ ዓህ ሌሊ ታኣኮ ካራሚ ማዓንዳኔ፤ ዲንህ፡ ሃንጎዋታ ጋዓንቲ ሜታ ባኣያ ዓኣዳንዳኔ» ጌዔኔ።

11 ዴያር ዑኩና ጫኣኖ ቡሊ ከህዎ ፔቲ ፔቲህ ፔኤኮ ሱርቦ ቡሌኔ።

12 ዮሴፔኮ ማዳህ ቶይዲሰካፓ ዓርቃዎ ዴንዲ ጌኤዚሲ ሃላንዳኣና ቢያህ ሱርቦ ጋር ካኣሺ ካኣሺ ዑዡ ዑሸኮ ዓንጌሎ ኮዓዎ፣ ጋፔይይዳ ዓንጌሎ ቢኢኒያሚ ሱርቦ ጋራፓ ዴንቄኔ።

13 ዮሴፔኮ ጌርሲንህ ዴያ ዛጌ ዎዶና ፔኤኮ ዓፒሎ ዳርዚ ዴኤካዎ ሱርቦ ቢያ ጫኣኒ፣ ጊንህ ካታዎ ማዔኔ።

14 ዪሁዳና ጌርሲንህና ዮሴፔ ባንህ ሙኪቤቃ ዲዚ ሃጊ ማኣራ ዓኣንቲ ዴንቄ ካኣማዎ፣ ዲዛ ቤርታ ሎኦሜኔ።

15 ዮሴፔ ዔያቶ ኮይላ፡- «ሃይ ዲንህ ማዳ ባካ ዓይጌንዴዳይ? ታጉዴ ቦንቹንቲ ዓሲ ዲማ ዔራቶና ዓኣሺንቲ ባኣዚ ቢያ ማሊ ዛጊ ዔሪንዲዋያ ዲንህም ማሊያ?» ጋዓዛ።

16 ዪሁዳ ማሃዎ፡- «ዓካሪ ኩ ጎዳህም ኩ ዓይጎ ከኤዛንዳይ? ኩና ጌኤሻንዳ ባኣዚ ኩ ከኤዛኒ ፔቲታዎ ዳንዳዑዋሴ፤ ዓይጎር ጌዔቶ ያኣሲ ኩ ማዳ ፑርቲም ኔኤም ፔጋሴኔ፤ ዓካሪ ዑዡ ዑሸኮ ዓንጌላ ጴዳህ ሌሊቱዋንቲ ቢያህ ኩኤኒ ኔኤኮ ካራሚ ማዓንዳኔ» ጌዔኔ።

17 ዮሴፔ ዲማና፡- «ዴያ ታ ፔቲታዎ ማዳዓኬ፤ ዑሸኮ ዓንጌላ ጴዳ ዓህ ሌሊ ታኣኮ ካራሚ ማዓንዳያ ኮይሳኔ፤ ዓቴዘንህ ኮሺና ዲንህኮ ዓዳህ ባንህ ዴንዳኒ ዳንዳዓኔ» ጌዔኔ።

ዪሁዳኮ ቢኢኒያሚ ዛሎ ዮሴፔ ሺኢቁዎ

18 ዪሁዳ ዮሴፔ ባንህ ዑኪጋፓ ሃዚ ጌዔኔ፡- «ታ ጎዳህዮ! ሃዳራ ፔቲ ባኣዚ ኔ ዋይዛንዳጉዲ ታ ኔና ሺኢቃኔ፤ ዋዚ ኔ ካኣቲጉዲ ቦንቹንታያ ማዔቴያ ሃዳራ ታና ጎሪፓ።

19 ታ ጎዳሚያ! ሃያኮ ቤርታ <ሲገሚኮ ዓዴ ዓአ? ሜሌ ጌኤዛቲያ ሲገሚኮ ዓአ?> ጌሲ ኔ ኑና ምክጫኔ፤

20 ኑኡኒያ ጋርቼ ኑኡኮ ዓደሰኬያ ዓአኔ፤ ሃሃ ሲዚ ጋርቻቶና ሸዔ ጌኤዛቲያ ኑኡኮ ዓአኔ፤ ዬያ ናዓሚኮ ሲሸሚ ሃይቄኔ፤ ሲዛ ሲንዶ ናአቶኮ ዓቲሚ ሲዛ ሌሊታሚሮ ዓዴ ሲዛ ሚርጌና ናሸካኔ፤ ኔኤም ኑ ጌዔኔ፤

21 ዬካፓ ኔኤኒ፡- ታ ዛጋንዳጉዲ ዔኪ ሙኩዋቴ፤ ኑ ኮራ ጌዔኔ፤

22 ኑኡኒያ፡- <ናዓሚ ዓደ ሃሸ ሙካኒ ዳንዳዑዋሴ፤ ሃሸ ሙኬያ ማዔቲ ዓዴ ሃይቄዋዎ ዓታዓኬ፤ ሂዚ ኔኤም ኑ ጌዔኔ።

23 ኔኤኒ፡- ሲገሚኮ ጌኤዛሚ ሲገሚ ዔኪ ሙኪባአቴ ላሚ ታ ቤርታ ሲገሚ ጳዳዓኬ፤ ጌሲ ኑኡም ኮሸ ላቴኔ።

24 «ዬያሮ ኑኡኒያ ኑ ዓዳሚ ባንሚ ዳንዲ ሄለዎ ኔ ኑኡም ጌዔ ባኮ ቢያ ሲዛም ኬኤዜኔ፤

25 ዬካፓ ሲዚ፡- ሃሃ ጊብፄ ዓጮ ዳንዲ ዳካ ሃአኮ ኑኡም ሸንቁዋቴ፤ ጌዔኔ።

26 ኑኡኒያ ሲማና፡- <ዬካ ኑ ዓአዳኒ ዳንዳዑዋሴ፤ ዓይጎሮ ጌዔቶ ኑ ጌኤዛሚ ኑኡና ዋላ ዓአዳባአቶ ዓሚ ቤርቶ ኑ ሸኢካኒ ዳንዳዑዋሴ፤ ዬካ ኑ ዓአዳኒ ዳንዳዓሚ ኔኤኒ ኑ ጌኤዛሚ ኑኡና ዋላ ዓአዳንዳጉዲ ዳኬቲ ሌሊኬ፤ ጌዔኔ።

27 ኑ ዓዴ ጊንሃ ኑኡም ሂዚ ጌዔኔ፡- ታአኮ ላአሌላ፣ ራአሄላ ላምዎ ዓቲንቁ ናይ ሸዔሚ ሲገሚ ዔራኔ።

28 ዔያቶይዳፓ ፔቲሚ ሃያኮ ቤርታ ታጊዳፓ ዲማዲ ባይቄኔ፤ ሲ ባይቄሚዳፓ ሃኖ ሄለንዳአና ታ ሲዛ ዳንቁባአሚሮ ፑርታ ቦዎ ሙዔያ ናንዳኔ፤

29 ሃሃ ሲገሚ ሃያ ዔኪ ዓአዳዛ ፑርታ ባአዚ ሄሌቶ፣ ታአኮ ጋርቻቶ ዎደይዳ ሲገሚ ታና ኑኡናሲ ዎዲሸንዳኔ።»

30-31 ሃሃ ዪሁዳ ኬኤዛዎ፡- «ዬያሮ ጎዳሚያ! ናዓሚ ኑ ዔኩዋዎ ዓደ ባንሚ ዓአዳቶ ናዓሚ ኑ ኮራ ባአሚ ሲ ዳንቃዎ ቤዘና ሃይቃንዳኔ፤ ዓይጎሮ ጌዔቶ ሲዛኮ ሸምፓሚ ናዎ ሸምፓሚና ዋላ ፔቲ ማዔሚሮኬ፤ ሃሃ ሚርጌ ጋርቻታፓ ዔቄያና ሲዛ ኑ ዲቃሚ ዎዲሸሳንዳኔ።

32 ሃሃ ጊንሃ ናዓሚ ዛሎ ታአም ሃሸ፣ ታ ዔኪ ሲዛ ሙካንዳኔ፤ ታ ሲዛ ዔኪ ሙኪባአቶ ታና ምክጫኔ፣ ጌሲ ታ ሙኬኔ፤ ሃሃ <ናዓሚ ኮሸና ታ ዔኪ ሙኪባአቶ ታ ናንጎ ቢያይዳ ዳቢንታ ታ ዑፃ ማዎም፤ ጌሲ ታ ሲዛም ጫአቄኔ።

33 «ዬያሮ ታአኒ ናዓሚ ዛሎ ኔና፣ ታ ጎዳሚኮ ካራሚ ማዒ ሃይካ ዓታንዳኔ፤ ናዓሚ ጋዓንቴ ጌርሲንሚና ዎላ ዓአደንጎ፣

34 ናባህ ታ ዔኩዋፃ ዋይቲ ዓዶ ባንህ ማዓንዳይ? ዬያጉዴ ዴኤህ ማታ ታ ዓዶ ዑፃ ሄላንቲ ታ ዛጋኒ ኮዑዋሴ» ጌዔኔ።

45

ዮሴፕ ፔ ዶኑዋ ጌርሲንህም ፔጋሴህ

1 ዮሴፕ ፔኤኮ ማዳ ዓሶ ቤርታ ገባኒ ዳንዳዒባአሂሮ፣ ማዳ ዓሶ፡- «ቢያህ ሃካፓ ኬሰኩዋቲ!» ጌይ ዙሎ ኬሴኔ፤ ዮሴፕ ፔ ዶኑዋ ጌርሲንህም ኬኤዛአና ማሌ ዓሲ ዒዛ ኮራ ባአሴ።

2 ዒማና ዒዚ ዑኡዘ ፔኤሲ ዳጊዲ ጌብፄ ዓሳ ዋይዛንዳያ ሄላንዳአና ዒላቲ ዬኤኬኔ፤ ካአቲ ማአርይዳአ ዬይ ሃይሳ ዋይዛንቲኔ።

3 ዮሴፕ ጌርሲንህም፡- «ታኣኒ ዮሴፕኬ፤ ታ ዓዴ ሃኖ ሄላንዳአና ሸምፔና ናንጊዳ?» ጋዓዛ፣ ጌርሲንህ ዒ ጌዔህ ዋይዛፃ ኮሺ ዲቃቲ ማሃ ኬኤዛንዶ ጎይህ ባይዜኔ።

4 ዮሴፕ ዔያቶ፡- «ሂንዳ ታ ባንህ ዬዑዋቲ» ጌዔኔ፤ ዔያታ ዒዛ ባንህ ሙካዛ፣ ሂዚ ጌዔኔ፡- «ዒንህ ጌብፄ ዓጮም ሻንቼ፣ ታ ዒንህኮ ጌርሲ ዮሴፕኬ፤

5 ማና ዬያ ዒንህ ማዳ ባኮሮ ሃህ፣ <ዓይጎሮ ኑ ዬያይዳይ?> ጌዒ ማሊ ማታዲፖቲ፤ ዋይቲ ጌዔቲ ያኡሲ ታና ቤርታሲ ሃካ ዳኬህ ዓሶኮ ሸምፓህ ታ ዓውሳንዳጉዲኬ።

6 ሳዓ ለማዳንቲ ላምዓሲ ሌዔ ማዔኔ፤ ዓሳ ጎሽኪ ሃአኮ ቡኩሳኒ ዳንዳዑዋ ደንጎ ሌዔ ሃጊ ሙካንዳኔ።

7 ያኡሲ ቤርታሲ ታና ሃይካ ዳኬህ ዒንህኮ ሸምፓህ ሃያጉዴ ዲቃህ ጎይህና ዓውሲ፣ ሳይይዳ ዒንህኮ ዜርህ ዓታንዳጉዲ ማሌሂሮኬ።

8 «ዬያሮ ሃይካ ታና ዳኬህ ያኡሲኬ፣ ዒንህቲዋሴ፤ ያኡሲ ታና ካአቲኮ ዘራ ዓዶ፤ ጌንህ ዒዛኮ ዓአ ቆሎ ዑይይዳ ጎዳ ማሂ፣ ሃህ ጌብፄ ዓጮ ቢያ ዋይህ ዓሲ ታና ማሄኔ።

9 ሃህ ዑኬና ታ ዓዶ ኮራ ማዒ ዓአዲጋፓ ኔኤኮ ናአዚ፣ ዮሴፕ ኔኤም፡- «ያኡሲ ጌብፄ ዓጮ ቢያ ዋይህ ዓሲ ታና ማሄኔ፤ ዬያሮ ኔጉዋፃ ታ ኮራ ዑኬ ሙኬ፤

10 ኔኤኮ ናአቶ፣ ናአቶኮ ናአቶ፣ ማራቶ፣ ዋአሮ፣ ባአቶንታ ማሌ ኔኤኮ ዓአ ባኮ ቢያ ዔኪ ሙኬ፤ ታአኮ ዑኬ ጌኤሴኤማ ዓጮይዳ ኔ ናንጋንዳኔ።

45:1 ዳኪ. ማዳ 7:13።

11 ሃጊ ሴካ ቤርታ ደንጎ ሉማ ሌዔ ዓቴሢሮ ኔኤና ኔ ማአሮ ዓሰና፡ ሃሣ ቆልሞና ዒንሢ ርይዲንቱዋጉዲ ጌኤሴኤሜ ዓጮይዳ ጌሢ ታ ኔና ሙኡዛንዳኔ» ሂዚ ጋዓኔ፡ ጎዑውዋቴ።

12 ሃሣ ጊንሣ ዮሴፔ ከኤዛዎ፡- «ታኣኒ ዮሴፔ ማዔሢ ዒንሢ፡ ሃሣ ኔኤኒ ታ ጌኤዚ ቢኢኒያሜያ ዛጊ ጎናሳኒ ዳንዳዔኔ፤

13 ጊብፄ ዓጮይዳ ታኣኮ ዓኣ ፑኡፖ ቦንቾና ዒንሢ ዛጊ ባኮ ቢያ ታ ዓደሞ ከኤዙዋቴ፤ ሃሣ ዑኩና ዒዛ ሃይካ ዔኪ ዬዑዋቴ» ጌዔኔ።

14 ዬካፓ ዮሴፔ ፔ ጌኤዚ፡ ቢኢኒያሜኮ ባቃኖ ማሪ ዓርቂ ዬኤካዛ ቢኢኒያሜያ ዒሾ ኮንቂ ዬኤከኔ፤

15 ዮሴፔ ጊንሣ ዓቴ ጌርሲንሢ ቢያ ሄርቂ ሄርቂ ዬኤከኔ፤ ዬካፓ ዒዛኮ ጌርሲንሢ ዒዛና ዋላ ጌሰቲሢ ሳርቂኔ።

16 ዮሴፔ ጌርሲንሢኮ ሙኪፃ ካኣቱሞ ማአሮይዳ ዋይዚንታዛ፡ ካኣቲንታ ዒዛና ዋላ ማዒ ዋይሣ ዓሳ ዋዛዳኔ፤

17 ካኣቲ ዮሴፔሞ፡- «ኔኤኮ ጌርሲንሢ ሃሮ ጫኣኒ ካኣና ኔ ማዒ ዓኣዳንዳጉዲ ከኤዙ፤

18 ዔያቶኮ ዓደንታ ማአሮ ዓሰንታ ዔያታ ዔኪ ሙኮንጎ፤ ታኣኒ ዔያቶሞ ጊብፄ ዓጮይዳ ኮሺ ማዔ ቤሲ ደኦሪ ዒንጋንዳኔ፤ ጊዳ ሙኡዚያ ዔያታ ዳንቂ፡ ዋዛና ሃይካ ናንጋኒ ዳንዳዓኔ።

19 ዬያጉዲ ሃሣ ዔያታ ፔኤኮ ላኣሎንታ ናኣቶንታ ዓደንታ ቶጊሲ ዔኪ ሙካንዳ ፓሮንታ ሳርጌላ ያይታንታ ሃይፓ፡ ጊብፄ ዓጮፓ ዔኪ ዓኣዳንዳጉዲ ዓይሢ።

20 ጊብፄ ዓጮይዳ ዓኣ ኮዢ ባካ ቢያ ዔያቶሞ ማዔሢሮ ማኣራ ዓቴ ቆሎ ሃሺ ሙኪፃና ያዩ ዔያታ ማሎፓ» ጌዔኔ።

21 ያይቆኦና ናኣታ ዔያቶሞ ከኤዚንቱማ ጎይፆ ማዳኔ፤ ዮሴፔያ ካኣቲ ዓይሢሢ ጎይፆ ፓራሢና ሳርጌሎ ያይቶና፡ ሃሣ ጎይፆኮዋ ዔያቶሞ ጋላ ዒንጌኔ፤

22 ዮሴፔ ፔቲ ፔቲሢሞ ላሞፆ ላሞፆ ላኣሚ ማኣፆንደ ማኣፆ ዒንጋዎ፡ ቢኢኒያሜሞ ጋዓንቲ ደንጎ ላኣሚ ማኣፆንደ ማኣፆንታ ሃይሣ ጌኤታ ሹቺ ቢራኣ ዒንጌኔ።

23 ፔ ዓደሞ ጊብፄ ዓጮይዳ ዓኣ ኮዢ ባኮ ታጾ ሃራና ጫኣኒሲ ዳከኔ፤ ሃሣ ጎይፆ ሙካፆ ሙዓንዳ ጋላኣ ሜሌ ታጾ ዒንዴ ሃራና ሃኣኮንታ ላኣዳንታ ሜሌ ሙኡዚያ ጫኣኒ ዳከኔ።

24 ዬያይዲ ዒዚ ጌርሲንሢ ዳኮሮ ጋዓ፡- «ጎይፆይዳ ዋላ ዑራዲፖቴ» ጌዒ ዔያቶ ዞሬኔ።

25 ዮሴፔኮ ጌርሲንሢ ጊብፄይዳፓ ዔቂ ካኣና ኔ ዓጮይዳ ናንጋ ዔያቶኮ ዓደ፡ ያይቆኦና ኮራ ዳንዳኔ።

45:11 ዳኪ. ማዶ 7:14።

26 ዲኢካ ዴንዲ ሄላፖ ዓደም፡- «ዮሴፔ ሽምፖና ዓኣኔ፤ ሽምፔና ዓኣያ ማዒያ ሌሊቱዋንቴ ጊብፄ ዓጮ ቢያይዳ ወይህ ሱኡጌ ዒ ማዔኔ» ሂዚ ጌዒ ከኤዜኔ። ዓዴ፡ ያይቆኦጌ ጋዓንቴ ኮሺ ዲቃቲሂሮ ዔያታ ጋዓ ባኮ ጎኔኬ ጋዓኒ ዳንደዒባኣሴ።

27 ጋዓንቴ ዮሴፔ ዒዛም ጌዔ ባኮ ቢያ ዔያታ ከኤዛዛ፡ ሃሃ ዒዛ ጊብፄ ዓጮ ዔኪ ሙካንዳጉዲ ዮሴፔ ዳኬ ፓራሂንታ ሳርጌሎ ያይቶንታ ዛጋፖ ዒና ዒዛኮ ማዔም ዋዛዴኔ፤

28 ዬካፓ ያይቆኦጌ፡- «ታ ናዓሂ፡ ዮሴፔ ሽምፖና ዓኣያ ማዔሂ ታ ዔሬሂሮ ታኣኒ ሃይቃንዳሂኮ ቤርታ ዴንዲ ዒዛ ዛጋንዳኔ» ጌዔኔ።

46

ያይቆኦጌኮ ፔ ማኣሮ ዓሶና ዋላ ጊብፄ ዓጮ ዓኣዲያ

1 ያይቆኦጌ ፔኤኮ ዓኣ ባኮ ቢያ ዔኪ ጊብፄ ዓጮ ዓኣዲቤቃ ቤርሳቤ ሄሊ ፔ ዓዴ፡ ዪሳኣቄ ያኦሲም ዒንጎ ባኣዚ ዒንገ ካኣሽኬኔ።

2 ዬኖ ቤዜሎይዳ ደሚና ዒሰራዔኤሌም ያኦሲ ፔጋዲ ጴዳዮ፡ «ያይቆኦጌ! ያይቆኦጌ!» ጌዒ ዔኤላዛ፡ ዒዚ፡- «ዮ! ታ ጎዳሂዮ» ጌዔኔ።

3 ያኦሲ ዒዛም ከኤዛዮ፡- «ታኣኒ ያኦሲኬ፤ ኔ ዓደ ያኦዛሂኬ፤ ጊብፄ ዓጮ ዓኣዲያ ዒጊጨፖ፤ ጊብፄ ዓጮይዳ ታ ኔኤኮ ዜርዮ ዴኤፔ ዴሬ ማሃንዳኔ፤

4 ሃሃ ጊብፄ ዓጮ ታኣኒ ኔኤና ዋላ ዓኣዳንዳኔ፤ ዜርዮዋ ታ ኔኤኮ ሃያ ዓጮ ገንሃ ማሂ ዔኪ ሙካንዳኔ፤ ኔኤኒ ሃይቃ ዋደና ኔ ናኣዚ ዮሴፔ ኔና ሱኡዳንዳኔ» ጌዔኔ።

5 ያይቆኦጌ ቤርሳቤፓ ጊብፄ ዓጮ ዓኣዳኒ ዔቄኔ፤ ያይቆኦጌኮ ናኣታ ዔያቶኮ ዓደ ያይቆኦጌንታ ዔያቶኮ ዳኮ ናኣቶንታ ላኣሎንታ ጊብፄ ካኣቲ ዳኬ ፓራሂና ሳርጌሎ ያይቶናይዳ ቶገሲ፡

6 ሃሃ ቆልሞንታ ካኣናኔ ዓጮይዳ ዓኣፖ ዔያታ ዴንቄ ቆሎዋ ቢያ ዔኪ ጊብፄ ዓጮ ዓኣዴኔ፤ ዬያይዲ ያይቆኦጌ ማኣሮ ዓሶ ቢያ ዔኪ ዴንዴኔ፤

7 ዒዛና ዋላ ዓኣዴዘንሂ ዒዛኮ ዓቲንቆ ናኣቶና ዉዲሮ ናኣቶና ናኣቶኮ ናኣቶናኬ።

8 ጊብፄ ዓጮ ጌሌ ዒሰራዔኤሌ ናኣቶ ዜርዮኮ ሱንፃ ሃይፓ ዴማ ፓይዲንታዘንሂኬ፤ ያይቆኦጌኮ ናኣዚ፡ ቶይዲ ሮኦኤኤሌ፡

9 ሮኦኤኤሌኮ ናኣታ፡- ሃኖኬ፡ ፓሉ፡ ሃዲሮኔና ካርሚ ጌይንታያኬ።

10 ሲሞኦኔ ናኣታ፡- ዪሙዔኤሌ፡ ያሚኔ፡ ዮሃዴ፡ ያከኔ፡ ዮሃሬና ካኣናኔ ዓጮ ላኣሎይዳፓ ሸይንቴ ሻዑሌ ጎፖሂንታኬ።

46:6 ዳኪ. ማዶ 7:15።

11 ሌዋና አታ፡- ጌርሾኔ፥ ቁሃቲንታ ማራሪንታኩ።

12 ዪሁዳና አታ፡- ዔኤሬ፥ ያናኣኔ፥ ሾኤላ፥ ፓርሴና ዛራሄናኩ፤ ዔኤሬና ያናኣኔና ጋዓንቲ ካኣናኔ ዓጮይዳ ዓኣዖ ሃይቄኔ። ፓርሴና አታ፡- ሄደሮናና ሃሙሊናኩ።

13 ዪሳኮኦሬና አታ፡- ቶላዒ፥ ፑዋ፥ ያሹቤና ሺምሮናናኩ።

14 ዛብሎኦኔና አታ፡- ሴሬዳ፥ ዔሎኔና ያሂሌዔኤሌናኩ።

15 ዬንሢ ዓቲንቆና አታ፡- ወዲሮና ያዲና ጎዖዞንታ ያይቆኦቤኮ ማቻ ሊያ ማሪገታሚያይዳ ዓኣዖ ዒዛም ሾዔያኩ፤ ያይቆኦቤ ሊያይዳፓ ሾዔና አታና ዒዛኮና አታኮና አታናኮ ፓይዳ ዋሊ ዑፃ ሃይሢታሚ ሃይሃኩ።

16 ጋኣዳና አታ፡- ጃፖኔ፥ ሃጌ፥ ሹኔ፥ ዒዲቦኔ፥ ዔሪ፥ ዓሮዳና ዓርዔኤሌናኩ።

17 ዓሴኤሬና አታ፡- ዪሚና፥ ዪሺዋ፥ ዪሺዋንታ ቤራዓንታኩ። ዔያቶኮ ጌሬላ ሴራሆ ጌይንታኔ። ቤራዓና አታ ሃሣ ሄቤርና ማልኪዔኤሌናኩ።

18 ዬንሢ ታጾ ላምዖንሢ ላኣባ ፔኤኮና ዋ ሊያም ዒዛ ማኣዳንዳጉዲ ዒንጌ፥ ዚሊፓ ያይቆኦቤም ሾዔና አታና አታኮና አታናኩ።

19 ያይቆኦቤ ራሄሎይዳፓ ሾዔና አታንሢ ዮሴፔና ቢኢኒያሜናኩ።

20 ዮሴፔና አታ ሚናኣሴና ዔፕሬኤሜናኩ፤ ዬያታ ዮሴፔ ጊብፄ ዓጮይዳ ያኦኔ ካታዋ ቄኤሶኮ ሱኡጋሢ፥ ጰዲፓራና ዋ ዓሲናቶዳፓ ሾዔዞንሢኩ።

21 ቢኢኒያሜና አታ፡- ቤላዔ፥ ቤኬሬ፥ ዓሽቤሌ፥ ጌራ፥ ናዒማኔ፥ ዔሃ፥ ሮሺ፥ ሙፒሚ፥ ሁፒሚና ዓሬዳናኩ።

22 ዬንሢ ታጾ ያይዳንሢ ያይቆኦቤ ፔኤኮ ማቻ፥ ራሄሎይዳፓ ሾዔና አታና አታኮና አታናኩ።

23 ዳኣኔና አታ፡- ሁሺሜኩ።

24 ኒፕታኣሌኤሜና አታ፡- ያሂደዔኤሌ፥ ጉኒ፥ ዬፄሬና ሺሌሜናኩ።

25 ዬንሢ ላንካዎንሢ ራሄሎኮ ዓዳ፥ ላኣባ ዒዛም ማዳንዳጉዲ ዓንጌ ባኣላይዳፓ ሾይንቲ ያይቆኦቤና አታና አታኮና አታናኩ።

26 ያይቆኦቤና ዋላ ጊብፄ ዓጮ ዓኣጳ ዒዛኮ ዜርፃና ኣኢንሢ ላኣሎ ሃሾዛ ፓይዳ ላሂታሚ ላሆኩ።

27 ዮሴፔ ጊብፄ ዓጮ ዓኣዖ ሾዔ ላምዖ ዓቲንቆና አታንሢ ጊዳ ቃሲ ፓይዳዛ ያይቆኦቤኮ ጊብፄ ጌሌ ዜርፃ ዋሊ ዑፃ ላንካይታሚኩ።

ያይቆኑና ዲዛኮ ማእሮ ዓሶና ገብፃ ዓጮይዳ

28 ጌኤሴኤሜይዳ ካአሚ ዲዛ ጎይህ ዓካንዳጉዲ ያይቆኑ ቤርታሲ ዮሴፔ ኮራ ዪሁዳ ዳኬኔ፤ ሙኪ ዔያታ ጌኤሴኤሜ ሄላዛ።

29 ዮሴፔ ዓዶና ካአማኒ ሳርጌሎ ያይቶ ቶጊ ዲኢካ ሙኬኔ፤ ዮሴፔ ዲኢካ ዓዶና ካአማፃ ዓዶኮ ባቃኖ ማሪ ዓርቁ ሚርጌ ዬኤኬኔ።

30 ዲሰራዔኤሌ ዮሴፔም፡- «ኔኤኒ ሹምፖና ዓኢያ ማዔህ ታኣኒ ታ ዓኣፒና ዛጊ ጎናሴህረ ማይ ታ ሃይቆቶ ሜታ ባኣሴ» ጌዔኔ።

31 ዬካፓ ዮሴፔ ፔኤኮ ጌርሲንህንታ ሃንጎ ዓዶ ማእሮ ዓሶንታ ሂዚ ጌዔኔ፡- «ታኣኒ ካኣቲ ኮራ ዓኣዲጋፓ ከኣናኔ ዓጮይዳ ናንጋ ታኣኮ ጌርሲንህረ ታ ዓዶ ማእሮ ዓሶና ታ ኮራ ሙኬኔ፤

32 ዔያታ ቆልሞ ቆሊ ዔራ ቆልሞ ሄንቃ ዓሲኬ፤ ፔኤኮ ዔያታ ማራታ፡ ዋኣራ፡ ባኣቶንታ ዓኣ ባኮዋ ቢያ ዔኪ ሙኬኔ» ጌዔ ታ ከኤዛንዳኔ።

33 ዲንህ ካኣቲ ዔኤሊሲ ሲንህ ማዲ ናንጋ ማዲ ዲንህኮ ዓይጎዳይ?» ጌዔ ያኦጩቶ፡-

34 «ኦኤኒ ኦኤኮ ቤርታኣ ዓዶንህ ጎይያ ናኣቶይዳፓ ዓርቃያ ኦ ማዲ ናንጋህ ቆልሞ ቆሊህኬ» ጌዔ ከኤዙዋቲ፤ ቆልሞ ቆላ ዓሲ ገብፃ ዓጮ ዓሶ ማሊያና ላኣፓ ዓሲታህረ ያዲ ጌዔ ከኤዚያና «ጌኤሴኤሜይዳ ናንጉዋቲ» ጋዓ ዓይሥህ ዲንህ ዴንቃንዳኔ።»

47

1 ዲማና ዮሴፔ ካኣቲ ኮራ ዓኣዳያ፡- «ታ ዓዶና ታኣኮ ጌርሲንህረ ፔኤኮ ማራቶንታ ዋኣሮንታ ባኣቶንታ፡ ሃህ ዔያቶኮ ዓኣ ባኮ ቢያ ዔኪ ካኣናኔ ዓጮይዳፓ ሃይካ ሙኬኔ፤ ሃህ ዔያታ ዓኣህ ጌኤሴኤሜይዳኬ» ጌዔኔ።

2 ሃህ ዲዚ ዲዛኮ ጌርሲንህረፓ ዶንጎ ዶኦሪ ዔኪ ካኣቲ ቤርቶ ሹኢኤኔ።

3 ካኣቲ ዮሴፔኮ ጌርሲንህ ኮራ፡- «ዲንህ ማዲ ናንጋ ማዲ ዲንህኮ ዓይጎዳይ?» ጌዔ ያኦጩኔ። ዔያታ ማሃያ፡- «ኦኤኒ ኦኤኮ ዓይላ፡ ቆልሞ ቆሊ ናንጋያኬ፤ ሃያኮ ቤርታ ኦኤኮ ዓዶንህያ ማዲ ናንጋህ ዬያኬ።

4 ካኣናኔ ዓጮይዳ ሎማ ኮሺ ዶይያታህረ ቆልሞኮ ኦኤኮ ማኣቲ ባይቁም ዳካ ዎዴ ሃኖ ዓጩሎይዳ ኦኤኒ ናንጋኒ ሙኬኔ፤ ዬያሮ ኦና ኦኤኮ ዓይሎ ጌኤሴኤሜይዳ ናንጊሹቲራ» ጌዔኔ።

5 ካኣቲ ዲማና ዮሴፔም ሂዚ ጌዔኔ፡- «ኦ ዓዶንታ ኔ ጌርሲንህንታ ሙኬያ ማዔቲ፡

6 ማይ ዓይጌ ዓኣያ ገብፃ ዓጮ ቢያ ኔኤሮኬ፤ ዬያሮ ኔ ዓዶንታ ኔ ጌርሲንህንታ ኮሺ ማዔ ጌኤሴኤሜ ዓጩሎይዳ ናንጋንዳጉዲ

ዳይህቴራ። ዔያቶ ባአኮይዳ ዲማ ዔራቶና ዓአ ዓሲ ዓአያቶቶ፣ ታ ቆልሞኮ ዋአና ማዒ ዛጋንዳጉዲ ዔያቶም ዒንገ።።»

7 ዩካፓ ዮሴፔ ፔኤኮ ዓዶ፣ ያይቆኦቤ ካአቲ ቤርቶ ሺኢሹኔ፤ ያይቆኦቤ ዓማና ካአቲ ዓንጃኔ፤

8 ካአቲ ያይቆኦቤ ኮራ፡- «ኔኤኮ ሌዓ ዋአዳዳይ?» ጌዒ ያኦጩኔ።

9 ያይቆኦቤ ማሃዖ፡- «ሴካ ሃንጋ ገዒ ታኣኒ ሾኦቹሞና ናንጌ ሌዓ ዩኤታና ሃይሂታሚናኩ። ዩይ ሌዓ፣ ቤርታ ታኣኮ ዓዶንሂሂ ሴካ ሃንጋ ገዒ ሾኦቹሞና ሃንቴ ሌዖይዳፓ ኮሺ ዳካታዖ ሜታ ሚርጌ ሌዔኬ» ጌዔኔ።

10 ዩካፓ ሃሃ ያይቆኦቤ ካአቲ ዓንጃዖ ሳራሂ ኬሰኬ።

11 ዩያይዲ ዮሴፔ ፔኤኮ ዓዶና ጌርሲንሂና ጌብፆ ዓጮይዳ ዳይህቴ፤ ካአቲ ዓይህ ጎይዖ ጌብፆ ዓጮይዳ ኮሺ ማዔ፣ ራሞሴ ጌይንታ ካታሞ ኮይላ ዓአ ቤዜሎ ፔ ዓዶንሂሂም ዒንገ።።

12 ዮሴፔ ዩና ሞዶና ዓዶና ጌርሲንሂናም ዔያቶኮ ናኣቶ ሚርጌሞ ጎይዖጉይያ ዛጊ ጊዳንዳ ሃኣኮ ዒንገ።።

ከሊንኮ ሉማሂ

13 ሉማሂ ኮሺ ዶዲ ዶዲ ዓአዳሂሮ ዓንካፓ ማዔቶዋ ሃኣኮ ዳንቃኒ ዳንዳዒንቲ ባአሴ፤ ዩያሮ ጌብፆ ዓጮና ካኣናኔ ዓጮናይዳ ዓአ ዳራ ሉማሂና ኮሺ ላቤኔ፤

14 ጌብፆ ዓጮና ካኣናኔ ዓጮና ዳራ ዮሴፔ ኮራፓ ሙኪ ሃኣኮ ሻንቁ ሚኢሾ ዒ ቡኩሲ ካአቲኮ ሚኢሾ ጌሃ ኬኤፃ ጌሃኔ።

15 ዩያይዲ ጌብፆ ዓጮ ዓሶና ካኣናኔ ዓጮ ዓሶና ሃኣኮ ሻንቁ ሻንቁ ፔኤኮ ሚኢሾ ጋፒሴሂሮ፣ ጌብፆ ዓጮ ዓሳ ቡኪንቲ ዮሴፔ ኮራ ሙካዖ፡- «ኦኤኒ ሙዓንዳ ሙኤዚ ኦኤም ዒንገ፤ ሚኢሾ ኦኤኮ ኦኤኒ ጋፒሴያታሂሮ ሉማሂና ኦ ኩዳኔ» ጌዔኔ።

16 ዮሴፔ ዔያቶም፡- «ሚኢሻ ዒንሂኮ ጋፒያታቲ ዒንሂኮ ቆልሞ ዒንሂሂ ዔኪ ሙካዛ፣ ቆልሞ ዛሎ ሃኣኮ ታ ዒንሂሂም ዒንጋንዳኔ» ጌዔኔ።

17 ዩያሮ ዔያታ ፔኤኮ ቆልሞ ዮሴፔ ኮራ ዔኪ ሙኬኔ፤ ዒዚ ዔያቶም ፓራሂና ሃሮና ዛሎ፣ ማራቶና ዋኣሮና ባኣቶና ዛሎ ሃኣኮ ዒንገ።፤ ዩና ሌዖ ቢያ ዔያቶኮ ቆልሞ ዔኪ ዔኪ ሃኣኮ ዒዚ ዔያቶም ዒንገ።።

18 ሄሊሴ ሌዖ ዒዛ ኮራ ዔያታ ሙካዖ፡- «ኦ ጎዳሂዮ! ኔኤም ኦኤኒ ዓኣቻ ባኣዚ ባኣሴ፤ ሚኢሻ ኦኤኮ ቢያ ጋፔኔ፤ ቆልሞዋ ኦኤኮ ኔኤም ኦ ዒንገ።፤ ዓካሪ ኦ ጎዳሂም ኦኤኒ ዒንጋንዳ ባኣዚ ኦ ዑዖና ኦ ሳዖናይዳፓ ዓታዛ ፔቲታዖ ዓኣ ባኣዚ ባኣሴ።

19 ፔቴ ባአዚ ኑኡም ኔ ማዲዎፖ ኑኡኒ ሃይቃንዲያ ሄላንዳኣና ዚቲ ጌይ ኑና ዛጊፖ፤ ጎዣኣ ኑኡኮ ሃሾና ካይዚ ማዓንዳጉዲ ማሂፖ፤ ኑናንታ ኑ ሳፖንታ ሻንቁ ዔኪ ኑኡም ሃኣኮ ዒንጌ፤ ኑኡኒያ ካኣቲኮ ካራሚ ማዓንዳኔ፤ ሳዓ ኑኡሲ ዒዛሮ ማፖም፤ ሙኡዚ ኑ ሙዒ ሸምፖና ናንጋንዳጉዲ ሃኣኮ ኑኡም ዒንጌ፤ ሃሃ ሳፖ ኑ ዜርቁ ጎሽካንዳጉዲ ዜርሂያ ኑኡም ዒንጌ» ጌዔ።

20 ዮሴፔ ጊብፄ ዓፄ ዓሳ ሲያ ካኣቲም ሻንቁ፤ ሉማሂ ኮሺ ደዳሂሮ ጊብፄ ዓፄ ዓሳ ሲያ ናሽኪባኣፖ ፔ ሳፖ ሻንቻኒ ደንዳዔ፤ ያዲ ማዒፖና ሳዓ ሲያ ካኣቶሮ ማዔ።

21 ዮሴፔ ጊብፄ ዓፄ ዓሳ ሲያ ካራፓ ዳንዲ ካሮ ሄላንዳኣና ካኣቲኮ ካራሚ ማሂ።

22 ዮሴፔ ዒማና ቄኤሶ ሳፖ ሌሊ ሻንቁባኣሴ፤ ዓይጎሮ ጌዔቶ ቄኤሳ ዬኖ ዎዶና ካኣቲ ኮራፓ ዔካ ባአዚ ዓኣያ ማዔሂሮ ፔኤኮ ሳፖ ሻንቹባኣሴ።

23 ዮሴፔ ዳሮም ሂዚ ጌዔ፡- «ማይ ዓካሪ ዒንሂና ዒንሂኮ ሳፖና ካኣቲም ታ ሻንቁሂሮ ዜርሂ ዔኪጋፓ ዒንሂኮ ሳፖይዳ ዜርቁዎቴ።

24 ጋዓንቲ ሃኣካ ቡኩሲንታ ዎዶና ካፄ ሃኣኮኮ ደንጎ ፖኦራፓ ፔቴማ ዔኪ ካኣቲም ዒንሂ ዒንጋኒ ኮይሳኔ፤ ዓቲ ፖይዶ ፖኦራ ጋዓንቲ ዒንሂ ሳፖኮ ዜርሂ፤ ሃሃ ዒንሂንታ ዒንሂ ናኣቶንታ ማኣሮ ሳሶ ሲያሂናኮ ሙኡዚ ማፖንጎ።»

25 ዳራ ዒማና፡- «ኑ ጎዳሂዮ! ኮሺ ባአዚ ኑኡም ኔ ማዲ፡ ሸምፖ ኑኡኮ ኔ ዓውሴሂሮ ሲያሂ ኑኡኒ ካኣቲኮ ካራሚ ማዓንዳኔ» ጌዔ።

26 ዬያይዲ ዮሴፔ ካፄ ሃኣኮ ሲያይዳፓ ደንጎ ፖኦራኮ ፔቴማ ካኣቲም ዒንጊንታንዳጉዲ ጊብፄ ዓፄ ሳፖ ዛሎ ዎጌ ኬሴ፤ ዬይ ዎጋ ሃኖ ሄላንዳኣና ማዳ፤ ካኣቲሮ ማዒባኣ ሳዓ ቄኤሶ ሳፖ ሌሊኸ።

ያይቆኦጌ ጋፒንጎ ደዲሺ ኬኤዜ ባኮ

27 ዒሰራዔኤሌ ዓሳ ጊብፄ ዓፄ ጌኤሴኤማይዳ ናንጌ፤ ዒኢካ ዔይታ ሚርጌ ቆሎ ዳንቁ ሚርጌ ናይያ ሾዔ።

28 ያይቆኦጌ ታጾ ላንካይ ሌዔ ጊብፄ ዓፄ ዳንጌ፤ ሌዓ ዒዛኮ ዒማና ጌኤታና ፖይዲታሚ ላንካይ ሌዔ ማዔ።

29 ዒሰራዔኤሌ ሃይቃንዳ ዎዳ ዑካዛ፡ ፔኤኮ ናኣዚ ዮሴፔ ዔኤሊሳ፡- «ታኣኒ ኔኤም ቦንቹንቲ ዓሲ ማዒ ጴዳቶ፡ ታኣኒ ሃይቃዛ ሃካ ጊብፄ ዓፄ ዳንታና ታና ኔ ዳኡኪንዳዎኣያ ማዒፖ ኩፎኤ ኔኤኮ ታ ጉባዞ ባኣካ ጌሂ ጫኣቁ።

30 ታ ዓደንሂ ዳኡቴ ቤዛ ታ ዳኡታኒ ኮዓናታሂሮ ታኣኒ ሃይቃዛ ጊብፄ ዓፄፓ ታና ዔኪ ዓኣዲ ዔይታ ዳኡቴ ቤዛ ዳኡኬ» ጌዔ።

የሴፔ ዲማና:- «ዔኤዔ፥ ኔ ጌዔ ጎይዖ ታ ማዳንዳኔ» ጌዔኔ።

31 ዲሰራዔኤሌ:- «ዩያ ኔ ማዳንዳሢ ታኣም ጫኣቂ» ጌዔኔ።
የሴፔ ጎኔ ማዳንዳያ ማዒያ ጫኣቂ ዔርዘኔ፤ ዩካፓ ዲሰራዔኤሌ ላሂ ቤዛ ዓኣዖ ያኦሲም ዚጊ ጋላቴኔ።

48

ያይቆኦቤ ዔፕሬኤሜና ሚናኣሴና ዓንጃ ዓንጃ

1 ዳካ ዎዴ ዴዔሰካፓ የሴፔም «ዓዴ ኔኤኮ ሃርጊንቴኔ» ጋዓ ኪኢታ ሙኩኔ፤ ዩያር የሴፔ ፔኤኮ ናኣቶ ሚናኣሴና ዔፕሬኤሜና ዔኪ ዓዶ፥ ያይቆኦቤ ያኦጫኒ ዓኣዳኔ።

2 ዒዛኮ ናኣዚ፥ የሴፔ ዒዛ ያኦጫኒ ሙኩሢ ዲሰራዔኤሌ ዎይዘዖ ሻኣላፓ ሻኣሻቲ ዔቂ ዴዔኔ።

3 ያይቆኦቤ የሴፔም «ቢያ ባኮ ዳንዳዓ ያኦሲ ካኣና ኔ ዓጫ ሎኦካ ጎዖ ቤዛ ታኣም ፔጋዲ ጶዲ ታና ዓንጃኔ፤

4 «ዘርዖ ታ ኔኤኮ ሚርጊሻንዳኔ፤ ዘርዖ ኔኤኮ ሚርጌ ዴሬ ማዓንዳኔ፤ ሃኖ ሳዔሎ ኔ ጊንፃፓ ሙካንዳ፥ ኔኤኮ ዘርዖም ናንጊና ዔያቶር ማሂ ታ ዒንጋንዳኔ» ታኣም ጌዔኔ።»

5-7 ያይቆኦቤ ቃሳዖ የሴፔም:- «ታ ናዓሃ፥ የሴፔ! ታኣኒ ሃይካ ጊብፃ ዓጫ ሙኩዎንቴ ኔኤኮ ሾይንቴ ላምዖ ናኣቶንሢ ታኣርኩ፤ ሮኦቤኤሌና ሲሞኦኔናጉዲ ኔኤኮ ዔፕሬኤሜና ሚናኣሴና ማይ ታ ናይኩ፤ ሃያ ታ ማዳሢ ኔ ዒንዶ ዘሎርኩ። ሃካፓ ሴካ ሚሌ ናይ ኔኤም ሾይንቴቶ ኔኤርኩ፤ ማዔቶዎ ዔያታ ዓጪ ዴንቃንዳሢ ዔፕሬኤሜና ሚናኣሴ ሱንዖና ዔኤሊንቴኩ። ሜሶፖታሚያይዳፓ ታኣኒ ማዓዖ ካኣና ኔ ዓጫ ዓኣ ዔፕራታ ሃጊ ታ ዑካኣና ኔ ዒንዳ ራኣሂላ ሃይቃዛ፥ ዒዛ ታኣኒ ዔፕራታ ዴንዳ ጎይዖ ዓጫ ዴኡኩኔ» ጌዒ ኩኤዘኔ። ዩና ዔፕራታ ጌይንታዛ ሃኖ ቤኤቴሌሂሜ ጎዖ ቤዘሎኩ።

8 ዲሰራዔኤሌ የሴፔኮ ናኣቶ ዴንቃዖ:- «ሃንሢ ናኣቶንሢ ዖናንሢዳይ?» ጌዒ ያኦጫኔ።

9 የሴፔ:- «ሃንሢ ሃኖ ዓጫ ታኣኒ ዓኣንቴ ያኦሲ ታኣም ዒንጌ ናኣቶንሢኩ» ጌዒ ዓደም ኩኤዘኔ። ዩካፓ ዲሰራዔኤሌ:- «ሂንዳ ታ ዔያቶ ዓንጃም ታ ባንሢ ዔኪ ዩዔ» ጌዔኔ።

10 ዲሰራዔኤሌ ጋርቺ ሚርጌ ላቤያ ማዔሢር ዓኣፓ ዒዛኮ ኮሺ ዴንቁዎሲ፤ ዩያር የሴፔ ፔኤኮ ናኣቶ ዒዛ ባንሢ ዶጪሴኔ፤ ዲሰራዔኤሌ ዔያቶ ኮንቃዖ ሄርቄኔ።

47:30 ማዢ. ማፃ 49:29-32፤ 50:6። 48:4 ማዢ. ማፃ 28:13-14። 48:5-7 ማዢ. ማፃ 35:16-19።

11 ዩካፓ ዮሴፔ ኮራ፡- «ኔና ታ ላሚ ዛጋንዳኔ ጌቧ ማለባኣሴ፤ ጾኦሲ ጋባንቲ ኔና ሌሊቱዋንቲ ናኣቶዋ ኔኤኮ ታና ዳዌኔ» ጌዔኔ።

12 ዮሴፔ ናኣቶ ፔኤኮ ዒሰራዔኤሌ ጉኡዮ ኮራፓ ሺኢሺ፣ ሳቦ ባንሢ ሂርኪ ጌቧ ዚጌኔ።

13 ዮሴፔ ዒዛኮ ላምቦ ናኣቶ ዔኪ ሙካቦ ዔፕሬኤሜ ፔኤኮ ሚዛቆ ዛላ ዒሰራዔኤሌኮ ሻውሎ ዛላ፣ ሚናኣሴ ፔኤኮ ሻውሎ ዛላ ዒሰራዔኤሌኮ ጋባንቲ ሚዛቆ ዛላ ማሂ ዔቂሴኔ።

14 ዒሰራዔኤሌ ጋባንቲ ኩጮ ፔኤሲ ሶንጌ ሃንጌ ጋኣዲ ሚዛቆ ኩጮ ጌኤዛሢ ዔፕሬኤሜ ቶኦካ፣ ሻውሎ ኩጮ ቶይዳሢ ሚናኣሴ ቶኦካ ጌሣኔ።

15 ዩካፓ ዒሰራዔኤሌ ሂዚ ጌቧ ዮሴፔ ባንጃኔ፡-

«ታ ዓደንሢ፣ ዓብራሃሚንታ ዪሳኣቄንታ ጎይቦ ዒዛሲ ሃንቲ ዒዛም ማዴያ፤ ሃሣ ታናኣ ሃኖ ሄላንዳኣና ሺምፔና ዓኣያ ማሂ ሄንቄ ጾኦዛሢ ሃንሢ ናኣቶ ኔኤም ባንጀንጎ።

16 ታና ፑርታ ባኣዚዳፓ ቢያ ካፔ ጾኦሲኮ ኪኢታንቻሢ ዔያቶዋ ካፖንጎ።

ታ ሱንጾንታ ታ ዓደንሢ ዓብራሃሚንታ ዪሳኣቄንታ ሱንጾ ሃንሢ ናኣቶ ዛሎና ዋለንቱዋያ ማቦም፤ ዜርፃኣ ዔያቶኮ ሳቦይዳ ሚርጎንጎ።»

17 ዓዴ ሚዛቆ ኩጮ ዔፕሬኤሜ ቶኦካ ጌሣሢ ዴንቃቦ ዮሴፔ ዒኔ ዲጳኔ፤ ዩያሮ ዔፕሬኤሜ ቶኦካፓ ዓደኮ ኩጮ ዔኪ ሚናኣሴ ቶኦካ ጌሣኒ ኩጮ ዓደኮ ባርቃቦ፡-

18 «ዓዴ! ያዲቱዋሴ፤ ቶይዳሢ ሃያታሢሮ ሚዛቆ ኩጮ ሃያይዳ ጌሣ» ጌዔኔ።

19 ዓዴ ጋባንቲ፡- «ታ ናዓሢዮ ታ ዔሬኔ፣ ዔሬቦ ታ ዋኦታኔ፤ ሚናኣሴ ዜርፃኣ ዴኤፒ ዴሬ ማባንዳኔ፤ ማዔቶዋ ዒዛኮ ጌኤዚ ዒዛሲዳፓ ባሺ ማባንዳኔ፤ ዜርፃኣ ዒዛኮ ዴኤፒ ዴኤፒ ዴሬ ማባንዳኔ» ጋቦ፣ ኩጮ ፔኤሲ ሺኢሺ ዒፄኔ።

20 ዒዛ ከሎ ዒሰራዔኤሌ ባንጀቦ፡- «ዒሰራዔኤሌ ዓሳ ሃጊ ባንጀ ባንጀ ዋደና ዒንሢ ሱንጾ ጳቂሢ ጾኦሲ ዒንሢ ዔፕሬኤሜና ሚናኣሴናጉዲ ማሆንጎ ጋባንዳኔ» ሂዚ ጌቧ ባንጃኔ።

ዒሰራዔኤሌ ዩያይዲ ዔፕሬኤሜ ሚናኣሴይዳፓ ቤርታሴኔ።

21 ዩካፓ ዒሰራዔኤሌ ዮሴፔም፡- «ሃይሾ ታ ሃይቃኒ ዑኩኔ፤ ጋባንቲ ጾኦሲ ዒንሢና ዋላ ማዔሢሮ ቤርታ ዒንሢኮ ዓደንሢ ሳቦ ዒንሢ ዒዚ ዔኪ ማሃንዳኔ፤

22 ዓሞራ ዓሶይዳፓ ታኣኒ ጨንቾ ዓፓሮና ዓኣዞና ያሊ ዔኬ ሴኬሜ፥ ኔ ጌርሲንሢና ዎላ ጊሽቲ ኔኤኒ ዴንቃንዳ ዛሎይዳፓ ዑሣ ዓኣዴ ኔኤሞ ታ ዒንጌኔ» ጌዔኔ።

49

ያይቆኦ ፔኤኮ ናኣቶ ዓንጃዖ ጌዔ ባኮ

1 ያይቆኦ ፔኤኮ ናኣቶ ዔኤላዖ ሂዚ ጌዔኔ፡- «ቢያሢ ሙኪ ቡኪንቲዎቲ፥ ታ ዒንሢ ሃጊ ሃላንዳ ባኣዚ ኬኤዛንዳኔ፤»

2 «ዒንሢ፥ ያይቆኦ ናኣታ ፔቲሞና ሃጊ ዎይዙዎቲ፤ ዓዳሢ፥ ዒሰራዔኤሌ ዒንሢሞ ኬኤዛ ባኮ ኮሺ ዎይዙዎቲ።»

3 «ሮኦኤሌ፡- ኔኤኒ ታ ኔና ዴጋቶ ዎልቄና ዓኣዖ ሾዔ ታኣኮ ኔ ናኣዚ ቶይዲኬ።

ታኣኮ ናኣቶይዳፓ ቢያ ቦንቲንታያና ዎልቄና ኮሺ ባሾሢ ኔናኬ።

4 ያኣዴ ማዔቶዎ ኔኤኒ ኩሜ ዲጲፓዲታሢሮ ቢያሢኮ ዑፃ ማዒ ዎይሣያ ማዒሢ ኔኤሞ ኮይሱሞሴ፤ ዎይቲ ጌዔቲ ታና፥ ዓዶኮ ማዶ ማዳ ላኣሌሎ ኔ ዓርቂ ዓርሶዎ ኔ ታኣኮ ዒኢሴኔ።»

5 «ሲሞኦኔና ሌዊና ዎሊኮ ጌርሲንሢኬ፤ ፑርታ ማዶ ማዳኒ ዔያታ ያልዚ ዓንጋሞ ዔካያኬ።

6 ዔያታ ፔ ዳጎና ማርጌ ዓቲንቂ ዎዴኔ፤ ጌማቶ ዔያታ ማኢጨ ዓማላኒ ቲቂ ዎቢሴኔ፤

ዔያቶ ዘርይዳ ታኣኒ ጌላዓ፤ ዔያቶኮ ቡኪንቲይዳኣ ታ ጴዳዓ።»

7 ዴኤፖ ዔያቶኮ ዒጊቻ ዳጋ ዴኤፖ ጎሪንታ ዔያቶኮ ጋዳንቂንቲያ ማዖንጎ።

ታኣኒያ ዔያቶ ዒሰራዔኤሌ ዓጮይዳ ቢያ ዜርቃንዳኔ፤ ዴር ባኣኮይዳኣ ታ ዔያቶ ላኣላንዳኔ።

8 «ዪሁዳ! ኔና ኔ ጌርሲንሢ ጋላታያ ማዓንዳኔ፤ ኔ ሞርኮ ኔ ባሻያ ማዓንዳኔ፤ ኔኤኮ ጌርሲንሢ ሂርኪ ጌዒ ቦንቾ ዔኤሊሢ ኔና ዔኤላንዳኔ።

- 9 ዪሁዳ፣ ሃጊ ዲጫ ዓዴ ዘቢኬ፤
 ሙዖንደ ባኮ ከሚ
 ጌሊ ዋርቃ ዔቶ ባንሢ ማዓንዳኔ፤
 ሃሃ ዒጊጩዋዎ ፔና ሃሺ ለሃንዳኔ፤
 ዒዛ ባጊሢ ጴቻኒ ጫርቃንዲያአ ጴዳዓኬ።
- 10 ዴራ ቢያ ዒዛሞ ዓይሢንታያ ማዓንዳኔ፤
 ናንጊና ዔያቶይዳ ካአታዳንደሢ ሙካንዲያ ሄለንዳአና
 ካአቱሞ ቢታንቶ ዪሁዳ ማአራፓ ኬሰካዓኬ።
- 11 ሃሮ ፔኤኮ ዒ ዋይኖ ሚዖኮ ፃጶይዳ
 ሃሮ ናዖ ዋይኖኮ ባልጌ ኮኮ ካአፖይዳ ቱካንዳኔ፤
 ዓፒሎዋ ፔኤኮ ዒ ዋይኖ ዑኮና
 ዒዚ ገልዲማ ገልዲሞዋ ሱጉሢጉዲ ዘቃ
 ዋይኖፓ ጩኤጶና ዑኮና ማሰካንዳኔ።
- 12 ዓአፓአ ዒዛኮ ዋይኖ ዑኮይዳፓ ባሺ ዘቃንዳኔ፤
 ዓጫ ዒዛኮ ዲኢቂዳፓ ዑሣ ዓአዴ ቦኦራንዳኔ።»
- 13 «ዛብሎኦኔ፥ ባዚ ዓቺዳ ናንጋንዳኔ፤
 ዒዛኮ ባዘ ዓጮይዳ ዓአ ቤዛ ዋአሢ ካአሚሌ ሙኪ ዔቃ ቤሲ
 ማዓንዳኔ፤
 ዒዚ ናንጋንዳ ዓጮኮ ዛጳ ዴንዲ ሲዶና ሄለንዳአናኬ።»
- 14 «ዪሳኮኦሬ፥ ጫአኖ ባአካ * ለሂ ሺራ ደዲ ሃሬጉዴያኬ።
- 15 ጋዓንቴ ዒዚ ሃውሻንዳ ቤዘና
 ሳዖና ኮሺ ዋዛሳያ ማዔሢ ዴንቃዖ
 ጫአኖ ዒካኒ ጌኤቶ ፔኤሲ ሃርኪዳንዳኔ፤
 ካራሚጉዲ ደዲ፥ ዋልቁ ማዶዋ ማዳንዳኔ።
- 16 ዳአኔ፡- ዒሰራዔኤሌ ፃጶፓ ፔቱሢ ማዒ ፔ ቶኦኮኮ ጌሰቲ ዋጋያ
 ማዓንዳኔ።
- 17 ዳአኔ ጎይሢ ዓቺዳ ዓአ ሾኦሺ ማዓንዳኔ፤
 ባቁሎ ቶጊ ዓአዳሢ ባቁሎይዳፓ ሎንሣኒ
 ጎይሢ ፀኡቤ ካራይዳ ካቲ
 ባቁሎኮ ሹቁሎ ዳዓ ዶርባ ሾኦሺ ማዓንዳኔ።»
- 18 «ናንጊና ናንጋ ጎዳሢዮ!
 ታ ኔኤኮ ዳቂሺዖ ካፓንዳኔ።»

49:9 ጋይ. ማፃ 24:9፤ ዮሃ. ዖፔጳ 5:5። * 49:14 ጫአኖ ባአካ ጋዓዛ፡- ዪሳኮኦሬኮ
 ዓጫ ለምዖ ዲካ ባአካ ዓአ ዶኦቺ ቤሲ ማዔሢ ዔርዛያኬ።

19 «ጋኣዴ፡- ቡራ ዓሲ ኮሺ ማታሳንዳኔ፤
 ዒዚያ ኮጲሲ ዓኣዲ
 ዔያቶ ዳውሳንዳኔ።»

20 «ዓሴኤሬ፡- ሳፆይዳፓ ሚርጌ ሃኣኮ ዴንቃንዳኔ፤
 ካኣቶም ዒንጎንደጉዴ ቃራ ካሣኣ ካሣንዳኔ።»

21 «ኒፕታኣሌኤማ፡- ማታባኣያ ሃንቲ ሃንቲ ናንጋ
 ሚርጌ ሚዛጲ ናይ ሾዓ
 ጌንፆጉዴያ ማዓንዳኔ።»

22 «ዮሴፔ፡- ዓልቃ ዋኣሢ ዓሸካ ቱኮናያ
 ባልጊ ዴንዳ ካኣፓ ኮጨይዳ ባልጊ ዴንዲ ዓኣፓ ሚሢጉዲ
 ማዓንዳኔ።

23 ዒዛኮ ሞርካ ዒዛ ዳውሲ ዳውሲ ሚርጌና ማታሳንዳኔ፤
 ሂኢሺናኣ ዔያታ ዒዛ ዴካንዳኔ።

24 ጋዓንቲ ሚርጌ ዶዲ ማዔ ያይቆኦቤ ያኦዛሢ ዋልቆና
 ዒሰራዔኤሌ ሃንቃሢና ካፓሢናኮ ዶዴሞና

ዒዛኮ ዓኣዛ ባሺ ዶዲ ማዓንዳኔ፤
 ዋልቃኣ ዒዛኮ ዶዳንዳኔ።

25 ኔኤኮ ዓዶ ያኦዛሢ ኔና ማኣዳንዳኔ፤
 ቢያ ባኮ ዳንዳዓ ያኦዛሢ ጫሪንጫፓ ዒርዚ

ሳፆኮ ዴማፓ ዋኣሢ ኔኤም ዒንጊ ኔና ዓንጅንዳኔ፤
 ሃሢ ሚርጌ ቆልሞና ናይና ኔኤም ዒዚ ዒንጋንዳኔ።

26 ሚናፓ ዶዲ ማዒ ናንጋ ዲኮና
 ናንጊና ናንጋያ ማዒ ዓኣ ጌሚርናይዳፓ
 ጴዳ ዋዛሳ ዓንጅ ቢያሢዳፓ፡ ኔ ዓንጅ ባሻያኬ።
 ዓካሪ ሃይ ዓንጅ ቢያ ዮሴፔ ቶኦካ ማፆንጎ፤
 ጌርሲንሢ ባኣካ ሱኡጌ ማዔ፣ ዮሴፔ ቶኦካ ኬዶንጎ።»

27 «ቢኢኒያማ፡- ቡሪ ዔካ ያኣዮጉዲኬ፤
 ጉቲ ዓሚ ዒ ኬሚ ዴንቄ ባኮ ፔኤር ሙዓንዳኔ፤
 ዋንቲ ኬሚ ዴንቄሢ ጋዓንቲ ዒዚ ጊሸካንዳኔ።»

28 ዓካሪ ሃኣታ ታጳ ላምዓሢ ዒሰራዔኤሌ ፃጳኬ፤ ዓዴ ዔያቶ
ዓንጅፆ ፔቲ ፔቲሢም ኮይሳሢጉዴ ዓንጅ ዒንጌሢ ዴያይዲኬ።

ያይቆኦቤኮ ሃይቦና ዴኡቲያና

29 ዩካፓ ያይቆኦቤ ፔናኦቶ፡- «ታኣኒ ሃይቂታ ዒጊና ኮራ ዓኣዳንዳ ዋዳ ሄሌኔ፤ ዩያር ሄቲ ዓሢ ዒፕሮኦኔ ጎዡ ዓጫ ዔታ ዓኣ ቤዛሢዳ፤ ታ ዓደንሢ ዲኡቲ ቤዛ ታናኣ ዋላ ዒኢካ ዲኡኩዋቲ፤

30 ዩይ ዴዮ ዔቶ ቤዛሢ ካኣናኔ ዓጮይዳ ማሚሬ ጎዶ ቤዘኮ ዓባ ኬሰካ ዛሎና ማክጸላይዳ ዓኣሢኬ፤ ዓብራሃሜ ዩያ ዴዮ ዔቶኮ ዓኣ ጎዡ ዲኡፕ ቤሲ ማሂ ሻንቄሢ ሄቲ ዓሢ ዒፕሮኔይዳፓኬ።

31 ዓብራሃሜንታ ማቾ ሳኣራንታ ዩሳኣቄንታ ማቾ ዒርቢቃንታ ዲኡቲሢ ቢያ ዒኢካኬ፤ ታኣኒያ ታ ማቾ ሊያ ዒኢካ ዲኡኬኔ።

32 ጎዡንታ ዴዮ ዔቶ ቤዘንታ ሻንቄንቲሢ ሄቲ ዓሳይዳፓኬ፤ ዩያር ታና ዒኢካ ዲኡኩዋቲ» ጌሢ ዓይሢ።

33 ያይቆኦቤ ፔኤኮ ናኣቶ ዓይሢ ጋፔሰካፓ፡ ጊንሣ ላሃማና ሹምፓሢ ዒዛኮ ዲጳኔ።

50

1 ዓማና ዮሴፔ ዓደኮ ሌዘይዳ ሎኦማዮ ዓኣፖ ካር ሄርቂ ሄርቂ ዩኤኬኔ።

2 ዩካፓ ዒዛም ማዳያታዮ ዴኤሻ ኮሻ ዓሳ ዓደኮ ሌዘ ዲኡፖም ጊኢጊሺ፡ ሙርዑዋዮ ሚርጌ ዴይሣ ዴኤሾናኣ ቲሽኩም ዓይሢ።

3 ዴኤሾ ኮሻ ዓሳ ሌዘ ዲኡፖም ጊኢጊሻኒ ያይዳታሚ ኬሊ ኩርሴኔ፤ ዩዮ ዋዶና ሌሲ ዲኡከንታኒ ጊኢጊሺንታሢ ያዲ ኬሊዳኬ፤ ጊብፄ ዓጮ ዓሳ ላንካይታሚ ኬሊ ጉቤ ያይቆኦቤ ዩኤኬኔ።

4 ዩኤፓ ጋፓዛ ዮሴፔ ካኣቲኮ ዴማ ማሢ ዋይሣ ዓሶ፡- «ሃዳራቲ፡ ዒንሢ ታኣም ዔኤዓያታቲ፡

5 <ዓዴ ታኣኮ ሃይቃኒ ዑካዮ ካኣናኔ ዓጮይዳ ዒዚ ኮሼ ዲኡፖ ቤዘይዳ ታ ዔኪ ዓኣዲ ዒዛ ዲኡካንዳጉዲ ታና ጫኣቂሴኔ፤ ዩያር ታ ዓደ ታኣኒ ዒኢካ ዔኪ ዓኣዲ ዲኡኪ ማዓንዳኔ ጌሢ ኔና ያኣጫኔ ጌይ ካኣቲም ከኤዙዋቲራ» ጌዔ።

6 ካኣቲ ዩያ ዋይዘዮ፡- «ኔኤኒ ጫኣቂ ጎይዮ ዴንዲ ኔ ዓደ ዲኡኬ» ጌሢ ዮሴፔ ዓይሢ።

7 ዩያር ዮሴፔ ዓደ ዲኡካኒ ዓኣዴኔ፤ ዒዛና ዋላ ካኣቲኮ ዴማ ማሢ ዋይሣ ዓሶንታ ካኣቲ ማኣርይዳ ዓኣ ዴኤፖ ዓሶንታ ማሌ ሃሣ ጊብፄ ዓጮይዳ ቢታንቶ ዓኣ ዓሲያኣ ዓኣዴ።

49:30 ማኸ. ማፃ 23:3-20። 49:31 ማኸ. ማፃ 25:9-10፤ 35:29። 49:33 ዲኪ. ማዳ 7:15። 50:5 ማኸ. ማፃ 47:29-31።

8 ይህን ድምፅ የሰጡ ማኅረፍ ዓሳ፣ ገርሲንሢ፣ ዲዛኮ ዓዶ ማኅረፍ ዓሳኦ ሲያ የሰጡና ዋላ ዓኣዳኔ፤ ጌኤሴኤሜይዳ ዓቴዘንሢ ዳኮ ናኣቶና ማራቶና ዋኣሮና ሌሊኩ።

9 ሳርጌሎ ያይቶና ዓኣ ዓሳንታ ፓራሢ ቶጊ ዓኣዳ ዓሳንታ ዲዛ ጊንዖ ዓኣዳኒ ከሰከኔ፤ ዲማና ዲዛና ዋላ ዓኣዳ ዓሳኮ ፓይዳ ኮሺ ዲቢኩ።

10 ዔያታ ዳንዲቤቃ የርዳኖሴ ዋሮኮ ዓባ ከሰካ ዛሎና «ዓፃዴ» ጌይንታ፡ ሃኣኮ ሸርኮ ቆይዳ ሙኪ ሄሌኔ፤ ዲኢካ ዔያታ ዑኡዞ ፔኤኮ ዳጊዲ ዲላቲ ዩኤከኔ፤ የሴፔ ዲኢካ ለንካይ ከሊ ቢያ ፔኤቂ ዩኤከኔ።

11 ዲዛ ቤዜሎዳና ናንጋ ካኣናኔ ዓጮ ዓሳ ዓፃዴ ቆይዶይዳ ዩኤከንታ ዩኤፖ ዛጋዖ፡- «ሃይ ጊብፄ ዓጮ ዓሳ ዲኔ ሜቂ ዩኤካ ዩኤፓ ዋዚጉዳ ዩኤፕዳይ?» ጌዔኔ። ዩያ ዛሎና ዩኖ የርዳኖሴ ቦኣሎይዳ ዓኣ ቤዜሎ ሱንዖ «ዓኣቤኤሌ ሚራይሜ» ጌይንቲ፤ ዩኖኮ ቡሊዖ ዔብሬ ዓሳ ሙኡጮና «ጊብፄ ዓጮ ዓሳኮ ዩኤፖ» ጌይሢኩ።

12 ያይቆኦና ናኣታ ዩያይዲ ዓዶኮ ዓይሢዖ ኩንሢኔ፤

13 ሌዞ ዔያታ ካኣናኔ ዳንዳ ጎይዖ ዓጮ ዓኣ ሜሚሬ ጎዖ ቤዘኮ ዓባ ከሰካ ዛሎና ዔታ ዓኣ ቤዛ ማክጶላይዳ ዱኡከኔ፤ ዩይ ዳኖ ዔቶ ቤዛሢ ጶዳሢ ዓብራያሜ ዱኡፕ ቤሲ ጌዲ ሄቴ ዓሢ ዔፕሮኔይዳፓ ሻንቂ ጎዞ ዓጮኩ።

14 የሴፔ ዓዶ ዱኡከሰካፓ ፔኤኮ ገርሲንሢና ሃሃ ዲዛ ጊንዖ ዱኡፖሮ ዓኣዳ ዓሳ ቢያሢና ዋላ ጊብፄ ዓጮ ማዲ ሙከኔ።

የሴፔ ፔ ገርሲንሢ ዲኖ ዶዲሼሢ

15 ዓዴ ሃይቁሢኮ ጊንዖ የሴፔኮ ገርሲንሢ ዋሊ ኮራ፡- «ጎዖንቲ የሴፔ ኦኡና ዋላ ፑርቲ ዲዛ ዑፃ ኦ ማዳ ጌኖሮ ኦና ኮማኒ ኮዔቶ ኦ ዋይታንዳይ?» ጋዓዖ።

16 የሴፔም፡- «ኦ ዓዴ ሃይቃንዳሢኮ ቤርታ፡

17 ኔ ገርሲንሢ ኔ ዑፃ ፑርታ ባኣዚ ማዲ ዳቤያታቶ ዔያታ ማዳ ፑርቶ ባኮ ዳቢንቲ ማሂ ፓይዲ ዓርቂፓ ጌዲ ኦ ኔኤም ከኤዛንዳጉዲ ዓይሢኔ፤ ዩያሮ ኦኡኒ ኔ ዓዶ ያኣዛሢኮ ዓይላ ኔ ዑፃ ፑርታ ማዳ ባኮ ቢያ ዓቶም ኔኤኒ ጋዓንዳጉዲ ኦ ሸኢቃኔ» ጋዓ ከኢታ ከሲ ዳከኔ። ዩያ ዔያታ ጌዲ ዳከሢ የሴፔ ዋይዛዖ ዩኤከኔ።

18 ዩካፓ ዲዛኮ ገርሲንሢ ዲዛ ቤርቶ ፔኤሮ ሸኢካዖ ሂርኪ ጌዲ ቦንቾ ዔኤሊሢ ዔኤሊ «ኦኡኒ ቢያሢ ኔ ካራሚኩ» ጌዔኔ።

19 ጋዓንቴ ዮሴፔ ዔያቶም፡- «ዒጊጨገጥቴ፤ ታና ያኦሲ ቤዘይዳ ያኦኒ ጌሣይ?

20 ዒንሣ ጎኔና ታጊዳ ፑርታ ማሊሣ ማሌያታንቴ ያኦሲ ኮሺ ባኣዚ ማሣ ሺርሼኔ፤ ዬያ ዒዚ ማዳሣ ሃሣ ሺምፖና ዓኣ ሚርጌ ዓሶ ደቆሻኒ ጌዒኩ።

21 ሃሣ ዒንሣ ፔቴታዎ ዒጊቻንዳ ባኣዚ ባኣሴ፤ ታኣኒ ዒንሣንታ ዒንሣኮ ናኣቶንታ ሙኡዘንዳኔ» ጌዔኔ። ዮሴፔ ዬያይዲ ኮሺ ዑኡሲና ዒኖ ዔያቶኮ ዶዲሼኔ።

ዮሴፔኮ ሃይቦ

22 ዮሴፔ ፔኤኮ ዓዶ ማኣር ዓሶና ዎላ ጊብፄ ዓጮይዳ፣ ሌዓ ዒዘኮ ፄኤታና ታጶ ሌዔ ማዓንዳኣና ናንጌኔ፤

23 ዒዘኮ ናኣዚ ዔፕሬኤሜ ናኣቶንታ ናኣቶኮዎ ናኣቶ ዛጋንዳያ ሄላንዳኣና ዴዔኔ፤ ሚናኣሴ ሾዔ፣ ማኪሪኔ ጎዎሣኮዎ ናኣቶ ፔ ናይ ማሣ ዔኩኔ።

24 ዬካፓ ዮሴፔ ጌርሲንሣም፡- «ሃይሾ፣ ማይ ታ ሃይቃንዳ ዎዳ ዑኩኔ፤ ያኦሲ ፔኤኮ ማኣዲያና ዒንሣ ዛጋንዳኔ፤ ሃያ ዓጫፓኣ ዒንሣ ኩሲ ዔኪ ዓብራሃሚንታ ዪሳኣቄንታ ያይቆኦቤንታም ዒንጋኒ ጫኣቄ ዓጮ ማሣ ዳካንዳኔ።

25 ያኦሲ ዬኖ ዓጮሎ ማሣ ዒንሣ ዳካ ዎዶና ታኣኮ ሌዘ ሃይፓ ዔኪ ዓኣዳኒ ታኣም ጫኣቁዋቴ» ጌዒ ዔያቶ ጫኣቁሴ።

26 ዮሴፔ ሌዓ ዒዘኮ ፄኤታና ታጶ ሌዔ ማዓዛ ጊብፄ ዓጮይዳ ሃይቄኔ፤ ዓሳ ዒዘኮ ሌዘ ሙርዒሱዎ ሜልዛ ዴኤሻና ቲሽኪ ዲኡፕም ጊኣጊሼሰካፓ ሳኣፄኔ ጋርካ ዓጊ ጌሣኔ።

50:25 ኩሲ. ማፃ 13:19፤ ዓ.ያ. 24:32፤ ዔ.ብ. 11:22።

ጌሌዢ ማግኒት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማግኒት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929